

蘆山縣志 卷之二

223

書號	
登記號	二八二〇七
函冊	二

地 280.335  
82  
1.2



字號	A112:1
收到日期	34. 8. 25
卷	20
冊	



蘆山縣志

李善復題

蘆山縣志序

蘆山爲縣當洙水青衣之會靈關旣闢斯稱陝區舊雅州府六屬之一也民國二十八年春西康改建行省文輝奉命主省政寧雅兩府各縣自名山外改隸本省蘆山之屬康自茲始又一年縣長宋琅延劉天倪主修縣志逾年而殺青請序其端蘆山之有志亦自茲始初倭人內犯漸近畿疆國都乃西移四川西康如輔車之相依物產豐饒衣裳雲合識者以中原板蕩戎狄交侵中興饒吹遠奏於邛夔生聚教訓之區舍此莫屬文輝受命於是忽焉三載凡所措施無不與民同休戚也夫立國之本貴乎得民心未泯事迹昭然況中華開國至早漢唐明清餘威震於殊俗此數千年間所孕育之文明足以加強民族之自信力故孝於家忠於國者比比皆是凡讀縣志同仇之念莫不油然而生後之人咸識其乃祖若宗締造之艱巨今我子孫處境固又何如哉方志乃鄉邦文化之總會本爲一地方之記載然合之則爲全國之記載夫籍談數典忘祖史家猶然譏之方志之要繇來舊矣今覽是書綱舉目張其志食貨不厭求詳西康之富國人共矚則當於各縣食貨志中以求印證洪範八政此爲先務矣居是邦者舉凡忠義孝友名宦鄉賢之遺風皆可廉頑立懦何況鄉人愛鄉發自天性執干戈以衛社稷代不乏人敬恭桑梓知所矜式更當於方志中徵之至於此志獨闢蹊徑信而有徵當簿書殘缺之際而計日以成尤爲難能可貴足見西康筭路藍縷之功何處無之來吾導夫先路後之覽者烏可忽乎哉中華民國三十年八月劉文輝序

蘆山縣志

卷首

蘆山縣志序

少讀楊升庵先生全蜀藝文志載漢領校巴郡太守樊府君碑前此趙明誠金石錄亦著之稱樊敏幼好學治春秋嚴氏經有聞當世二牧累辟未就嘉遜以終石故在四川雅州府蘆山縣蓋建安十年三月立是蘆人物漢末已有著者蘆山與余鄉接壤往會巡履其境讀碑亭下今夏縣志成縣長宋珥總纂劉天倪齋藁來索余序亟起檢之志所載樊府君碑見藝文略中攷釋頗詳瞻余惟蜀中疆域至廣如遵義諸地古皆屬蜀洪厓刻石好古之士類能言之昔鄭子尹先生命其弟往綦江吹角壩輦石以歸且賦詩張之爲黔中刻石壯行色是蜀刻而稱黔石者今蘆山自民國二十八年始由行政院令劃歸西康樊敏一片佳石又當爲西康生色不少矣蘆山古爲漢嘉縣自隋始更今名界六番土司地羌戎密邇常受侵擾降至清代未免荒徼縣志闕如文獻莫徵不有斯志千百年後益難攷信清末邑人周鳳山曾發憤草志而未果今竟能絕無依傍成此鉅觀余固歎其難嘉其勇也斯志凡略七表四其曰列傳日記則未分卷不囿於成例不假於舊文有足多者志並云蘆溝橋事起倭人犯我京滬空軍壯士樂以琴數

蘆山縣志

卷首

創敵卒爲國殤海內無大小咸知有樂烈士者以琴故蘆山人此堪與樊敏豐碑共不朽志中闕訪列傳本史闕文之遺意夫夏五郭公春秋所不廢例至善也至蘆人捍衛鄉土諸役雖細在一隅亦奮筆直書具見隱微之旨其他犖犖大端覽者當自得之余衰無文曷足摛藻謹就蘆之可稱者表而出之辛巳閏六月叩喙段班級序

蘆山縣志序

方志之由來久矣周禮外史掌四方之志注謂若晉乘魯春秋楚檮杌之類固一域之全史國史每資以取裁春秋之憑藉乎百國寶書是其例也

方志之作不特表章文獻亦以輔翼政教蓋考古徵今興末起俗因地制宜乘時應變皆爲求治理者之所重而方志紀疆域山川物性土宜風氣俗尙戶口賦役典制掌故藝文古蹟名宦鄉賢忠孝節義等聲譽言之不厭其詳豈以資談助而已哉抑將供後來者之擘覽知所先務也

蘆山自隋仁壽三年置縣迄今已二千餘載舊志佚亡未嘗補修富順宋孝持先生令蘆以來深以此爲念亟亟延聘高才從事纂輯可謂得治之體要矣書成問序於予予久羈戎馬不嫻文事徒以蘆與桑梓鄰近蘆之紳耆復多故人不可以固辭爰於捧誦之餘就所聞見陳一二焉

方志紀載貴乎詳瞻文獻有所不足則旁徵博采以期有功章實齋曰邑志雖小體例無所不備考核不厭精詳折衷務祈盡善所有應用之書自省府鄰境諸志而外如二

蘆山縣志

卷首

十一史三楚文獻錄一統志聖祖仁皇帝御纂方輿路程圖大清會典賦役全書之屬俱須加意採訪他若邑紳所撰野乘私記文編稗史家譜圖牒之類凡可資搜討者亦須出示徵收博觀約取其六曹案牘有關政教典故風土利弊者概令錄出副本一體送館以憑詳慎詮次庶能鉅細無遺永垂信史蘆山屢經兵燹文物蕩然纂輯志書遂謂史實無可考而於地理建置食貨典禮學校藝文政績等七門概以略名雖曰意在謙謹實亦紀敘簡略似於章氏所指採訪搜討詳慎詮次各項未嘗勤用其力焉

人物之屬忠孝節義者列傳當加意摹寫有聲有色百世之下如見其人非徒使其正氣凜烈著於萬古亦將令聞其風者貪夫廉懦夫有立志裨益世教良非淺尠而文人修志於景物流連典故考訂之處不惜逞其詞筆以誇博雅一至忠臣孝子義夫節婦則寥寥數行無所逞才闕者索然寡味何能興起夫搜羅不過數十年採訪不過百餘里倘能加意結撰何至一略如此此又方志之通病未可以非此志也

圖象爲無言之史司馬遷作史記有表無圖識者非之方志之中若輿地建置水利等皆可取其有關經要而規方形勢所必需者繪之爲圖圖不詳而繫之以說說不顯而

實之以圖文省而事無所晦形著而言有所歸誠史學之微妙邑乘之精要也此志於圖付之闕如似又不無可議焉

修志之事予所未嘗經歷其中甘苦固不深悉徒因宋君之請遂憑前賢之所論及者漫爲陳說知不免放肆忘形之罪矣雖然序之爲文本以述著作之意惜古人每自爲之叔世尙巧僞者或請之王公大人則意在借光或屬之相契友朋則意在標榜而序之本義失矣宋君與予交厚其所禮聘之修纂者又予素所仰慕以序命予意自不在乎一諛而蘆不殊予桑梓本敬恭之義亦自不應徒貢一諛也昔孫星衍編問字堂集不諱他人之指摘列錢大昕江聲王朝樞張祥雲阮元等評論之書牘於簡端題曰贈言識者多焉近世梁啟超胡適等爲人作序亦多爲是非之探討直抒所見不定爲作者譽揚蓋學問本天下公物見仁見智難以強同此序亦不過力去巧僞而爲中心之所欲言耳賢達者當有以諒之况蕞路襤褸之功可巨萬古而不滅予之言何足以爲此志輕重哉中華民國三十年辛巳榴紅照眼榮經陳耀倫序於雅安蒼屏山半隨塵居

蘆山縣志序

蘆山有志蓋始於清康熙間撰者邑孝廉竹全仁氏書凡二卷世無傳本今但於雅州府志舊載康熙乙未及庚子邑令楊廷琚劉時遠先後所撰志序見其崖略而已逮民國肇建邑人周鳳山廣文篤意鄉獻發憤續修六閱寒暑草稿略具而廣文遽以病歿其後蜀亂日熾蘆山雖僻處邊隅亦迭經兵燹流亡縱復彫瘵未蘇空是邑者輒以地方民生財力交困於茲舉蓋未遑也民國二十八年西康建省大邑劉公主省政勵精文治化洽遐荒躬逢盛美來守茲土以此邦史乘自幼習聞聽政之暇於邑文獻之可徵者亦嘗諮而訪焉適周煥文焜文昆季來晤謂先人編次志稿手澤尙存丁世艱阨遷延未梓迄今廿餘載抱殘守闕散佚已多繼以授珉讀之義例差備遂不揣固陋召集城鄉紳董及各法團籌修邑志以竟廣文未畢之功衆議僉同爰聘巴縣劉君天倪董其事邦人君子暨慕中諸友皆勤贊之廣事徵採纂錄維勤越歲惠恩告厥郡十卷而蘆邑史實既多失考述其概要故名曰略已詳劉君敘例若廣文原稿之可採者仍存其舊並錄其自序於卷首以志緣起讎校數過行鈔襲梨願繼於資乃議將二十

蘆山縣志

卷首

八年本縣奉令修築川康乾冷公路經費又地方所籌補助費之節餘國幣三千餘版曾呈准儲爲縣中建設交通文化之用者卽以移作刊志費用不敷之數仍由地方經費積餘款內撥支並各法團紳董捐助之俾竟程功簽請民政廳長段公以聞於省主席劉公幸得俞允而珉適於其時改令瀘定繼珉來者什邡張君鳳賓亦故人也因以志稿請卒業焉夫蘆山之爲縣舊矣自漢武使通西南夷相如鑊靈關定卽笮斯稱天險隩區其疆域沿革之要山川人物之美以及文章功業德行之流傳人口者久爲世重苟無邑志曷足以興後人之觀感哉斯則宰此土者固當有以慰邑父老之望而珉與張君之爲亦要非苟作可知也中華民國三十年辛巳秋富順宋珉倚裝書於雅安蒼屏山居

蘆山縣志序

辛巳之秋宗嗣來令蘆山邦人君子既畢舉其山川之夷險風俗之厚薄相告復以邑志觀成爲請因就其草視之則近時巴縣劉君天倪之所輯也始勝清康熙間邑人竹冬茁首創志稿民國初元周鳳山又踵爲之皆未粹行二十八年西康建省縣自四川改隸主席劉公博隆雅化以爲一國之政繫四方之風茲土雖處邊陲然文獻不可缺也由是諸縣漸重邑乘而倡言纂修者蘆山最先劉君之爲實緣斯議今取三本相校則周多因竹劉又因周其綱目或殊而徵材聚事大同小異信乎慮始之難矣余旣感諸君之勤重邑父老之意更惜其義法之不盡純美且未成也因乞邑中諸名士依劉本凡例汰其蕪雜增益其所未備淹歷二稔然後稍稍可觀其舊本目錄敘文之屬並附卷首以示源流之有自抑亦前修之功不可沒也夫禹域名城厥數千百其間魁儒傑士多矣而百餘年來篤意鄉獻者不少概見若蘆山壤地褊小非通都大邑之儕其老成人獨恥志之不完懼聲聞之弗克顯於中國竭全力排萬難以成之則踵事增華來日必臻於盡善盡美矣是十卷者又烏可以其簡略而忽之與癸未元春什邡張宗

蘆山縣志

卷首

翻謹序



清蘆山令楊廷琚縣志舊序 康熙五十四年

天下有天下之志一方有一方之志天下之志蓋集四方而成之者也如禹貢周禮凡貢賦職守風俗土產靡不具備總以太平一統王道之經緯所必及也蘆山以彈丸天末獨造一隅於叢山峻嶺之間漏閣鑿之夏王靈山鏤之漢使自唐虞迄今四千一百餘年列之版圖其間山川之源委命名之同異城池之遷建學宮衙署之興廢以及賦稅人民之繁耗人物文章之盛衰自應無不備載邑乘之中其如甲申兵燹文獻一空則前無所稽後無所鑒非一方之缺事乎雖屢奉編音加意纂修然僅附之蜀志雅志而蘆志尙未分成則十室之忠信十步之芳草未免無所遺也况國家治平日久蘆固巖疆而科甲宏開戶口增益廬室參差煙火百里倘無紀載何以表揚聖天子之德澤無疆乎予以浙東書生叨宴瓊林奉簡命來守茲土於今四載恒欲取一邑之建置沿革以爲一書乃詢之邑人僉曰竹全仁字冬茁乃祖水生以川南宿學名儒墨莊素富冬茁繼述博聞不事時執沉潛理學筆底古奧予公餘延見囑以纂修借孝廉竹錦堂副薦王化行以及庠齋恒齡竹子啟泰陳子輩淨掃閒軒三匝角軫引總志州志爲質

蘆山縣志

卷首

疑探斷簡殘編爲證據參之以輿圖考之以史載粗成二冊予復遍訪紳士質之父老毫無差謬校而訂之以付之梓一邑之山川命名城池學宮衙署賦稅人民人物文章燦若指掌更因吟詠以考風俗申表揚以觀治化仰聖朝之涵育熏陶富路之澤流春盎化白蒂黃芽爲醴泉芝草變荒煙斷隴爲景星慶雲卽一邑而天下之昇平加隆往昔可概推矣將來採風者上之丹陛附之圖尾一邑之志不幾集成天下之志乎予得序之以弁其端

清蘆山令劉時遠縣志舊序 康熙五十九年

夫今日之志卽異日之史也稗官野老之傳聞爲鸞臺鳳閣之參稽其所關豈淺鮮哉必其事實其考確而後遠近誦之太史採之雖一邑之小美片善亦與麟之遊鳳之儀同爲聖朝之瑞也予以謹樸士謬叨蘆宰甫下車欲訪一邑之士習民風以爲致治先資越三日竹生全仁來謁器宇峻偉丰度方嚴所陳悉以厚人倫培風俗爲主望而知爲深造有得者遠不與俗學類遂詢以古志全仁則謂志雖已亡而耳學猶在尙可約略其大概前陞銓部沈君曾命草創名山李君視篆蘆邑曾專囑編次悉未果幸前任楊君於戊戌年商推彙纂成冊不及梓以病解綬然其書尙存也繼攜以示予觀其古蹟風景序次井然而羨沈李諸君於塵埃中識一邑之文獻創其模於先更羨冬茁遇楊君能任一邑之文獻成其美於後將來操珥筆之權者探奇叱馭於靈關道左未必無所取益也冬茁銘然有吟亦莊亦屈中庸有衍可董可劉今年已六旬矣而貌若強壯聲語四達非學養之醇豈何能若是若予於蕭待罪三載雖鹿鹿簿書而事必按實勤拙悉所不計檢閱此志切而不浮簡而不漏與予心深有合者故捐俸助劖願以成

蘆山縣志

卷首

前同官諸君子之雅意適逢州憲楊大人以關西家傳開府貴胄來牧是邦山川增韻草木騰輝首列名御實爲此志展卷生色予幸託宇下束乎典型太史公謂尾附而益顯者不幸茲乎是爲序

竹冬菑先生蘆山縣志舊稿目錄

序 賜進士出身知蘆山縣事楊廷琚 清乾隆五十四年

文林郎知蘆山縣事劉時遠 清乾隆五十九年

卷上

路界 形勝 星野 山川 建置沿革 貢賦 城池 衙署 樓閣 關梁

附水堰 風俗 秩官 學宮 名宦 附循吏 鄉賢 學校 仕宦 科第 隱

逸 第孝 流寓 古蹟 附清衣水

卷下

誥勅 墳墓 祠祀 土產 仙釋 寺廟 坊表 縣景 風詩 籌邊

蘆山縣志

卷首

冕宵教諭邑人周瑞岐蘆山縣志舊稿序 民國七年

蘆志之殘毀久矣自康熙以來二百有餘歲兵燹相承簡帙放絕卽搢紳世家所抄存者概無完本體例且復乖謬生茲土蒞是邦者旣不知建置沿革之由起亦無由攷政教風土之美惡豈非一邑之大缺點歟清鼎旣革百廢俱舉以關係最重要之縣志付之闕如寧足發皇新猷贊襄郅治哉此邦人士之責也壬子夏瑞岐解組歸來陳公興庠屬修志稿本旋受代去羅徐鄒蕭諸公屬續歲事昔江文通曰修史之難無出於志緣志爲文獻所繫非具有才學識三者不爲功瑞岐以眇眇之身奚克膺此竊不自料克完絕篇夫邑之有志不但發潛德之幽光啟後進之人才也實與政事相表裏俾觀者知一邑之規模含潤於胸中然後參加以耳目之所及詢訪之所得慮旣密處自當而一邑蒙其庥矣是故吾於氣候之寒煥關梁之險易田土之肥磽人物之情狀分門別類標著簡篇其他美利何以興積弊何以除賦稅何以平政教何以廣何以息訟獄何以弭盜賊何以圖久遠何以備不虞曩修特詳爲行政者之助第言質無文搜羅未富後之君子嗣而輯之加以潤色則幸甚焉

蘆山縣志

卷首

周鳳山先生蘆山縣志舊稿目錄

卷首

序文 凡例 圖畫

卷一

天文志

星野 附井馬鬼屬說

卷二

氣候志

氣候 附四時農宜表

卷三

輿地志

沿革 疆域 附形勝 城池 山川 關梁 水利 公署 古蹟 廟壇 金

石 附器物譜

蘆山縣志

卷首

卷四

風俗志

風俗 附歲華

卷五

食貨志

丁糧 徭役 鹽茶 倉儲 蠲賑 歲支 雜課 錢法

卷六

物產志

植物

附穀屬 草屬 蕨屬 果屬 木屬 花屬 竹屬

動物

附羽屬 毛屬 鱗屬 介屬 蟲屬

礦物

附鹽井

卷七

學校志

學界 學額 學田 學規 典禮 義學 學堂

卷八 選舉志

科甲 封蔭 附 勳 辟薦 保舉 議員 學堂 附 中學堂 以上 畢業學員

卷九

職官志

秩官 政績

卷十

人物志

宦績 忠節 孝友 行誼 隱逸 仕官 仙釋 流寓 節婦 列女 貞烈

卷十一

武備志

蘆山縣志 卷首

籌邊 勦亂 團練 警備

卷十二

藝文志

碑記 序文 壽言 誅文 賦 啓 稟 辨 詩

卷末

雜記

周鳳山先生蘆山縣志舊稿凡例

- 一 志與史相爲表裏茲所纂者係照史家八書十志之例分爲十二志一天文二氣候三輿地四風五俗食貨六物產七學校八選舉九職官十人物十一武備十二藝文至災異妖祥附於卷末雜俎中每志又各分子目揭其大要并以小引庶使閱者一目瞭然
- 一 古人分星原指某國某州而言未嘗一一實指卽如井鬼蜀中概占之不必指井鬼屬於某府某縣也如謂邑中所處之地當占某星幾度拘墟之見未敢妄從至分經分緯當從其略
- 一 氣候最關農政茲所述係就邑中播種收穫時節略爲釐定俾農人不致廢時失業并附農宜表使自警省
- 一 山川關隘實爲設險防患之資非徒紀其名實特爲標出亦古者重戍守而慎邊防之意
- 一 風俗志所以規民氣之美惡考政治之得失茲略爲紀載庶後之宰斯邑者採風問俗有所攷鏡
- 一 溪水溝渠原可分流灌田茲於水利一項詳紀各堰乏水之區補以高柳庶使來者而知溝洫之利
- 一 律梁所以濟行旅凡修橋補路悉與紀述不沒小節使向善者有以觀感而興如未載入統俟增補
- 一 食貨一門祇就邑中丁糧賦稅錢法雜捐列入以別於物產其鹽政茶政向有成例者不妨略載
- 一 國之大事在祀與戎廟壇一條詳載祀典其未列入祀典而功德在民者亦得紀載武備一條特記內安外攘與夫經過事實亦預防杜患之微旨
- 一 職官題名順康以前卷多殘缺嘉道以後備載姓名科分里居其爲府志通志未載者毋庸濫入用以紀遷除而重職守
- 一 選舉志中文武兩科以及選副各貢祇存姓氏其有稱者入人物志至議員選舉學堂出身以及保薦封蔭雖非正途而國有定制未敢缺略

蘆山縣志

卷首

一 列女門之貞烈節孝係就已旌表者編入其有未經題請而事實與例相符但據紳耆採入即與紀載亦足以維名教而重風化

一 邑中向無特出之品除綠菜花石古人曾留題有讚外其一切動植各物悉蘆所產不妨分類列入以爲農政之一助至礦屬則僅有砂金非礦屬則附有鹽井純爲天然之利紀載於後

一 藝文必溯其已往其現存者雖有佳篇例不編載以免去取之嫌惟築城修廟修橋之類有關於創建重修及流連山水形諸詠歌者不在此例

一 是書總目十二卷子目六十八條大略已備至人物中尙有理學儒林方技武備中尙有民團汛兵以及食貨中尙有里役差徭或無著作可傳或無案牘可考不妨缺略

一 志內一切紀載截至民國十年止以後概未列入

一 縣志向無善本昔竹冬茁先生因奉縣正編纂創有縣志二卷遺漏實多是編依竹志十之二依通志府志十之三其刪繁補缺刊誤正訛不敢稍涉遷就加以博

## 蘆山縣志

### 卷首

二

訪周諮審訂精詳亦未敢稍涉粗浮書成凡六易寒暑較舊志略爲可觀惟見聞多疎風葉難掃倫後之君子補其遺而糾正之則幸甚感甚

中華民國六年冬月下浣日署冕寧縣教諭里人周瑞歧鳳山甫述於培蓮堂之左塾



蘆山縣志敘例

蘆山漢屬蜀郡開化最早靈關後戶卽在縣北而二千餘年未有邑乘文獻無徵良深慨歎清康熙五十四年知縣楊廷琚創修縣志二卷奈無傳書近代周君鳳山亦有志稿數卷復多闕略今之縣長宋公孝持必欲成之屬余總纂余淺陋不文何能勝任且蘆山屢經兵燹文物蕩然卽縣府之文卷可資參考者僅有三年三年以前無存也如此而謀撰修邑志豈不難哉然余固辭不獲勉承其乏乃作體例之書以供討論書曰采風觀政首稽志書自非雅正精宏不足以供擘覽文史通義言之詳矣而世傳邑乘罕洽人意或摛藻騁辭或炫彩調聲或議論踳駁或識見窳陋欲求體例允協百不一焉方今黎庶盡傷邦基倪仇雲火燭日羽檄馳風天步艱屯至此已極是以救亡圖存國家之急務生產建設政府之要略舉凡立言紀事須與關切修志之道不可倍也蘆山地雖僻遠亦爲後藩世潮激盪豈容錮閉故志所紀食貨諸端務求詳實地理各條尤應精審圖表明晰取便檢視用備執政考察國史采摭能有裨助斯志方顯若夫纂者規述所懷思有評議則倣前代史例增以論贊第勿作意軒輊故恣弔詭是非褒貶

蘆山縣志

卷首

自得其平至於志中部目區分四體曰略曰表曰傳曰記與川康各縣志書頗不相同蓋例可創立本非膠固而况各縣志書部目皆編爲志疊架廬屋識者譏之故蘆山縣志志爲總稱中以四體各具款目分述如後希加學討

一略志乘記事必窮源委而蘆山史實多不可考述其概要故名曰略亦非效顰鄭樵實乃謙謹之意區別門類共具七端一地理略二建置略三食貨略四典禮略五學校略六藝文略七政略

一地理略曩昔志書多以地理爲方輿或輿地斯名未允蓋輿地僅可以言疆域山川地理則可以述氣候風俗至於上配天星渺茫無當是非紛紜從無定論且一縣之地距離不過百數十里而天星一度相差計地里數奚翅倍蓰強爲比附謬孰甚焉故將星歌刪削不立天文一門蕪僞之譏庶幾可免

略目

地圖

沿革

附思延禾茂兩壩沿革考

疆域 附邑紳等請復舊治稟

形勢 此日志書多名形勝且附以景色題詠而實無足觀賞如八月彩樓七里奪標之類命名陋劣構意勉強昔章學誠曰風月天所自有春秋時之必然而強叶景物附會支離何所不至即如一室之內曉霞夕照旭日清風東西南北觸類可名亦復何取善哉言也今當屏絕景詠題曰形勢以嚴志體

山川

關隘

氣候

風俗 附巖華及方言

古蹟 附名墓

一二建置略志有建費用觀法度惟寺觀不足以爲建置而洛陽伽藍有記爲世盛稱茲將寺觀附於廟壇於義或可

# 蘆山縣志

## 卷首

略目

城池

坊表

公署

廟壇 附寺觀

津梁

驛遞 郵電

測候

三食貨略此略之名創於漢書班氏約取洪範八政裁爲食貨一篇後史相仍著爲圭臬國計民生胥載乎此近世志家改名田賦意不兼賅故仍舊貫

略目

戶口

田賦

雜課

歲支

徭役

鹽茶

錢法

蠲政

水利

物產

四典禮略近世志家或將此略隸於學校志中輕重倒置於理未安豈有政教大經而為附庸故特立之次諸食貨

五學校略國家施政端重教育學校一略未可忽視或併入建置不敢苟同

略目

學宮

# 蘆山縣志

## 卷首

三

書院

學額

學田

學規

義學

小學

六藝文略藝文一略文化所關應紀學術或附文獻辨章流別宜究意旨俾人循流溯源通於大道豈不偉哉世傳志書藝文雜陳詩賦序誄直等文選最失體裁可將此種篇什歸入文徵或入其人本傳如子長之敘相如休文之述靈運史有前例足以取法若縣中實無專集寧缺毋濫碑記金石不妨附列又藝文出於士子士子出於學校立言之業可以不朽政略列傳中人雖行事可稱猶不易顯若言為世法則名隨文遠是故藝文次學校而先政略

略目

專集

文集

詩集

金石附

七政略章氏學誠曾立此例修志之家實罕沿用多於職官之後別載政績是乃失於體裁而昧於史例者也故此志依據章氏之例亦立政略以政爲重他事可輕文職武備並載無遺或謂既有列傳又出政略豈不重複不知政略叙外來之官列傳記梓里之賢列傳之體縛而文政略之體直而簡況以官名標首其體自有別乎

一表史乘有表子長創之後代史家奉爲準則其體旁行斜上最易省覽斯志之中共列四表一大事表二職官表三選舉表四氏族表

一大事表一邑史事歷年數千若不標舉大要則必漫無端倪志體既已分科閱者安明統系故大事表尙焉

### 蘆山縣志

### 卷首

四

二職官表邑乘職官多編爲志以爲古史百官有志可以作例不知史書之志體裁宏博職官詳其制度其文或倣周官名之曰志不亦宜乎至於方志之書無非非歷官歲月科舉甲庚年經事緯能便考索於事足矣今以知縣典史分類相從反難披尋虛占篇幅不知所裁莫此爲甚班氏表列三十四官格止一十四級例最簡明良足取則

三選舉表縣志選舉大率弗詳典則不當名志亦如職官且以舉人貢生各分門類若一人而登數科者則必翻閱終篇始能知其經歷於事於文俱無所取可列爲表以清眉目先述制度後題士名覽斯志者或得詳焉

表目

科甲

封蔭附

法團附

四氏族表易曰天與火同人君子以類族辨物人亦物也氏族自重世本著姓氏世

繫史記有世繫之文劉氏知幾嘗謂氏譜允宜入史鄭樵通志亦載氏族譜繫一篇奈各代史書尙多闕略州縣之志無論矣和州志書曾有此作斯志依之亦爲列表廣蒐家譜博訪周諮每姓推所自出並詳入籍世代庶幾親疏有序婚姻有辨後之覽者或有取於斯歟

一傳傳者傳也若人之德行可仰道藝足稱則史家敘而傳之以貽後世志亦史體故有列傳

一列傳溯漢以前傳無定體列傳之名創自龍門今志不稱列傳名志人物其名不正說已詳前且劉劭曾作人物志詳論性質才德分門觀縷厥體爲是若僅類纂人物按名列載亦謂之志能不舛乎斯志改之蓋有以也

傳目

忠義列傳

孝友列傳

名宦列傳

蘆山縣志

卷首

五

隱逸列傳

列女列傳

仙釋列傳

關訪列傳

此傳倣永清縣志之例而立蓋列傳必有文可誦行蹟堪書若事實難徵不可尋訪削之則隱沒潛德存之則無類可歸凡如是者悉入此傳但頃以搜羅不易本史闕文之遺意姑從闕如斯仍有待蘆邑人士他日能舉所遺以告俾補載邑志實余所深幸也

一記記者誌也事關一邑理宜記載而簡短缺略無所歸類因標雜記

一雜記細審諸例此記爲贅如災異童謠事屬五行而考據不詳源委未備併入雜記不得已也

記目

災異

綜上所述爲志體例書上宋公及邑中士紳皆以爲可於是博訪周諮分門編撰歷時年餘始克藏事三表之中惟大事氏族二表不就蓋蘆山雖有衛李竹駱陳王六大族而譜牒佚亡源流莫詳未敢妄書史事則卷牘滅失無從稽考故置不論以待來哲至於蕪濫誤陋尤所難免然而前修未密後出轉精如有賢者匡正而續成之此固余所深願也民國二十九年八月巴縣劉天倪謹識

蘆山縣志纂修人員職銜姓名籍貫一覽表


職	銜	姓名	別號	籍貫
董	修	蘆山縣縣長	宋琅	孝持 四川富順
董	修	蘆山縣縣長	張宗翹	鳳賓 四川什邡
總纂	纂	雅安縣立高級中學國文教員	劉天倪	紹安 四川巴縣
纂	修	清拔貢生	陳志道	仕傑 西康蘆山
纂	修	蘆山縣教育局局長	周煥文	玉堂 西康蘆山
纂	修	四川法政學校畢業	李儒林	紹白 西康蘆山
纂	修	四川仕學館畢業	楊葉祥	在東 西康蘆山
協	修	蘆山縣政府第一科科長	高上佺	以字行 西康天全
協	修	蘆山縣政府第三科科長	林貞祿	以字行 四川仁壽
城區徵訪	訪	蘆山縣立小學教員	王崇先	子進 西康蘆山
仁嘉鄉徵訪	訪	蘆山縣立小學教員	蘇廷煒	承烈 西康蘆山

蘆山縣志

卷首

清源鄉徵訪	前	任	團	總	竹瑞清	以字行	西康蘆山
思延鄉徵訪	訪	蘆山縣立小學教員	趙良輔	翼成	西康蘆山		
沫東鄉徵訪	訪	清廩生	楊步雲	梯青	西康蘆山		
飛仙鎮徵訪	訪	蘆山縣立飛仙小學教員	姚延齡	壽伯	西康蘆山		
鳳禾鄉徵訪	訪	清文生	陳肇暄	俸之	西康蘆山		
昇恒鄉徵訪	訪	四川法政學校畢業	張德鳳	翔暉	西康蘆山		
隆興鄉徵訪	訪	蘆山縣立小學畢業	張體玉	以字行	西康蘆山		
龍門鄉徵訪	訪	蘆山縣立小學畢業	樂在齊	聞韶	西康蘆山		
膳錄	錄	蘆山縣立小學畢業	周邦基	奠安	西康蘆山		
膳錄	錄	清文生	譚開元	德陞	西康蘆山		
繪圖	圖	四川講武堂畢業	周焜文	茗蘇	西康蘆山		
財務	務	蘆山縣財務委員會主任委員	楊元宗	方叔	西康蘆山		
校印	印	四川法律專科畢業	譚開文	斗南	西康蘆山		

# 西康省蘆山縣全圖



圖例	
省界	——
縣界	——
聯界	——
保界	——
山脈	——
河路	——
公路	——
大道	——
小道	——
城	■
鎮	●
村	○
塔	⊕
廟	⊗
寺	⊙
李	⊖
族	⊘
宇	⊙
字	⊙
渠	——
溝	——

尺 例 比  
1:100000

西康省蘆山縣全圖 繪



蘆山縣志卷一

地理略

沿革

疆域

形勢

山川



粵稽漢武使通西南夷相如則鑠靈關定印笮朝冉從駢凡蜀之邊荒遠徼莫不悉歸十三部之中况漏閣傳於神禹燹碑立於建安姜城築於季漢蘆邑之入版圖已久特其建置莫詳而自秦立嚴道以來因革分合代有異同或賅入屬郡徙治紛紜稱名歷經更變或密邇番夷迭遭侵削守土甚至乏人蓋邊陲一帶夷患難弭歷來亦多代設戍將以禦西和北羌逮至明清邊患寢息設官分治因地制宜地瘠民貧漸繁供億今則西康建省蘆邑屬之締造艱難百端待舉斯願為之宰者贊襄省政保愛編氓宣德而達情焉亦嚴疆之幸也

沿革

蘆山縣禹貢梁州之域同雅州在商為氏羌地周屬雍州秦徙莊王之族以實之立嚴道縣屬蜀郡漢改青衣縣東漢時屬漢嘉郡蜀漢時姜維始築城晉仍屬漢嘉郡李雄時廢宋齊梁無郡縣疆縻於益州西魏生聚日繁為始陽縣屬蒙山郡隋廢郡於

蘆山縣志

卷一

仁壽三年始置蘆山縣屬雅州大業初改屬臨邛郡唐復屬雅州尋改蘆山郡乾元初改大渡縣復屬雅州五代孟知祥置永平軍縣屬焉宋仍為大渡縣屬雅州元至元中省入嚴道縣改屬嘉定路後改州為碉門黎雅魚通長河西寧遠等處安撫司尋改土蕃宣慰司明復為蘆山縣屬雅州清因之雍正七年陞州為府以雅安縣附郭改六番為天全州改黎大所為清溪與榮經名山蘆山共成六屬民國肇邦仍屬雅州府尋廢府存道屬上南建昌道並改穆坪土司地為寶興縣上魚通地設金湯設治局二十四年改雅屬八縣局為第十七區行政專員區域公署設雅安蘆山屬焉二十八年春西康改建行省雅屬自名山外劃隸西康省區廢專署蘆山直隸省政府

沿革表

秦 嚴道縣屬地

漢 武帝元鼎六年改青衣縣屬益州

東漢 建武十三年置漢嘉縣屬漢嘉郡

晉 仍名漢嘉縣

西魏 名始陽縣府志置蒙山縣屬蒙山郡

隋 仁壽三年始名蘆山縣屬雅州大業初改屬臨邛郡

唐 改蘆山郡乾元初改大渡縣復屬雅州

五代 後唐莊宗孟知祥置永平軍縣屬焉

宋 仍名大渡縣屬雅州

元 至元中省入嚴道縣改屬嘉定路後改雅州爲礪門黎雅魚通長河西寧遠等處

安撫司尋改吐番宣慰司縣屬焉並於雅州設千戶所縣設百戶所

明 洪武四年省嚴道入雅州十年又省名山入雅州復名蘆山縣編戶三里屬雅州

清 雍正七年改雅州爲府以雅安縣附郭改六番爲天全州改黎大所爲清溪與榮

經名山蘆山共成六屬

民國 仍名蘆山縣屬雅州府尋廢府存道屬上南建昌道

邑人程步雲思延禾茂兩壩沿革考按思延下壩在明正德前原屬蘆山自屠公巒

## 蘆山縣志

### 卷一

二

父子殉難後卽爲天全楊土司侵去歸街子坪頭人所轄迄今頭人衙署地址改建張七廟前卽街道也清雍正七年天全改土歸流始將思延下壩仍劃入蘆山故於水東鄉所屬七甲以外添置水上八甲及水九甲從此變風俗通婚姻修官道開官堰設渡船於江口建鐵索於下橋交通便利兩無爭執夷化爲漢矣其水下八甲亦卽由天全所屬之禾茂壩劃入添設也先是禾茂壩民無水灌田商及蘆民於乾隆二十五年將水六甲沙田壩宋家溝之水就大河兩岸懸篋索橫挂筧筒引水過壩灌溉農田以免天旱之虞並願以其地改屬蘆山至是禾茂壩禾黍暢茂遂得與思延壩同歸蘆山管轄焉茲特考其沿革以志邑乘俾後之人得悉其始末作沿革考

### 疆域

封疆之界非可以限民也畛域是分何堪以圖治而特史記分疆畫井禮載度地居民其固吾圉也豈故爲區分哉故周官形方氏制地域正封疆易坎象云王公設險以守國由其郊圻申畫是以措置得宜蘆山叢爾小區東南毗連名雅西北交錯天卬

雖明末縣司及雅蘆爭界李必欽胡龍等京控據樊碑得直西水與水東一帶得入版圖復經州憲項聲國孫籌等親勘隔糧坡羅純崗踏勘立石山分水嶺而順治十八年楊司連和至雍正七年歸流以後至今西北受銅頭場落靄壩靈關雙河場之匪患東南受雅安所屬彭家山中里場五甲口名山所屬蓮花山七腦場箭桿林叩嶽所屬中寶山鎮西山及高河二場之匪患案牘層見迭出是非分明疆境協破匪巢而欲吾民安枕焉難矣畢訓曰慎固封守易曰重門擊柝以待暴客知此者其庶幾得守土安民之道歟

#### 一 縣界

東界羅城其山綿亘八十餘里自叩嶽山脈分支之鎮西山起包舊龍門鄉計十一甲至孫公嶺下屬舊水東鄉一二三四五六七甲抵飛仙關與名雅交界南界自飛仙關河畔起溯多功水羅帶水至禾茂壩此壩在河之西岸三江口抵水東鄉上八甲以落靄河口止與天全多功壩羅帶壩河西壩俗稱河喜壩分界西界自三江口循後溪廟金船山街子坪至下橋場包水上八甲九甲橫斷思延河上至隔糧坡包周村壩

### 蘆山縣志

#### 卷一

三

屬舊清源鄉七甲

山分嶺水分心與天全忠容村落靄壩馮家村及雅安踏花界鄧家溝至

天全上思延壩分界

下思延壩屬蘆山

北界自隔糧坡抵金波崖圓覺洞上靈鷲山經羅家

山大崖腔橫渡清源河循七里山脈接風門洞山脊止與天全官田壩大坪山下磨

刀溪魚塔山嶺包清源鄉一二三四五六甲與天全叩嶽分界

#### 二 至到

縣在雅西七十里東西相距一十二里南北相距五十里東至名山界十里西至天全界八里南至雅安界三十里北至天全界二十里東南至雅安界五十里西南至天全界十里東北至名山界二十里西北至天全界二十里

#### 三 面積

東至羅純山頂西至思延河心橫約一十五里南起飛仙關門北達青龍關關坡頂縱約五十里綜計全縣面積約七百五十方里

#### 四 踏花界

天全所屬雙河場境內之王家窩崖底下朱家山三處屬蘆山轄地約有糧民二百餘

戶編入舊清源鄉其面積方里未計

五 舊屬地

明史地理志載天屬雙河場至靈關場原屬蘆山設有巡檢司治理之又隔糧坡下之天屬官田壩亦原屬蘆山均係楊土司時代侵據

六 鄉保

舊時分三鄉二十七甲

明以前鄉之下區分為蘆清初改黨為甲

水東鄉計九甲曰水一甲水二甲水三甲水四甲水五甲水六甲水七甲水八甲水九甲

龍門鄉計十一甲曰龍一甲龍二甲龍三甲龍四甲龍五甲龍六甲龍七甲龍八甲龍九甲龍十甲龍十一甲

清源鄉計七甲曰清一甲清二甲清三甲清四甲清五甲清六甲清七甲  
現時改八鄉二鎮八十三保

蘆陽鎮計十二保

蘆山縣志

卷一

沫東鄉計九保

鳳禾鄉計八保

飛仙鎮計六保

思延鄉計七保

昇恒鄉計八保

隆興鄉計七保

龍門鄉計九保

仁嘉鄉計九保

清源鄉計八保

七 場集

全縣城內例係一五八趕集原僅青龍隆興飛仙三場現增至六場青龍場在縣東三十里四七十趕集飛仙關在縣南三十里一四七趕集隆興場在縣東二十里三六九趕集但經匪患以後焚燬村莊殆盡至今未恢復耳下橋在縣西南五里一五八

早場趕集百家店在縣南二十里民國二十六年新建三十六趕集任家壩在縣北  
十里民國二十五年新建一五八早場趕集

### 八 道路

蘆雅交通大道一曰蘆雅縣道自蘆邑出東門或南門渡水東河過樊任二壩經漢碑  
亭朱氏橋百家店筵橋溝老君溪至飛仙關縣界止此其關城則屬雅安縣界自關  
城出大灘腦經連山坡龍揭蓋二郎廟多營坪過宋村渡則入雅安縣城西門至於  
小道則由蘆邑東門過昇恒橋經隆興場渡花萼橋登青龍關縣界止此再過魚喜  
河越鎮西山下火井槽則入邛崃縣城西門昔者小道深箐難行自清初命引發茶  
關險成梁遂爲商旅交通便道又有捷道係自龍王廟越羅純山脈抵名山百丈坡  
止計程僅一百二十里但現時小道及捷道均因伏莽充塞不常暢通耳

### 九 古道路

昔漢司馬相如鑿靈關自臨邛以西嘗關一徑屯兵戍邊蓋卽由今之邛屬松安鎮馬  
湖營過馬崖頂渡油榨沱經高家場何家場高興場越鎮西山渡魚喜河進入步關

## 蘆山縣志

### 卷一

五

而入縣境青龍場以禦西南夷之路線迨隋大業時置縣設官復關通利新道由縣  
之西南分兩路而通碕門以漢人之茶易吐番之馬唐時楊土司由十八侍衛受傷  
宗之封常駐碕門爲世襲六番招討使司副招討使其士卒全係漢人故和夷風俗  
語言漸與漢人同化焉又由碕門分兩路直通吐番即今康藏一由碕門經魚通長河西  
等地直達大渡水即瀘而入打箭鑪一由碕門東經始陽峽口壩渡榮水越相公嶺經  
黎州即今漢源縣會於大渡而入打箭鑪爲古來由蜀入藏之通衢云

邑紳商學界請復舊治稟竊惟分疆畫井載在史記度地居民詳於禮經蓋所以責  
成圖治安也昔姬公治周氏設形方制地域正封疆措置得宜國治民安後世治天  
下者奉爲權輿蘆山自秦徙莊王之族於茲早立縣治名曰嚴道漢改青衣迄伯約  
築城邊荒遠徼復歸統轄由隋而唐而宋元而明清疆域之廣西北至於董卜韓胡  
與六番土司交界設分司於靈關雍正七年改六番爲天全州時因番夷擾邊境殺  
分司守土乏人疆域遂棄於是靈關一帶始歸天全二百年來地界踏花障礙實多  
所有利害關係特具理由條陳於後伏乞鑒核轉詳俾得恢復舊治以收雙方之利

查滿清之季民國以來靈關雙河大川太平保勝等場爲盜匪出沒之地宰天全者實有鞭長莫及之勢不但該地居民受害甚鉅蘆山境內影響亦深甚或遇有事變羣起而出殺官劫獄拉搶劫橫行無忌辛亥之役未遙覆車可爲殷鑒如歸舊治一遇警耗知事不難卽知蓋雖有治匪無分畛域之規定而責有攸歸任無旁貸盜匪不難懲治人民始得安枕此請復舊治於治匪之便利者一也復查該地遠離天全學務團務暨一切要政諸多廢弛如歸舊治知事易於監督舉辦自易爲力此請復舊治於學務團務諸新政之便利者二也兼之該地人民如有訴訟須經蘆城始達天全往返周折差遣承票掣索伏馬重大案件得錢可以賄賣每有案經數任而不得一訊者更或團甲漁利以銀錢定是非知事耳目雖周良懦含冤奸人得志何可勝言如歸舊治朝發夕至便於稽查案件隨控隨理差隊團甲無從弊竇此請復舊治於訴訟之便利者三也至於一切賦稅每因道途遙遠遂多拖欠偷漏甚有積至十餘年而不完納者其他油酒肉釐並未遵章呈繳如歸舊治人民無從隱匿偷漏不難年清季結此請復舊治於賦稅各課之便利者四也况夫區域複雜推行自治規畫實難如歸舊治地無踏花途無遠隔籌辦易於着手此請復舊治於自治之便利者五也該地鑛苗豐富人民每多私挖如歸舊治鑛區鑛產等稅抽收自無隱漏或提倡得人將來發達未可限量國計民生裨益良多此請復舊治於鑛務之便利者六也至若洋煙關係國際爲今日禁令而該地實煙匪聚會之場如歸舊治法權所及自易禁絕此請復舊治於禁煙之便利者七也若夫道途既靖商旅不至裹足物品流通金融易於活動商業因以發達不但該地受其利益往來商賈沾惠良多此請復舊治於商務之便利者八也他如新學之智識所以通風氣造人材中外各校招考學生廣告報章直交縣署但該地遠在邊疆舉凡報章等項往往無從寓目似此情形智識奚由輸入人材何由而出如歸舊治各校招收文告不難周知到蘆從師子弟易於就學此請復舊治於新政之便利者九也尤切要者城鎮鄉自治章程以鎮而論戶口須滿五萬蘆山東西直徑不過十餘里南北直徑不過四十餘里戶口七千人民僅三萬餘一切負擔頗爲繁重牧守實難籌措該地居民乃多漏網如歸舊治疆界稍廣負擔平均人民財力稍紓亦政府嘉惠黎元之盛意此請復

舊治於地方人民財力負擔藉昭平允之便利者十也綜此十大理由特具公稟繪呈圖說懇為轉詳俾得恢復舊治收雙方之效果如蒙俞允實為公便謹稟

按右稟係全縣公民所呈遞經蕭前知事轉詳在案復蒙道尹楊派員會勘取得天全韓知事同意已有成議旋因世局變遷而止特附載於此倘後之宰斯土者踵而行之則亦蘆邑人士所深幸也

### 形勢

蘆山形勢成狹長形惟南方低平其東西北三面均係高山斜坡岡巒起伏蜿蜒南行平原如隆興場之高家坡昇恒鄉之王家壩任家鄉之任家壩清源鄉思延鄉之周村壩思延壩沫東鄉之任楊二壩飛仙關之禾足壩多在山麓河畔餘則概屬山地山由境內全為龍門清源兩水流域其思延河古名沫水則僅在思延鄉之一隅經縣境不過五里至三江口即與青衣江會合龍門清源兩水至縣城南門下合流名曰青衣江總名曰蘆山河又順流至飛仙關二耶瀧與榮經河合流蘆山河止此由此出飛仙關峽口則入雅安縣境故蘆山全縣形勢及大小山脈均隨水迤邐而南此其概略也

## 蘆山縣志

### 卷一

七

東羅城山一名羅純山志名始陽山蓋山勢綿亘如羅城曰羅純者昔雅州羅純蕩土人之別稱也志名始陽山者謂日出於東若陽之從茲始也其山路可通名雅及印味諸縣森林蔽天攀木緣崖難於縱步其最高聲鳴谷應雲霧茫茫四時多雨南飛仙關禹貢和夷底績地也壁立千仞崖如刀截中通一峽為天蘆寶榮四縣羣流匯澤之出口即多功峽一名多功河蓋謂大禹治水劈山之功至此有足多也惟其地勢險峻有若天塹故名飛仙關云今則川康公路由此經過多所建設其道路已不復似昔日之崎嶇矣

西靈鷲山即漢司馬相如所鏤之靈山也其最高峯曰靈鷲古峯建有佛寺曰光相寺相傳為佛證果勝地時於夜現燈光千百盞隱約寺殿高空中其西遙望康定雪山宛若銀屏北顧靈關寶興歷歷可辨東覽羅城諸山不啻邱陵塔壘俯瞰縣城則又如一甌耳山之背為天全靈關鎮旁為百丈山一曰金波崖關外則董卜韓胡地也長溪短溪踏花界山無正路由之則開舍之則塞恒以木梯空仰攀而越徒扛懸梁亦棧道之類云

北八步關乃鑿石如階形成八步故名下爲河流奔涌如梭上則懸崖欲墜可稱天險  
清光緒乙酉邑令張祐嘗鑿其形勝之雄偉起伏有若龍蟠因請建青龍關焉  
古志云始陽東時大渡北流明志云靈關礪門之咽喉臨邛雅安之屏翰清志云東則  
羅城綿亘南則漏閣扼塞西則沫水奔騰北則八步天險皆爲蘆山形勢之最著者

### 山川

蘆山開闢既早山川之美人物之盛自古已見稱於世若夫夏王之鑿漏閣漢使之鏤  
靈關與樊敏豐碑垂名史乘斯其著者故凡筆討一邑人士風教文物之繇必先探  
究其山川脈源之理庶知鍾靈毓秀人物代興非偶然也

始陽山 在縣東十里一曰羅城山綿亘如城故名上有瀑布宛若白練相傳可卜晴  
雨西魏置始陽縣於此其山脈歷嚴道縣橫貫入邛崃廢火井縣界

蘆山 在縣東十里爲始陽山分支如蘆根倒地一曰蘆龍山以蘆俗指茲山爲縣之  
龍脈故名其山脊又名蘆山崗隋仁壽三年置縣於此始以名治

龍頭山 在縣東十里方輿勝覽山有前後峽綿亘四十里繞縣夭矯如龍連接番部

## 蘆山縣志

### 卷一

八

#### 實要害之區

龍坪山 在縣東五十里舊志載元至正五年二龍爭鬪噴石百里壓斃居民無數實  
則火山爆裂傳疑之誤也山下有一大平原曰大盆壩附近尙有一溫泉爲紅水溪  
之源皆屬火山遺跡

龍尾山 由七里山發脈脫化平岡其山尾入縣城分三小支卽循東北兩城城垣分  
爲東北兩支復突建中支至縣主祠後衛家坡止以形似龍尾故名

佛子崖 在縣東三里

金鳳山 在縣東二里

玉屏山 在縣東一里宛如玉屏故名

龍虎山 在縣東北二十里其下河石有若龍之鱗甲形如龍虎相峙故名

月光山 在縣東北五十里相傳有光如月故名

三楞山 在縣南形如天馬回頭向縣城南門

紗帽山 在縣南三江口之江心突聳一峯如螺俗稱螺星鎮水又以爲紗帽利於仕



進故名

峨公山 在縣南二十五里峨公乃鵝峯之訛

落露山 在縣西南六里崗下有平原即思延鄉為舊水上八甲及水九甲地址

佛圖山 在縣西南二里相傳夜恒見燈光如星循環山脈照耀山城由西南至西北

上飛靈鷲峯頂總志輿圖俱載有石刻神燈岩篆字

崖鉢山 在縣西一百里聳立雲漢上有大石鉢故名舊志在縣西十里按縣無百里

疆域當從舊志

金船山 在縣西思延鄉形如金船故名

隔糧坡 在縣西二里與天全分界

鐘鼓山 在縣西一里形如鐘鼓左右對峙故名

周村崗 在縣西一里崎嶇斗絕

靈鷲山 在縣西北十里即古靈山為通外番要道漢書云通靈山又曰鑊靈山總志

云山形如蓮蕊四圍繚紛下有鉢水滿而不溢夜恒見佛圖燈光如星飛越靈鷲峯

蘆山縣志

卷一

九

頂古刹俗呼佛圖神燈

馬鞍山 在縣西北十里

廟溪山 在縣西北五里路通靈關穆坪漢平襄侯姜維屯兵於此以禦外番後人建

廟祀之故名

百步山 在縣北四十里路接蠻界僅百步許險隘難行

七里山 在縣北十里自此發脈綿延七里至龍尾山止俗稱為縣龍

白虎崖 在縣北懸巖壁立山多白石形似白虎負隅故名

百丈山 在縣西北靈鷲山之旁下為沫水晴時常有光現崖下即金波岩

聖水 在縣東十里連筒引水行一里許又伏流二三里湧出支流為五匯澤龍門河

因名聖水

青衣水 在縣北東南流入雅安縣界即清源河一名大渡河在縣城之南與龍門河

合流曰清源河者蓋即青衣之源也後人於青字加水旁故易今名

龍門河 在縣東北五十里有二源一自邛州九子山界西流一自徼外經冷砧河南

流合於天全之金雞峽過魚喜河入八步關又合縣之清源河循東南流至三江口會合沫水出多功河因又名青衣水下飛仙關至雅安入平羌水舊志載元至正五年二龍爭鬪噴石百里故相傳稱爲龍門河

水東河 卽龍門清源兩河會合於縣城南門外順流入舊水東鄉境故名自水東河再流入三江口復與沫水及落靄河合流仍會歸水東河又流至天全所屬之多功村曰羅帶河

羅帶河 在縣西南三十里橫山崗外百家店後卽水東河之下流也以水環流形如羅帶故名順流至多功村又稱多功河在望落渡與天全和水榮經羌水會合出二郎漩入多功峽至此匯澤天蘆寶榮四縣羣流而入雅安西境總名青衣江又曰羌水

清源河 在縣北水源較龍門河爲短土人稱清源爲小河龍門爲大河其源有二一自靈鷲山祖龍下之雲峯洞後深潭發源一則源出天全某山自天全所屬雙河場經任家壩及清源鄉至縣城南與龍門河合流

### 蘆山縣志

#### 卷一

十

沫水 在縣西五里佛圖山畔一名思延河其源出自蜀西南徼外卽穆坪土司境內經天全所屬靈關村思延村至金波岩入銅頭場故又稱爲思延河又自鐘鼓山佛圖山下流入縣屬之周村壩思延鄉境曰下橋河再流入縣南之三江口與水東河合流入多功峽而出雅安爲平羌江

竹全仁曰唐虞名和夷商周名羌漢之沫水經靈關繞靈山石岩南流合龍門清源水下羅帶會和羌水爲青衣水古詩云想見青衣江畔路白魚紫筍不論錢卽此地也自禹跡所及蘆山已入九貢卽江水亦領派於斯以視周王轍跡不至謝公屐齒不及之地爲何如耶

十八溪 在縣東五里

乾溪 在縣東十五里

山溪 在縣東二十五里

老鴉溪 在縣東三十五里

團溪 在縣東四十里

頭溪 在縣南五里

沙風溪 在縣南六里

大林溪 在縣南十里

鹽水溪 在縣南十五里

水洞溪 在縣南十八里

老君溪 在縣南三十里一名宿溪相傳老子經宿於此樵夫恒見丹牀石灶有意求之不見今溪旁岩上老君像尙存

虜頭溪 在縣北五里

碓臼溪 在縣北五里

白水溪 在縣北七里山左

金鵝溪 在縣北七里山右

橫溪 在縣北十里

魯班溪 在縣北十里

### 蘆山縣志

#### 卷一

十一

紅水溪 在縣東北十五里源出龍坪山脈岩石皆紅上有溫泉

長溪 在縣北靈鷲山後

短溪 在縣北靈鷲山後與長溪合流

龍池 在龍門之陽與羅城山之白馬泉通歲旱禱雨輒應有待澤亭蓋邑令禱雨待澤於此故名

葫蘆洞 在縣北十里四甲山深十餘丈有泉水停蓄其間初爲森林隱蔽近始經樵夫發現以其幽深黑闇於夏日擁火炬而入徑曲斜仄有水潑洒乃山泉也於是鄉民多以爲異每逢天旱輒往祈禱甘霖然頗應驗斯亦山靈之有功德於民者也

白家溝 在縣東五里源出高車頭後小山經天澤廟右流入龍門河

石刀背溝 在縣東五里龍二甲入溝半里有巖石橫出形如關刀故名

水匠溝 在縣東十里龍二甲源出王家山合周家溝水落洞水入石刀背溝而入龍門河

龍眼溝 在縣東十里龍二甲左源出麒麟溝一名龍麟溝又曰王家山溝右係大堰

溝水由大溝奔曲流而至龍頭山下二水會合入龍門河因進溝數十步左右均有深沱形如龍眼爲龍頭山故名

大堰溝 在縣東十二里龍四甲源出羅城三陡巖及大巖奔合流至月岬坡經沙灣頭大溝奔曲流至龍眼溝而入於河

乾溪溝 在縣東十五里龍五甲源出小堰溝蘇家溝磨刀溝三水會合於沙灣溝曲流數里而入於河按小堰溝發源弔巖蘇家溝發源大林

磨刀溝 在縣東十八里龍六甲源出老鷹嘴曲流數里經蘇家溝口合流至沙灣溝口復與小堰溝水會合流出乾溪溝而入於河

胡家溝 在縣東十九里龍六甲源出紅藤坪由銅鼓廟左流出經樓奔高家壩曲流數里而入於河

馬堰溝 在縣東二十里龍七甲源出大分水及蔣家溝至兩叉溪合梅子溝水統名曰馬堰口至此分流一經隆興場一經駱家壩均入於河

山溪溝 在縣東二十五里源出箭桿林經龍虎山左流至隆興場後而入於河

### 蘆山縣志

#### 卷一

十二

李家溝 在縣東三十里源出箭桿林經月光山左流而入於河

土溪溝 在縣東三十五里源出白鵝塘左流經高家壩而入於河

張家溝 在縣東三十八里源出白鵝塘經任家崗右流而入於河

王家溝 在縣東四十二里源出中寶山經古城坪後而入於河

頭溪溝 在縣南五里源出中峯山經龍門水東兩河交界處會流而入龍門河

楊家溝 在縣南八里源出寶藏菴山麓經王家橋而入水東河

上胡家溝 在縣南八里源出龍王廟山經沙風溪而入水東河

下胡家溝 在縣南十里源出大面山左流而入水東河

下路溝 在縣南十五里源出羅城山順流而入水東河

周家溝 在縣南十五里源出羅城山經石佛寺左流至朱氏橋而入水東河

塘房溝 在縣南十六里源出梁家山左流至塘房後而入水東河

梁家溝 在縣南十八里源出二郎山經大石堡牛石巖至新安舖與塘房溝合流而

入水東河

宋家溝 在縣南二十里源出白土池經塔子坪至沙田壩右流而入水東河

黑柳溝 在縣南二十五里源出峨公山經樂家崗至白家店而入水東河

筐橋溝 在縣南二十六里源出峨公山經鮮家村而入水東河

龍池溝 在縣南四十里源出飛仙關與雅安分界經老君溪而入水東河

聶家溝 在縣西八里源出天全所屬香爐山經劉家溝繞入思延鄉境至舒家溝復

折流入天全之馮家村至雅安踏花界及鄧家溝經水上八甲而入三江口

廟子溝 在縣西九里一名後溪源出天全所屬忠容村之落靄崗經鹿子寺附近與

聶家溝合流而入三江口

龍堰坎溝 在縣西九里源出天全所屬之下思延村水月寺後山寨子頂與天全分

界經後溪廟前與廟子溝合流而入三江口

瞿家溝 在縣北七里源出騎龍山後經大板橋而入清源河

胡家溝 在縣北八里源出賈家山後經白虎崖下曲流至天王寺左而入清源河

石家溝 在縣北十里源出文家溝及七里山來龍經張家壩會橫溪水而入清源河

## 蘆山縣志

### 卷一

十三

曹家溝 在縣北十二里源出香爐山後合南溝頭土溪子經任家壩白塔寺後而入

### 清源河

文家溝 在縣北十五里源出七里山右合金鵝溪而入石家溝

趙家溝 在縣北十六里源出七里山後經衛家壩而入龍門河

### 關隘

西康僻處邊陲接壤番藏靈關漏關昔稱天險隩區而蘆邑背視諸番延連邛笮叢山峻嶺鳥道崎嶇近雖建設交通行旅稍便然形勝所在險要相望亦實爲國家西疆屏障是以自昔言地志者莫不特重視之若夫封域有關以嚴鎖鑰陔塞有隘以固藩籬此又非僅蘆山一隅而已也易次之六三象曰習坎有孚吉無不利坎險也有險而不習則險爲徒設國何以守語有之山川能說可以爲大夫其習坎之謂歟斯有望於來守茲土者留意焉

靈關 在縣北六十里一名臨關漢建明設巡檢司驗董卜韓胡出入屬蘆山縣今裁廢舊唐志謂之蘆關

元和志靈關鎮在縣西北六十里靈山下關外卽夷獠界

寰宇記靈關俗呼爲重關通白狼夷界在縣北八十二里四面險峻控制番蠻一夫守之可以禦百蜀都賦云廓靈關而爲門注關爲西南漢嘉郡界也靈關路去番界旬日程從界出吐番野城三日其險也以繩爲橋其外不知里數

明一統志臨關在縣西北六十里舊名靈關其關甚險正統初以其外臨董卜韓胡番界故改今名

明勝志漢書通靈山有眼孔四一名鑊靈山注靈關山名在成都西南漢嘉縣界舊志靈關東南去天全州一百二十里西南距叩峽關一百四十里舊有巡檢司今裁廢

按靈關云鑊傳自司馬爲門出之左思不惟爲蘆邑之險要抑且爲康省之屏蔽也曩者番夷爲患屢侵縣界逼近雙河場大崖腔一帶自清雍正七年天全改土歸流遂沿侵界而爲天全州轄境迄今靈關漆樹灣竹家灣及雙河場之王家窩崖底下朱家山等處尙爲蘆邑之踏花界有邊氓約二百戶左右在縣承冊完糧民國肇建

### 蘆山縣志

#### 卷一

十四

蘆邑人士屢經稟請有司轉詳規復舊治稟載議請將靈關雙河場及迤西銅頭場

思延村與迤東太平場大川寶勝場等地劃歸蘆轄以便治理會奉批飭派員會勘並經天全令會同議復有案乃因世變遷延致未成功而蘆邑頻年匪患之烈艱於治理之繇亦一主因蓋以上所述蘆邑之踏花界等地距天全約二三日程在蘆爲近僅約六十里一日可達天全有司對於匪患旣感艱長莫及而蘆被侵擾之害益甚匪益利用其地竟成巢穴出沒靡常蘆之有司固無法越剿邑中人士亦遂無安枕之日矣事關蘆邑治安故附及之

大崖腔 在縣北十五里爲清源仁嘉重要關隘四面皆山地勢險要崖懸如刀削一片河流橫貫其下勢若倒注其左側層巒崖石如梯一名高梯子有小徑可通靈關其正道則通雙河場一帶昔時越山往來今則沿崖築路爲蘆山寶興兩縣交通要道較便行旅焉

八步關 在縣東北五十里與天全連界可通叩峽清光緒十一年乙酉邑令張祐以地形險要請建石關因改名青龍關

飛仙關 在縣南三十五里卽古關地爲天蘆寶三縣交通樞紐兩山夾峙大河中貫地至險峻關城建於宋代接雅安縣界舊屬雅州曾設守禦司明廢司官城存四川通志關城在縣東南五十里接雅安縣界一曰飛仙關跨多功河卽古漏閣也梁益記大小漏天在州西北山谷高深沉晦多雨而黎州常多風故謂黎風雅雨清道光三十年庚戌邑令王金綬續修飛仙關碑記蘆山縣南境有飛仙關險而要

去治四十里毗連雅安爲蘆咽喉奮以城石門界之今圯矣石橫道旁其礙行人甚於瓦礫歷有年所無議修復者道光己酉范公和陽奉檄秉斯邑篆道經此而惻然履任後卽捐廉鳩工造而新之門高於舊上建有樓塑文武二夫子像規模維新煥乎改觀關以南緣山爲路歲久傾陷顛則墜川人無生理往來者無不股慄公復捐修數百丈以利行人及落成民咸頌曰此范公之德也信乎公之名可不朽矣公廣

昌人名涑清以邑縣令宦於蜀性慷慨重然諾才識又高人一籌故大憲重之歷膺繁劇權蘆時止六閱月以補授資陽卸篆去綬適履任接其事爰視工之未竣者捐廉而續成之然公之倡舉不可以弗傳也因敘其顛末以刊於石見公之能爲人所

### 蘆山縣志

#### 卷一

十五

不能爲也是爲記

箭桿林 在縣東二十五里通雅安五甲口

貓兒溪 在縣南十五里通雅安中里場

禾茂壩後山 在縣南二十三里通天全上容村

草紙崗 在縣南二十五里俗稱樓子坪通雅安三益場

峨公山 在縣南三十五里通雅安太平場

老君溪河岸 在縣南三十五里通天全多功村

龍池溝 在縣南四十里飛仙關山麓附近沿溝登山通雅安多營坪陸王山等地

五尺橋 在縣西南十二里通天全忠容村及羅城等地

隔糧坡 在縣西五里通天全銅頭場

上樑口 在縣西八里通天全落靄場

下樑口 在縣西十里鹿子寺後通天全忠容村

寨子頂 在縣西水月寺後通天全忠容村落靄場等地

廟溪山 在縣北五里通天全銅頭場銅頭崗官田壩等地

長短二溪 在縣北靈鷲山後通靈關

### 氣候

王政以農事爲先農民以知時爲上氣候者農家所當奉爲圭臬者也苟寒燠失宜而欲收穫之不愆期難矣故禮記特詳月令詩經載詠豳風卽古聖王占辰會元吹律叶氣作訛成易亦尙示民以則氣候一端顧可忽乎哉蘆邑民風渾厚務農爲本地處溫帶每年酷熱不過九十餘度嚴寒亦不過四十度左右故其耕稼同於他處而成熟較他處爲早所謂得氣候之先辨土地之宜乃能程功若是之捷也數歲紀云占風雨分節候洵於農政有密切關係焉

蘆山縣境西北遙接寶興康定氣候較寒東南毗連雅安名山印岷氣候較暖

夏歷春正月多陰暗夜間風起微有冰雪二月三月多晴明然寒暖無準間有四五月尙冷者可於邑之桐花占之如先葉後花寒氣早消先花後葉寒氣則厲必屆四月節候方能全消總之春令多晴大雪不常見晚間有雨而風甚微

## 蘆山縣志

### 卷一

十六

夏四月多陰晚亦多雨五月則夜更多雷雨率起於申酉間然雨止必晴不逾辰刻六月晚多雨晝恒晴間有迅雷盛夏之際酷熱較甚因蘆邑四面環山夏令氣候亢燥非平原可比也

秋七月多晴少雨八月晝晴夜微有霧氣九月雨多晴少早恒有霜入夜則雨大致秋令氣候在中秋前多晴中秋後多雨惟羅純山麓一帶如沫東鳳禾飛仙等鄉鎮因山頂森林茂密能不時吸收水量故終年山谷之水流漫原野不無水患若值雨量過多之時當新谷登場則更不免潮霉之虞耳

冬十月多雨少晴十一月早多霜夜始微雪間亦有寒凝成冰者十二月上半月恒晴下半月乃雨夜則大雪幘地數寸其山頂則更厚積盈尺皚皚如銀山矣

縣境地處溫帶而近南寒暖適中氣候亦有定序大致每年二月可服袷衣三四五月可服單衫六七月可服葛紗八九月可服棉衣冬臘之際可服羊裘狐裘由此可知蘆邑氣候得其中和適宜耕稼矣

雪多積於高山每當春初冬末平原夜雨山間降雪蘆俗平原見雪可卜豐收否則穠



水缺乏然平原見雪之時亦不過三數日即消惟山頂積雪較厚寒度較高往往經旬始消耳

冰雹之來黑雲蔽天狂風拔木毀屋瓦大者如鵝卵最害禾稼蓋其發生時期恒在夏秋之間然幸不常見惟清季光緒二十一年五月十五日夜間西北杉木山一帶曾降冰雹通宵不絕厚積七八寸致全邑禾苗盡毀人畜成災雹化生蝗遍地皆是是歲大荒故蘆人恒視雹蝗爲凶歲云

蘆邑每歲清明斷雪穀雨斷霜農忙播種城郭內外普種玉麥小滿插秧諺云小滿不滿乾田坎此之謂也端陽後種黃豆迨夏至節則山田普插秧苗矣倘過夏至無雨則山田難望秋成故諺又有夏至不下泥肥高掛之語斯時農家或有改種遲玉麥者其成熟時期早則八十日遲則一百二十日可望收割若玉麥之佳者普通下種恒在清明前後以其占氣候爲早故也至於稻之收穫最早者約在秋七月初旬或八月初旬開黃豆則須至九月方能成熟十月霜降以後多種胡豆麥子俗呼點小春他若栽花植樹時以雨水爲宜種蔬蓄果例以節令爲斷故曰學稼不如老農學

### 蘆山縣志

### 卷一

十七

圃不如老圃氣候固農政之權輿顧可忽乎哉附四時農宜表於後俾明節候而務農時

#### 四時農宜表

正月立春雨水 是月也宜植松桑榆柳棗蔥韭葵宜栽麻杏椒竹菠菜木棉宜移接梨棗柿栗桃李杏梅宜灌溉石榴海棠胡桃林檎宜下茄瓜薤苡諸類花子宜插揚柳柏楠諸般雜木

二月驚蟄春分 是月也宜下麻子山藥扁豆桑椹宜插白果槐角葡萄茶菊宜種甘蔗芭蕉柑橘柚橙宜壓桑條宜接花枝及枇杷果樹宜種蘿蔔菜蔬

三月清明穀雨 是月也宜犁秧田宜開溝渠宜浸穀種宜移茄苗宜栽早稻香稻宜種薑葵芋子宜種大豆菜豆宜壅白合山藥

四月立夏小滿 是月也宜播芝麻宜插梔子宜植紫蘇黃葵宜種白莧紅蓮宜種豆插秧

五月芒種夏至 是月也宜插秧宜種豌豆宜浸蠶子宜伐桑條宜割麥宜採胡豆

六月小暑大暑 是月也宜勸芋宜耘禾苗宜種蔓菁宜洗甘蔗宜栽小蒜冬葱宜種葵菜晚瓜

七月立秋處暑 是月也宜分蘗宜割棗宜刈草宜伐木宜栽蒿菜蕎麥宜種芥菜

八月白露秋分 是月也宜種稻宜植薑芥宜壅芋根宜移植早梅橘橙宜分栽枇杷

牡丹宜栽大蒜麻宜種木瓜花椒

九月寒露霜降 是月也宜播蠶豆宜種苡麥宜插芍藥水仙宜採菊花秋葵宜移各類果品宜種諸般冬菜

十月立冬小雪 是月也宜移葵宜接花果宜灌花木宜納禾稼宜壓桑條宜種蘿蔔

薤葱宜種青白春菜

十一月大雪冬至 是月也宜伐竹木宜造農具宜栽小麥油菜宜植松柏杉檜宜澆

壅石榴橘柚宜浸灌梨栗棗柿

十二月小寒大寒 是月也宜壓果木宜添桑泥宜碾米春粉宜割桑栽竹宜貯臘酒

臘肉宜蓋藏風魚豬脂

### 蘆山縣志

### 卷一

按農歷一年四季分八節二十四候是表就蘆邑所產農品有關節候者略為標出其他物品非蘆邑所產者姑付闕如

#### 風俗

風俗之良窳成於政教是以兩漢重節義六朝尚虛華風能偃草自古已然故欲風俗之改良端賴政教之化導試觀歷史之中澤椎魯者以詩書示奢華者以儉約化爭競者以禮讓變偷薄之風而為仁厚去殘暴之習而為慈祥何非風聲先樹而後見化行俗美耶蜀自文翁興學齊魯同風成效昔已昭著西康建省蘆邑屬之僻處一隅勤儉耕讀初無習染乃近年習俗漸變已非往日可比然則欲挽頹風斯有賴於在上位者焉爰將舊志所載之俗習與有清之風謠採錄概要並附以故家遺俗流風善政以為化民成俗者歸真返樸復古還淳之一助云爾

蘆山上古民俗未載大約山深水靜樸厚居多宋元間惟衛李二族最繁明代以降或宦於斯或流寓淹久生聚繁殖遂成世業而民風增飾焉

四川通志民多士習俗淳質樸

竹志蘆民年登耄耄未嘗出飛仙關蓋山深水靜樸厚居多惟知安常守分不僥倖名利場也故蘆民謠曰莫擾公堂莫入戲場公堂易遭刑辱戲場易混時光種我豆種我秧一籽落地萬籽歸倉又曰一斗穀稱斤肉一斤肉量斗穀不如不喫一斤肉也不量那一斗穀留來六月煮清粥觀此則民俗勤儉有守可知矣

無論富貴貧賤皆樂於教子讀詩書講禮法樵子販夫多識字義各守生理不假商債地方福小舊時分龍水清三鄉皆川流中貫土厚二三尺即呼沃壤其餘沙石溷雜薄土浮泥甚至山脚梯田橫順不滿一弓農夫屈指計田塊偶失一坵蓋爲農笠所遮而不見也早年山田多豐收而原田歉收雨年原田有年而山田無年甚有刀耕火種於山腰之間以支賦稅者每歲農功無分男女恒努力於畎畝間農餘暇日則男子多裹糧負茶由叩嶽火井槽及天全兩地轉運茶包至打箭鑪婦女則登山採薪以供燃料間亦有爲商人雇至雅安負運鹽布乾菜等物藉餬家口者因歲入有限不足以資事蓄故一家男女不得合力營生即如彼家有田一石生子三人則每人僅三斗有奇若其子再生三子則每人又僅分一斗有奇環境如斯安得不貧困

### 蘆山縣志

#### 卷一

十九

至極各寄其衣食於兩肩兩足之間苟安鄉土保守其先人廬墓耶且有清順治戊子己丑之年斗米三兩斤肉三錢則穀死而金生康熙甲子乙丑之歲斗米低銀六分糶酒分半則穀生而金死嗟呼山高負重血汗成流力軟筋疲芒鞋皆破此蘆邑人民雖習勤儉之美德然又無日不在辛勞中自食其力也

邑中婦女無論貧富不習纏足耕樵運販頗能自謀其生故家中男子非僅不受其累且恒得妻室扶助之力爲多即孀居貧婦亦多能傭工勞作各自撫育其子女達於成人保持其家庭勤儉之風

邑尙樸素不事綉華婚嫁之間從無脂粉笑滯不笑貧恒以不娼不盜自矢此娼妓之所以絕無而歷來節孝之獨多旌表也

邑中昔有齊會之風每年或分四季或係按月或逢場期齊會一次會之大小不一大致以糧食物品爲齊會命名標準例如齊會指定之物品爲玉麥即名玉麥會插籤搖鈴得點多者獨中全會每次所中會錢或數十千文或數百千文即以置產作抵押品俟分期納會清償本利會期終了卽爲已有產業其會期視齊會之資額大小

與齊會之半月性質久暫而定要皆各有信守尊重會約亦類似今之農村信用放款意至善也至於場期齊會則大半出自貧寒中之貸本營生者其齊會時期及資額均屬有限例如上會者每場齊會出錢一百文而每會還本利者則增納至一百一二十文不等不致濫無着落惟比年此風漸息亦可見民生之日趨艱窘矣曩者佃耕田地不取押金貧家男女恒耐苦致力耕種佃田數斗山地幾坵通力合作秋收時除納歲租外能得對成即可贍養家口或於農暇兼習手藝小販營生以補不足故從無不耕種之家甚或有賴此起家者近年來則小川北安岳等縣人民間有徙居蘆邑經營園地種蔬爲業者因之蘆人種蔬方法亦稍稍改進焉

娶嫁不論貧富女家不索聘金男家不計粧奩以男女年齡相當門戶相對經媒妁說合父母允許而合婚命者又卜爲吉卽予寫庚定婚另期男家父母爲女子備送服飾水禮女家父母爲女婿備送筆墨鞋帽雙方互換庚帖各俟子女成年請期迎娶親友咸集慶賀治筵款待至生子女時男家例於彌月擇吉治筵款謝媒妁賀客女家復請親友女眷爲新婦母子備辦服飾並雞豚米蛋之類赴婿家宴飲名曰三朝

### 蘆山縣志

#### 卷一

二十

酒

無子之家爲女贅婿間亦有之但贅婿必從女姓必承岳祧近年以來蘆邑迭經兵燹早疫丁口漸減耕種乏人遂多有子死之後爲媳招夫卽作繼子承受產權藉以羈縻之者雖事關敗壞風化爲禮教所不許然亦足見迫於世變與民生環境者矣昔黃平曹炳卷太守纂修雅州府志有言曰天下風俗之壞於名分不正也如有女嫁人有子說親女婿雖親猶屬異姓子雖出贅日久歸宗翁婿父子經常不易雅俗有女招婿卽承岳祧有子出贅卽繼人後不父其父而父他人之父不子其子而子他人之子天性何存况既爲父子則女卽爲兄妹既爲兄妹如何做得夫妻公然妻其女而呼爲父倫常倒置極矣此猶曰婿爲半子尙可解說更有其子既死將媳另贅他人亦作繼子彼且視顏奉爲父母公然承受田地恬不爲怪川俗之不堪一至於此也本府蒞任伊始卽據情通詳蒙各憲准行通飭嚴禁在案近來人漸知名分不可假此風已稍息矣觀此可知世風日下地方教化端賴賢明今蘆雖屬康一隅然挽救末俗頹風導民敦本正立名分嚴肅倫紀斯則如曹太守之關懷風教者更

足以資法式矣故表而出之

凡人父母壽終衣衾棺木備齊孝子擗踊親視含殮並通報族戚擇期立靈成服行家  
奠禮另期分計開奠凡屬知交咸來弔唁在紳衿家則敦請大賓及禮生多人治喪  
如儀亦有同時延僧道唵經超薦亡人者三五七日不等向晚張燈火具明器至郊  
外焚化孝子哭踊而返謂之招亡殯葬如常俗喪服以三十六月爲度卜葬以後建  
立墓碑歲時上塚焚帛者奠此外又有封山等俗如遇喪家不受奠儀者則俟其殯  
葬畢時酌金治饌羣集葬地焚獻並席地團飲喪家聞悉亦必酌送酒肴答謝之名  
曰封山酒

蘆邑習尚禮俗自昔已然凡年逾五十者朋儕間恒互祝之若周花甲則人子每開筵  
慶祝親友咸集數日始散雖貧寒之家其鄰里鄉黨亦各提壺携饌羣集其家祝之  
亦足徵其民風之敦篤鄉黨者矣

蘆邑神會名目頗多例如財神會及其他藥材木鐵石工裁縫理髮等業各行神會年  
皆有之每逢神誕大都有團體集會治筵慶祝而崇拜之以示敦本之意

## 蘆山縣志

### 卷一

二十一

每年八月十五日世傳爲姜侯伯約盡節之日全城高搭彩樓四十八座並奏鼓樂聲  
震通城紀念姜侯按此俗惟清代初葉盛行自經洪楊之役已不復有矣

宋欽宗大觀年邑進士楊異彩樓詩邊城重節義高聳豎珊瑚彩色凌霄漢鼓聲震  
寰區無塵新夏鼎有脚舊麟圖恍若天梯近扶觀塞道途

明謫天全司馬尹夢驥遊蘆城詩宦遊縶弔入姜城僻壤同風讀且耕幾處桔槔翻  
碧浪滿田秧曲賽黃鸞村藏學究書和史戶洽比鄰弟與兄地關中天猶古意牛刀  
小試莫相驚

清康熙邑令羅之熊蘆風詩樸色衣冠古勤勞婦女先麥兼胡豆種竹與樹杉連有  
地皆栽柳無山不墾田莫嫌糾葛纏爲愛邑隅偏

清乾隆邑令朱黼蘆風竹枝詞其一城垣傾久作通衢筭鑰誰司寇不虞端爲民貧  
免窺伺也因俗厚少穿窬其二鄉居忠樸少營謀但願秋成皆熟收一件布衫穿到  
老那知夏葛與冬裘其三婦力耕耘夫背茶鑪城一去遠離家裹頭包穀餘升斗鄰  
舍都將富戶誇其四買遷無計只屠沽食肉人多半酒徒每到場期一五八醜顏穢

背共歎呼其五愚頑衛役是耕夫爲免差徭作護符等笑上班食飽飯農忙時節一人無其六不種桑麻不種棉禦寒無具雙肩宵來冷氣侵人骨草屨棕衣也得眠清光緒邑令胡徵元蘆陽風土歌蘆山迢迢蘆水悠悠四圍鐵索郭外橋地據形勝幾千秋彈丸小邑民瘠苦俗尙儉樸而不浮男子家居婦播種蓬頭赤跣事田疇野蔬蠶飯能充食茅屋竹籬綠山陬士風寒微不希貴布衣直欲傲王侯嗟余棒檄宰斯土兩月千茲憂民憂政簡官閒多暇日摩挲古蹟上城頭漢大將軍留氣膽凜然浩氣出荒邱樊碑百尺字蚪蚪綠菜贊禍堪吟謳我生恥作折腰吏簿書鞅掌幸無尤北望京華思上策海氛未靖重邊籌

邑令張學堯崇儉約蓋聞理財務節其流開國宜示以儉救所失之大則飲食非微化易侈之心而宴會尤急永懷撙節轉移之責固已屬在吾曹共挽紛華不變之風是所望於今日期以可通上可通下市野行之均宜求其不過豐不過奢主賓樂焉永好惟懷以約斯杜奢源願告同人咸崇儉德情自踰盛饌惟訂六葢以爲程過品私悅嘉賓敢剖一羊而示戒

## 蘆山縣志

### 卷一

二十一

按古靈陳先生爲仙居令教其民曰爲吾民者父義母慈兄友弟恭子孝夫婦有別子弟有學鄉閭有禮貧窮患難親戚相救婚姻死喪鄰保相助無墮農業無作盜賊無學賭博無好爭訟無以惡凌善無以富吞貧行者讓路耕者讓畔斑白者不負戴於道途則爲禮義之俗矣孔子曰吾觀於鄉而知王道之易易也夫敦古道去薄習厚人倫培風俗地方要務莫切於此蘆山人滿地窄游手逐末者日衆加以少年競言尖挑人情易流放利恐非本來面目習俗移人賢者不免居今思古眼底堪傷當事者幸勿謂江河日下而不可挽也

### 歲華

按四川通志元費著歲華紀噫詳載省城一年中之游宴昔雅州府志別爲節序聊備采風民國改元更正斯廢歲華節序歷換時遷本無足紀顧流風遺俗猶在民間爰就蘆邑舊習聞見兼參雅志紀載附志風俗之次

前清舊制每逢夏正立春邑之王印文官以次班級咸著公服盛儀仗鳴金鼓輿馬絡繹迎春東郊先一日春官著彩衣舞於公堂說吉利語謂之點春本日謂之打春

鞭土牛至碎也其牛色取是歲及立春支干納音爲之磔時人爭取之以爲大吉宜  
養蠶云此在前清例屬盛典民國循例辦理然已非舊觀矣

元旦戶無大小男女均於黎明即起肅衣冠具酒醴焚香燭冥箔祭拜天地祖先序拜  
尊長出謁親友曰拜年鳴爆竹開財門向喜神吉方膜拜日出方一日出天星亦間  
有齋香燭等物往寺廟頂禮出方俗婦女到家謂爲陰人不利雖嫁出之女  
亦然

飲屠蘇酒歲華紀麗屠蘇一曰屠蘇草

石草巷中每逢除夕遺里人藥

一囊令浸井中至元旦取水置酒樽中

病瘟疫今俗無藥味但用椒栢

或茱萸親朋互拜至必款留

初五日爲破五始常開大門凡此前後數日間親友互有往還恭賀年禧並各備酒殺  
香燭冥箔等祭拜先人墳墓謂之掃墓俗呼上墳初九日爲上九各舖戶始漸次開  
市營業卽於是日晚開始燈市謂之陞燈至十五日夜止又俗以初九日爲上帝誕  
辰十五日爲傳柑節一曰上元節又呼元宵民國則定爲春燈節道家以是日爲天

## 蘆山縣志

### 卷一

二十三

官賜福之辰比戶張燈燃爆各祀其祖先與元旦同日且全城燈火繁盛四門均有火  
樹高三四丈取義三十三天燃燈三十三盞一名百果燈又有鰲山燈棚及春燈之  
屬色色形形名稱不一備游人觀覽點綴年景但民國改元以後此類習俗已不復  
如昔之風行矣

三月清明祭先掃墓古禮不修墓不墓祭蔡爲獨斷云秦始皇出寢處於墓側漢因之  
而不改然則墓祭之禮由來舊矣蓋雨露旣濡君子有怵惕之心且恐就傾頽及時  
弭補理順心安不泥古非窺古也

清明節插柳枝於戶相率踏青掃墓世族大家更有合一族男女老幼會食墳林或分  
胙歸者禮云尊祖故敬宗敬宗故收族蘆人有焉民國易清明爲植樹節有司率僚  
屬士紳植樹郊外

初三日婦女戴地薺花諺云三月三薺薺花兒賽牡丹按癸辛雜識云上巳當作十干  
之巳古人用日例用干如上辛上丁上戊之類無用支者如首午尾卯則上旬無巳  
矣沈約宋書云魏以後但用三日不復用巳張說詩暮春三月日重三魏元忠詩三

月重三日可據也

二十八日東嶽會城鄉紳糧輪充值年首事蓋斯時春耕初畢釀飲演戲十日以答神麻而懋民勞同時負販起集甚盛習俗相沿由來已久近則民生日盛此會亦停頓矣

四月麥秋節割麥插禾農事甚忙夜則灌田晝則犁田鮮有休暇初八日爲灌佛節男女居士茹素禮佛作齋會俗呼洗太子農俗則取秧葉露水墨書紅紙東遺嫁毛蟲免傷禾稼

五月五日天中節俗曰端午一名端陽比戶祀先飲雄黃酒並取大蒜雄黃和水搗汁洒浸房壁以驅百蟲懸菖蒲艾葉於門以避諸癘箬葉裹糯米爲粽曰食角黍婦女或以五色綵纏各式香囊互餽親友按角黍之義爲弔屈原而設此楚俗也後世因之舉國風尚遂爲端午節之點綴品云

二十八日城隍會與東嶽會同義

六月六日天貺節鍼炙收藥曝書畫衣物

### 蘆山縣志

#### 卷一

二十四

夏至後遇天干三庚字爲伏日之始謂之初伏蓋夏令屬火庚屬金金忌水逢庚日則金被火剋故稱伏日宜造醬醋麪餅因斯時氣候易發黴酵故也自初伏起每逾旬日爲中伏爲三伏爲末伏過此則處暑矣

七月立秋宜畫諺云睜眼秋收又收閉眼秋丟又丟又云立秋一日水冷三絲

七日晚看巧雲先期用水浸豌豆令芽長尺餘遣女兒女兒摘取芽尖寸許投水中對月照之或現鍼影或露花影相與爲歡謂之乞巧北方以重七爲女兒節江南因之此皆舊俗今廢久矣又禮俗以是日爲土地神會頗稱盛云

十五日中元節家家祭祖先焚冥箔市鎮街坊釀金延僧道爲鬼節浮圖氏作孟蘭會放河燈超薦枉死幽魂吾國此風特盛蘆邑亦然世守甚謹比戶各祭祀其先例於十一日起至十三日或十五日晚焚化香燭袱帛冥鏹餞送其先至門外始畢且是夕市中燈燭煌煌宛若火城不滅上元燈節其新喪者且放聲哭送焉蓋相傳道家以是日爲地官赦罪之辰云

八月十五日中秋節晚開陳設瓜果月餅等物祭享祖先及月光聚家人飲酒盡歡謂



之圓月舊俗婦人無子有送瓜者謂可卜熊夢云

九月初九日爲重九一日重陽節例佩茱萸登高飲菊花酒

十月初一日俗呼十月昭家造酒食祭先掃墓凡葬未三年者翦紙製衣送墓前焚之謂之送寒衣又農俗於是日作糍糕餉牛復粘角上令其臨水照之名曰接牛角十五日爲下元道家以此日爲水官解厄之辰

十一月冬至一日長至節民國定爲冬節荆楚歲時記魏晉間宮中以紅綫量日影冬至後日影添長一綫卽日晷初長之謂也杜甫至日詩何人卻憶窮愁日日愁隨一線長指此冬至數九單日連根雙日除根農家循例宰年豬治酒筵互請親友鄰里會飲曰喫血湯並醃臘肉備新年款客及來春犒農之用

初八日通稱臘八吳自牧夢梁錄十二月八日謂之臘八各寺院設五味粥名曰臘八粥一名佛粥又稱七寶粥以臘八爲釋迦牟尼佛成道之日故僧衆取香米及諸果實造粥以供佛其後民間亦相沿成俗故周密武林舊事云寺院及人家皆有臘八粥卽此之謂也民國改以陽歷十二月八日爲臘八

## 蘆山縣志

### 卷一

二十五

二十四日日小除俗云過小年燃竈燈如上元祀竈斯則爲送竈神上天例用雞果糍糕餛飩諸品物又以糖爲餅謂粘住竈神齒勿令說人間是非又剪草和豆盛於旁

曰竈神馬料先日二十三僧道循例家送刻版年疏並竈科爲小除祀竈之用

三十日日除日夜曰除夕自小除至除日皆祀天地祖先具酒醴焚香燭冥箔薦以年豬頭尾雄雞魚等曰三牲闔家男女老幼會食一堂曰喫團年飯親友互相過從祝福曰辭年其在除夕來辭歲者相別祝詞曰漫漫度歲

家無貧富皆換貼門神或有不畫像而以紅紙書神荼鬱壘四字代之者門聯堂聯及福祿壽迎祥迪吉宜春等字均於歲除日更新若大家人戶則多換桃符按山海經東海度朔山有大桃樹蟠屈三千里其東北曰鬼門萬鬼出入有二神曰神荼鬱壘黃帝像之於桃榜於戶淮南子曰羿死於桃棗注棗大杖以擊殺羿由是鬼畏桃是神荼鬱壘與桃符實一事也又按周代以荼爲舒壘亦音律神荼者神舒也鬱律者苑結也沈休文曰鬱壘者屈律也王充云鬱壘嶷嶷之類

是日滿注水於甕備五日用不灑殘水多設盆盎以盛之掃地藏筭凡五日並鎖倉

箱篋籠俗云貼神錢紙後不得出財

又祭壇神壇神者秦爲太守李冰宗嘉州刺史趙昱也昔皆治水有功故西康人士多崇祀之謂之慶壇

除夕祀竈俗云接竈神謂竈神自九天降臨也祭拜天地祖先及尊長輩曰辭年拜畢聚脯曰飲團年酒揀大炭挂門曰黑將軍農家以木柴樹門外謂之聚財圍爐徹夜不寢謂之守歲農家則呼曰守年限及明日已改歲甲子新元矣

### 方言

神洲廣袤黎元衆多區域有殊方言斯起居山者聲調重濁近水者語音清淺管子曰五方之民其聲之清濁高下各象其川源泉壤淺深廣狹而生伊古以來未嘗異也蘆邑位於康省東北山川深厚居民發音揚厲且甚重濁入聲字韻盡似陽平清濁聲紐復相淆混曩者漢夷雜處不無夷音楚人徙居猶存楚語他如各方流寓斯土者亦代不乏人歷年既久其方言演變自多恩緣茲就聲韻詞類三者略舉大凡而敘述之但於詞類之纂輯較簡斯則有待來者

## 蘆山縣志

### 卷一

二十六

### 聲

蘆邑方言聲紐不全考其發聲正確者以三十六母言之僅二十母牙聲疑母弱聲諸字所讀全非強聲諸字亦多有訛者如牛讀如流疑讀如泥是訛爲舌頭泥母語讀兩如五讀如鄔愚讀如余危讀如爲是訛爲喉音影喻二母也

舌頭端母諸字多混入牙音見母者如低與的皆讀如基帝讀如紀透母諸字多混入溪母者如天讀如遷體讀如起定母中字多訛爲端母者如度杜等字是也

舌上無知母如知讀同之張讀同章混入正齒照母無澈母如丑聲讀同醜恥聲同此一混入正齒穿母一混入齒頭清母矣無澄母如直讀職訛爲照母除讀鋤訛爲正齒牀母池讀如赤訛爲穿母無娘母混入來母者有之如女讀如呂混入泥母者有之如峯讀如納尼讀如泥之類

正齒禪母所統之字多混入審母或照母者如時讀同失植讀同職之類

齒頭從母諸字有訛同精母者如在讀如載昨讀如作有訛同見母者如匠讀如降邪母諸字有訛同心母者如夕讀如息之類

車唇並母中字多與幫母中字相混如步同布部同布白同百薄同博

輕唇無數母所屬之字與非母諸字無別無微母其中諸字全與喉音影喻二母之字無分

喉音影喻二母之字在切韻指南蟹攝山攝中作開者多轉入牙聲疑母如哀讀如五該切愛讀如五害切喻母之物字讀訛為日母之若字

所謂發聲正確之二十母即曉匣見溪羣泥來日精清心照穿牀審幫滂明非奉諸母至於以四十一聲紐論之則更不能莊初神疏為之五母也

韻

蘆邑方言字韻全無入聲大都詛為陰平或陽平如八字讀如陰平之巴竹字讀如陰平之朱物字雖讀如藥韻之若字音而亦讀陽平也考其收音能與今之韻書所標韻部相合者實寡即舉平聲以包上去入言之蘆邑東冬不分江陽無別支微齊亦不分佳韻中字屬佳類者歸麻屬皆類者混灰文欣可併入真魂痕亦應同文魚與虞元與魂區別極顯寒與刪韻全不可分故元可入寒魂不可入元蕭肴豪雖洪細

蘆山縣志

卷一

不同而收音無差庚青蒸則全無此韻至於侵覃鹽咸嚴之閉口韻更不聞於蘆人所發之字音中也統上計之蘆邑方言所有之韻可分十二部曰東合冬支合微魚合虞灰合真庚合文庚合文又混寒合元刪合先歌合歌麻合佳陽合江尤此十二部與五方元音所分亦不同也謂其韻攝相當切韻指南之十一攝而少其五日通止遇蟹臻山效果假江宕梗曾流深咸等攝較諸注音符號亦少注庚韻之厶母也茲將蘆山方言韻類與切韻指南韻攝之比較附表於次

切韻指南韻攝 韻府羣玉韻目 注音符母 蘆山方言能讀之韻 注音符母

通 東冬 厶 東冬

止 支微齊灰 一 支微齊

遇 魚虞 ㄨ 魚

蟹 佳 ㄨ 虞

臻 真文 ㄣ 真文 庚 庚 青 蒸

ㄣ 真文 庚 庚 青 蒸

山	元寒刪先	弓	寒元刪先覃鹽咸	弓
效	蕭肴豪	么	蕭肴豪	么
果	歌	ㄩ	歌	ㄩ
假	麻	ㄩ	麻	ㄩ
江宕	江陽	ㄩ	陽江	ㄩ
梗曾	庚蒸青	ㄥ	混入眞	無
流	尤	又	尤	又
深	侵	無	混入眞	無
咸	覃鹽咸	無	混入寒	無

詞類

都 蘆人謂皆曰都音讀如兜虞韻轉尤韻同楚語虞尤二韻本有通轉如虞韻之掄尤韻亦有掄音咍區婁等尤韻亦有區婁等字是也

詒 欺人曰詒通作給方音讀如兜灰韻轉尤韻尤韻本有一部由灰韻中屬哈類者

蘆山縣志 卷一 二十八

變入也如灰韻从某得聲之字有媒从壽得聲之字有禱而尤韻有謀有禱有禱也

阿爸 蘆人稱叔父曰阿爸殆羌人之遺語歟

年逝子 蘆人謂去歲曰年逝子逝者過也往也音讀陰平如司意亦夷語之遺

滓 蘆人謂去滓留汁曰滓見唐韻

躔 蘆人謂履不著跟曳之而走曰躔見漢書躔履相迎

要待 蘆人謂凡事完結曰要待音如么臺止也見章氏新方言

我家你家 蘆邑方言有合音如我家讀一牙字陰平兀ㄩ你家讀为ㄩ音

頭半回 蘆人謂從前有時能之曰頭半回能之蓋頭即從前也半回謂非全然也惟

蘆音頭讀如同在音理學上適是東侯二韻陰陽對轉

霍閃 蘆人謂閃電曰霍閃霍音如何之際平此語宋時已有之見夷堅志又顧雲詩

曰金蛇飛狀霍閃過白日倒挂銀繩長指此

趣異 蘆人謂奇怪難得曰趣異趣音讀合口陰平聲ㄨㄛ

特別 蘆人謂優美曰特別特聲轉如脫別聲轉如白

阿爹 蘆人稱父曰阿爹音如借字陰平聲是端母字轉爲見母字蘆邑方言類此甚多可類推也

日屬日母字古音歸入泥母爲舌頭見之始今音日母獨立爲半齒有二音一讀如而一

讀如入見廣韻湖北武漢一帶均讀如而蘆人讀日音與武漢同故曰蘆邑方言多楚

音也

### 古蹟

蘆邑僻處邊隅然山川文物之美自古已聞於世故凡遺蹟所在猶可挹其餘芬勝地留連恒足仰其舊制惜代遠年湮古郭荒臺殘碑斷碣諸多沈晦於陵谷墟莽之中銷蝕莫傳嘗考雅州府志蘆山古蹟僅載漏閣及兩面碑豈當時偏方文物流風皆佚不復存無從徵信斯可異也今撫拾殘缺就可考證者而彙志之並附名墓於次俾後之人檢讀斯志流覽往昔遺踪增景慕焉

漏閣 在縣東南三十五里飛仙關卽古關地山如螺漏閣峙立其上建二郎廟天旱禱雨輒應下有井通多功河世傳大禹治水遺蹟爲神禹漏閣云

## 蘆山縣志

### 卷一

二十九

飛仙關爲雅安天全蘆山三縣交界之樞紐有市廛半隸蘆山縣龍觀山脈

在蘆山曰羅城山脈

自此越青衣水北連青城玉壘南接瓦屋峨眉氣勢雄厚江水歷百千萬年之侵蝕鑿成絕峽峽岸壁立三十餘丈奇偉略似瞿塘世傳神禹治水疏鑿卽漏閣也市外江畔螺臺轟發瞰江如墮峯頂有二郎廟祀禹及李冰子二郎清光緒十五年己丑邑貢生尹源莘書碑云唐宋以來有關祀夏帝禹蓋報八年疏濬之勞也明初又建廟祀二郎顯奕王奏將李冰子也生禹千百年後而與禹並祀者亦以疏鑿離堆掃除孽物其功不下於禹也碑文未全錄卽此可知二郎廟興建之由矣按史記河渠書謂李冰鑿離堆以避沫水之害青衣江卽古沫水而此峯又適與岸山離立然則離堆之說卽此之謂歟世又相傳李冰子二郎伏孽龍於離堆之下故尹氏碑文中有掃除孽物之語惟川康之間號曰離堆者如灌縣伏龍觀嘉定烏尤山雅安水口場之龜都寺南部之離堆石蒼溪之離堆山合此凡六爰附志於此以備考云李向陽飛仙關漏閣詩漏閣何巍巍猿聲日夜悲洪流穿澗出孤鶴傍崖歸峯萃天恒小壑深日漸微羊腸策馬過無處挾仙飛

竹全仁神禹漏閣詩大禹旅平越蔡蒙爲留漏閣苦神功飛仙關外垂垂雨禾水崖  
邊蓋揭龍破石直穿坤所底汐潮竟與海相通始知古聖傳名處不尋常淺近同  
王心廣神禹漏閣詩禹甸山川垂遠功景傳漏閣真玲瓏石岩只透馮夷宅地脉巧  
穿溟島宮嚴道縣中留古蹟飛仙關內見神工巍巍蒙蔡夾相望閣外長江聲自雄  
姜城 在縣城南門內外卽龍門清源二水會流之間遺蹟猶存大致自姜城坎起至  
南門外公園後坎止皆是世傳蜀漢大將軍平襄侯姜維曾建土城於此以禦羌氏  
故名

雍州府志云蘆山縣舊土城在龍門清源二水之間蜀漢姜維建周圍二里世名姜  
城明正德中典史汪浩署縣事欲復大渡舊城而形勢不便乃就姜城拓之建石城  
周圍五里外環以壕上包金井之閣下連姜城之麓東臨龍門河西北倚清源河前  
文峯插天後來龍七里左望羅城之朝瀑右瞻佛圖之夜燈又云相傳明正德中署  
縣事汪浩築城禦寇欲僅抵龍尾山麓守禦自戶竹鳳以爲不上圍山頂則城不能  
守賊如俯瞰城中虛實靡不瞭然於是自率所部築九百丈故蘆城雖非百雉然形

蘆山縣志

卷一

三

勢頗壯石砌亦堅倚山臨河洶爲巖邑明末天全土司攻城四十日不能破蓋由城  
據其險雲梯樓車未易施也

又考龍門清源二水間有長岡綿亘形式龍臥其脉沒於縣城內曰龍尾山縣城周  
五里半屬平原半跨龍尾山石砌成衢明正德時署縣事汪浩創建卽今之蘆山縣  
城也城之南門外公園後坎有土城舊蹟世傳爲蜀漢大將軍姜維所築號曰姜城  
城址今尙可考週約二三里外臨斷崖內達南門內數十武汪浩新城與此舊址相  
套舊遺土埂未刪故穿城內南街須踰一埂因埂而建奎閣焉

胡聯雲姜城夜月詩片石何年追琢成宛如半月地中生相傳鬼魄同弦望自有蟾  
光共晦明酒醉欲尋吹管客詩狂相憶撞鐘聲姜侯義膽同秋月千載能忘想像情  
竹全仁姜城夜月詩姜城夜月弔忠良一片赤心映月光精白逢秋神更爽清明遇  
夜魄流芳九征爲國分圓缺一計酬君洗晦亡歲歲金風丹桂綻不知是德是花香  
李一本姜城夜月詩蠡嶺周圍月上遲漏聲皎皎玉孤碑度林竹影玲瓏見窺砌花  
陰瑣碎移光浸樓臺連雪湧香零霄漢任風吹遙看老桂婆婆在待我高攀最上枝

王心廣姜城夜月詩皎皎水輪不染泥厭從山出與雲齊姜城垣內精光現伯約祠  
前皓魄樓玉兔無端降地角仙娥何事插天梯總由斗膽冲霄漢明月飛來直代犀  
張夔姜城夜月詩雲端捧出爛盈盤古桂香中老影寒午夜清光千里共姜城人倚  
畫樓看

開明城 四川通志城在縣西七里相傳蜀王開明所築故名

按縣西七里當在思延壩街子上其地形勢雖可建城然無遺蹟可考潘遂寧福寺  
碑記則謂唐曆封開明王城云云故人多指爲姜城但一在縣城之南一在縣西七  
里兩相懸殊似仍未足據耳

靈關廢縣 在縣西北漢書司馬相如傳相如使蜀通靈關道橋孫水以通笮漢志  
靈關道屬越嶲郡華陽國志蜀王開明以靈關爲前門宋書符瑞志晉咸寧三年黃  
龍見漢嘉靈關唐志唐初析置靈關縣武德六年省

按楊雄蜀紀謂蜀王杜宇以褒斜爲前門靈關爲後戶靈關之名始著於此左思蜀  
都賦引之與玉壘並稱蓋此地外控羌氏內屏邛雅四週則山道險隘河谷則田疇

### 蘆山縣志

#### 卷一

三十一

腹美誠邊疆屯戍要地也因其地接蠻夷故言地理者多以之與司馬相如所關靈  
關道相混相如傳云鑿零山梁孫原孫水今冕寧之瀘沽河零山今越嶲之小相嶺  
也漢書地理志越嶲郡有零關道縣名今越嶲縣是也其字率書作零作靈者筆誤尤  
與此靈關無涉漢越嶲郡所轄十二縣皆是今寧區之地其北爲沉黎郡後廢郡曰  
旄牛縣今漢源縣境是也旄牛縣北爲嚴道縣今榮經雅安兩縣境是也嚴道北爲  
徙縣今天全蘆山兩縣境是也靈關又在徙縣之北安能懸屬於越嶲郡乎晉書符  
瑞志成寧三年黃龍見漢嘉靈關乃是此靈關耳大抵靈關零關原是二地後人因  
其同音緣古同音相假之義每亂書之後之言地理者轉相訛誤茲故依據地形略  
辨正之又考靈關向爲關戍雖晉猶然四川通志援晉書符瑞志文遂謂晉靈關道  
屬漢嘉郡亦誤靈關道乃漢縣應屬越嶲晉漢嘉之靈關只是地名非縣也直至唐  
武德初始置靈關縣武德六年卽省故地併入蘆山縣境至明猶然明於靈關設巡  
檢司稽董下諸番出入清雍正時併天全六番與董下韓胡兩土司地爲天全州靈  
關始改隸天全巡檢司則明代卽廢清末再設附志於此以備考云

始陽廢縣 在龍門水東金鳳山之陽西魏建今廢

大渡廢縣 在清源河之西下原壩靈山之麓一名巖道縣宋建今廢

姜城樓 在縣城南清康熙五年丙午邑令張啓鼎建道光十年庚寅邑令段榮恩重修邑教諭楊際華紀段公重修姜城樓均有碑記

清道光十年庚寅邑令段榮恩重修姜城樓碑記今上御極之九年冬十二月既望余捧檄來守是邦視其政簡民樸山靈川秀怡怡然想見我國家政成化洽無遠弗屆而官斯土者宜如何撫柔此民也越日循例謁廟閱城視其奎閣就傾工半壞躊躇者久之越明年省乃稽事蔚乃桑陰清乃訟源謹乃庠序修廢舉墜廉得其狀侵越者割之沃若者蠶之險而健者遺之才而茂者獎之德之幽者闡而發之工之亟者籌而葺之竊歎夫吾人果有心於其事抑何憚土之瘠而弊之深也治之南有樓曰姜城卽奎閣也準泮水爲文章志載創於康熙五年歷久就圯閱百六十餘載矣迺度城工規垣憲開崩折圯塌尺丈尋常周袤二千餘步有奇爰諏吉而經營焉乃

### 蘆山縣志

#### 卷一

三十一

慎董事得何生廷獻張生思經監督其間而少尹汪君亦勞指揮若石若瓦若灰若木若土擔者擊者攀者舂而負者植而莖者架梯而鈎連者橫則簷之幹則井之柱則標之節稅以錯之樞臬以衛之鉞之砌之甃之築之丁丁登登削木之聲與杵聲相應聞絳節頽鳩工咸飭南北繩如東西翼如墻則鱗如圍則帶如外則廓如內則環如登高視下比屋參差炊煙裊裊迥洪捍衛肅清之氣達於郊坰耆老爲余言甫修於乾隆之庚寅春會擢巍科者二人周甲之應其不爽乎余曰噫嘻青島之術儒者不道惟其然則補葺之舉與都人士之立志尤有不得不亟者是役也經始於秋七月落成於冬十二月僉曰是且足以壯觀瞻矣而余特嘉其從善如登亦以瞻民風之淳士氣之盛相與吾耆老子弟擊壤和樂太平之盛焉樂輸姓名得錢若干與工費之數鏤諸碑陰

邑教諭楊際華紀令尹段公重修姜城樓碑記邑治之南有巋然特出者姜城樓也樓何以名志云昔漢將軍姜伯約屯兵處故名位屬南卦爲離有文明之象中因裝塑文昌帝君暨奎神以助文教焉旁設司馬相如黃庭堅先儒木主各有遺蹟不忍



湮沒也登斯樓也羅城則觀朝旭奎閣則弔忠魂瞻鷲嶺而仰視神燈盼靈關而緬懷往績又如詞源湧萬斛之泉文筆挺中峯之秀以及麟鳳獻瑞龍虎呈奇山川之勝概宛在目前其一騷人墨客游詠區其制建自康熙五年在任張公啓鼎迄今一百六十餘載風雨飄飄久就頽圯庚寅歲明府段樸菴先生以古漢名進士蒞任斯主本學術爲經猷教擬文翁治追叔度狐威胥靖雀角無爭迺於政簡刑清之暇倡捐重修鳩工庀材不數旬而告歲棟宇壯麗神像莊嚴煥然一新誠盛舉也余適司鐸蘆陽竊幸聿觀厥成文風大有裨益與同學諸生登樓賦詩並爲作記所以紀實亦以誌喜也而都人士咸樂續譜詠頌先生之功不衰

金井閣 在治內東北角龍尾山上明崇禎六年癸酉朝列大夫竹密建有碑記清同治未張軒翹維傑維樸俞志濟重修

明崇禎六年癸酉朝列大夫呂人竹密金井閣碑記按蘆山縣來龍起自七里山辭樓下殿分枝劈脉兩水分界傍自寶子山結雲錦之帳搏換水星一里許號曰龍尾山成縣治焉東峙貧狼西照太陰火炎於南土居其中巍然成五星聚講之局亦云

### 蘆山縣志

#### 卷一

三十三

偉矣自建邑以來歷唐宋至我明科第興起不常者何哉僉曰爲學宜南向學後金井崗雖蜿蜒而欠特達出脉處雖成水星而少波浪宜建樓閣以聳主星余於萬曆丁巳解綬歸捐金百餘率衆改東向南夫文筆在南方火星也以地之靈值午之盛故一時濟美人才稱盛非天時與地利所致耶是歲春正借學博黃君鑑臨叩人陟斯巖而眺望焉遂有建閣之謀卽命勦輿擇向定基坐甲向庚崇禎五年壬申七月平基至十月初十日豎樓閣一座鄉官竹可樑廩生竹應官所建也樓之下魁神其像善士張進所塑也正庭三間神像龍門隱士楊萬文所塑也前曹門五間左右廊房各三間後有空塚志書載漢將軍墓相傳姜公諱維曾築城於縣遂以此爲公之塚及查三國志公爲鄧艾所刺亡於成都剖之膽大如斗此塚未必是公也亦以漢將遺跡石坊表而留之土地堂並像善士董學所修也厥功所費余與男樑柱樞高步捐金百兩首倡採木鳩工不辭勞苦不避風雪至於分日供匠柱高與萬文任其費或士民商賈捐助之若白衣菴則鄉官竹可柱王家植折嗣捐修者也余捐資買戴姓沙地一塊在宅後舒姓沙地二塊亦在崗後又水東路繼重水田一斗係楊萬

文所遺也每年租二石一石以完錢糧一石納閭以充性容焚獻常住未及一年而厥功告成庶幾主星屹立登高四顧指九天爲大廈望兩江如衣帶萬星來龍突生頭角聳玉柱以參天奠金熬而駕海朝陽之地漸生梧桐萋萋高崗之上徐聽鳳凰啾啾吾庠之騰踏飛黃者蓋不止此也斯舉也固以助風氣尤以安聖神爲士民朝拜祈禱之所見像作福未必非興起爲善之一機也嗟乎不爲之倡則前工孰創不爲之識則後人誰考刻石以垂不朽倘天道有知其鑒予之衷士民有心其念予之苦若施而望報非余心也謹誌

竹全仁曰先大夫謂此塚非姜公蓋避嫌也敬以詩辨之卽先人亦無敢諱恐失真耳知我罪我俟之明見詩曰九伐中原世重姜得收斗膽葬蘆陽山高猶憶乾坤小水遠如流節義長北漢李陵難與比西湖武穆始堪方前人誤謂非公塚俠骨忠魂何處藏

清康熙間學博樊澤陪員令張緒守備吳敦簡九日金井閣登高吏員張應宸送酒竹全仁送菊澤賦詩曰龍山勝會又重開冠履如雲接踵來儒雅參軍標秀韻風流

### 蘆山縣志

#### 卷十

三十四

太守負奇才題糕不愧劉郎筆送酒還同杜老杯惟有此君知愛菊平襄隴上共徘徊

鶴起樓 在縣城十字街清同治九年庚午邑令李德蔭建有碑記光緒十九年癸巳燬於火按邑志舊稿標題鐘鼓樓碑記非是

清同治九年庚午邑令李德蔭建鶴起樓碑記事有似創而實舊者夫鶴起樓之建是已已夏予權縣篆蒞任後觀其形勢之雄闊山川之秀偉而予之聽後人民之淳樸意必家給人足當更有擢巍科而登顯仕者詢訪之餘乃知前代地方本稱富饒科名亦甚顯赫心竊疑焉豈近日之農皆不知力穡士皆不知讀書歟抑地脉果有盛衰耶邑紳告予曰前有李遊府精勤輿術謂蘆地土星稍薄以故富貴之發不能顯達必於十字街建崇樓以培之予曰信斯言也樓之建烏可緩耶爰集紳耆倡議鳩工在予與紳等皆以爲創也乃去其浮石浮土而舊基宛然在焉時代無可考證然亦安知不在地方富饒科名顯赫之時乎則斯樓之建不謂之創固不得矣其又可異者樓之建卜吉於庚午二月十七日酉刻上梁梁既上日已暮矣次早

卽有雙鵲營巢於梁上戶牖綢繆觀者如堵又未幾時居然育子矣夫鵲之爲物知陰陽氣候風水高下且以其能報喜也呼之爲喜鵲妙之來或預以呈瑞應乎雖靈異之說予不取而目覩其事者要不能忽然置之樓旣成卽顯其額曰鵲起蓋取人文鵲起之意亦正以志實事也他日者農積紅朽士受紫封自有此樓而蘆之民行將復其地方富饒科名顯赫之舊鵲巢之瑞應更無極矣召南首鵲巢以志風化之始茲巢也其風化有由始乎則予之斯文謂之志實也可謂之志瑞也可謂之志創也可謂之志因也亦無不可

平襄樓 在治城東南隅北宋建四川通志作縣北或因始陽縣舊治而云

對花樓 四川通志樓在縣城南廣福寺前宋黃庭堅建又有清白堂及報豐浮春望霓三亭諸勝云

清道光二十九年己酉邑令范岷清曾於縣署捐建對花軒其跋云署東舊有對花樓邑志載爲黃山谷所建然無實據亦無有年月可攷己酉之春予權斯土見遺跡雖存而瓦木率皆凌礫窗櫺半埋塵土意不致盡倒塌者殆一毫之繫耳予竊思古

### 蘆山縣志

#### 卷一

三十五

人之所流覽不忍就湮爰卽所現餘木料之可用者並捐廉更買新料移至西邊改作花廳三間加以裝彩而以石砥更對花樓額曰對花軒不一月而煥然一新可作公餘之消遣亦不沒古人之成績云爾

靈山文星樓 在靈鷲山清康熙五十一年壬辰釋照聰建邑人竹全仁有碑記

清康熙五十七年戊戌邑孝廉竹全仁靈山文星樓碑記西川靈鷲山高聳雲外離天尺五居八勝列鏤於西漢關之爲門久入蜀都之賦倚若後戶早歸形勢之圖祇園之勝旒秀之源設險守國之意畢具焉其前則天生橋轉而特起獨峯上挿青霄下起龍脉建之層樓僉曰文星蓋取靈隱寺詩莊子月中落天香雲外飄之意名不逃禪形不落俗千山如螺萬水如帶日照則金世界雪砌則玉乾坤東眺漏閣壯禹跡之神南俯佛圖羨山靈之永西覽天全敬藩垣之帶礪壯瞻董卜愛天外之享王若逢王勃盧襄輩其揮之筆底者不知若何富麗也雖然黃州岳陽酸風未退簪邊關江遷穴堪悲斯樓雖地當蜀末然雄峙清幽似甲天下且納子照聰有晉慧遠風味創修始於壬辰落成在於戊戌予盛夏避暑於茲爰援筆記之於石

思延魁星樓 建於清同治年代未詳旁有古柏一株民國肇邦枯而復生

樊太守讀書處 在後石佛寺

明張布政讀書處 在治北十里任家壩白塔寺內寺爲明武宗正德初年江西布政

使邑人張斐捐資培建其讀書處在焉正德十四年己卯寧王宸濠叛時斐陷於九

江城破殉節詳忠義列傳邑令朱澗白塔寺記亦略紀述其緣起云

明邑令屠公諭思延父老處 在治西十里思延壩三江口朝陰寺有明武宗正德十

年乙亥所刻碑記尙存昔者由石馬壩渡三江口至下思延壩爲第六黨原屬蘆山

縣治其北至街子坪交天全六番土司界自土司侵界屠公繼父子與靈關巡檢楊

聖祖率民兵禦土司兵於朝陰寺附近楊巡檢暨公之子既死難公亦盡節於官焉

明正德間山東都司邑人李必欽有請建屠侯祠碑記

碑記載入廟壇

明石墨居士載酒舊遊處 在治東昇恒橋下石嘴明雅州進士傅良選書刻此石石

墨居士蓋謂明邛州牧陞威州兵備松茂道特加監軍僉事崇禎三年庚午邑孝

廉程翔鳳也

## 蘆山縣志

### 卷一

三十六

銅鼓 在治東北二十里龍門鄉石山寺後

嘗考邑之石山寺後有銅鼓廟或改爲鼓樂祈雨齊心同奮蓋同鼓而非銅鼓甚屬

穿鑿按諸葛武侯以蜀地偏近蠻夷乃設銅鼓以鎮之面廣一尺七寸高一尺八寸

邊有水獸四東腰下空旁有兩耳細花紋色如瓜綠重三十斤懸於水上用檣木擊

之聲更巨蠻俗相傳以爲寶物鼓有剝蝕而擊響者爲上上鼓易牛千頭次者七八

百頭歲至二三枚者即得雄視一方僭稱王號每出擊鼓高山諸蠻頃刻雲集集則

椎牛數十頭饗之出劫數勝蓋以鼓爲神器以鎮蠻也馬湖之蠻歲暮千百爲羣擊

銅鼓歌舞飲酒窮晝夜其所積蓄弗盡弗止又置銅鼓堆鎮諸山叛者成就帖服故

有銅鼓山銅鼓岩石洞高敞如屋深遠可三里許中有一溪橫貫若白練於此擊鼓

聲震諸山此諸葛鎮蠻法也四夷之性情不一諸葛皆用銅鼓以鎮之榮經蘆山爲

諸葛初擒孟獲之處鎮以銅鼓在所必然然則蘆邑龍門鄉銅鼓廟之命名有自來

矣其非齊心祈雨穿鑿謬說可改爲同鼓而非銅鼓亦甚明也惟銅鼓大小與雍正

七年閏五月黃螂獲之四面尺寸形像微有不同又按四川通志載萬曆元年四川

巡撫曾省吾蕩平九絲成都蠻俘獲諸葛銅鼓九十三面擇有聲者六十四面其餘諸說略同又按太平寰宇記載雅州之夷獠俗信妖巫擊銅鼓祈禱至今蘆山縣新安鄉五百餘戶卽其遺族也考邑之舊以龍門爲鄉名者自元至正五年二龍爭鬪噴石百里始前此當是新安鄉且銅鼓廟現仍在該鄉其爲新安之獠蠻地無疑矣附志於此以備考云

陶龍 在治城東街文廟照壁係用陶質方磚九枚嵌成每枚皆正方式方各廣約六尺合鑲成爲整幅嵌入照壁尖角正向上下左右魚龍各一作翔躍狀雲水相參生動入妙花紋深淺不一皆精工細琢截成九塊入窖燒成者陶色灰黑其雕琢之精嵌合之巧實所稀見微有數部缺損大體完善當係明代改建文廟時立迄數百年絕藝猶存洵可珍矣

石蠶 在治南十五里石蠶壩水中土人相傳昔時有人夜見大蠶食害禾苗歷歲爲患時隱時現且恒傷人畜人皆懼之時鄉中有少年夜伺田間奮力斬之其患乃絕故今石蠶上猶存斬斷痕鄉人因祀焉邑明經原任廣安州州判李彥虎曰斬蠶

### 蘆山縣志

#### 卷一

三十七

者卽漢樊侯啟也

漢樊敏墓前石獸 在治南五里石馬壩田中漢樊敏墓碑之前二似石虎均陷田墜間或露首背或露全軀形制雖鏤與雅安姚橋漢高頤闕前石獸相類一似石羊較虎爲小頸毛卷曲無角土人誤呼爲石獅子又曰石馬亦呼二石虎爲馬故此田壩一名石馬壩云

漢王暉墓前石獸 在治南三里沫東鄉楊家壩一名石羊上有形似羊狀之舊刻殘石一具自頸下斷去有雙角失其身軀頭在一民宅後竹林內其旁另有石獸一身既殘破亦失頭部其足具五爪類似獅虎尾長卷曲下垂與對峙約三十武復有石獸一除左前足及尾斷失餘皆完整與前石獸首皆南向又其頰與肩皆有翅肩翅有二健羽長達脅部形制長度高度略與樊碑高闕前之石獸相埒而雕鏤精巧過之所不同者此獸後腿有飛毛頤下有鬚眉長而卷曲頂有獨尾腦蓋亦有長毛掩之擬爲兕虎獅羊皆不合殆所謂辟邪之類歟

又考孫宗文先生漢墓漫譚引封氏見聞云秦漢以來帝王陵前有石麒麟石辟邪

石象石馬之屬人臣墓前有石羊石虎石人石柱辟邪卽獬豸似羊獨角相傳其能辨奸邪見卽觸之邪人自避故曰辟邪淮南子主術訓楚文王好服獬豸冠後漢輿服志法冠謂之獬豸冠獬豸神羊能別曲直故以爲冠大抵漢儒痛邪人難辨故造此說以諷人君非必卽有此獸後卽以爲帝王辨識賢奸之象徵故陵寢以爲飾物言官職在彈兇糾貪有類於獬豸後世因又借以喻言官近則多解辟邪爲可辟邪崇繪懸門首俗呼香口已失其本義矣封氏見聞謂帝王陵始有辟邪石馬亦不盡然西京雜記載陳竊掘張丞相墓前石馬足見公卿亦得用之蘆山無帝王陵此石獬豸自是人臣墓飾意者墓中人或爲公卿或爲言官故得用獬豸耳

靈鷲山圓覺洞 在山寺岩下內有十二圓覺及十供養塑像山徑幽峻下臨深澗相傳爲某禪僧閉關修持之所

靈鷲峯天生橋 在峯岩間形勝之一

明竹密天生橋詩一派嶙峋接地生誰人不說是天成仙凡隔世無來往故設慈航渡衆行

## 蘆山縣志

### 卷一

三十八

靈鷲峯馬鞍山 在峯頂寺前形勝之一

明竹密馬鞍山詩殿前天馬擁雲端日出丹霞挂繡鞍不是風鞭策不動爲留勝概古今觀

靈鷲峯寺鐵鑄神龍 相傳明代所鑄在土中掘出長八尺時顯靈異

鐘鼓山文峯塔 明代建於三崙上官山頂竹密金井閣碑記謂文筆在南卽指此也

清光緒十九年癸巳移建鐘鼓山故名民國三十年秋因防空襲折毀

佛圖山寶塔 建於清初年代未詳塔下有石刻地藏洞及地藏王像

三江口寶塔 建於清光緒二十年甲午聳峙江表封鎖沫水及水東河兩河水口

白塔寺石塔 在治內仁嘉場白塔寺外稻田間

觀音堂天王石塔及鐵鼎 在治西十里思延壩天王石塔高約二丈上刻天王石像

鐵鼎在大佛殿前重約八千斤堂爲楊土司建

三官廟鐵像 廟在治內東小街有鐵鑄水府三官神像三尊俱高五六丈其背有陝

西西安府商人張九思等造於萬曆十九年字蹟

石佛寺石舍石佛 在治南十里石佛寺寺爲明成化元年建萬曆崇禎間歷經培修石舍石佛在門左林內

廣福寺塑像與鐵鐘 寺在治內南街明宣德三年建天順末年續修崇禎無比塑像有八金剛四天王三大佛像十二圓覺偉大精細美妙莊嚴靡不神情飛動出人意表又大殿後塑普陀觀音像高約二丈許壁後塑天龍八部諸羅漢水怪蓮跌側善財龍女大小不一亦莫不傳神異致工巧卓絕且歷今四百七十餘年色澤如新可謂竭盡藝術能事洵足貴矣又寺內鐵鐘甚巨係明成化三年知縣歐陽寧典史汪浩監鑄鐘聲洪遠有時不撞自鳴故又號稱靈鐘相傳時有婦人施金耳環鑄匠工於技巧卽留整環形於鐘面隱約可辨遂傳爲奇蹟云

白衣菴塑像 菴在治內東門南隅清雍正七年建塑有疊石巨岩白衣大大士像斜披半幅側坐其上岩下僅一童子別無雲龍花雨佛焰靈光諸飾法相莊嚴爛逸兼致如素瓶供養蒲萐有飄然絕塵之概與廣福寺塑像要皆出自名手所作深得佛教本旨其淵源印藏無疑義也

### 蘆山縣志

### 卷一

三十九

廣福寺靜性泉 相傳清乾隆間邑令謝生晉嘗遊憩廣福寺偶於寺之藏經樓後掘得一井其水清澈甘美因題曰靜性泉其石刻三字今尙存井旁云

漏澤園 在治西城外川王宮前明萬曆十二年知縣李廷楨典史鄂鳴主簿張秋立石枋現存

學宮博文約禮兩齋 在學宮明倫堂前俱毀

申明亭 治前毀

旌善亭 治前毀

迎送亭 在治東二里久毀

迎思亭 在治南城外久毀

演武廳 在治東郭外久毀

訓導署 在治內舊文昌宮左訓導黎廷相建清雍正七年天全改土歸流以後裁歸

天全

教諭署 在治內東小街學宮右曾裁改爲縣教育局今毀

縣丞衙 裁廢

主簿衙 裁廢

靈關巡檢司署 在靈關城內裁廢

守禦蘆山黃牛鹽井所百戶衙 裁廢

陰陽學訓科 在治前前代衛族世襲俗呼衛土官穿衣廳裁廢

醫科訓術 在治前前代李族世襲俗呼孝土官穿衣廳裁廢

僧道會司 裁廢

養濟院 在治西城外久廢

### 名墓

漢故領校巴郡太守樊府君墓 在治南五里石馬壩樊敏碑附近有二似石虎又稱石馬一似石羊均陷田塍間其石羊後土台爲一稻田密穰之大平原後倚汪家壩淺山山麓有人戶其側平台地相傳清道光間邑令余翼蒞任過此隱見其處旗幡森立就之無所見卜爲樊君宅兆云嘗考其地距樊碑約一箭之遙形勢頗合昔者

## 蘆山縣志

### 卷一

四十

或經余公考察判爲樊墓所在曾予封識致祭土人遂訛傳神說耳

漢故上計史王暉墓 在治南三里沫東鄉楊家壩楊氏雙節坊側故有石棺一具沈埋土中微露前和之半於叢棘間卽俗傳疑爲樊侯墓或樊侯狐妻墓者是也民國三十一年壬午首夏邑令張宗翽發掘此棺遂露全部其石棺之前和左端鐫有墓誌書約方寸有奇之隸體計五行前四行行八字末行三字文曰故上計史王暉伯昭以建安拾六歲在辛卯九月下旬卒其拾七年六月甲戌葬嗚呼悵哉凡三十五字皆爲陰文其左右牆與前後和連底爲長方匣式左牆側面浮雕蚪形右牆側面浮雕螭形前和鐫似雙門右半啓有仙童撫門露半身作倚立迎候狀髮鬢風帶衣底見足脛上著甲亦浮雕左半門閉鐫墓誌後和浮雕蛇纏龜身兩首對峙作欲吻狀棺蓋下方有唇與棺口二唇合四方各向外微張上方自首達尾作並行之淺圓渠七蓋之前端上雕椒圖一口銜環兩爪撫之有翅蓋之右前後側各已離唇少許微斜偏左又棺之右側面近後和之螭尾處鐫缺一大洞口左側面棺蓋近前和蚪首之上方亦擊缺一小洞口缺處均附土固結去土後透光綫棺內全空其棺甚壯



形制古樸以棺之前和虛右半未鐫墓誌文字印證之似容雙葬者棺乃紅砂岩石琢製惟年侵土蝕石色稍變黑暗耳又石棺之外周多以甌爲槨磚質形色花紋不一砌砌皆成圖案惜其陰露水浸諸多破碎間亦發現有陽文可辨之文字殘甌如羊字或大君嘉等字者要皆片斷不全無從研考諸甌中又有似扇面形一種之較巨者長短兩側皆有花紋餘兩側及兩面皆無之殆用以嵌砌甌槨於石棺之頂層俾作拱狀形者察其石刻甌琢之精工亦足徵漢代葬儀之隆盛矣又石棺之前有幽堂破碎明器中之陶甚片多曾掘得陶人五具陶鴿一雙陶盤一枚凡各明器排列右側近甌壁處甚密陶人高出上部多被斷去勉能湊合者三具邑令張公聞於省府主席劉公固命建亭誌之題曰漢上計史王暉墓亭焉

又詳考王暉石棺長二四六點五公釐左右側蚪螭浮起約二公釐前和下方寬八二點五公釐上寬七六公釐中綫高五五點五公釐兩側斜高五六公釐後利下方寬八三公釐上寬七六公釐中綫高五五公釐兩側斜高五六公釐棺底厚一二公釐展出其微棺口外層厚五點四公釐內層突起四公釐厚四點二公釐蓋之前端下

## 蘆山縣志

### 卷一

四十一

寬七七公釐左右各展出四公釐後端下寬七六點五公釐左右各展出三點五公釐七折渠各約闊一三點五公釐棺之右側距後和三五至一零四公釐處爲一長六九公釐高五零公釐之大洞左側棺蓋亦有一小洞皆有錘裂痕其爲曾被發掘無疑蓋蓋之右前後側各微離臂偏左似因蓋重未能揭去故於棺之左右側各穿一洞口便貪取殉葬物耳土之相傳羅太爺盜寶並稱其人曾任邑令修鐵索橋頗著政績查邑志舊稿職官表清康熙三十五年丙子縣令羅之熊字子濱陝西安塞人有政績且建鐵索大橋功甚偉豈其人歟然此次發掘墓前幽堂時於深土忽拾得光緒通寶錢一枚竊疑此墓被發掘者更非一次宜棺中物已纖芥無存矣

椒圖旣在棺之前端脚環或以爲饗養或以爲辟邪皆非楊升菴云俗傳龍生九子皆不成龍各有所好弘治中孝宗御書小帖以問內閣李文正公具疏以對據圭峯羅圮蘆泉劉績之言一曰蟲屬似龜好負重故爲碑趺二曰螭吻似獸好望故爲屋脊三曰蒲牢似龍好踞故爲鐘紐四曰狴犴似虎有威故立獄門五曰饗養好食故立鼎蓋六曰蚺蚺好水故立橋柱七曰睚眦好殺故立刀環八曰金猊似獅好煙故

香爐九曰椒圖似螺好閉故爲鋪首部錄升鋪首門上獸環也漢人已屢用鋪字皆作此解但未確言其具獸形其亦未名其獸爲椒圖然自李文正公奏對遂成典實此棺前端所鑄圖象似義在於閉與門環不同稱曰椒圖於義或可蚪螭龍之小者有角曰蚪無角曰螭俱已著於說文古以龍喻天子蚪螭喻公卿大夫楊雄答客難有羣蚪終螭之升于天語則舊傳蚪螭能飛可知故漢代石刻蚪螭圖象皆有翅昔人亦知雄物有角雌物無之故以蚪螭爲牝牡埤雅雄曰蚪雌曰螭是也王暉墓誌刻在左屏蚪亦鑄於棺之左側故知此爲準備夫婦合葬而作又其蚪無環節螭則有之似爲婦女重節操之寓意又蚪口御帶螭無之沈府君雙闕亦分雕蚪螭惟皆脚帶帶上各繫一璧此與微異耳至於龜蛇古以龜爲介蟲之長與龍鳳麟合稱四靈以爲瑞物又以與龍虎朱雀配四方稱爲玄武主北方此棺後和向北故雕此物耶又俗傳龜無雄以蛇爲雄此石雕龜而蛇繞龜身兩首相親似有交歡之象亦似喻人夫婦之義也又棺之前和鑄有雙扉左半扉閉鑄上述墓誌其右扉半啓而無文字者蓋可想見特留以鑄其妻之墓誌其棺乃備夫婦合葬無疑大約王暉死時

蘆山縣志

卷一

四十一

其妻未殉故未合葬遂爲雕仙童仍作倚候狀理或然歟仙童二字係以象形命名蓋當時張道陵之教流行蜀地深入人心接引昇仙之說必盛斯刻仙童迎之亦一時習俗風尚所致否則擬爲茶壘雖在建安時已流傳但多用在食鬼或宅門未聞用在墓門者且其像亦不類和善若此也古者棺槨並稱周尸爲棺周棺爲槨槨原用木論語顏淵死顏路請子之車以爲之槨左傳魏舒卒于甯范獻子去其柏槨檀弓桓司馬爲石槨三年不成無云用輒者或曰檀弓謂有虞氏瓦棺夏氏聖周殷人棺槨周人墻置嬰聖周卽以輒周于棺也惟說文聖字不作輒解就檀弓文義似殷人始作木槨夏人但以土周于棺耳姑以輒周于棺者名曰輒槨王暉墓係先用紅色輒鋪平乃置石棺其輒今悉化爲紅土不可掘惟可辨其鑲嵌之狀石棺左右距底約一八公釐處周匝巨磚平疊直上如墻竟磚之長以爲厚約四零公釐其上更作何狀因迭經發掘折毀無從詳考但附近隨處可掘拾如扇面形之巨磚長短兩側俱飾花紋餘兩側及兩面并無之又嘗見土人家扇面形磚一匹上下有文乃知王墓棺蓋上方確作圓拱形狀其散佚之

扇面形甗卽作圓拱用磚者也蘆山古墓甚多古磚遍地皆是當係墓圯後所散布顧其製式複雜其質有用陶土者作灰黃色用砂質壤土者青色用壚土者黑色用赤色頁岩風化之粘土者悉已還原爲土質其式概因破碎不能盡知但見甗櫛幽堂左壁全磚長方形長四零公釐寬二四公釐厚七公釐其餘殘磚有僅寬一一公釐長二四公釐者又有作扇面形者率有文其文多爲十餘種除一種紅色甗作銀杏葉脉凹紋外餘盡凸起或作啞鈴文或作錢文或作細菱形織文或作套三角文或作環珮瓔珞之文或作同心圓文或作各類文字要皆不一致耳

幽堂卽窀穸也在王暉甗櫛之前端寬一二零公釐高度因頂部早被掘毀無從測知明器者象物殉葬之器凡死者生前享用嗜好之物皆爲備具陳列幽堂禮弓其口明器神明之也此次於幽堂掘拾其排列右側近甗壁處之陶人五具陶鴿一對陶盤一枚陶人高出上部多斷去勉可湊合者三具陶人原分兩列前列近墓者似爲武吏兩足著靴單製上端作樺另製軀體於衣底留二孔以承此樺惜軀體全毀僅衣底二孔附連之部尙存亦皆破碎去土卽裂第二人似爲文吏上部亦毀後列

## 蘆山縣志

### 卷一

四十三

第一人頭已失去軀部大體完好兩手相接於胸無脚卽衣底爲座無衣褶簡樸殊甚第二人一手秉璧一手執巾與杖杖上方作圓圈狀蓋奴僕也第三人製式最怪挽髻不冠裸體張口斜吐其舌甚長兩臂已斷裂巨腹高聳似孕婦而無乳袴襠於胯間故腹與臀外露甚醜蓋奴之犯過受鞭楚者也疑其右側相當部位尙有執鞭之奴惜掘毀無跡耳二鴿製皆粗拙陶盤盛土膠結微有硃其沿邊觸手卽碎已非完品大致明器皆然緣年久沈埋土中未經風日故也

清邑貢生程述洛石棺考治南二里許官道旁有石棺一具半掩半露棺蓋微斜中空無物其上無字其前無碑因不知造自何時並不知造自何人按禮弓云昔者夫子居於宋見桓司馬自爲石槨三年而不成夫子曰若是其靡也死不如速朽之愈也是石棺之作在周已然考華陽國志云周失紀綱蜀先稱王有蜀侯蠶叢其首從先稱王死作石槨石槨國人從之故俗以石棺石槨爲縱目人塚蘆處蜀之西南角或彼時人從俗造此亦未可知古人制器必有根據不可意爲棄取特志之以就正於博古君子

蜀漢大將軍平襄侯姜公諱維墓 在治內城之東北龍尾山頂金井閣清康熙四十六年丁亥邑令張緒奉四川撫軍熊公命立有石碑今圯

按蘆山城之東北龍尾山金井閣閣前巨墓有道光十六年知縣事段榮恩所立碑  
署曰漢大將軍平襄侯姜公諱維墓並節錄其題字謹按姜侯志存漢室功在全川  
靈異昭垂蘆陽尤著又龍尾山祠墓所在神巖式之春秋以少牢祀之舊矣又舊表  
在康熙丁亥年縣令張公緒奉撫軍熊立石標之今圯矣爲樹華表而贊之亦守土  
之職也云云相傳此爲姜維瞻墓憶三國志維傳爲北來將士所殺剖其腹膽大如  
斗當時成都大亂維爲亂兵所害被害後尙擾亂十數日乃定則維尸應無葬所何  
况其瞻或曰衣冠塚較近理維傳雖未言其曾至漢嘉但已述其明曉邊事熟悉羌  
情其時天葭寶一帶多有羌氏或曾遣部將築城置戍以資控馭成將亦遂假其威  
名而稱姜城未可知也當後主出降鄧艾詔各城戍罷兵之時蜀中將士拔刀砍地  
極感不服維與後主書有將使日月幽而復明之語則其志可知維雖敗死姜城僻  
處邊陲或有忠義之士及其子姓未甘降魏仍擁維之虛號號召羌氏如田橫入海

## 蘆山縣志

### 卷一

四十四

鄭氏存明理固有之今邑境尙存姜姓相傳爲維之後裔然則招魂築墓血食先靈亦足以風百世矣

宋大觀進士楊巽墓 巽字與權宋徽宗大觀三年己丑進士墓地失考相傳漢平襄侯姜公祠前舊有殘石鐫楊公之銘四字卽以爲係楊進士墓銘殘石非是詳載金石

按蘆山舊有宋進士楊巽墓失考惟聞平襄侯廟前碑帽殘石有楊公之銘四字意蓋以此爲楊巽墓碑也考巽爲宋大觀進士漢嘉張祺之甥嘗從祺妻眉山史炎玉受業祺與黃山谷爲中表山谷遊青神炎玉曾以蘆山所產綠菜贈之蓋巽所遺也山谷書綠菜贊以報現刻姜侯祠內又考張松坪金石聚載楊君之銘殘碑摹本乃有碑陰二十一行其額楊字之上且有尉字半存張氏附跋判爲漢碑今幸於姜祠外兩石獸間掘得此碑殘石上有尉字半截及楊君之銘四字又碑陰存字凡二十一行與金石聚摹本印證符合且碑額楊字上旣存尉字半截則尉字上必冠有他字如都尉之都字乃成其官名又碑陰存字官皆漢制益信張氏判論非虛惜未掘

獲碑之下段無從詳考其始末耳

明大方伯張斐墓 斐爲縣北清源鄉人明永樂二十一年癸卯孝廉官至江西布政使墓在治北雲峯洞麓

明朝列大夫竹密墓 密字心齋邑明經進士明萬曆間官至湖廣布政司參政道僉事暫假廣西六越駐鎮府行都司墓在治北舊大渡嶺

明奉政大夫王儒墓 儒爲邑之南街人明嘉靖間曾官直隸省直隸州知州墓在治北沙壩頭

明成都龍泉驛指揮使竹銘墓 明洪武二十五年實封百戶守禦蘆山鹽井詔賜鐵券墓在治內北小街

明六番招討使楊慶龍慶虎墓 在治北八里濇田窩

明啓南先生程之緒墓 之緒字啓南爲邑之龍門鄉程家壩人明崇禎間舉孝廉隱居不仕墓在治北龍頭山

明程氏六烈墓 程氏六子其名失考邑南水東鄉人明末張獻忠據蜀召試鄉闈死

### 蘆山縣志

#### 卷一

四十五

難成都有衣冠墓在治南大面山

明典史汪浩墓 浩與明邑令屠巒同時自屠公父子因天全六番土司侵界死難後

浩以縣尉捧檄治縣事有政績見邑人李必欽請建屠侯祠碑記明正德間事也墓在治北七里廟溪山姜公廟右傅姓墻隅

清孝友處士張志賢墓 志賢爲邑城內人年代未詳墓在治西八里思延壩

蘆山縣志卷二

建置略

城池表坊公署廟壇  
津梁驛驛湖候公園

方域之志古號圖經疆理沿革固其綱要此體國經野慎守吾圉者所宜致意而建置尙焉蘆山僻處邊隅自秦立嚴道以降封域廣狹移隸分合代各異制名稱亦殊逮隋仁壽三年始名蘆山縣舊屬雅州其地山勢綿亘河流湍急接壤羌夷又與雅安名山天全諸縣連界雖經累世開拓然兵燹頻仍關於建置因舊無邑乘已鮮可考茲搜羅鄉獻徵攷羣書與夫碑記所載聞見所及者彙而志之庶於蘆邑規制廢興之繇略可識其梗概諒亦邦人士之志也

城池

禮運曰城郭溝池以爲固孟子策滕云鑿斯池也築斯城也與民守之誠以重門擊柝以待暴客而又外環以濠用嚴保障夫而後深溝高壘於攘外安內有資焉蘆邑四城原有雉堞石砌甚堅雖非金湯亦壯邊隅之勢故時際承平足防盜竊一逢寇亂足資捍衛蓋蘆山城基高敞三面瀕河儼然天生濠塹亦可見其形勢矣特歷年久

蘆山縣志

卷二

遠不無復隍之虞斯則守土者之責也

舊蘆山縣土城 在龍門清源二水之間相傳蜀漢姜維建周圍二里世名姜城

蘆山縣城 明正德中典史汪浩署縣事就姜城拓之改建石城周圍五里高一丈六尺外環以濠形勢頗壯如昔之營繕堅實以固封守非偶然也

開明城 在縣西七里相傳蜀開明王建然無遺蹟可考

始陽縣城 在龍門水東金鳳山之陽西魏建墮久矣

大渡縣城 在清源河之西下原壩靈山之麓一名嚴道宋建今廢

蘆山故城 卽今縣治

按元和志縣東南至雅安七十里隋仁壽元年置蘆山鎮於此因山爲名三年改鎮爲縣寰宇記昔姜維於此築城隋仁壽元年重開此地遂就姜城置縣舊志姜城在縣治南唐宋皆因之元末省入州置巡檢司明初復置縣又考蘆山初作蘆山元改名蘆山及明復縣治始更今名曰蘆山縣云

坊表

蘆邑坊表大都代遠年湮圯廢失考鮮可紀述茲就知者錄次

漢平襄侯姜公祠坊 在治內城東南隅姜侯祠明嘉靖三十五年丙辰邑令羊亨建

立平襄侯牌坊有碑記

明嘉靖三十五年丙辰邑令羊亨建漢平襄侯牌坊碑記平襄侯牌坊之立既竣邑

民程琥等請太學生思菴王子書以紀其歲月思菴固辭因以強余夫姜侯在漢封

平襄侯在唐封開明王其事功載在史志者固不必論其開拓疆宇鎮撫西南綏輯

民夷顯著茲方者不容泯也邑民感而思焉敬而祀焉祠宇之前立□□□□之噫

民心之天良其不能自己者有若□□□□□□蓋自嘉靖己卯之四月告成於□

□□□□□□□□用木植以百計陶瓦無慮百千工匠之資費四十金當其事者邑

民周文秀李成陽楊應教楊芴助之成者張金生羅文彬王甫程祥守其祠者琥也

祠在蘆邑城內東南隅君子過是邑拜瞻是祠固足以見有功於一方者之必獲報

尤足以徵蘆民之敦義云 雜州府志  
闕文仍舊

漢將遺跡坊 在治內金井閣年久圯廢

蘆山縣志

卷二

靈關古道坊 在治東今廢

學宮騰蛟起鳳二坊 在治城學宮前建立年代未詳清宣統二年庚戌改設縣立小

學校始廢

山斗望重坊 督學道萬為宋黃庭堅立今廢

大方伯坊 在城內北街邑人為明正德初江西布政使鄉賢張斐殉節九江建立今

廢

真民父母坊 邑紳為縣令李弘澤立今廢

民之父母坊 在城隍廟邑紳為縣令張緒立

皇都得意坊 在城內南街邑人為明嘉靖戊午舉人王之賓立

龍章申錫坊 在城內北街邑人為鄉賢明竹會陽竹密父子立

張七廟坊 在治內思延壩明天啓元年建

政績懋著坊 邑紳為縣令沈士本立今廢

沈侯甘棠坊 邑紳為縣令沈杰立今廢

蘆邑坊表大都代遠年湮圯廢失考鮮可紀述茲就知者錄次

漢平襄侯姜公祠坊 在治內城東南隅姜侯祠明嘉靖三十五年丙辰邑令羊亨建

立平襄侯牌坊有碑記

明嘉靖三十五年丙辰邑令羊亨建漢平襄侯牌坊碑記平襄侯牌坊之立既竣邑

民程琥等請太學生思菴王子書以紀其歲月思菴固辭因以強余夫姜侯在漢封

平襄侯在唐封開明王其事功載在史志者固不必論其開拓疆宇鎮撫西南綏輯

民夷顯著茲方者不容泯也邑民感而思焉敬而祀焉祠宇之前立□□□□之噫

民心之天良其不能自己者有若□□□□□□□□蓋自嘉靖己卯之四月告成於□

□□□□□□□□用木植以百計陶瓦無慮百千工匠之資費四十金當其事者邑

民周文秀李成陽楊應敖楊芄助之成者張金生羅文彬王甫程祥守其祠者琥也

祠在蘆邑城內東南隅君子過是邑拜瞻是祠固足以見有功於一方者之必獲報

尤足以徵蘆民之敦義云

雅州府志  
文仍舊

漢將遺跡坊 在治內金井關年久圯廢

### 蘆山縣志

#### 卷二

靈關古道坊 在治東今廢

學宮騰蛟起鳳二坊 在治城學宮前建立年代未詳清宣統二年庚戌改設縣立小

學校始廢

山斗望重坊 督學道萬為宋黃應堅立今廢

大方伯坊 在城內北街邑人為明正德初江西布政使鄉賢張斐殉節九江建立今

廢

真民父母坊 邑紳為縣令李弘澤立今廢

民之父母坊 在城隍廟邑紳為縣令張緒立

皇都得意坊 在城內南街邑人為明嘉靖戊午舉人王之賓立

龍章申錫坊 在城內北街邑人為鄉賢明竹會陽竹密父子立

張七廟坊 在治內思延壩明天啓元年建

政績懋著坊 邑紳為縣令沈士本立今廢

沈侯甘棠坊 邑紳為縣令沈杰立今廢



惠商恤民坊 邑紳爲縣令劉時遠立今廢

公署

古稱官舍曰署玉署粉署其最著也左氏曰署者位之表也其地負陽答陰其事體國經野宣猷布化退食省身此其立意至善非僅崇尙體制而已蘆邑舊有官署自民國肇建多有更新名稱亦隨之而易今略述概要以明新制焉

蘆山縣署 在治內城之西北明代舊基清康熙五年內午邑令張啓鼎拓而新之建樓於內二十五年內寅邑令孫雲鏡重修三十六年丁丑邑令羅之熊立箭道八角樓芙蓉亭並植桃梅百本五十四年乙未邑令楊廷琚補修其左右設承發兵工刑禮吏倉八房分理縣事規制大備惟年久頽敗光緒二十八年壬寅邑令李遠榮續修復之宣統元年己酉邑令范岷清復於署東改建對花軒有記載入古蹟民國以後歷任邑令間有修葺然已非舊觀矣其名稱亦迭有更張民國初元曰蘆山縣知事公署近則易名爲蘆山縣縣政府蓋新制也

蘆山縣志

卷二

三

緒三十年甲辰典史沈德漢又重修之邑人周瑞岐有記

清光緒三十三年丁未冕甯教諭邑人周瑞岐撰邑捕廳沈德漢重修公署記皇上御極之三十三年內外臣工咸以列強窺伺條陳變法以圖自強詔旨允行於商務學務各局以及陸軍海軍衙門學堂莫不乘時林立沈公鏡芙適簡授邑捕廳下車伊始因衙額圯賃店而居於辦公甚感不便卽有請於公曰盍修衙公曰方今新政頻頒供億苦繁蘆且瘠貧爲川省最民力幾何詎忍累我父老爲也矧匈奴未服何以家爲古大臣所以有公忘私國忘家不樂經營爾室者微員末秩土木動輿敢乎或又曰廳職雖微捕務爲重况一命之士亦思報効於國公不圖報効則已苟欲報効辦公署奚緩爲公義不容辭乃日夜運籌多方策計思得一上不負國下不累民自能有益於地方者爲之特以每年幫款預領培修分年扣還商於縣主哲生王公請詳上憲王公曰此不傷財不害民實有先得我心者果也詳請六百元上憲卽以五百許之我公用經始於甲辰初秋其於舊之腐者穢者攘之剔之斜者臥者扶之植之壅塞而汚下者開通湔洗之至正楹六間亭池園囿更創新而挺建之雖因舊

基實同肇始於是公麻煥然公堂皇然輪焉奐焉革斯飛斯俱見公之精心卽於此見公之除暴安良去弊興利下爲一邑興捕房上爲聖天子宏變法自強之績不負我縣主之詳上憲之允也或曰此僅一邑公功未必卽與學務商務各局陸軍海軍衙門學堂並峙雖然天下之捕廳苟盡如公之居官行事則天下之捕務強公於一廳如是苟他日爲府縣爲司道爲封疆大臣或府縣司道封疆大臣亦如是不負國不累民則其大有造於國家亦不筮可知矣瑞岐不敏末學膚淺手無斧柯無事事矣茲屆落成羨公此舉旣爲我民不受累慶更爲我公能成績記未知公肯笑納否是爲記

教諭署 在治內學宮右清康熙九年庚戌邑教諭江舟揖建三十年辛未邑教諭段朝偉改學署於明倫堂四十五年丙戌邑教諭羅廷瑞重修

訓導署 在治內舊文昌宮左邑訓導黎廷相建年代未詳清雍正七年己酉天全改土歸流以後裁歸天全

汛廳署 在治內西小街卽巡檢分司署清康熙四十五年丙戌改爲守備衙後又改

## 蘆山縣志

### 卷二

爲汛署光緒十一年乙酉焚燬總戎唐紹武修復嗣裁廢

團防局 在治內北街縣主祠今改設蕭曹廟

徵收局 在治內捕廳右清光緒間趙爾巽督川剔牧令中飽始於各縣置局徵管糧雜等稅以治新政今裁廢

警察所 在治內南街東嶽廟今改設呂祖廟

勸學所 在治內舊教諭署今改稱教育局

縣議會 在治內舊汛署今署基已賣因附設縣政府其餘機關亦然

### 廟壇

資生錫福崇報之典聿昭捍患禦災愆祀之儀攸重或木主塑像以薦馨香或刻桷丹楹以申祇敬此歷代規制凡城社廟壇春秋祀典禮有定則非僅蘆山一邑然也爰考其廢興附以寺觀俾資觀感焉

文廟 在治內東街相傳宋紹興中建歷有培修邑人陳萬策邑令李浚雲楊所憲段榮恩等均有記詳載學宮

蘆山文廟塑孔子像衣冠制度略與吳道子畫同考唐乾封間始令天下郡縣立孔子廟塑像至明嘉靖九年庚寅詔以塑像爲瀆乃令天下改易木主然蘆邑何以獨得保存與像塑自何代則已無從詳考按蘆邑文廟相傳爲宋紹興中邑令宇文仕立豈孔子像卽宋代所遺耶又考宋蘆山城卽姜維故城今城乃明正德間署縣事汪浩所築現時文廟係在姜城故址以外似此則又疑非宋建矣但蘆邑文廟又相傳爲明永樂中重建南向嘉靖二十九年庚戌邑令周棐改建東向至萬曆四十五年丁巳賜湖廣楚府長史攝鎮國將軍邑人竹密與金溪張公平溪鄭公捐金改建遷復南向至崇禎元年戊辰閏十年完成然則永樂時廟址猶在姜城以內嘉靖時徙城周棐改建文廟東向應已移置今之新城萬曆時竹密等又重新之規復舊觀仍南向者卽今文廟也廟旣此時所建則像亦此時所塑時距嘉靖九年已閱八十八餘年而蘆邑文廟孔子像猶存迄今爲邦人士所崇祀豈當時朝令雖普天下而蘆邑僻處邊隅人心狃於故習未忍遽銷毀耶今則已爲當世罕見亦足以資景仰而崇師表矣附志於此俾來者有所考云

## 蘆山縣志

### 卷二

五

崇聖祠 在治內學宮

名宦祠 在治內學宮戟門外

鄉賢祠 在治內學宮戟門外

魁星閣 舊在治內玉皇廟後殿樓下明代建立清乾隆十六年辛未雲南蒙自縣知縣邑孝廉竹琦移置城內學宮戟門外名宦鄉賢祠並改修魁閣有序

清乾隆十六年辛未雲南蒙自縣知縣邑孝廉竹琦改修名宦鄉賢祠魁閣序朝廷設學造士巖宮外列名宦鄉賢二祠及魁星閣所以表功德勵修能而見天文人文之一致也凡建立之處莫不輝煌其宇闡耀其觀非獨示優崇呈瑰麗亦文教所由宣不應隘陋卑閤令人生慢易之心故其體勢宜重吾邑二祠舊無專設而魁神在玉皇樓之下爲前明吾七世祖心齋公宦游滇楚後相度縣城來龍而鼎建者也余自爲諸生時私謂二事皆通邑文風所係欲更其向而新之力棉未逮耿耿於懷甲午幸叨鄉薦以爲此意或可漸酬又以南宮沮抑必候銓部資格乾隆戊午叨授滇南邊邑經涉萬里固不暇及宦海茫茫冰淵自矢賴天時豐稔四境安恬因念切嚴

親援例請養邀恩允私竊自喜得伸夙願考吾鄉自司馬長卿開靈關左道已辟  
人文而靈山聖水扶輿毓秀山川所鍾三蘇開氣之英固不多得殊尤傑出之才通  
經學古之士要自不乏况聖朝文運綦隆海澨山陬雲蒸霞蔚見聞層出者靡不爲  
席上珍而吾邑科名一途猶未及發皇之盛或者培植之功未至歟自登仕籍頗欲  
繼先人之志躊躇兩事寤寐不忘淡食粗衣務崇節儉以待力有可爲培一鄉之文  
脉俟多士之奮興意從禮者既有功德於當時宜受報享於後賢假令擁虛名而略  
典與禮殊覺有所難安且魁神尤風教大宗自當照臨一邑使祥光精氣上薄穹蒼  
名山勝水磅礴鬱積之奇互相輝映然後吐其光華發爲人文自能躋培乎國家師  
濟之盛殆不壓於樓下閣沒其氣色致令洩抒無由曩者名宦鄉賢安置戟門之旁  
隘柱礎地褊狹拜俯無所容鄙意欲移置宮牆令東西向寬布簷楹則陳祭拜起者  
有餘地庶足展恭敬而備儀文至城南三楞山對峙學宮筆豎青天烟雲出沒實文  
明氣脉所盤旋宜遷魁神於樓上易東西向而正於南誠覺離明長止奎宿當陽文  
筆奎光遙相注射菁華所蓄豈有不透露於丹青綠壑者耶此余蘊結於胸中者數

## 蘆山縣志

### 卷二

六

十年今乃欲一成於始願者也然則豈易事哉抑願同學有志士共邀許可勉勤厥  
事異日聲蜚金馬騰驤皇路自多名儒碩彥然必經術湛深而後文章卓絕方今聖  
天子加意右文屏排儷而復於古賢邑侯不振文教學校立興兩學文宗蘇湖師範  
楷模多士賢父母宣德布惠政通人和果有浩浩詞源倒流三峽未有不邀神明垂  
鑒者此其人固不易量余當拭目俟之是爲序

**節孝祠** 舊在治內學宮戟文外鄉賢祠右清光緒四年戊寅邑令嚴用勛改遷忠烈  
祠後側民國十五年丙寅該祠改立高等小學校復遷北街附縣主祠右

**文昌宮** 明代在治城東北郭七里山左清順治間遷入城內舊學宮址康熙五年丙  
午邑令張啓鼎遷舊三官祠於右乾隆四十二年丁酉邑令謝生晉合前明堂改爲  
文明書院道光十九年己亥邑令段榮恩仍遷歸舊址中祀文昌帝君塑像右祀朱  
衣神左祀奎星後殿祀文昌先代神位再後祀蒼頡民國停祀年久傾圮今僅存正  
殿而已竹郎裔段榮恩均有碑記

清康熙六年丁未邑貢生竹郎裔撰邑侯張公建帝君祠碑記帝君光分張宿德詠

周詩桂香內殿不炳江漢之靈濬發奎璧之府者久已在宇內矣明代蘆山祠宇在治東北隅朔望官長焚謁未便順治乙未另祠城東蓋舊學址也康熙丙午邑侯五一張公見其廟宇雖具而局度未宏遷舊三官祠於右使門屏洞開氣象聿新於戲帝之靈俱安矣帝嘗曰余舊生越嶲接黎之筇笮都雅之靈關道又曰當以黎雅爲鄉而有不忘故鄉之句味斯言也則必久留邑下與荀沫父子同一視焉若宦則榮陞學則攀鱗農工商賈皆臻樂利則帝之錫祿與嗣其在茲乎其在茲乎敬記之清道光十九年己亥邑令段榮恩遷修文昌宮碑記考史記天官書北極著於文昌以星言也詩曰張仲孝友蓋文章之司命實仁孝之大宗也廟禮遍天下尙矣我國家崇儒重道文教昌明祀文昌帝君以太牢典綦重也蘆邑舊祀於城東郭七里山之左美哉始基之矣繼而改作甲科漸寢丙申秋貢成均樂公敏元廩膳諸生李生光鼎駱生志道王生萬祺張生思縉暨城鄉紳耆慮文風之頽靡也慨然有志復古以遷修請計經費予喟然歎曰斯文未墜豈無持之者一木難支曷擊以舉會偕彭友阜學博循東郭而勒焉峯回路轉山水之腴秀氣聚於一堂古廟信然也爰捐

蘆山縣志

卷二

七

廉爲士民倡諸生亦亟出力且效醵爲勸登會計輸將踴躍勞怨弗辭乃慎董事諏吉鳩工庀材正景測中掘土數尺計獲古大礎並硫礪瓦礫知今之有合於古也志載祠毀前丙申今歲遷修亦與古合輿廢殆有時耶自陽月肇造凡搏而埴築而甃壘而削削而礪壘而朽鬆而飾尺寸繩墨丹雘棖題建誦垂簷經營結構罔弗飾起門於午象離明也門以內爲鼓吹臺奏樂則翕然也臺以上爲正殿廟貌則巍然也殿以上爲啓聖祠龕座則屹然也西清東廊左右則翼然也更上一層爲蒼聖閣左祀奎星右祀朱衣神扶搖直上層累則轟然也探地脉之卓起接文脉之淵源舉頭天外文星特洪俯視諸峯重巒疊峙水光林影清潤秀發文彩蒼蔚殆爲圖南徵歟自時厥後士風不振人材奮興科第聯綿出以備聖天子禎幹之選處則爲都人士文獻之徵予亦與有榮施焉是役也肇始於秋落成於冬凡六閱月得經費一千四百串有奇例得給匾酌獎其董事各勸捐樂輸姓氏泐名載之以志不沒云爾

武廟 舊在治南城外嗣移建城內年代失考舊志云係明嘉靖甲午舉人王之賓故宅改建爲關帝祠正殿五楹中祀忠義神武靈佑仁勇威顯護國保民精誠綏靖翊

贊宣德關聖帝君位後殿祀關帝三代曾祖光昭王祖裕昌王父成忠王清嘉慶二十五年庚辰邑令楊所憲培修頭門有碑記民國初改稱關岳廟正殿中位左祀關壯繆侯右祀岳忠武王其東西序則以歷代名臣配享東序張飛王濬韓擒虎李靖蘇定方郭子儀曹彬旭烈兀元徐盛戚繼光等西序趙雲謝玄賀若弼尉遲敬德李光弼王彥章狄青劉錡郭侃常遇春藍玉周玉吉等

清嘉慶二十五年庚辰邑令楊所憲培修關帝廟頭門碑記壯繆侯廟貌徧天下自都邑郡國達於窮鄉僻壤罔不祀祀罔不肅其忠義之志正大之氣結於人心而留於世宙者愈久而愈著愈遠而愈不可沒凡有干正之人懷邪而悖公義者無敢至侯之庭神道設教惟侯之功爲尤鉅至於蜀惠陵之所都揆侯之心惟惠陵是依則其靈於蜀尤宜顯蓋雖僻在蜀之一隅然平襄侯之歿或瘞其膽於蘆之金井閻蘆固漢之義民也敬平襄必益敬壯繆則蘆之事侯也宜尤虔况申之以功令之嚴重之以加封之典朔望之所趨踰春秋之所享祀典禮關焉觀瞻鑿焉則所以安神靈而崇體制者尤不可以不稱蘆人之廟侯也殿宇巍峨而門闕闕如非所以重祀典

## 蘆山縣志

### 卷二

八

而而肅觀瞻也丁亥春二月祀事既修進諸生而告之曰事神與事人一也幾見有崇其宮室而不壯其闕闕者余將率爾士民以訖前人之功諸生以爲宜鳩於衆得錢三百緡乃召匠民而庀材焉爲門巍然左右翼然如屏斯樹如翬斯飛匪媚於神用相我民繼自今其各敬乃身洗乃心修爾夙常神式臨之潔爾牲醴神式歆之夔夔齋慄以迓神庥豈惟吾民之幸余亦與有幸焉不然者放肆邪侈卽於悖淫神其吐之矣雕甍畫棟奚益哉工既竣爰述設教之義敬勒諸石以告蘆之人

忠烈祠 舊在縣立高等小學校前中祀明正德間邑令屠公懋暨江西布政使鄉賢張斐左祀屠侯之子右祀巡官楊聖祖又左壁祀陣亡團紳程子註等右壁祀譚軍死難營長高杰副官王鼎彝等民國十五年祠產改建學校遂遷併治南屠侯祠三十一年乃經省府指定本縣城北金井閣後面之玉皇樓爲建祠基址由縣長張宗瀚募款興修邑人陳志道有碑記

民國三十二年邑人陳志道忠烈祠碑記禮祭法有五德施於民則祀之以死勤事則祀之以勞定國則祀之能禦大災則祀之能捍大患則祀之祀典之重由來久矣

然有祀必有祠倘無祠以祀之則英靈無所憑依春秋無所崇拜人民無所瞻仰浩氣英資草木同朽石火電光良深感慨此忠烈祠之所由急於新建也壬午冬西康省政府民政廳長冷公杰生奉主席劉公文輝令巡行蘆邑提倡禮俗行政飭建忠烈祠於金井閣之上蓋以此地爲漢平襄侯墓址登斯祠者可以激發忠貞增加人民愛國思想意甚善也縣長張公鳳賓仰承斯旨籌款萬餘金督工建築不數月而祠宇一新革命死事諸先烈得以奉祀其中環顧四周東則羅城綿亘西則鷲嶺排列仰觀天際青龍煥彩俯視城衢烟火萬家一水會於南城蜿蜒而出形勢壯麗往來遊士登臨其上時有憑弔噫其觀感當何如耶惟望後之青年學子本忠烈之正氣興奮而起羣策羣力共濟時艱俾國事早日底定實現世界和平詎不懿歟爰爲之記

**城隍廟** 在治城規制頗宏建立年代無考惟殿後有大明天順二年石琢老城隍像一尊民國三十一年縣長張宗勳順人民之請葺而新之爲祈雨之所昔年春秋有祀典

## 蘆山縣志

### 卷二

九

**社稷壇** 在治西郊外歲以春秋仲月戊日祭縣社縣稷於西郊川王宮

**先農壇** 在治東郭對岸歲以春祭行耕藉禮壇高三丈一尺寬二丈五尺

**神祇壇** 在治南郊外祭日與社稷同祀於川王宮清嘉慶十六年辛未奉部文改製

本主中祀風雲雷雨之神左祀本境山川之神右祀本境城隍之神

**厲壇** 在治北郊外每歲清明中元十月朔先期割城隍有文臨時城隍蒞壇由地方

官祭祀無主鬼神

**東嶽廟** 在治東建立年代未詳清嘉慶二十四年己卯邑人竹樹琪重修東嶽廟神像碑記本廟神像威靈顯應久像有碑記光緒十五年己丑邑令梁元吉又重新之邑人任體芳捐修石板昔年春秋有祀典

清嘉慶二十四年己卯邑人竹樹琪重修東嶽廟神像碑記本廟神像威靈顯應久爲四方所景仰嘉慶己卯秋龕忽發無端之火一切無恙而神像獨焚嗚呼異矣神之示戒亦有在矣既而值年首事募衆重修越一月工竣諸君將紀衆善姓名以垂不朽丐余爲記余辭之不得乃謂之曰諸君此舉乃爲善矣吾謂神之靈則無往不

在也卽人之心無時不當懷一神之像也當此神像自焚非固人心之多忽而故降災異以示警歟誠使自今以往入廟者瞻仰神容卽懷懼而時奉之方寸之中極之屋漏暗室而無敢或欺將見人心既正神心斯悅而賜祚錫福固有不可勝量者矣不然者依然入廟見神出廟卽不知有神也神亦何樂有此更新之舉哉諸君曰唯唯卽以余意書之以爲祀神者勸因爲之記

火神廟 舊無專廟附於城隍廟殿側清光緒十八年壬辰邑令梁元吉始於治東倡修之有碑記卽今廟也昔年春秋有祀典

清光緒十八年壬辰邑令梁元吉創建火神廟碑記夫五行分列各有方隅惟火位南離氣上炎性至猛烈炳烜烜赫故司神靈益倍震寔區雖周禮改鑽用救時疾大禹命益掌焚山澤及民功德履載同深然昭昭垂警令行瘴惡疾若迅雷每見奸豪暴富重墻峻宇氣餒沸騰迨纂奪禍延一轉睫間資產立成灰燼尤能使人鑒自起畏心且稽歷代史載某歲月日火盛成災或不成災解讓事前懺悔事後用垂炯戒在在可徵是以我朝欽列會典遺祭有時凡我省會郡邑村社莫不建祠隆祀罔敢

## 蘆山縣志

### 卷二

十

藝焉我蘆士民亦知崇祀火神然無專廟而僅附於城隍廟殿似此典禮略而未備守土者咎將誰歸兼以蘆本瘠微黔黎小戶類多茅舍竹籬聊避風雨卽有巨室華廈亦皆叢積草薪簷口牖塞設失所慎光焰燭天蔓延難以數計故庚寅以前燬災疊見憫愚民之肇禍慨求禱之無門爰進紳耆籌度積資專立火神新廟以迓神庥而消烈患並分俸首爲之倡幸董事者見義勇爲輸將者爭先恐後不數月而集資有成迺廣舊基披荆拓土鳩工庀材幸蒙志之協和悉經營而有度時僅閱歲卽以告厥成功創謀在辛卯仲夏歲事於壬辰季秋諏吉開光躬臨展禮見夫宮闕則飛翬鳥革簷宇則刻桷丹楹寶相莊嚴金碧奪彩規模肅穆黜聖爭輝巋然煥然洵足以妥侑威靈用昭敬畏且喜邑自興工斯廟後焚蕩之厄鮮聞此卽神藉人得所憑依人仗神默爲蔭庇之明驗也但冀自茲以往永叨神佑弗替馨香士民毋懷惡以取愆萬家各安枕席長官馳夜禁以任作五袴悉享豐盈庶不負區區一片苦衷耳至於戾氣消而喜祥臻離明煥而文風振人材蔚起甲第聯翩尤爲邑多士有深望焉廟工告竣卽據紳牘轉詳郡省憲台請列邑之祀典春秋致祭俾持久遠毋慢



母瀝而紳董復以鐫珉乞祀清夫記者紀也紀事實也特檄藻掃苔用紀修葺緣起云爾

龍王廟 舊在治東瀑布山下現在東郊爲天旱禱雨之所昔年春秋有祭祀

姜公祠 在治內城東南隅昔邑人爲蜀漢大將軍平襄侯姜公維立內有平襄樓相

傳建自北宋然無稽考明嘉靖二十九年庚戌邑令周棨有致祭漢丞相平襄侯姜

公文刻石祠內三十五年丙辰邑令羊亨建立平襄侯牌坊有碑記

按永曆爲明裔永  
明王由柳年號四年庚寅知蘆山縣事嚴陵倪象萃鎮蘆都督府都督僉事楊先

志等重修欽差四川軍驛屯田水利道按察司僉事白爲袞有碑記

明嘉靖二十九年庚戌邑令嵩明周棨祭漢丞相平襄侯姜公文於惟我公山嶽茲

龍三軍威重萬古英雄三國人才稱爲獨盛公於其間尤爲著姓智勇膽略孔明見

取制勝出奇莫與爲伍元戎不存典型猶在柄用弛張望隆中外聲罪強魏安恬蜀

蜀眼底無人胸中有物警國肆論救世疇能丹衷素志白璧青蠅黃皓叢毒主上致

疑香中屯田就裏鴟夷天之所廢時難支據魏兵犯順蜀勢云盛載起我公用於久

### 蘆山縣志

#### 卷二

廢矢心孤忠略無怨懟拒險爲阻劍霍開鬼蜀虎當關魏魄其褫陰平失守鄧艾入

深西川瓦解後主輿陳手詔諭降非戰之罪無主奈何有懷不寐士季禮遇伯約詳

和以魏攻魏鍾鄩交詞鄩收檻車鍾亦机肉西來將士一股虔戮天若祚漢何有於

魏大事已去神謀莫遂將軍先殞炎燼盡灰精忠貫日正氣奔雷成敗英雄是非一

綫不死真心百世猶見公之爲漢良工獨苦萬代綱常孰曰無補名遍天下靈獨聚

蘆神豈無謂保障邊隅生爲忠臣死爲正神乾坤不老天地長春流芳無涯護國有

永雖死猶生未爲不幸漢季迄今無慮千載正直聰明福民真宰能禦大災能捍大

患有惑卽通無隱弗見屠尹治日強暴吞噬神夏至公當嘗厭之誘啓屠衷極力反

正曩徵神襄詎能取勝助屠成名爲民除害靜吉思之神功居大末職小子久仰英

風奉命來官技乏雕蟲恐辱君命於神陰祈思起行翼於我陽垂凡百所爲神功是

情以慰生民以答休命昔不靳屠今豈遣我因民庇人無方神荷柴方履任莫展惡

勳生芻醢酒有慚苾芬幽明用通藉之薄奠鑒此惻忱無然歆薦

永曆四年庚寅欽差四川軍驛屯田水利道按察司僉事白爲袞重修漢丞相平襄



高水長香火奕禩與望碑墮淚植竹立祠者千古同情也康熙戊戌三月蓋造落成鄉人請予記以筆之石斯時蘆邑之秉鐸者李黎二公也皆宿儒懷古佐理者李公也卓犖多才督工演說者靈山禪僧寂明教聰師弟也道行特著以及闔邑鄉先生商賈黎庶敬勒姓字於記末

錄雅州府志  
關文仍舊

按蘆邑姜公祠廟尙多他如前姜公後姜公等稱皆有廟祀斯其著者也相傳邑爲平襄侯戍兵平夷之地建功甚偉凡所經過之處故邑人多爲分立祠廟祀之姜城乃其遺跡龍尾山墓則其親舊收葬忠骸遺塚縣主祠又祀其女弟而立也考三國志維傳維自建興陸年降漢亮辟爲倉曹掾加奉義將軍又與蔣琬書畢敘軍事當遣詣宮觀上遷監軍征西將軍六出後還成都統諸軍封平襄侯延熙元年隨琬駐漢中十年汝山平原夷反率衆討平之此後九伐中原迄無寧歲初無駐蘆明文揣其時勢或在九伐以前六出以後張疑定越嶲之際一度統軍遣將戍蘆平定邊患特爲時甚暫史書遂略而未載耶不然城與塚何昭昭在焉或謂塚爲姜公胆墓又疑爲衣冠塚者已於名墓中紀述之矣

## 蘆山縣志

### 卷二

十三

縣主祠 在治北建立年代未詳清康熙間邑孝廉竹全仁縣主祠碑記云斯祠也自甲申兵燹遷建於茲則康熙四十三年以前已有斯祠或係始於明建未可知也清康熙五十二年癸巳邑孝廉竹全仁縣主祠碑記縣主祠者祀姜氏也古者公侯之女咸稱郡主世傳主爲季漢丞相大將軍平襄侯伯約公內弟縣主之稱從漢制也嘗考吳雲伯約傳云侯一計三賢斗胆著裂親舊收葬於嚴道龍尾山而蜀志亦載龍尾山有漢大將軍姜維墓前人每多非之然披志按圖竟無公塚若此塚非公是天使忠臣烈士無葬骨之所也侯在蜀漢專國柄者三十年九伐中原譙周雖有仇國之譏然春秋大義直道在人豈忍指爲仇國耶昔召伯甘棠人尙戒勿剪勿伐况侯骨肉之祠乎據吳雲親舊收葬之語或者蘆邑舊爲主食采未可知也禮載恩施於民者祀之以死勤事以勞定國者祀之能捍大患禦大災者祀之蘆人感姜侯之功烈祀姜侯並祀其主宜與泰伯伍員季禮共垂祀典香火奕禩而不在狄公秦毀一千七百餘所之列也斯祠也自甲申兵燹遷建於茲風雨飄搖日見傾圮而護祀智高乘時修葺墳平基址粉飾殿堂以及祈祠等小齋逐一建監並立碑以垂不

朽地靈人傑鐘鼓鏗然紫衣年少萬代維新赤帝孤臣千秋不死姜城夜月輝映天日亦三代之直道未盡泯也爰錄勞於事者之姓名於左

世傳蘆山縣主祠爲祀季漢丞相大將軍平襄侯姜公伯約之女弟而立又謂姜維之妹嫁於是邑曾封縣君故祠祀之云云考漢制帝室貴女得封贈縣君大臣命婦亦或有之然未有封及大臣之妹者婦女濫贈縣君爲宋代陋制蜀漢雖偏安頗重名器何致濫封維之妹爲縣君耶竹氏縣主祠碑記云蘆人感姜侯之功烈祀姜侯並祀其主然則縣主之稱殆昔者蘆人虛爲祠祀而設非從漢制理或然歟意者蘆山之有縣主祠或原爲昔某賢尹生祠或宋代士大夫之母受封誥者祠堂代遠年湮失其本事後人崇祀姜侯功烈大節遂附會爲姜氏女弟祠而祀之亦未可知附志於此質諸博雅君子

西南川王宮 在治內城郊相傳爲祀李冰而立年代無考昔年春秋有祭祀

二郎廟 在治東南三十五里飛仙關山頂明初建立祀二郎顯英王秦將李冰子也相傳疏鑿離堆避沫水之患並掃除孽物其功不下於禹故廟祀之天旱禱雨輒應

## 蘆山縣志

### 卷二

十四

秦武安君祠 在治南十里明萬曆十八年庚寅建相傳爲祀白起然無碑記可考

鄧公祠 在治東北二里相傳爲祀東漢鄧禹祠又有以爲祀鄧艾者建立年代未詳清康熙間邑孝廉竹全仁有鄧公祠辨

清康熙邑孝廉竹全仁鄧公祠辨按廟祀之設有四有功德在天下萬世而天下萬世祀之者禹稷孔子是也有功德在一方面一方祀之者如蜀之文翁李冰是也有臣死忠子死孝卽其死節之地而祀之者如張許睢陽卽壽雙義曹娥銀瓶是也有忠信著於當時行誼可風後世文章節義可誦法而四方聞而慕慕而祀之者如歷來之名臣大夫學士先生者也靈爽與斯地相依香烟與精神相通祀之者有謂而享之者無愧矣蘆邑鄧公祠前人相傳以爲祀禹而又有以爲取蜀者艾獨統大眾威震西土不得其死於蜀蜀奉誓命祠之後遂誤以爲祀禹耳不然禹未嘗至蜀蜀人何以祠之而不知禹勸光武延攬英雄務悅民心立高帝之業救萬人之命使漢不失舊物天下後世誦其言者思其人祠而祀之未爲不可也蜀承漢統少延一綫於偏安而艾逞智滅之蜀人痛入骨髓也尙何祠之有耶則此祠斷斷爲祠禹而非

祠艾也若秦武安君祠謂祠白起甚屬無謂秦併巴蜀於周慎觀王之乙巳五年越  
赧王己亥五十三年而白起始用於秦無絲毫德澤於蜀而蜀人何以祠之况其像  
毀於宋祖足快千古人心觀攻趙伐韓卽兆呂不韋與鄧艾等竊恐秦之封爵武安  
君不止一白起或有流膏澤於蜀如李冰者蜀人祀之誤以爵之同而以爲白起耳  
不然則亦州象祠之類乎故不可以不辨

屠侯祠 在治南舊姜城縣署明正德間知蘆山縣事屠翬爲天全六番土司侵界事  
盡節於此其時山東都司邑人李必欽等請就縣署故址建祠祀之以大方伯張公  
斐配享蓋鄉賢張公會於明武宗正德初年官至江西布政使於正德十四年己卯  
寧王宸濠叛破九江城公殉節焉時與屠侯死難蘆山殆先後間事故謀以公配享  
相對血食千秋以慰忠魂耳李必欽有碑記

明正德間山東都司邑人李必欽請建屠侯祠碑記屠侯諱翬雲南珥海人以孝廉  
來知蘆事適天全二土司相讎蹂躪蘆民守土兵戎竹公諱鳳奉調隨征遼東蘆民  
惶惶無倚侯義勇性生文武備兼治擒捕廓清愛子死於難侯亦卒於官迄今數

## 蘆山縣志

### 卷二

十五

年間縣司界定無敢搖蕩我邊宇侯之功也奈受銓選者聞蘆多事枕臥京師者三  
人幸縣尉汪公諱浩捧檄治縣事將舊大渡縣商遷附姜城廣其堞而姜城縣署侯  
父子靖難盡節之所通縣父老泣籲當路奏請以爲侯祠特旨俞允沅陵歐公適下  
車謀以大方伯張公斐配享同一天挺人豪國爾忘家相對血食洵乎無愧仲秋望  
之前二日爲侯嶽降之期與平襄姜丞相盡節之日相近蘆民弔姜丞相卽爲祝侯  
之會西魏封姜侯開明王舊有綵樓四十八座壯其品之高節之堅爲姜丞相設也  
卽爲屠侯設也諱智釋子廣杰出田五斗以爲侯焚獻之需從此望廟貌而思侯之  
功猶想見靈爽於斷雲落日之表在禮之以死勤事以勞定國禦大災捍大患者祀  
之吾知斯祠之歷千古而如新矣是爲記

張侯廟 在東北二十里龍門鄉石山寺後一名張七太保廟相傳南宋時有張侯者  
籍隸江西撫州府由進士爲御史謫守蘆邑邑中龍門之陽有龍池禱雨輒應待澤  
亭在焉一日張侯詣亭禱雨陡亡於此有司聞於朝勅晉封太保永翼生黎蘆人遂  
建廟祀之明崇禎間邑人施有德張七太保廟碑記云初創於梅子溝之中再遷廟

於茲地嘉靖壬戌年飛劍挿於石山崗嶺又云堂搆世遠風雨廢墜邑耆楊華宋榮貴等十二會首叩化善良重新之而清康熙間邑貢生竹郎裔重修張侯廟碑記云明嘉靖壬戌遷祠茲土今康熙壬寅邑老生宋當時糾里內善士楊華宋榮貴重加補葺而請記之石然則施竹二記時代先後似不能無出入耳

明崇禎五年壬申邑人施有德重修張七太保廟碑記嘗謂混元初判分列九州在處各有神祇此間寧無主宰只有張侯緣其所自江西撫州府幼學壯行除授御史之職升乎邊境勅封太保永奠生黎血食蘆山慶誕有燭竹樓有會初創於梅子溝之中再遷廟於茲地嘉靖壬戌年飛劍挿於石山崗嶺前有沫東寺院培植後有邱陵龍虎拱佛佳山水地靈人傑仰讚之者如谷傳聲如影隨形巍巍乎撫正除邪蕩蕩乎彰善癉惡如斯妙用民無能名焉但堂構世遠風雨廢墜目覩無堪邑耆楊華宋榮貴等十二會首叩化善良鑄銖神伐柏樹充賀後殿中樓過亭牌坊聖像神馬石梯海幔鼓磬錢庫煥然一新尙冀國泰民安風調雨順俾除鄉境煙塵增集桑間餘慶大略其情以俟後之賢能者巨擘者任意增修尙容智鑒勅石爲記以垂不朽云

## 蘆山縣志

### 卷二

十六

朽云

清康熙元年壬寅邑貢生竹郎裔重修張侯廟碑記從來天爵與人爵不異神道與人道同揆若天工彌亮自流芳於兩間卽一節著名亦傳奇於千古生而爲英歿而爲靈蓋其精神凝聚與天地山川相爲固結而不可泯者在在然矣蘆邑東北二十里有張侯廟焉相傳侯原籍江西撫州府南宋由進士爲御史謫守蘆邑龍門之陽有龍池與羅城之白馬泉通歲旱禱之輒應前石山寺有待澤亭謂歷來之邑侯祈雨而待澤於此也傍有銅鼓廟鼓樂禱雨而奮然登山求泉蓋同鼓非鼓銅也張侯詣泉待澤而陡亡於此邑人遂建祠祀之聞於朝進階太保修志者遺其諱明嘉靖壬戌遷祠茲土歷甲申兵燹而貌如故無敢有毀之者已足以見神也但廟地高聳俯視亂石晴明如縱觀咸陽千門萬戶陰雨如雲屯甲馬八門六花張侯魄留於斯洵有以哉今康熙壬寅邑老生宋當時糾里內善士楊華宋榮貴重加補葺而請記之石予曰進士侍御人爵也而今神矣則天爵也遭譴盡職人道也而今也祠之則神道也秉忠直以事君不遇故去聯乘下邑之車盡惠愛以宜民偶焉身亡遂成香

火之地天耶人耶神耶其爵其道豈有異耶敬記之

康公祠 在治東北十里龍頭山祀徽州康公南直相傳公於元末爲蘆宰未幾明玉珍反於成都公慷慨不屈逃入龍頭山機露而亡棲神於此屢有顯應蘆人祠而祀之明正德間江西布政使呂人張斐奉朝命出巡粵西曾於行署擇有龍頭山康公祠碑記

明正德十四年己卯江西布政使領命出巡粵西邑人張斐龍頭山康公祠碑記從來爲一世之英者必享千秋之祀靖一時之難者必傳萬古之名况乎地以人靈人與地著潮州之祀韓文崑山之戴狄武同其事也吾蘆東北十里有龍頭山傍爲麒麟溝又名龍麟山從龍頭山而言之則以山之夭矯也從龍麟山而言之則以兩如龍麟聚會之意也龍也麟也分四靈之二爲文明治世之祥康公南直徽州人諱性夫人柳氏想爲茂材之望族乎元末爲蘆邑至正十三年正月十七日明玉珍僭號公慷慨不屈後逃入龍頭山蓋我太祖龍飛之三年玉珍猶據蜀土康公機露而亡棲神於此屢有顯應神之意其托於龍乎其於麟乎雖功在一隅節在邊方然

### 蘆山縣志

#### 卷二

十七

一時磊磊落落義氣襲人禮所謂以死勤事者其一斑哉百世而下瞻其廟貌詢其出處樵夫牧豎解說於山河水湄之間學士口口口口於稗官野史之策則潛龍現其片口口鱗口口邊邑亦吾鄉之佳話也予奉天子命代巡西粵無一暇曷適郵傳公之祠成吾鄉父老囑予記故里家山遊子歸夢愧不能爲一世之英靖一時之難徒鹿鹿於衣冠之場走筆而書抱愧良多

除徽州府志  
開文仍舊

潮江祠 在治東北十里龍門渡口明初建崇禎間重修邑孝廉程翔鳳有碑記教邑汪千里題其門曰千重翠岫穿雲出一曲清江映月明形勝可以概見

明崇禎卅州州牧陞威州兵備松茂道特加監軍僉事邑孝廉程翔鳳重修潮江祠碑記癸酉之冬十一月既望余感天根見而成梁鳩工於古渡江頭適納子詣前索粵稽廟貌之建潮江神卽鉅靈氏出於汾唯握大衆持化權揮五丁之士驅陰陽反山川居無恒而跡躡於蜀又云壬癸氏佐神禹治水有功而祀之總之皆上古神也明興二百年於茲其初規模未甚高敞也繼而風雨飄零立見頽圯過茲境者不無

邱墟之慮幸遇廉明在上政簡刑寬時和歲稔鄉民樂吉書楊之銷王啟樂吉詩等  
乘耕耨之餘閒忻忻然爲之募印諸緣共圖浩建或曰功大矣恐其有初鮮終也孰  
意兩殿甫報底積江樓旋稱事竣後先而成之者不日哉於戲巍然在望將控御山  
河美麒麟而麗鵠鵲燁然改觀將憑依日月高象魏而遠巖廊日樓以觚稜文采煥  
也盤以玉龍制度偉也豎以屏而闕以闕威儀肅而矩度宏也列以垣而排以坊則  
關鎖嚴而形勢張也連雲冲漢帶水礪山高矣大矣洋洋乎再觀一盛概矣其神靈  
哉其人靈哉予曷敢知惟不恤災石敬言以記之

飛龍山張公祠 在治東北十里石山崗明隆慶間建清乾隆四十九年甲辰重修嘉  
慶八年癸亥僧如壽有碑記

清嘉慶八年癸亥僧如壽重修飛龍山張公靈祠碑記蓋聞神靈赫奕千秋肅祀事  
之典廟貌嵒峨百世仰神聖之靈地固因人而靈而廟必得人以守茲本廟張公祠  
者創自明代隆慶年間棟宇墻垣樓閣神馬以及海幔石梯在在秩然整頓昭一世  
之壯麗凡祈晴禱雨則之則靈歲時伏臘祝而輒應一方慶恩之遍洽蓋已昭昭在

### 蘆山縣志

#### 卷二

十八

人耳目間矣世遠年湮祈禱非不恪也而殿宇近廢恐不足以安神靈春秋豈不祀  
乎而樓閣漸頽懼不足以顯威赫則因遺蹟而興廢舉斲以克遺前人光是願今之  
大有其人也有本境寺僧澤雲居尤鄰近久久屬目台望益發悲念投袂而起不欲  
諉爲異人任邀當年會首等同心商議化家爲金於乾隆甲辰春重修正殿於戊申  
歲建造樓閣莫不煥然一新後於中元聖誕演戲賽會第見遠近朝觀老幼咸歡熙  
熙乎其覺人喜神悅歌咏太平又於嘉慶初年創修牌坊戲樓以爲俳優之便益顯  
茲廟培修之美在衆姓施資之多寡旣已開列於棟梁而建造不一端固不若勒諸  
石以誌不朽云爾

寶子山廟 在治東北十里衛家壩祀沙川聖母

龍會山廟 在治東北十里程家壩

金龍山廟 在治東北十里沙灣溝祀安瀆四太保

金泰山廟 在治東北十里乾溪溝祀金川聖母

銅鼓廟 在治東北十里胡家溝祀金川銀川聖母



三元廟 在治東北十里宋家坎

順水廟 在治東北二十里祀龍王娘娘舊在水脚下某山之麓相傳爲水衝流居民聞呼救聲撈得木像立廟祀之故名

天澤廟 在治東北八里祀征戰聖母

吳村廟 在治東北十里昇恒橋東岸明崇禎間石墨居士程翔鳳載酒舊遊處之旁

土主廟 在治東北十五里紅岩子

川主廟 在治東北十里高家壩

龍虎山廟 在治東北三十里隆興場

竹志按龍虎山廟相傳爲唐都給事上元人鄭太清奉旨驗蘆歲荒卒於龍虎山蘆人立廟祀之楊升菴先生觀蔡松續水經引古蜀志知爲尹伯奇也夫伯奇純孝臺築孝思履霜中野西銘稱其勇於從公順令固可祀也然未指其何以祀於龍虎山竊以太清奉詔踏災而亡忠也伯奇孝也王陽王尊易地皆然忠龍孝虎兩存之可也

### 蘆山縣志

#### 卷二

十九

二曲宮 在治東北三十里隆興場

王良廟 在治東北十里王家壩

安國廟 在治城東郭祀九天神女

三官廟 在治城東祀天地水府鉞神三尊

楊泗廟 在治城南郭舊名紫雲宮

文武宮 在治南四十里蘆呂類似此廟頗多不備載

璉珉宮 在治南四十里祀二郎神按璉珉當作惠民

石蠶壩廟 在治南十五里詳載古蹟

宿溪廟 在治南三十里原在老君溪下游清道光十五年乙未秋爲水衝毀移建禾

珠壩相傳祀宋康信之兄若妹邑人李鍾奇有碑記惜文字剝蝕無從徵考

禾茂壩廟 在治南十五里

太陽廟 在治城南門三皇殿內舊在東嶽廟左側

中潮江廟 在治西十里思延壩一名葫蘆坎廟

下湖江廟 在治西十里思延壩三江口

天神廟 在治西十里思延壩

轉輪廟 在治西七里周村壩

新廟子 在治西十里思延壩

回頭廟 在治西十里思延壩祀女神

後溪廟 在治西十里思延壩有前後二廟後廟建於明齊永明王之永曆間前廟建

於清康熙間

金船山廟 在治西十里思延壩

張七廟 在治西十里思延壩相傳爲天全楊土司頭人衙署改建廟前卽街道云

懸壘廟 在治西十里思延壩廟中神像係由張七廟迎入屢著靈異廟爲邑人李魁

臚建立

飛龍山廟 在治北四里安益壩祀女神

葵飛廟 在治北十里大盆壩

### 蘆山縣志

#### 卷二

二十

白虎廟 在治北十里胡家溝白虎崖山麓

玉泉山荊州祠 在治北十里四家壩祀荊州聖母清同治十二年癸酉副榜邑人王

運通有重修玉泉山荊州祠碑記

清同治十二年癸酉副榜邑人王運通重修玉泉山荊州祠碑記邑治北十里有祠

焉中奉女神木主書漢勅封荊州聖母旁列弓矢名白蛇二將姓氏功勳邑乘未及

詳載然禦災捍患一村中屢示靈異居人感其慈蔭奉祀維虔甲申春睹廟貌漸圯

咸議捐修爰增基址式高閉閣闕一載而工告竣清記於予予思神之生平不可考

矣雖然方城漢水之間從古多閨異彼趾高而知莫放之自用心蕩而嘆王祿之已

盡則有夫人鄧曼其人也放逐而喻制行之芳投汨羅而識立身之高則有嫫媛

女嬃其人也又風詩十五國楚獨無詩說者謂漢廣諸詩卽楚辭也游女猶不可求

則其他可知矣若是者或因扶輿所磅礴或因風俗所漸摩均足表崎異於閨闈神

偷亦得於其地耶故生而爲英歿而爲靈仍以荊州稱歟否則如洛神湘君因其靈

爽之所在而稱之亦未可知至其旁列弓矢必嘗敵愾從戎折衝禦侮如王厥女之

爲貞烈將軍馮寶妻之封石龍夫人焉以巾幗之英雄冒疆場之鋒鏑戰功旣偉英氣遂留所由歷久而愈烈也顧以蛇爲將則何也或者如李冰之與水神鬥能致力於蛟窟貝闕賦則又事之幻蹟之奇者矣要之其英風異跡皆足以永垂祀典者也廟之建父老謂前代兵燹村人半由楚遷故予則以自古偉人懿行芳躅遺佚於史傳者往往千百載後或示異於故土或棲神於他方如神龍隱於雲霧必時露片甲尺鱗蓋亦誠之不可掩也然則斯廟也不必問創始之何因與夫歷年之奚若第卽今日之將廢復興亦足見神之英靈赫奕政常令寢殿若斯之輝煌也而何疑記載之久缺乎而何容妥侑之弗誠乎是爲記

日月二宮 舊在治內東嶽廟正殿內後移三皇殿東南隅清咸豐間復創而新之同治三年甲子邑貢生何廷熙有碑序

清同治三年甲子邑貢生何廷熙創建日月二宮碑序昔先王之制祀事也有功德於民則祀之所以崇德報功也而獨太陽太陰德溥化光功同覆載萬物之所成終成始者胥於是仰賴焉其功德之在民間者寧有涯乎而謂其可忘明湮乎何以當

## 蘆山縣志

### 卷二

二十一

春分而王宮寂然值秋分而西郊淡然日月之有其象而未能享其敬也已久之瞻其象而不能伸其敬也亦已久吾邑之興二曜會也始於咸豐十年其時雖有捐施善士僅一二人難言集腋成裘因之盛典不彰今歲明廉李公光祖信陰陽之有準出示飭諭務興祀典予等卽邀二十人協力承辦慶演神戲縣主由茲舉報城鄉首事十一人各領神本生息年例慶祝演戲以答神貺斯舉也非予等樂於創始誠以日月有其象不可無其敬伸其敬不可無其事茲聖會旣興厥基永奠同心協力有舉無廢庶幾陰陽合德時和年豐普及衆生永霑聖善至於鳩工庀材修理二宮以壯觀瞻以肅崇敬則於吾邑城鄉士民仁人君子有厚望焉是爲序

五顯廟 邑治境多有之相傳爲祀顯明顯聰顯慧顯聖顯智皆上古神也故名

### 寺觀

靜智寺 在治北五里建自宋貞元間爲蘆第一刹明萬曆時僧海天增其舊制甲申燬於兵燹僧善成耕雲先後重新之邑人竹顯勳有碑記

明邑人竹顯勳靜智寺碑記西方有丈六人肇開西國結成淨土出其力量神其智

慧或雲塔於海上或樓閣於天中或泥牛耕於海底或身印釋於天上種種可釋吾  
邑靜智寺靈坤厚繼承當時俗習多澆常住頗有侵假坤之后廣杰恢復之未幾而  
海天出夫海天抑西方之所指爲海天者乎實其海天遂名其海天者乎自十二歲  
服消瘦衣起而大襄其事盡墾可穀之土盡出山林之利歷七十年經營締造釐然  
有序素履重於鄉評官長嘉其義士大夫稱其賢護記二十二年其表表於當年非  
埋頭吃飯者雖古唐瓚不是讓也迺本寺有常住山田糧五斗萬曆十年三鄉書里  
誦詞王侯那移增糧自后賠納累重僧衆日益耗散田地日益荒蕪錢糧日益廢闕  
殿宇佛像日益傾頽天啓元年雪雹變作嘉禾盡屬腐草僧堞人空而海天年毫力  
憊徒孫孱弱痛苦無已我朝列公偕鄭侯躬詣踏驗果見梯梯小田田少糧多委難  
服納且考殿宇建自貞元間爲蘆第一刹一旦荒圯秉公酌量減糧以稍甦苦楚則  
田地不致荒蕪錢糧不致廢擱僧衆殿宇聚復如故鄭侯如天之澤我朝列公護持  
之力何莫非海天力量所致且於寺中建葺房樓寺后建觀音堂寺之上建普照菴  
復得我朝列公捐資以助其用則與塔海關天耕海耨天者同一軌矣海天老而不

蘆山縣志

卷二

二十二

倦仍廣植松竹鬱蔚青葱鶴集於木雀啣於枝時野而坐茂密下借蔭濃之餘庇接  
續傳聲未有不羨慕海天之精神若海天者賦質古而朴秉性聰而靈語言拘拘小  
心翼翼禮賓客賢春風晬盎上可以不媿坤厚下可以有光廣杰而續厥寺之功德  
者寧有既耶夫減糧建監伊誰之力人曰海天海天不有歸之士大夫士大夫不能  
歸之佛力佛力冥冥不可得而名乃名於碑厥後繼海天之志仰止嗣緒庶斯名不  
朽也余嘗流覽靜智發脈靈鷲勢處峽岬繚曲僻雅層巒環富據大地形勝遠岫所  
葉竹響斷雲嵐光猶黛礪何列嶠門前田地水綠山青鳥鳴谷應煙起霞蒸造設多  
奇望眼暢舒香火馥馥山雲杳杳不爲寒煙蔓草而瓦礫是懼也故始得結坤創其  
規模旣得廣杰續其疆界終得海天紹坤之未紹廣杰之未廣使鐘鼓常鳴香火時  
舉則西方有丈六人靜智有海天智慧首出能任能賢勒之石中表傳後世以示不  
忘焉則海天其歷千萬世而如在後人遂得仰千萬世之眼目也稽昔巢首而著之  
大乘焚履迺書之文字記誌不同其示不忘一也故闔邑士大夫欽其道力揭石而  
記之有如見其海天者欲知海天之甲子則生嘉靖甲寅年四月十五日耳

廣福寺 在治內南街相傳重建於明代莫窮其始然成化間呂教諭潘遂廣福寺碑  
記云廣唐封開明王城北三十步許有古廣福寺因宋遷治大渡基址存於草莽間  
斯則寺已始於唐宋間蓋可知矣逮明宣德三年戊申僧妙鑑以城堞南遷朝賀拜  
祝靜智隔江未便乃重修建大約卽今寺也天順末苦行禪僧關證飛錫過蘆以妙  
鑑中道圓寂功德未竟後募而新之並塑有西漂方母海景神采飛動均見潘記正  
德四年己巳邑令亢時霖以廣福寺住持僧明琇等募修佛殿祖師堂曾撰文記之  
於石清康熙十一年壬子寺僧隱微又予重修並關建藏經樓益宏舊制其徒如清  
又於樓前增建大雄天王接引各殿以迄山門並兩翼之伽藍祖師諸堂三十五年  
丙子邑令羅之熊有碑記又蘆人呼廣福寺一曰下寺蓋以靜智爲上寺也按古圖  
經蜀西南境有名刹三羅岳爲上沉黎爲中雅安爲下鶴林寺乃古下寺今蘆人又  
以廣福爲下寺者或習俗傳聞使然歟民國三十一年縣長張宗翹募款培修之明  
成化二十二年丙午邑教諭潘遂重修廣福寺碑記釋氏之教粵自兜率天中降神  
於西域其名曰佛前人謂爲西方聖人信然廣唐封開明王城北三十步許有古廣

蘆山縣志

卷二

二十三

福寺因宋遷治大渡基址存於草莽今復城堞南遷朝賀拜祝靜智隔江未便僧妙  
鑑白於邑長剪荆棘除莽穢鳩工選材正殿門廡完備欲作西方漂海景無有工於  
塑者俄焉而西方回僧師弟欣然任之始和泥未敷一夕大雪而回僧渺渺不見其  
面及視寶壁而刻畫已成觀音大士飄飄如在海中龍宮波濤鳥獸如生宛若目觀  
普陀之勝概者異哉其神也無何妙鑑中道圓寂天順乙酉叩之九鼎山苦行禪僧  
關證爲天全二招討所募以禮聘西飛錫過此觀其功德未就遂發大誓願守禦竹  
所公昌暨縣尹張公敬信慕傾資勸聖丹漆金裝妙彩色相巍然由是上以慶祝聖  
天子下以澤被一方民其福之廣者未可一二僕數也如妙鑑以及回僧禪僧或亦  
同自兜率降者乎何其佛力人緣之畢就耶邑中之觀瞻已具永鞏皇圖於無疆是  
又在佛子之靈廣其所當廣者乎因序其施財助工者之姓名於碑陰而爲之記云  
明正德四年己巳邑令亢時霖重修廣福寺佛殿祖師堂碑記釋氏之教三代之世  
不聞六經之書不載說者謂周昭二十四年釋迦佛生而太宰謠嘗問於孔子曰孰  
爲聖人孔子曰西方有聖人不治不亂不言而自信不化而自行蕩蕩乎民無能名

焉此教之所由始也厥後漢明帝夢金身入殿迨唐憲宗迎佛骨於鳳翔此流入中國之始也原其爲說覺悟羣生化人爲善而弘辨師亦曰心外無佛佛外無心無非欲存其心制其欲約其情以爲接人持身之本也奈何後之祖其說者往往藉以惑世誣民不揖君親不供租稅謂誦其經崇其教者足以獲福傾資以餽僧輪財以施佛者足以消禍遂使高明之士中才之君露頂焚香解衣散錢捨身施佛嗚呼豈佛之本心哉豈釋之教旨哉是可慨也方今聖朝酌古準今亦不廢其教內設僧錄司以總其綱而凡佛寺之建皆輝煌金壁甲第連雲外設僧綱僧正僧會司以總束緇流釋子而金飾之像梵刹之雄亦欲蟠踞於名山大都蓋欲化導羣生以爲世之小補也蘆山縣廣福寺創自前朝莫窮其始至宣德戊申重修迄成化癸丑釋子明琇圓覺圓通大朝明盛洪源妙金明珠清僧覺性空爲首募緣鳩工創建海幢佛殿一所天王殿龍神堂祖師堂各堂匠造石香爐五座皆飾以丹腹壯麗可觀釋子明琇等謂余清記予謂釋氏於儒雖有吾道異端之別原其初不若是之矛盾也不然何孔氏亦有取焉但後之人倡爲其說以冀普斯世故佛有君親而釋徒背之佛有夫婦而釋徒絕之佛欲化人而釋徒迷惑之遂使世之老儒達士排斥而屏絕之欲火其書欲人其人無怪其然也然住持明琇等能甘辛勞筋力薄滋味以經營殿宇力陶甃收材木延匠氏以底厥功是可與也雖然住持乃衆僧之領袖也使其棟宇敝壞我其修之金像未飾我其繪之招提隘狹我其廣之香積未備我其營之名木未植我其樹之若是謂之住持於外可也謂之住持於內則未也必也慎獨以養心節慾以養性制忿欲而不行察過失而不再人皆趨彼我獨守此人皆有遷我獨不移不爲外物累其心不以貨財喪厥守於以化世人於以覺後覺斯謂之住持於內也斯無忝於住持之名也朝夕上以視聖天子之萬春下以祈年穀之豐登超然爲釋子之白足見重於世人垂名於後世願不偉歟盡相與勉之是爲記

清康熙三十五年丙子邑令羅之熊廣福寺藏經樓碑記佛書之入中國由來久矣然其初竟四十二章耳厥後盛於姚秦熾於梁大備於唐吾中國之人日益敬信而卷帙之繁幾與吾儒書相等釋紳學士且靡然捨己學以從之而其徒復侈大其事鳩土木以爲之宮飾丹堊以爲之構誦焉則有拜跪起立之科儀梵焉則抑揚高下

之節奏而又加什襲以尊之宣鐘鼓以導之其所以崇奉之者無不至亦由彼教中維持振作之有其人也蘆邑之南街舊有廣福寺者創自故明年間爲歷來祝釐之所雖踵事增華不一而足然兵燹之餘頽垣敗壁鞠爲豐草舉鹿苑雞園之地將變爲樵蘇芻牧之場今上御極之十有一年歲在壬子寺僧隱微慮佛經之散軼而莫能傳也闢地誅茅大興工作曾不期月而藏經之樓峙焉繼而其徒如清陸續修葺凡樓前大雄天王接引等殿以迄山門並兩翼之伽藍祖師諸堂莫不沿故鼎新因毀成研與藏經樓之樓並昭輪奐若兩僧者始可以告成功於諸佛矣尤恐以居者之逸漸忘乎作者之勞丐余誌其因緣勒之貞石以垂不朽

白塔寺 在治北十里任家壩元至正七年丁亥僧善輝修建明成化二十二年丙午邑令宗室朱瀾有白塔寺碑記清康熙五十六年丁酉邑孝廉竹全仁有白塔寺常住源流碑記

明成化二十二年丙午邑令宗室朱瀾白塔寺碑記白塔有寺昉自元至正之七年浮屠人善輝者實倡爲之而一時營繕之工制作之備葺以加矣然以其地之旁近

## 蘆山縣志

### 卷二

二十五

先世有神飛塔故名而其形勝則左擁七里壘翠之奇石濯清源波流之秀大江虛崖朝拜於其西寶子名山拱揖於其東春夏之交草木茂榮呈翠於四畔秋冬雪月水天一色輝映於兩間信所謂息心之勝境統道之淨場也夫何元季兵毀時睽不無風雨之晦冥藻莽之掩翳舊址宏規泯乎其頽焉矣於戲孰知天運循環無往不復是固有數寓乎其間然亦存乎其人焉耳當英宗睿皇帝即位之初本郡布政使張斐悲法相之凌夷憫福地之湮沒慨然捐財輸粟綜理故墟建成殿宇於其前旣而得夫住持永旭募化善緣莊嚴聖像於其後是蓋晦者復明泯者復興矣若是者伊誰之功歟夫迨夫皇上臨御之十有八年乃得上人智琇者俗姓程蓋旭之姪法門之領袖也幼懷真教蚤悟三空之心長契精神堅持四忍之行凝神內境誓秉靈白之誠栖慮禪門翼前有爲之業人緣未幾四衆咸集遠近樂施檣材陶瓦度地奠居不數年間殿堂廡廡百神佛像罔不采金而畫玉山門兩廊棲止蘆舍靡不飾華而刻美鐘鼓時擊丹墀塗墍以至百爾器用無不完備而修竹茂林奇花異草亦皆以培以植但見佛光高布利敷生民上官君子朝謁匪絕觀者溢目遊者忘倦視昔

有加焉吁上人雖勞厥後以克有成績焉張公所起旭輩之所修善緣之所致規模宏遠亘萬古不可得磨者矣予欽承上命來撫是邦聞因政暇民和四境寧謐於是乃偕士工僚友於山之麓水之涯倘佯以樂道出北門半舍許茲寺在焉至則周覽詢其所由嘆息上人用心勤勤而其戒行修潔一金石之堅確也上人因得以接識余而余亦嘉重之余將滿三載之京矣其誘請文以勒石愧余不能如韓之于太願留衣爲別也是爲記之用昭不朽云

清康熙五十六年丁酉邑孝廉竹全仁白塔寺常住源流碑記嘗聞求木之茂者必固其根欲流之遠者必浚其源事物之理靡不由是而生至於衣鉢遞傳院堂接續之際則或自爲傳舍而苟安之或指薪火而撲滅之矣韓子有言莫爲之前雖美弗彰莫爲之後雖盛弗傳故思開創之良難愈見守成之不易敢復戕其根以自覆撓其源而自涸也哉粵維白塔寺肇自有元至正間迄明之季而頽敗極矣有禪師法號本宗雲棲於此因重修而恢大之繼而入山養靜復開靈源大洞昇座講法禪風大振四方宗之鄉人陳氏任氏張氏輩施土田若干畝以爲常住供養而白塔寺遂

## 蘆山縣志

### 卷二

二十六

爲靈源下院矣嗣二世者瀛懷嗣三世者在天克紹厥宗罔有弛廢至四世而玉松禪師出焉則又闢然特出德行功能與本祖前後相等因嗣修靈源堂宇若干楹白塔山門前殿廊廡若干所更買曹氏胡氏田若干畝僧徒雲集開堂建會未有盛於此時者蓋本祖爲之於前玉公爲之於後皆所以培其根清其源期於繼繼承承者之茂且遠也玉公之歿二十餘年嗣孫衡識緬祖德之難忘慮宗功之或殞暨其徒祖聯輩日夜辛勤祇承厥緒慮維繼世者之蒙其蔭而不免於苟安之撲滅之也爰本其根蒂述厥原委屬余爲言以鐫諸石

石佛寺 在治南十里明成化元年乙酉建十一年乙未暨萬曆四十三年乙卯崇禎十年丁丑歷經培修一名仙鶴院邑孝廉程翔鳳有碑記

明崇禎卅州州牧陞威州兵備松茂道特加監軍僉事邑孝廉程翔鳳石佛寺碑記石佛古刹昔名仙鶴院義自何昉豈非雁蕩雞足靈鷲之餘勝耶佛以石城離石非佛苟欲求佛卽石是佛昔人莊嚴寶像取茲頑石蓋具大慧力大圓通者矣不然梅禮可也金玉之相可也瓔珞琉璃無之不可也收丈六金身五蓮花座一石篋之者



何抑使閻浮一切衆生石身石口石意不欲血肉七尺墮入三業迷阱耶抑泥犁刀劍鐵銅風火諸獄惟石身口意除絕三業人爲能出入無間輪轉生天故借頑石寶相指點骷髏衆生耶吁婆心哉泥牛渡河石人騎馬金鑑玉杵迷者幾人悟者幾人數寶隣家執燈借火舉世如眠醉石又安知卽石是佛離石之非佛耶雖然佛石矣石可鑊而成佛不可煮而飯僧諸比丘燃石火耕石田一袈裟地外如象如龍飢不可食寒不可衣佛以石名僧未免以石困常住無矣有茶數株參差亂石中尙不足世尊諸菩薩座前一朝清供而前茲未經察實反致貽害於山門今幸宰相禮越時憫此山之荒寂也而先後體恤迭有奇緣不可謂石佛之真石佛也矣寺址闢自成化元年至十一年重建自萬歷四十三年又崇禎丁丑年前殿則化僧道殊主之助緣彫塑諸聖爲善民陳德煒妻楊氏中二殿則度牒僧會司真觀主之層累增修香火煥然後樓則度牒僧真禪主之助緣者爲周溥陳元相諸信善本宅前後殿樓捐資屑需不計延匠彫裝白衣大士一尊續捐田作常住永捨真觀師徒耕種焚獻章馱尊者永作鎮盟是爲記

蘆山縣志

卷二

二十七

石山寺 在治東十里明代建正德間山東都司邑人李必欽有碑記

明正德間山東都司邑人李必欽石山寺碑記釋氏之教三代之世不聞六經之書不載厥後漢明帝夢金身入殿迨唐迎佛骨於鳳翔而佛教始入中國所云佛卽心心卽佛無非欲人存其心制其欲爲持身之本也無何其說一倡惑世誤民不揖君親不供租稅而獲福消愆之說盈宇內豈釋教之本旨哉是可慨也方今聖朝酌古準今不廢其教內設僧錄司外設僧綱僧正僧會司悉皆輝煌殿宇甲第連雲蓋欲借以爲朝賀拜祝之地亦爲教世之小補耳蘆山縣治東十里石山寺創自國朝來山高聳巨細積石列於左右因以爲名本寺僧廉惠俗姓張龍門人也秉性溫慈堅定不老赤子之心不汨平旦之氣酌水焚香夙夜匪懈洵羣鳥中孤鳳烈火中全金也師徒裝嚴佛像丹雘殿宇香爐海漫煥然一新壯麗可觀又施章原捨田一段永爲常住里民張相張文翼張萬清等詣余請記余思釋氏於儒有吾道異端之別每相矛盾韓退之欲火其書其人何記之有然借以上祝明天子之萬壽下以祈年穀之豐登因相生敬因敬生悟以余言質之亂石應爲之點頭也是爲記

朝陽寺 在治南二十里白土池清康熙元年壬寅建邑孝廉竹全仁有碑記

清康熙五十年辛卯邑孝廉竹全仁朝陽寺碑記自天竺之迦維衛國淨梵王太子勤行精進覺悟一切種智而謂之佛嗣其教者有經論律三藏達摩西來後有律學禪學之別唐末五代聰明英異之士遜於山林憤世嫉邪言語文章托於禪以鳴高如聯珠疊璧終不能掩其光輝故律學禪學頗有可觀而傳於世龍之爲見爲潛惟其時耳禪何能朝陽朝陽何能禪耶而茲以朝陽名禪院者所居母乃以事事各有得意之處宗風昌熾能百千萬億化身使頑石悉照點頭卽禪家朝陽世界而達摩釋迦如在今日耶本朝康熙元年壬寅性懽僧開山建立朝陽禪院於白土池說法演教信從者衆繼得吾族海雲自幼祝髮苦行修持其寶塔樓殿陸續完備已將町疇鹿場化爲清淨法門也又得海文兄弟而道友以蓉城文殊院衣鉢共闡禪宗一禪一律如圭璧鵬鳴互發其蘊卅座剖晰半出過庭所聞反覆申辦於二宗不無潤色焉所以禪院而名朝陽者以此今殿宇莊嚴廊廡煥彩行將有梧桐生於其間鳳凰鳴於其上白雲深處梵語驚人綠樹叢中鐘聲午夜且沙門繫馬仙客留題竹院

### 蘆山縣志

### 卷二

二十八

逢僧得聞半日其亦吾邑中之選佛場也亦太平世界中別具之洞天也夫是爲記

天王寺 在治北七里明正德間建

湧泉寺 在治東北五里

圓通寺 在治內南清康熙二十三年甲子江南僧寂成建咸豐間邑人王學餘重修

光緒十九年癸巳燬於火

崇勝寺 在治北五里大板橋

龍龜寺 在治北五里羅家壩

福田寺 在治西五里

上伏江寺 在治南三里邑人楊翹叔建年代未詳

下伏江寺 在治南里許羅公橋頭建自明代歷爲新任邑令履任更衣之所寺內大

雄殿兩旁壁畫相傳爲明成化八年遺製民國三十一年縣長張宗翽募款培修

青龍寺 在治東北二十里

迴龍寺 在治南四十里飛仙關

大悲寺 在治南二里

波惹寺 在治東北三十里隆興場側

水月寺 在治西十里思延壩

鹿子寺 在治西十里思延壩

彌陀寺 在治北十二里大盆壩山麓

沙壩寺 在治東北三十里隆興場河畔

佛圖山寺 在治西三里

興佛寺 在治東北十里大堰溝

朝陰寺 在治西十里思延壩三江口相傳河東爲朝陽寺河西爲朝陰寺故名

高覺樓寺 在治西六里下橋卽天雅蘆三縣連界處

鴉雀寺 在治南十五里禾茂壩

觀音寺 在治南十五里禾茂壩

伏江寺 在治東北十里昇恒橋附近清乾隆八年癸亥邑生員陳茂書重修有碑記

## 蘆山縣志

### 卷二

二十九

清乾隆八年癸亥邑員生陳茂書重修伏江寺碑記嘗聞佛教之尊始於漢明而沙門稱釋肇自晉安吾鄉中有一寺名曰伏江處龍山之上流波濤衝其岸而石筆迴之且帶龍山而直接羌江龍門以上風水所關如砥柱積石控衛二方其氣象萬千誠千古來之奇觀也自兵燹後寺宇頽敗不復如舊幸遇明朝上人存心修葺雖則矢志沙門而規模寺院猶未整齊遞及照廣幼入空門已得真如之妙蘊台妙意蓋優入而有餘亦復不拘拘焉淑身以渴其志凡可以利物濟人卽頂踵亦不惜歷年來法道安之規模效遠公之遺範自壬寅歲仗康公之威靈重修大雄寶殿以及二十四位天神佛像諸天十殿又於癸卯歲刻雕中佛阿藍迦葉並左右大佛二尊香爐供棹兼刻堅牢靈官又於壬戌歲募修漂海十八羅漢四大天王韋陀堅牢雖其間宋允林爲之鳩工羅文璧爲之捐資中佛戴時佐爲之喜捨觀音金童玉女要皆衲子照廣心乎佛志乎佛之所致也予也一介書生幸與衲子同居一鄉覽其品望觀其功果嘗擊節而欣賞焉是以不揣固陋紀衲子之功書衲子之行而勒爲一石但恐年湮日遠住持未定有悖當今聖天子之淪旨而肆爲霸占故並勒石記其田

敬週圍以付之護法云

白衣菴 在治內東南隅清雍正七年己酉邑令遲熇就舊學址建立相傳邑令昔夢白衣神欲借居此地適有木商與民爭訟遂將所撈木料充公捐修此菴故名

永福菴 在治東北十里裴家山

隆興菴 在治西思延壩六半黨創自宋代清初重修邑人竹永齡有碑記

清順治間邑人竹永齡重修隆興菴碑記古皇先生西方夫子也於中夏名教無所與然所謂清淨法身則即天會之性也圓滿報身即率性之道也千白億身即修道之教也並金剛離色離相以及大小乘楞嚴諸說亦稍得吾道之一體夫六經三史皆經世之書士君子誦讀而佩服之若愚夫愚婦未免枵格而不相入孔子曰民可使由之不可使知之職是故也况天下賢智之人恒多中庸之人恒少惕之以佛子天堂地獄之論勸之以佛菩薩圓覺之因返叔季偷薄之俗漸還性命倫理之大是佛子之教亦可以驅之而佐吾道之窮也且一方有控扼之地風水所關欲建樓閣遊玩之所以崢嶸其勢久必頽廢不若神道設教建世尊龍像於其間反可以垂世

### 蘆山縣志

#### 卷二

三

而不替則佛寺菴觀又可借之以培補地脈之不及也如思延龍興菴者江氏先人耕掘得香鼎等物於層泥石堆中猶屬宋代紀年知爲古刹且斯地正縣司連界之所於是建之爲菴使平疇間有層巒疊起之勢最爲壯觀歷兵燹以來竟得不廢菴僧永勝因思基有餘址重修大雄寶殿以及左右龍神祖師堂以全一祇園局幸逢本縣張侯諱諸守戎吳公諱敦簡捐俸資之且解腰纏之尾貫寶布袋之盈餘者連商農庶岷江岸上金鳳山前清夜之下自省其一念之安與不安即有一天堂地獄之懼在其意中謂之稍馮吾儒化導人心之微權於萬一未爲不可也若云我無一錢談波羅密效坡老藏經之銘也則不若是想也是爲記

呂祖宮 在治內南原爲古對花樓遺址後改建東嶽廟戲臺清光緒二十年甲午重修嶽廟新建戲臺舊臺遂廢二十七年辛丑庶吉士邑令楊清照爰就此廢址建立呂祖宮

三聖宮 在治內東郭

真武宮 在治東岸一名湖廣會館

萬壽宮 在治西城外一名江西會館

秦晉宮 在治內東南隅白衣巷右一名陝西會館

斗牛宮 在治內南奉祀三清教主老君一名三清觀

觀音閣 在治東郭外

觀音堂 凡二一在治西十里思延壩爲楊土司焚獻之所一在清源鄉寇家壩張姓建立

金花祠 在治東北十餘里大水井祠左右

### 津梁

古者雨畢而除道水涸而成梁先王之教由來已久蘆邑僻處邊隅山峻水急湍流交錯或鎔金範鐵結紉爲橋或剝木韜皮作舟以渡隨形建制所在有之創立艱難於斯可見茲將全邑津梁之較著者類別爲五一曰鐵索橋二曰石橋三曰木橋四曰渡口五曰堰渠附高分述於次所望守土者隨時加意培修庶蕭條行旅不致思苦葉之匏亦蘆邑人士之幸也

## 蘆山縣志

### 卷二

三十一

#### 一 鐵索橋

羅公鐵索橋 在治城東南郭約三十步許清康熙三十六年丁丑邑令羅之熊捐建長三十六丈廣四尺高三丈餘係用橫索十條環組八十四上鋪以板以利行人邑人德之故名并勒石讚曰杠梁之設肇自先王倣古而治觀我循良特捐清俸闢此周行綢繆堅緻鐵石心腸子來趨事効力弗遑慮虛遠駕不患囊裳疊飛兩岸憩息甘棠名曰羅公千秋表揚時建南道王曰曾亦有碑記其後雍正九年辛亥邑令吳班乾隆十六年辛未邑令孫靜四十二年丁酉邑令謝生晉嘉慶十六年辛未邑令孫時傑道光十六年丙申邑令段榮恩三十年邑令王金綬光緒四年戊寅邑令嚴用勛七年辛巳邑令李崇忠民國元年知事陳興庠七年知事蕭繼芳均歷經培修并有碑記今佚二十四年城陷於匪橋燬於火二十五年縣長趙萬靈修復之三十一年秋山洪暴發橋基并岸隄衝損至巨翌年縣長張宗勳重修之邑人楊葉牂有碑記

清康熙三十六年丁丑建南道王曰曾羅公鐵索橋碑記從來任國家事當實心實

政爲地方作久遠之計遠久遠之福勿謂地當嚴疆責惟守土牛刀斲於小試而遂爲且夕之謀也今聖天子加意三知謂爲親民之官慎選能員以經濟斯民而羅公以世胄勳臣膺簡命爲蘆邑宰鐵心鐵腸日以富教爲意蘆風最樸而人幾滿公命民修堰築堤破山取水疏濬鑿達露不周詳而旱田陸海矣又命民去雜植家給金錢以買桑株數年之間四城垂蔭三鄉分隴可以補耕之不足而民富可拭目而俟也猶念邑之東郊大江中貫波勢奔騰恒楫斷舟沒溺傷甚衆乃相其地勢修陔岸建鐵索大橋長三十六丈寬四尺橫索十條環組八十四上鋪以板兩岸豎亭閣所費計千金經始於康熙丙子仲春告成於康熙丁丑孟夏予駐節雅安邑民凌士臣李正福叩轅而以羅公之修堰種桑並建鐵索橋功爲予告且請記予曰修堰種桑富民久遠之計也建鐵索橋遺民久遠之福也皆王政之大者由公體陛見之命以飢溺爲己憂政能以實心而行實政也如此豈鳧飛桃紅獨爲仙令之佳話哉特撰而記之於石公諱之熊字子濱陝西安塞人

民國三十二年邑人楊葉屏紀張縣長鳳賓培修羅公鐵索橋岸隄碑記蘆山城南

## 蘆山縣志

### 卷二

三十二

羅公橋爲雅蘆交通孔道迄今近三百年民國乙亥突燬於火兩岸庇廊化爲灰燼鐵索則沉沒於水見者感頌幸經前四川省政府發給公帑從事培修煥然一新縣人咸謂從此民不病涉矣不慮壬午秋巨洪暴發復將東西岸隄冲圯勢幾坍塌欣逢縣長張公鳳賓熱心建設集紳磋商在蘆陽沐東兩鄉鎮募得國幣二萬餘元飭工庀材不三月而堞堵井然新隄更堅於古噫嘻休哉當此國難方殷軍事與建設並重之際尤願後之人善保此橋基產隨時修葺俾羅公建橋偉績張公築隄盛意先後輝映則幸甚焉耳是爲記

西門鐵索橋 在治西外城根舊爲水西高木橋清乾隆八年癸亥邑典史凌士鑄建十五年庚午邑令孫靜培修二十五年庚辰邑典史繆九成乃改建爲鐵索橋長一十六丈廣三尺五寸高二丈四尺更名爲水西永通橋嘉慶二十五年庚辰邑令楊所憲重修民國二年夏橋爲山洪衝折知事陳興庠修復之邑人周瑞岐有碑記  
民國二年邑人周瑞岐培修水西永通鐵索橋碑記鐵索橋之利濟與鐵路之功效判若天淵者而當夫卒然損失時均賴人庶捐資以成其美壬子秋季路事發生保

路同志之人上自紳耆下及賤役無不傾囊相助思有以保其權利而復其舊規吾邑西北兩鐵索橋適於是時同因洪水急湍衝壞而存者僅十之三四在西水尤爲特甚焉查此橋遠通藏衛近附縣城其亟於募款培修也不尤賴有同志人慨解義囊以保全此路乎幸於是冬得縣知事陳公興庠捐倡於上諸義士襄贊於下卽於癸丑春正開工迄四月而告竣兩岸房舍亦補舊添新計出入款項共三百餘金較之爭路之費金錢雖不過萬分之一而保其權利以復舊觀何非同志人之熱心公益哉爰將原委及出資芳名勒石以誌不朽云

北門鐵索橋 在治北城門洞下右側外濱大渡河舊名天祿橋長一十六丈廣三尺五寸高二丈八尺清嘉靖元年丙辰建道光十三年癸巳本邑士民重修有補修北城外天祿橋小引咸豐元年辛亥邑人張彥斌復獨力捐修一次光緒十三年丁亥邑人趙衛二姓又募資培修民國元年夏橋爲洪流衝損知事陳興庠暨邑紳衛從襄等募修復之邑人周瑞岐有重修天祿橋碑記

清道光十三年癸巳名佚補修北城外天祿橋小引從來莫爲之前雖奧弗彰莫爲之

## 蘆山縣志

### 卷二

三十三

後雖盛弗傳城北天祿橋泐自嘉慶元年越三年而始竣蓋上通穆坪下通雅那實屬要道大有便於行人往來但歷年既久風雨摧殘漸就傾圮蘆邑士民俞世榮李榮光何廷詔何步瀛竹圖南等同心協議重爲補修功程頗大惟是衆擎易舉爰置首事募化衆姓伏冀仁人長者慷慨傾囊共襄厥美俟橋功告歲鐫碑勒名請序於予予曰此美舉也善始善終共勉圖之

民國三年邑人周瑞岐重修天祿橋碑記漢司馬相如關沫若鏤靈山梁孫原所謂創道德之塗以通西南夷者也是橋與沫水靈山相近尤夷人董卜韓胡之貢道至孫水出臺登縣屬越嵩郡其架木爲梁當不在此然西漢至今曾日月之幾何而遺跡究不可復識惟嘗尋斷碣撫舊碑清以前無可考止知此橋原名天祿建於嘉慶元年告成於四年係分地募捐及後十三年暨道咸間皆隨時培修北街張彥斌亦波力培修一次光緒十三年趙紳海廷衛紳從襄又募資培補至民國元年六月洪獨洶湧兩頭石岸盡爲冲頽望洋憚歎者濟濟衛紳痛前功之復圯稟呈邑令陳子周發簿募修費至三百餘金始能復舊茲以是役也雖由一己運籌而衆善士慨解

義囊其功尤不可沒特囑余作文以記之余觀夫西南通道首扼靈關沫水則由金鉢環流而來浩浩蕩蕩實若天塹之限乎南北是橋之通塞豈獨行旅之關係抑王公設險守國盛世重譯來貢德教覃及蠻方之所由也則是橋之重修非亦復道德之塗乎從此董卜韓胡暨一切行人經靈山過沫水來享來王談往蹟話今猷不又曰盛哉乎斯舉安在古今人之不相若耶爰樂而爲之記

昇恒鐵索橋 在治東十二里舊名龍門渡蓋明代原以竹索爲橋興廢靡常清康熙二十七年戊辰生員王應增墮橋溺死於水時邑令沈士本乃廢橋永定爲渡故也遼光緒七年辛巳始由邑紳募捐改建名曰昇恒鐵索橋長廣高度與羅公鐵索橋略同邑令嚴用勳有碑記

清光緒七年辛巳邑令嚴用勳昇恒鐵索橋碑記 蘆城四面皆山也其下則衆水環注山愈高則水愈勁夏秋漲盛雖舟楫不能濟也卽架木砌石仿古徒杠輿梁之設而當之輒披靡於是鍊鐵索飛空爲橋者資費動數百萬或累千餘萬不等余惟於蘆始見之斯亦極地勢之險矣顧城西南北舊皆創建有成其東曰龍門河河勢

## 蘆山縣志

### 卷二

三十四

較寬程功又不易昔之人特慎之以爲非強有力者弗克勝任也然而遲之又久行李重困邑紳耆等奮然起焉謂衆擊必易舉有志則竟成一人之力奚以濟維是遠近勸募不惜勞瘁不避嫌怨凡鳩工庀材一皆秉公核實閱五六寒暑而厥功始竣落成之日咸欲請名於余余曰余之蒞蘆適際其盛未與有力也顧此舉適億萬人之利迺載祝曰斯橋之建在東其宜建也如是切其議建也又如是難願得與日月同不朽焉則重其名曰升恒橋並記其事經始於光緒戊寅九月落成於辛巳六月初八日云

龍門鐵索橋 在治內東北三十餘里一名華亭橋又稱蘆陽第一橋長四十八丈廣四尺二寸高三丈六尺清光緒七年辛巳清源鄉任家壩任體良體芳兄弟捐建邑令嚴用勳有碑記

清光緒七年辛巳邑令嚴用勳蘆陽第一橋碑記從來任大事必待有大力之人又往往誤於所用以爲吾之力也吾得私之不知自私其力先已自負其力而其力亦竭而迄於無所用譬之塞江流以溉田田幾涸矣猶曰吾爲數世利迨至漸盈漸溢



猝然潰崩徒爲旁觀者之空歎而其人亦就湮沒其後更無能力復振焉善用其力者不然公吾力爲衆力其有之力實無窮而爲累世莫湮之力豈故爲果報之說日而用之而其力愈固日日而斬之而其力遂墜理所必然勢所必至無待煩言解矣蘆城東十餘里有升恒橋方工落成余序以言而記其事是合衆力爲之故其說較詳又三十餘里有龍虎橋原稱華葛橋係城北清源鄉任公獨力爲之衆呼爲蘆陽第一橋合詞求記且曰彼自樂培陰功非以爲名而故造斯橋者實不能忘然則斯橋也可以無記又不可不記乃概論人之善用其力者爲之記庶幾皆知所取則焉任氏昆季一名體良號清遠一名體芳號香遠云

思延沫水鐵索橋 在治西八里原名永渡橋一名思延下橋相傳建自元代年久傾圮逮清乾隆間本鄉任姓乃捐資修復之長三十六丈廣三尺六寸高三丈二尺邑人竹全見曾有碑記今佚光緒時培修民國三十一年夏山洪暴發橋基冲毀數丈縣長張宗勳集議培修邑人士德之因請以斯橋更名爲張公橋趙良輔有碑記

民國三十二年邑人趙良輔張公橋碑記橋之有記猶國之有史也史必實其褒貶

## 蘆山縣志

### 卷二

四十五

而後歷朝之盛衰以正序必詳其成毀而後建設之功業始宣若蘆邑思延鄉鐵索橋者雖處城之西偏而關係天蘆兩縣交通其利甚溥夷攷斯橋之創自元而明而清中因風雨剝蝕廢毀相循迨至藍賊和夷之亂千尋鐵索沉埋江底清季邑令張公督創於前繼有任氏獨功培修於後名稱咸號永渡今橋旁有永渡菴卽其遺制也降至民國二十四年我蘆遭匪盤據毀壞橋梁燒滅陰架隄岸因而崩裂鐵索鎖篋均不齊全行人咸有虎尾春冰之慮歷時數載無法培修豈非我鄉居民之不幸哉今蒙縣長張公宗勳蒞任我蘆巡行此鄉仰見橋梁之毀敗俯視波濤之怒吼肩挑背負一經不慎無不下飽魚腹交通關係猶小人命關係甚大爰捐鶴俸提倡培修揀選工材令委監造由是樂捐善士咸懷助麥贈困之忱集款數萬元轉瞬而大功告成噫是果誰之力歟尤有足異者吾鄉頻年罹於匪禍人民不得安枕所幸自張縣長到任誅除匪類扶植善良風氣爲之不變現地方平靜爲閭邑之冠鄉人受張公之惠無以爲報特將永渡橋俗名下橋易爲張公橋以誌不忘之意耳遂爲之記而勒諸石

筐橋溝鐵索橋 在治南三十里清咸豐時本境某富紳捐建長二丈許廣三尺二寸高二丈碑記今佚

堰坎上鐵索橋 在治南三十里卽老君溪橋長二丈許廣三尺二寸高一丈六尺  
飛仙關上關場口鐵索橋 在治南三十二里長二丈五尺廣三尺五寸高一丈六尺  
方公鐵索橋 在治西南三十五里羅帶河岸清代天全縣令方公募建故名其對岸卽天全縣屬之多功壩橋長三十二丈廣三尺六寸高三丈許舊刻方公石像及碑記今已漫漶無存

## 二 石橋

沙風溪石橋 在治南三里沙風溪係平橋長一丈五尺廣五尺高二丈二尺清嘉慶二十五年庚辰邑人王貴捐建邑令楊所憲嘉其義命名曰慕義橋有碑記  
清嘉慶二十五年庚辰邑令楊所憲慕義橋碑記距縣三里曰沙風溪爲邑通衢舊有橋將就圯矣人每過之未嘗不凜凜也癸未之冬則見聚石纍纍然詢諸役夫曰邑人王貴將以修此橋也余甚嘉之召王貴於庭而獎勵焉且諭以橋功告竣當製

## 蘆山縣志

### 卷二

三十六

匾以旌其義嗣予權篆隄爲交卸之後再返靈關而橋適於是日成視之如砥履之如地則坦然不復有傾危之慮矣余旣旌以匾而王貴復以橋名請夫王貴匹夫耳以貧苦起家非素席豐膺可以慷慨而揮霍者也然能不憚其勞不惜其費獨力以任厥成險者夷危者安此其好善而慕義殆有出於天性者余愧無以化導斯民而深王貴之能慕義也使王貴嘗存此心所爲之事必皆有利於物而邑人士亦咸能有利物之心以施於事蘆雖僻邑不且比戶而可封哉爰名曰慕義橋泐之石碑闡王貴之風者有所興起亦庶幾化民成俗之一助云耳是爲記

王家橋石橋 在治南四里係凸形長二丈廣八尺高一丈五尺碑記今佚

張公橋石橋 在治東南十二里大林溪畔一稱大林溪石橋係凸形清康熙四乙

巳邑令張啓鼎捐建故名橋長二丈廣七尺高三丈許邑貢生竹郎裔有碑記

清康熙四年乙巳邑貢生竹郎裔張公橋碑記凡景物因人得名山水以人增重如嶺名相公山名相臺蓋其德澤之在人心而不禁形之口者古今無異情也我張公籍太原簪纓世胄奉命來蒞茲土厚民生培風教而兵燹之餘殘疆漸有起色隱然

有平平王道在民意中蘆之東南大陵溪爲蜀西南孔道漢使通靈關由此舊有石橋內午夏澗流瀕漲怒濤衝崩上承深箐下臨大江亂石磷磷如起如伏於深谷之中一時行者馳者負者褰裳却步誕登無從張公目擊心傷次年春捐俸重建且爲之疏有云雖天實爲之守土者亦不能無尤又有吾望其波濤不怒履險不驚之句入此言於民之心推此心於民之口遂不禁謳吟於塗乃橋未成望之者莫不曰張公橋旣成而履之者亦莫不曰張公橋樂哉民心快哉民口縱太珥筆以題諒不如今日之口碑爲真切也紳衿耆庶亦不敢增減一字卽如民所言命名曰張公橋焉行將與相嶺相臺名傳千載倚檻而望山之高水之清津津稱道於不尙蓋始也名之而繼也並忘其所爲名也因爲勒石以誌不朽

垂遠橋石橋 在治南四里舊石樑係凸形邑人張良美捐建年代及石橋長廣高度未詳王述亭曾有代撰碑記其後良美之孫瑤珍復經培修竹樹琪亦有碑記均佚朱氏橋石橋 在治南十五里係平橋民婦朱氏捐建故名長二丈廣七尺高一丈六尺碑記今佚

### 蘆山縣志

#### 卷二

三十七

塘房上石橋 在治南十六里係凸形長二丈廣七尺高一丈六尺碑記字已漫滅

雞婆店石橋 在治南二十里係平橋長一丈二尺廣四尺高一丈五尺碑記今佚

沙田壩石橋 在治南二十一里係凸形清光緒間本境楊宋二姓募建長二丈廣五尺高一丈五尺碑記今佚

白家店場口石橋 在治南二十五里係平橋清道光間本境楊王樂三姓募建長二丈廣四尺五寸高一丈四尺碑記今佚

鮮家村石橋 在治南三十里鮮家村係平橋清道光間民婦鮮任氏捐建邑貢生鮮長齡重修其子文生以成武生玉成屢培修之故一名光裕橋云橋長二丈四尺廣五尺高一丈五尺碑記今佚

宿溪廟石橋 在治南三十四里係平橋清光緒間建長一丈四尺廣三尺五寸高一丈二尺碑記今佚

飛仙關下關石橋 在治南四十里係凸形清康熙四年乙巳邑令張啓鼎建光緒間邑紳重修長一丈二尺廣四尺高一丈五尺

大板橋石橋 在治北五里係平橋明正德間山東都司邑人李必欽建僧繼岷捐資重修改板橋爲石橋上庇瓦蓋長二丈廣五尺高一丈六尺邑人竹雍朝有碑記清邑人竹雍朝大板橋記古有徙杠輿梁之設王政之大端寓焉蓋使民不病涉之至意也然猶需歲月之暇日而始成茲邑北有大板橋創自吾鄉紳李氏諱必欽之結碁也年來傾圯殆盡凡往來者不無趨避之嗟有天王古剎比丘繼岷發心捐資鼎建不乞人一錢不募人一粟毅然以身任之且易木架而爲石洞上復庇以瓦蓋較前更爲鞏固不逾年而告成雖曰石橋而板橋之名如故也由是歲履者如遵周道馳驅者如適康莊暑則憩於斯雨則蔽於斯耕者食於斯樵者歌於斯卽高人曠士莫不偷佯於斯凡講信修睦亦莫不冰釋於斯古所謂王政之大端斯非其一徵耶謹勒石以志不朽

小板橋石橋 在治北八里明萬曆間陝西城固縣知縣邑貢生竹載陽建長一丈廣四尺高一丈碑記今佚

橫溪壩石橋 在治北十里長二丈廣五 高一丈四尺碑記今佚

### 蘆山縣志

#### 卷二

三十八

隆興場石橋 在治東北二十五里長二丈廣四尺高一丈二尺碑記今佚

#### 三 木橋

乾溪頭木橋 在治東北十八里本境富紳張陳施諸姓募建年代未詳長四丈廣六尺高二丈六尺上庇瓦蓋

靜智寺溝日本橋 在治西北晉頭坡清光緒間寺僧募建長二丈廣六尺高二丈二尺上庇瓦蓋民國元年橋爲洪流衝毀寺僧某重修復之邑人周瑞岐有碑記民國五年邑人周瑞岐重修晉頭坡橋樓碑記佛門宏願無量渡人者也但其他緇流每坐擁厚資自耽逸樂所謂金繩開覺路寶筏濟衆生者徒託空言而無補耳求其金錢不惜修外果以證內功無愧爲佛家弟子者蓋寡邑晉頭坡迴龍閣前有深溝一道每逢夏季水漲波搖行人病涉昔有善士竹子有等募建橋樓一座衆甚便之感比於靈鷲之天生橋焉謂不啻慈航可以永濟矣無何民國元年洪水橫流將橋梁一概衝去無存而蒼耳崖舊路尤倏崩頽斗絕勢難駐足以致路爲之不通適因路事潮生時方反正誰暇計及此橋哉幸有靜智寺上人口口能體佛教志切渡

人以平日刻減之餘資獨力重修雖未踵事增華媲美於金鰲玉竦而一切輿梁樓檻四面復簷煥然復舊卓哉上人其宏茲誓願克傳衣鉢而超乎凡衆之僧者洵堪嘉尚矣至若上人之能守清規而隨緣佈施捐助其他之功德及培修本寺之佛像禪房尤彰彰在人耳目茲不復贅焉余不獲襄成其事而既樂與人爲善尤願後之善士無論僧俗與有同心爰爲之記其顛末如此云

#### 四 渡口

三江口渡口 在治南十七里每年十月開渡翌年三月封渡此在明代以前一名大官渡蓋謂新舊任宰官必由之渡口也

禾茂壩渡口 在治南二十里爲本境鄉民赴城趕集必經之渡口常年開放

羅帶河渡口 在治南二十八里筵橋溝出口處爲天全縣至多功鄉白家店必由之渡口常年開放

望哀渡渡口 在治南三十里爲雅安至康定公路必由之渡口民國初年曾建鐵橋被水冲毀

### 蘆山縣志

#### 卷二

三十九

青龍場渡口 在治東北四十里係由月光山鼓城坪赴青龍場趕集之捷徑時開時停

#### 五 堰渠 附高樹

龍王堰 在治東羅城山麓就山流溪水修堰灌溉水東壩及山田壩一帶田畝

天生堰 在治西北十五里清康熙間邑令羅之熊建因一名侯成堰其水源係由天全縣屬之雙河場峽口入本邑任家壩一帶灌田數百畝清康熙三十六年丁丑邑人竹雍朝有碑記

清康熙三十六年丁丑邑人竹雍朝天生堰碑記堰名天生由來久矣然堰所以得名者蓋自峽口大石之間江流分瀉澎湃而出其源來遠而湍急其勢趨下而疾注藉使早施人力則瀕江南畝可以悉資灌溉此誠天生自然之利而惜乎前人憚於謀始未及經營僅就峽口分流處所引以溉橫溪以上之田橫溪而下以及繞郭膏腴未得盡沾其利堰名天生不過橫溪以上之舊名耳我邑令羅公蒞任之初周諮民隱博採輿情履畝勸農之暇相彼原隰毅然舉工捐資俸備鍬鍤於橫溪以上則

議輩議築以裕水源於橫溪以下則議疏議鑿以開水道不數月而田間溝澮錯落縱橫遠近皆沾蓄洩高下盡成沃壤較之從前之利奚啻十倍有餘一時士民交相額手曰今日之堰侯成之也因更其名曰侯成堰夫始曰天生以言乎先天也今日侯成以言乎後天也皆所以誌喜也考周禮遂人掌野匠人治溝王政所重自古有然乃三代而後上下因循棄而不治且吾蘆爲極邊之區臨是邦者又孰肯以牛刀小試而我獨鯁鯁焉以王政爲重宜乎士民之歌功頌德勒石以垂不朽也爰爲之記

青龍堰 在治東三十五里嶺頭壩係就龍門河流修築清康熙間邑令羅之熊曾築沙堤且沿堤建高柳數十座灌漑附近田畝

龍洞堰 在治西北十餘里由靈鷲山之龍洞發源係用竹筧懸流四十八丈直下山坡灌漑廟溪山靜智寺晉頭坡一帶田畝

馬口堰 在治北八里自高山懸筧而下清康熙間邑令孫雲鏡修

周村堰 在治西七里周村壩由隔梁坡出壩灌田數百畝清康熙間邑令羅之熊重

## 蘆山縣志

### 卷二

四十

修

穿山堰 在治南水東鄉灌漑任家壩一帶田畝建闢年代未詳民國十一年知事徐文傑實業局長楊爲敏重修有碑記

民國十一年<sup>名供</sup>重修穿山堰碑記宇宙廢興之理雖曰天道使然亦視乎人力之何如耳人若勤勞不懈奮往前行則百廢可興怠惰自安因循苟且則一事難成吾邑城南水東鄉地名任家壩良田多頃土質肥美莫如其上惜數十年來穿山堰水路阻塞無論豐歉歲有荒廢溯厥原由賦澮早爲人開作田畝無能力爭是以灌漑缺乏壬戌歲知事徐公文傑來守是邦念切水利實業所長楊君爲敏克盡厥職任事不遺餘力博諮耆農述古堰而力爭而淘汰而修理水道既通插田頗廣向之赤而曠者今則禾且茂矣向爲牧人遊蕩之域者今爲農民稼穡之場矣及至秋穫較前加倍民欣然而喜僉曰雖天道使然實賴人力知事所長其德不可忘也繼此以往刊碑流傳每歲修振庶後輩有所依據不然前轍可鑒如山徑之蹊爲閒不用而茅塞之矣

透漆堰 在治東一名板作堰

湍古堰 在治北分流爲二一灌溉湍溪田畝一灌溉古城坪田畝故名

青龍大堰 在治北三十里傅家營

河心糧堰 在治北三十里青龍場下河心頭

下源環高柳約七八座

索橋頭高柳約十餘座

安營壩高柳約五六座

西水壩高柳約三四座

思延下橋高柳約五六座

### 驛遞

立樹表道置馬傳驛古今異制名殊義同縣境驛站古通臨邛自隸雅州府後原設四塘南門外羅公橋岸爲第一塘新安舖爲第二塘甘溪橫山崗爲第三塘飛仙關界牌爲第四塘每塘相距各一十五里共設驛卒八名前清中葉裁廢塘站改健役二

## 蘆山縣志

### 卷二

四十一

名專遞公文遇有緊急滾單文件加派健役逕投省垣各衙署名曰跑省差光緒末年開辦郵政始裁健役民國十七年添置電桿設電話總機一部於縣公署直達雅安天全二十四年春縣長王作賓籌款擴充電話至各鄉鎮一由縣城東門經王家壩隆興場設有電話分機達飛仙關計路線約三十餘里一由南門經沫東橋白家店設有電話分機達飛仙關計路線約四十里一由西門直達思延壩計路線約十里一由北門直達仁嘉壩計路線約十里電話交通至此頗稱便利乃是年冬城陷於匪上項電話建設幾全部被毀僅有由縣府至飛仙關一綫斷續不全三十一年縣長張宗勳以電話交通關係地方甚巨集議籌款修復之至郵政一項本邑前僅有代辦所一設縣城一設青龍場一設白家店三十年二月乃將縣城之代辦所裁撤改設郵政支局矣

### 測候

本邑於民國二十五年冬成立四等氣象測候所二十六年一月裝置儀器開始觀測二十八年西康建省縣自四川改隸其測候所亦然現有設備概况係就縣府大堂

側曠地置百葉箱兩座其一內置薛氏最高最低溫度表乾濕球溫度表及馬蹄形磁鐵各一具其一內置蒸發器一具又於地面置雨量器一具屋頂置風向器一具每日按時觀測紀錄填具旬報月報分致主管機關及中央研究院氣象研究所備參考

#### 公園

蘆山南城公園係民國廿五年縣長孔繁熙闢建當時草創規模年久荒圯三十一年縣長張宗翹乃重新之並將楊公之銘碑帽清初楊士司和盟碑及嘉慶間造鑄鐵鐘等古物陳設園內各置木牌標明來歷供遊人觀覽云



蘆山縣志卷三

食貨略

戶口 田賦 雜課 歲支 徭役  
鹽茶 鑄法 蠶政 水利 物產

洪範八政一曰食二曰貨蓋二者民生之本也古之為國者必先聚其民聚其民必先遂其生能均能安則國有與立矣自史公立平準之書後之為史者莫不繩武而四方之志紀述尤備蓋國史舉其要而邑乘識其詳非先其詳者其要固無得而舉也蘆山之為縣逾千年其食貨諸政若賦稅徭役之繫乎人事者雖時有變遷而山川物產要不殊於往昔異者明其流衍同者攬其綱維固史氏之職後之官是邦者取而觀之庶幾足倉廩饒衣食以登斯民於衽席之上則是編為不虛矣

戶口

蘆山戶口明代以前多難稽考自明以降大致地處偏隅人煙稀少計丁納糧全縣人丁僅冊載二千五百四十三丁每丁徵條銀二分六釐六毫清康熙時承平日久併丁入糧戶口繁滋計編花戶四千五百三十八戶人丁二萬六千六百六十八丁民國元二年間經戶籍調查處統計蘆山全縣戶口九千六百五十一戶男二萬二千

蘆山縣志

卷三

零四十七丁女一萬九千二百五十二丁共四萬一千二百九十九丁十四年春疫風流行自思延壩周村壩遍及全邑死亡枕籍兼值旱災匪患頻仍丁口因而大減二十四年城陷於匪戕殺無辜故丁口又約耗減十分之二三二十八年西康建省蘆邑改隸康省以後調查統計全縣戶口僅約七千四百七十八戶男一萬五千五百六十三丁女一萬七千零四十八丁全縣分十鄉鎮八十三保七百五十五甲戶口數目附表於次又其中現有職業男女約一萬三千六百人學齡男女約四千九百餘人

蘆山縣各鄉鎮保甲戶口調查表

蘆陽鎮	十二保一百零二甲一千零一十戶四千三百九十五口
沫東鄉	九保八十八甲八百七十一戶三千六百二十四口
鳳禾鄉	八保六十九甲七百一十戶三千一百七十一口
飛仙鎮	六保四十九甲五百四十戶二千四百四十七口
思延鄉	七保六十八甲五百六十三戶二千零九十一口

清源鄉 八保七十三甲七百三十七戶三千一百八十口  
仁嘉鄉 九保八十七甲八百五十七戶三千六百三十九口  
昇恒鄉 八保七十四甲七百二十六戶三千一百七十口  
隆興鄉 七保五十六甲五百六十一戶二千二百二十一口  
龍門鄉 九保八十九甲九百零三戶四千二百七十三口

田賦

明代蘆山幅員轄至靈關原糧二千三百零六石三斗一升七合一勺二抄人丁二千五百四十三人丁糧共徵銀二千七百六十七兩五錢八分五毫四絲四忽  
清順治四年何縣丞奉行減二徵八計去糧四百一十五石七斗七升一勺六抄減銀四百九十八兩九錢一分四釐一毫九絲二忽存糧一千八百九十石零五斗四升六合九勺六抄丁糧共徵銀二千二百六十八兩六錢五分六釐三毫五絲二忽  
康熙二年奉文清丈案內載糧三百八十一石七斗五升二合六抄丁糧共徵銀八百零二兩八錢四分一釐

蘆山縣志

卷三

康熙二十五年奉行爲曉諭蜀民等事案內加糧一百六十六石五斗八升八合七勺  
共增丁糧銀三百五十兩三錢四分三釐零

康熙三十年奉行爲直陳東省等事案內加糧一千一百九十一石七斗四升七抄共  
增丁糧銀二千五百零六兩二錢七分四釐零

又自康熙二年奉文清丈起至雍正七年徵輸止原載畝糧列左

上田每畝載糧五升

中田每畝載糧四升

下田每畝載糧一升五合

中地每畝載糧六合

下地每畝載糧五合

每糧一石徵糧銀二兩四分七釐一毫八忽一微九塵五纖

每糧一石徵條銀二分六釐六毫

每糧九斗六合九勺二抄七撮載丁一丁

每丁徵銀二分六釐六毫

原載稅糧一千七百四十五石一斗五升四合九勺九抄四撮六圭九粒五粟

原載人丁一千九百二十四丁二斗五升七勺八抄九撮五圭六粒九粟

原載丁條糧銀三千六百七十兩一錢二分七釐二毫八絲五忽四塵七纖自雍正

七年奉文丈量恩准部覆丁條糧合併積算按畝徵銀清查田地至雍正十二年徵

輸止除藉田四畝九分不徵丁糧外新舊承糧花戶姜孔阜等二千八百八十七戶

墾輸

上中下田地共七百八十二頃一十六畝四分一釐二毫八絲九忽三微二塵九纖

內

上田一百七十八頃二十六畝七分三釐每畝徵丁條糧銀八分四釐六絲三忽八

微八塵七纖計徵丁條糧銀一千四百九十八兩五錢八分四釐二毫一絲六忽二

微九塵九纖

中田一百四十八頃二十六畝六分一釐每畝徵丁條糧銀七分八釐六毫六絲七

蘆山縣志

卷三

三

微七塵三纖計徵丁條糧銀一千一百六十六兩二錢七分八釐六忽六微八塵三

纖

下田一百四十一頃五十九畝四分三釐六毫八絲九忽三微二塵九纖每畝徵丁

條糧銀三分一釐五毫四絲五忽五微七塵計徵丁條糧銀四百四十六兩六錢六

分七釐五毫六絲五忽三微一塵四纖

中地七十九頃五十六畝三分六釐每畝徵丁條糧銀一分二釐六毫一絲八忽二

微二塵八纖計徵丁條糧銀一百兩三錢九分五釐一毫六絲四忽五微三塵

下地二百三十四頃四十七畝二分七釐六毫每畝徵丁條糧銀一分五毫一絲五

忽一微九塵計徵丁條糧銀二百四十六兩五錢五分二釐五毫六分二忽一微二

塵二纖

共載徵丁條糧銀三千四百五十八兩四錢七分七釐五毫一絲四忽九微四塵八

纖康熙九年奉文過閩加徵每兩徵閩銀四分五釐七毫三絲五忽七微四塵四纖

三沙七灘九漠二埃

乾隆時改田地畝分爲斗升因田土肥瘠不一故不以面積計畝分而以耕種定斗升計上田一斗納糧七升中田一斗納糧六升下田一斗納糧四升或五升內分山披田四

升平原缺水 中地一斗納糧一升或一升二合下地一斗納糧五合或六合賦册載

糧一千七百八十一石八斗九升零五勺二抄每糧一斗完納庫平銀一錢八分六釐八毫全年額徵庫平銀三千三百二十八兩五錢七分一釐每兩加一徵解費銀一分全年額徵庫平銀三百三十二兩八錢五分七釐一毫迄至清末照此稅率徵收除領支外例由戶房典吏分上下兩季申解四川藩庫

民國元年蘆山縣田賦曾一度由縣議會公舉正紳代徵糧稅蓋清時無着濫糧例由里長拾墊凡充里長者恒因掃繳糧銀多致傾家蕩產縣議會臚舉實况咨請縣署轉詳四川都督府財政司豁免本縣無着濫糧二百餘石有案嗣於十九年李縣長正華任內奉文仍將濫糧攤加足額計一千七百八十一石八斗九升零五勺

民國二十四年十月蘆山縣城被匪侵陷賦册檔卷俱燬無存二十五年孔縣長繁熙任內設清糧委員會分鄉分保派員跟土清糧僅得全縣糧額一千三百一十三石

蘆山縣志

卷三

八斗六升零五勺故二十五年年度即是年七月至二十六年年度即廿五年七月至廿六年六月止及二十七年年度上期即是年七月至十二月均按此總額徵收惟二十五六兩年度僅收地方附加及保安附加至未清出之四百餘石在二十五六兩年度當係按八十三甲中由已清出之糧各保分別攤加足額致輕重不均難於掃清二十七年九月縣宋長琅到任以後乃將未清出糧額折合成洋改由已清出糧額按全縣平均攤加完納且是年秋奉中央政府通令財政年度改爲每年一月份起至十二月份止爲曆年制即於二十八年一月一日起實行而是年西康建省蘆邑屬之當籌備建省之初曾派員蒞縣重行清糧跟土履勘歷時三月復清得全縣糧額一千五百二十一石九斗七升一合茲分鄉鎮附表於次

蘆山縣各鄉鎮糧額表

蘆陽鎮	上田	一〇、〇三四	糧	四〇、八二七	共計糧額五四石，五四七
	中田	七〇、五九三		四九、四一五	
	下田	七〇、一七五		四、三〇五	
沫東鄉	上田	五四、四七〇	糧	四三、五七六	共計糧額二一九，九〇五
	中田	七六、〇〇五		二二、八〇三	
	下田	八八、〇〇五		五二、八〇三	

蘆山縣志

卷三

鳳木鄉	飛仙鎮	思延鄉	清源鄉	仁嘉鄉	昇恒鄉	隆興鄉	龍門鄉	合計
上中下	上中下	上中下	上中下	上中下	上中下	上中下	上中下	上中下
田	田	田	田	田	田	田	田	田
四八、六一〇	五七、六一八	七四、九一五	八四、八五九	二〇、四一三	二〇、四一三	一〇、二一五	一〇、二一五	五〇、三九六
糧	糧	糧	糧	糧	糧	糧	糧	糧
六二、八九六	三三、七〇三	五二、九三二	五〇、九一五	二〇、一四一	二〇、一四一	一八、八四九	一八、八四九	三三、七〇三
共計糧額一三〇，九八九	共計糧額九七，七四一	共計糧額五九，四〇七	共計糧額一六〇，一九九	共計糧額一三七，六七五	共計糧額二二〇，七九三	共計糧額一五九，四九九	共計糧額一七八，五二二	總計全糧額一五二一，九七一

右表上田籽種一斗合糧八升中田一斗合糧七升下田一斗合糧六升惟思延鄉產谷三石折籽種中田一斗合糧七升產玉麥二石折籽種下田一斗合糧六升其他尚有以產谷四石折籽種一斗產玉麥三石折籽種一斗者又產谷地區分上中兩等田產玉麥地區作下等田計算合併註明

田賦省稅

田賦 每斗徵洋三角二分九釐全年分徵兩季共徵洋一萬零一十四元五角六分

國難捐 照田賦加徵稅率九成全年共徵洋四千五百零五元零四分

保安經費 照田賦加徵每斗稅率三角二分九釐全年共徵洋五千零七元二角八分

田賦附加縣地方稅

本縣地方附加田賦稅 每斗稅率一元三角二分四釐全年共徵洋一萬九千九百九十八元七角二分

雜課

本縣雜課以屠宰附加稅為大宗契稅次之至舊有文明書院膏火遺產及學署食米

原有固定田土當清末時本縣雖有創辦學田局之議然以種種原因又值停廢科舉致未移產撥糧久之亦幾失其著落其後歷經清查亦不過獲得少數谷石而已此外菸酒油榨牙行斗息碾磨等課則每年所收無多茲將省稅及地方稅分述於次

省稅

屠宰正稅 每猪一頭徵稅一元由商投標承包全縣每年約徵洋二千餘元至三千元不等每羊一頭徵稅三角全縣每年約徵洋二三百元牛則賴以耕種禁宰契稅 每買契價額一百元徵稅七元五角外加一成全縣每年約徵洋六七百元不等每典契價額一百元徵稅三元全縣每年約徵洋五六十元又撥冊費每契價額在五百元以上者徵洋一元五百元以下者徵洋五角全縣每年約徵洋六十餘元繕契費每契價額在百元以上者徵二角百元以下者徵洋一角全縣每年約徵洋十餘元官典契工本費每契紙一張徵洋五角全縣每年約徵洋二百餘元

油榨課

菸酒稅 由財政部分區統收

### 蘆山縣志

### 卷三

六

菸酒牌照費 分甲乙丙丁四種由縣政府代收彙解省庫全縣每年約收洋

地方稅

屠宰附加 每猪一頭徵收九角七分全縣每年約徵洋二千六百九十六元六角  
保甲經費 綜計全縣十鄉鎮每年約收五千二百五十元由各鄉鎮保長收繳聯保辦公處除坐支經費外報解縣政府財務委員會  
斗息 綜計城鄉每年約收九百二十四元  
猪牛牙行 綜計城鄉每年約收九百二十四元  
藥驗秤 每年約收六十元  
碾磨課 每年約收四百元  
公學產 每年約收六百餘元  
契稅附加 每買契價額一百元徵附加洋一十三元每年約收六七百元不等

歲支

舊志載有領支留支兩項分述於次

一領支

清嘉慶七年新增文昌宮春秋祭祀銀一十四兩於鹽茶存公銀內請領支給  
二留支

本縣春秋二祭文廟及山川社稷各壇祠祭祀銀一十六兩又武廟祭祀銀一十六兩內酌撥二兩致祭厲壇

本縣廩生原額二十名每名歲支餘糧銀三兩二錢共銀六十四兩遇閏每名加銀二錢六分六釐六毫六忽六絲六微六塵四纖

本縣知縣一員歲額俸銀四十六兩額設衙役三十一名內門丁二名皂隸一十四名馬快八名轎傘膳夫七名每名歲支工食銀六兩共支銀一百八十六兩又改作作一名歲支工食銀六兩隨學伴作二名每名歲支工食銀三兩共支銀一十二兩又設民壯十名每名歲支工食銀八兩共支銀八十兩額設禁卒八名更夫五名每名歲支工食銀六兩共支銀七十八兩又添設捕役二名每名歲支工食銀六兩共支銀一十二兩又設斗箕一名倉夫一名每名歲支工食銀六兩共支銀一十二兩

### 蘆山縣志

### 卷三

七

又設縣屬遞舖董繼坎塘房上甘溪飛仙共四舖司兵八名每名月支工食銀五錢歲共支銀四十八兩遇閏照數加增

本縣典史一員歲額俸銀三十一兩五錢二分額設衙役六名內門子一名皂隸四名馬夫一名每名歲支工食銀三兩共支銀三十六兩

本縣教諭一員歲額俸銀四十兩雅州府志爲三十一兩五錢二分額設衙役二名內門子一名膳夫一名每名歲支工食銀六兩共支銀一十二兩

孤貧口糧歲無定額有則詳請支撥

以上留支祭祀歲俸餼糧歲共支銀二百一十二兩五錢二分又衙役民壯伴作禁卒更夫捕役斗箕倉夫舖司歲共支銀四百七十六兩均於本縣地丁銀內留支年終造冊奏銷所有支剩丁條銀二千七百七十兩零一分九絲八微九塵八纖起解布政司庫收貯聽候撥支

民國以來本縣財政概況因二十四年城陷於匪檔卷無存無從稽考茲將二十五年  
度起至三十年度止歷年收入支出數目分別列表於次

蘆山縣政府財務委員會造具二十五年年度全年收支出簡明表

歲入		歲出	
科別	全年收入數備	科別	全年支出數備
田賦附加	五九三九五	黨務費	四六三五
賣契稅附加	六二九七八	區署經費	六〇二二〇
屠稅附加	一二七三〇	保甲經費	二七〇八〇
城鄉斗息	四五五〇	壯丁訓練費	七三八〇
秤息	五五〇	縣立完全小學經費	一三〇〇〇
城鄉牙稅	二八七〇	司法經費	一五〇〇〇
碾磨捐	七九五五	管獄署經費	五六四〇
學產田租	四八六九	因糧費	三三〇〇
學產地租	六四六〇	財務費	六五六四
保甲捐	三五四三	教育行政費	二〇八〇〇
省庫撥款	一七三九〇	區立小學經費	一七七八五
截留法收	一〇四四二	民衆教育館經費	九八〇〇
房租	九六四	電話經費	九九五〇
司法補助費	五〇〇	農業調查費	四二〇〇
揚軍長捐款	四二〇〇	測候所經費	六五一五
不敷借墊款	一九〇〇	農會經費	九九〇
合計	一八二〇二六	縣府及監獄修費	六七二八
		普選費	八二五〇
		河堰調查費	四六八〇
		壯丁食費	七五四
		連坐保結印製費	七〇八
		救濟院經費	九三一七
		補支總前縣長補助費	一五〇〇〇

蘆山縣志 卷三



蘆山縣財務委員會造具民國二十六年全年收入支出簡明表

歲入		歲出	
科別	全年收入數備攷	科別	全年支出數備攷
田賦附加	一〇八八六四九	黨務費	五二九九五
賣契稅附加	八九〇一六	區署經費	六〇八八四
屠稅附加	一六〇八〇〇	保甲經費	四一八二〇〇
斗息	一〇七〇〇五	縣社訓隊設備費	一四九〇〇
秤息	一八九〇〇	縣社訓隊經費	二四九〇〇
牙息	七七九七〇	義勇補充隊經費	三〇四五七五
碾磨捐	七一二五〇	民訓工作經費	三七一二〇
學產田租	四〇六八四	司法經費	一八〇〇〇〇
學產地租	七六〇〇	管獄署經費	六五七八〇
房租	一五二三	囚糧費	四九六五六
保甲捐	四一八二〇〇	財務費	八一三三六
省庫補助管獄員薪	三四五八〇	教育行政費	三二二〇〇
省庫補助區署經費	一一〇二〇〇	縣立完全小學經費	一四〇〇〇〇
省庫補助義教經費	三二四三六〇	區立初小經費	二八六〇〇
		合計	一八二〇三六〇
		義教經費	三〇〇九
		縣小圖書設備費	四〇〇〇〇
		繕製遠報丹印製糧票工本費	五八五三
		印製清糧表冊費	七六五〇
		清糧費	一六四〇〇
		行政會議費	三二六七
		聯保主任受訓旅費	一八〇〇〇
		防禦撫卹各費	四七四二四

蘆山縣志 卷三

蘆山縣志 卷三

縣府補助區署經費	五二二〇	義數經費	二六三七
司法補助費	六〇〇〇	普及民教經費	一三七〇
補收二十五年度 民欠賦附加	三二五七二〇	電影教育費	一二九九六
截留法收	一五六九二	義社教師訓練費	二二三一〇
省補義勇補充隊旅費	五〇〇〇	私立學校補助費	四〇〇〇
省補壯丁征募補助費	三〇〇〇〇	農業調查費	七五〇〇
合計	三〇七四三〇九	電話經費	七七九〇
		造林費	五九一
		測候所經費	六四〇〇
		度政經費	二二八〇〇
		保甲人員指導室辦公費	七〇〇〇
		農村合作指導室辦公費	一八五〇〇
		特種壯丁及特防壯丁口食費	一五七〇〇
		中送義勇壯丁口食費	二八九三〇
		擊匪壯丁獎金	六五〇〇
		防剿撫卹各費	五九二三八
		義勇補充隊添製軍服費	五〇〇〇〇
		度政開辦費	六一四〇
		監所培修費	六二七〇
		保甲人員指導室辦公費	六〇〇〇
		奉令建國保費具稅附加	四一七一
		出巡費	一九四〇〇
		補助修築川康公路經費	二〇〇〇〇
		編整保甲經費	五五〇〇〇
		赴雅領農債款發費	二九六七
		印制報票工本費	一二五〇

廬山縣政府財務委員會造具二十七年下半年收入支出簡明表

歲入		歲出	
科別	半年收入數備攷	科別	半年支出數備攷
田賦附加	六二七六五	區署經費	一一四三〇
賣契稅附加	七七九〇	黨務費	二一〇〇〇
屠稅附加	一三四八三	保甲經費	一八四二〇
斗息	四一六一〇	自衛總隊部經費	一五〇六七
秤息	三〇〇〇	自衛常備中隊經費	二四八〇〇
牙稅	三四四六〇	司法經費	九〇〇〇
碾磨捐	二六三五〇	管獄員薪俸	二九四〇〇
學產田租	二〇二〇〇	囚糧費	二八五一〇
學產地租	二〇〇〇	財務費	六〇〇〇
房租	一〇五〇	教育行政費	一一六四〇
保甲捐	一八四二〇	縣立完全小學經費	七五〇〇〇
省庫補助管獄員薪	一六三八〇	區立初級小學經費	二九二四〇
省庫補助區署經費	三四八〇〇	義教經費	八〇五六八
省庫補助義教經費	四五〇四八	電話經費	六〇八〇
高院補助司法補助費	二〇〇〇〇	度政經費	三〇二八〇
截留法收	六四八〇	養合作指導室辦公費	一二〇〇〇
		合計	三〇七四三四九
		結餘地方經費	六六三一〇
		結餘義教經費	九四四二九
		歸還地方稅款已存押金	一九八〇〇
		中送社訓學員旅費	四〇〇〇
		農會經費	一〇七八
		區立初級補助費	八一〇〇

廬山縣志 卷三

蘆山縣志

卷三

上年結餘	九四四二九	農村合作指導員	一〇〇〇
上年結餘地方經費	六六三〇	中途赴省灶口會費	二七二二〇
征募壯丁補助費	一五〇〇〇	雷影教育費	七八二五
補收二十五年度田賦附加	五六七〇	西康檢定經費	六〇〇〇
補收二十六年度田賦附加	二二二一七	擴充縣小學教室費	一二〇〇〇
不敷備款	一〇〇〇六八	自衛常備中隊服裝費	五〇四八〇
合計	一五〇三六五七	擴充縣警署經費	八四〇〇
		換郵檢驗各費	五三〇〇
		各小校設備費	四九〇〇〇
		飛仙小學修費	一〇〇〇〇〇
		警服服裝費	九四七二
		出巡費	二四六〇〇
		行政會議費	五七三五
		縣小培修費	一三〇〇〇
		縣府培修費	一二七三〇
		合計	一五〇三六五七

蘆山縣政府財務委員會造具民國二十八年年度全年收入支出簡明表  
 蘆山縣政府二十九年度地方總預算書

歲入經常門

款項	目節	科目	歲入預算數	備
一		經常歲入	四二四一六三一	
一		田賦附加	一九九九八七二	
一		同右	一九九九八七二	照全年額額一五二一九七一每石征一三〇元
二		契稅附加	三三六五〇〇	
一		同右	三三六五〇〇	照契價二萬六千元列征
三		屠宰稅附加	四〇二二五九	



廬山縣志 卷三

層字猪稅附加	402259	保甲經費	621600
層字猪稅附加	402259	聯保辦公費	422400
斗 息	92400	保長辦公費	199200
稱 息	6000	國民兵團部經費	284000
才 竹	40000	同 右	284000
碾 捐	100000	同 右	284000
學 產	160700	兵役股經費	120000
田 租	59900	同 右	120000
地 租	100800	同 右	120000
公產收入	41000	司法費	380600
房 租	41000	兼理司法室經費	240000
保甲捐	697200	俸給薪餉	192000
同 右	697200	辦公費	240000
補助款	402600	勸補費	240000
省庫補助民教經費	100000	管獄署經費	140640
省庫補助義教經費	242600	薪 餉	638400
高法院補助司法經費	60000	辦公醫葯費	108000
合 計	4241631	囚 糧	600000
		培修費	60000
		財務費	130000
		財委會經費	120000
		津貼工食	94800
		辦公費	25200
		公學產完糧費	100000
		同 右	100000
		教育文化費	977600

照本年度預算第一  
四七次列任

蘆山縣志 卷五

教育行政費	五八八	
區教育委員會	三二二	
查學經費	八〇	
小學教員檢定費	八〇	
學校印書及購書費	一〇〇	
分教小學專書費	一六	
小學教育費	五〇四	
縣立完全小學	三六〇	
區立初級小學	一四四	
普及教育經費	三二二	
普及民教經費	一八〇	
其他支出	一四七	
其他支出	八七八	
小學公費學額	二八〇〇	
留學費	三〇〇	
私立學校園地開闢費	五〇〇	
孔子祀典費	五〇	
建設費	一五〇	
建設行政費	一〇〇	
農業調查費	一〇〇	
電話經費	二八四	
器材費	二〇〇	
管理員薪工	八四	
副候補經費	一二〇	
薪津	六〇	
辦公費	六〇	





蘆山縣三十年度縣地方總預算書

歲入		歲出		合計
科目	本年度預算數	科目	本年度預算數	合計
全縣經常歲入	三六四六〇〇	全縣經常歲出	三三三三〇〇	二五六四〇〇
田賦附加	七〇一五〇〇	稅部費	八〇〇〇〇〇	
屠宰稅附加	一〇四〇〇〇	保甲經費	六二一六〇〇	
學產田租	一六四三〇〇	賑濟會經費	七五六〇〇	
學產地租	七〇〇〇〇	管獄經費	二七三〇〇〇	
房租	一八二〇〇〇	囚糧	二〇〇〇〇〇	
保甲捐	四一〇〇〇	培修醫藥等費	三二〇〇〇	
	六九二七〇〇	財委會經費	四八〇〇〇〇	
年息	六三四二〇〇	公學產完粮費	二〇〇〇〇	
利息	一六二〇〇	教育行政費	一八六〇〇〇	
牙行	二七七八〇〇	小學教育經費	四六三九七〇	
碾捐	一〇〇〇〇〇	社會教育經費	二〇〇〇〇〇	
有庫補助民教經費	一〇〇〇〇〇	教育補助費	三四〇〇〇	
有庫補助義教經費	二四二六〇〇	查學旅費	二〇〇〇〇	
有完部補助完稅費	六〇〇〇〇〇	小學畢業證書	五〇〇〇	
有完部補助完稅費	四三二〇〇	孔子祀典費	一〇〇〇〇	
測量所經費	二四〇〇〇	電話經費	五九二〇〇	
農業費	一〇〇〇〇	農業調查費	二〇〇〇〇	
度政經費	一七一〇〇〇	歲出臨時門		
志園經費	九七四〇〇	科		
軍法經費	三四八〇〇	全縣臨時歲出	一二二二〇〇	
		科目		
		本年度預算數		
		備		
		政		

蘆山縣志 卷三

全縣小學及私立小學  
甲種女公立及私立

防刺繡補費	一〇〇〇〇	縣政府經費	一〇二〇〇
國民兵團經費	一八〇三二〇	縣長出巡費	六四〇〇
兵役股經費	四六〇〇	縣府培修費	四八〇〇
糧食管理委員會	二五二〇	保甲雜支	二〇〇〇
新生活運動經費	七二〇		
動員委員會	一〇〇〇		
合作事業費	三六〇〇		
預備費	二〇六八〇		
總局總計	三六四六三〇		

歲入		歲出	
科別	全年收入數	科別	全年支出數
田賦附加	九九九八七二	黨務費	六〇〇〇

蘆山縣志 卷三

契稅附加	六五〇〇	保甲經費	四七〇〇
屠稅附加	二六九六六	自衛訓練經費	三〇〇八〇
牛息	九二四〇	鄉鎮自衛隊經費	七六〇〇
稱息	六〇〇	國民兵團經費	六〇四二〇
牙稅	二二四〇	國民兵團經費	一〇八〇〇
張糖捐	一〇〇〇	自衛訓練經費	八五〇〇
學產田租	五九九〇	自衛訓練經費	七〇〇〇
學產地租	四〇〇	大校經費	六九六〇
房租	四一〇〇	兼理司法經費	二四〇〇
保甲捐	五二五〇	管獄署經費	六三八〇
省備管獄員薪	三二七六	管獄署經費	一〇八〇
省備義教經費	二四二六	因賑費	六〇〇
省備特種義教費	四五九〇	監所修費	六〇〇

蘆山縣志 卷三

高法院補助司法經費	六〇〇〇	財務	一六四七七
省補社訓經費	三九六八	教育行政費	三九二〇〇
裁留法收	二四〇〇	小學教師檢定費	八〇〇〇
合計	三八五〇三九六	小學教師暑期講習會費	一〇〇〇〇
		小學教員暑期講習會費	一六〇〇
		縣立完全小學經費	三六〇〇〇
		縣立初級小學經費	七六〇〇
		普及義教經費	一八七〇〇
		普及民教經費	一四〇〇〇
		小學公教學額	二八〇〇
		留學貸費	三〇〇〇〇
		義教幹部訓練費	六〇〇〇
		社立學校機關修補助費	一〇〇〇〇
孔子祀典費	五〇〇〇		
農業調查費	一〇〇〇〇		
器材費	二〇〇〇		
管理員薪工	八四〇〇		
測候所經費	九六〇〇		
造林費	四〇〇〇		
度政經費	九〇〇〇		
補助農村合作會經費	二〇〇〇		
補助農村復興船經費	一二二四〇		
預備費	二六一五三九		
防判費	七六二〇〇		
撫卹費	七二〇〇		
課文費	四八〇〇		



徭役

明制天下府州縣編賦役黃冊以一百一十戶爲里催丁糧多者十戶爲長餘百戶爲十里之十戶名曰全圖其不能十戶或四五戶或六七戶者皆名半圖各編一冊冊首爲總圖鰥寡孤獨不任役者則係於一百一十戶之外著之圖尾曰畸零冊

蘆山縣舊分三鄉曰水東龍門清源照明制分里分甲定役清康熙二十三年知縣遲熇議不分里甲照糧均攤除紳衿外每年輪流應里排身役其雜役亦照糧起科遂爲定役又煙役卽差役也康熙三十五年知縣羅之熊以蘆山城分四街鄉分十二黨除紳衿外每年輪流應保甲黨甲亦遂爲定例

按圖禮均人掌均地政凡均力政以歲上下豐年則公旬用三日焉中年則公旬用二日焉無年則公旬用一日焉凶禮則力政無財賦不收地守地職不均地政三年大比則大均

朱翼有曰三代役法莫詳於團伍兩軍師之法此兵役也師田追胥之法此徒役也比閭族長之相保愛此鄉役也然有師徒焉則因地之善惡以均役有族師焉則計

蘆山縣志

卷三

二十一

民之衆寡以起役有鄉大夫焉則辨民之老幼以徒役有均人焉則度年之豐凶以起役故其爲事也相稱而其爲役也適年又殄年國中之民與夫貴賢勞能老疾之人及其新墾則無征役凶禮則無力政而族師一職又聯其比伍閭族使之相保愛此則先王役民之義而存仁民之心者也嗚呼民之生於斯世者亦幸矣

胡博曰春秋凡用民力必書其所與作不時害義固爲罪也雖時且義必書見勞民爲重事也

蘇子民政策曰民之所以供上之令者三曰租曰庸曰調租者地之所當出調者民之所當費庸者歲之所當役也故使之納粟於官以爲田之租人入布帛以爲兵之調歲役其力不役則出其日之所值爲役之庸此三者農夫皆兼爲之而逆情遂末之民亦不免於庸調

呂氏中曰司馬光主差役王安石主願役輕重相等利害相半蓋嘗推原其故差役之法行民雖有供役之勞亦以爲有田則有租有租則有役皆吾職分當爲之事無所憾也其所可革者衙前之重役耳官物陷失勒之出官綱費用責之供皆爲農民

之所不堪苟以循前之役募而不差農民免任則民樂於差之役矣至願役之法行民雖出役之資而闔門安坐可以爲生生之計亦無怨也其可去者寬剩之過數耳實費之用固所當出額外之需非所當誅苟以寬剩之數散而不斂則樂於願之役矣因其利而去其害二役皆可也

竹全仁曰蘆山崖邑斗城偃草從風惟上之令安舊制守土俗童而闔之長而經之亦如擊壤之農忘帝力於何有耳但蕞爾一區萍聚乎遺土瘠人稀斗種斗糧承糧者此民承煙者此民若深味文侯反裘之淪尹鐸繭絲之言寧爲倪寬不爲巨源寧爲陽城不爲嚴武造一隅於熙皞登彈丸於時雍是所望於關心民瘼之賢有司也按本邑自清康熙間遲熊二公均役後定以三鄉二十七甲除紳衿外糧多者卽爲該甲里長分年輪充催收條糧又每甲設甲差一人以輔助之其收法分上下兩季名曰上忙下忙上忙繳半數限五月完清下忙繳半數限十月完清如有帶欠由里長負債抬墊由花戶分認利息名曰幫頭仍以斗升攤算照幫所征田賦統由戶屋典吏親解藩庫年清年款奈日久弊生買田地者願多出買價少撥糧額賣田地者

### 蘆山縣志

#### 卷三

二十三

圖多得賣價留糧坐戶以致日久戶絕流爲濫糧并有藏糧躲差之弊如甲內糧戶意圖免當里長卽賄買戶吏將自己糧額撥入紳衿戶內每年出錢與紳戶代爲完糧無如紳戶隨時收用糧錢臨時不能完納推入下季迨至下季逾限仍不能繳付里長故派充里長者往往賠累難堪傾家破產轉瞬之間年關已過新任里長派出舊有里長惟有拾債掃數以免押追查歷任里長均握有流濫無着之糧票數十張或百餘張不等積至民國元年由縣議會清查廢冊計有無着濫糧二百餘石咸爲病民太甚呈請四川省財政司准予豁免並決議濫糧既免廢冊所載均係有着當將里長之役裁撤由人民自行完糧此本邑革除糧役弊病以後人民咸稱慶幸者也此外又有屯穀之徭先是康乾時征服西藏及金川由四川省城藩憲領銀一百零八兩一錢七分二釐承購屯穀八十石解運打箭爐廳存貯備餉此銀卽在邑征地丁銀內坐扣買足上好乾谷八十石運解當時每石限定價銀五錢零六釐共支銀四十兩零四錢八分每石每站腳價銀一錢五分三釐八毫四絲六忽計程十一站共支銀六十七兩六錢九分二釐迨年久谷價日高腳價亦增而所扣之銀不能

買足屯谷八十石稟請藩憲不能添銀而打箭爐廳亦不能少谷邑令無法對付即在田賦內除 戶縣占寺院孤寡及零星小戶之糧一千餘石免攤外餘糧七百數十石按數派收每年秋收後飭三鄉二十七甲里長買辦屯谷二百七十餘石除解打箭爐廳八十石及脚力火食外餘谷卽作一年衙內典吏屋經書差飯食之費此亦病民之一大弊役也其原谷價銀移作運費不敷卽以派收之谷賣抵迨至光緒二十七年知縣事林清照詳免屯谷此役遂永遠裁革而民力亦稍紓矣

清康熙二十二年壬戌邑令邊煇均糧均役碑示爲均田均糧以便均役事照得朝廷設法十年大造編審田地人丁每甲每戶俱有定額所以一賦稅徭役法至善也獨四川蘆山照種科糧多寡不一有一甲而較多數倍者有一戶而較少數倍者額既懸殊役何以均且任意安糧條彼條此因而有避重就輕之弊有詭寄飛洒之弊有田去糧存乾沒偏累之弊無怪乎戶首着役之初卽有借端訴免推諉者之紛紛也今本縣照朝廷定制主任何均田除備戶并絕田糧外每糧十石零爲一甲每甲一石零爲一戶自本年均定爲始挨戶輪役週而復始嗣後各照甲分輸課凡有田土授受續十年一週方許過割毋得任意混淆合行刊石曉諭以垂不朽須至碑文者

### 蘆山縣志

### 卷三

十三

清光緒二十七年辛丑清邑令林詳免屯谷碑示爲刊碑曉諭事照得爲政莫善於興利與除害興利必因一其自然矯揉而每多不逮除害必除其太甚一因循則流弊無窮本縣到任後詳查蘆邑地方瘠苦籌款維艱所有善政一時難以驟舉卽時時以除害爲念查蘆邑之害莫甚於屯谷一事緣蘆邑不知始於何時每年秋收後飭三鄉里長採買屯谷二百七十石除解打箭爐廳外餘谷卽作一年書差飯食之費其採買之谷則照糧攤派蘆邑載糧一千七百數十石除給占院寨并零星小數不計外餘額八百餘石按數派收其中弊端種種難言現經本縣將此採買屯谷之款自本年起永遠裁革爐廳解款暨書差飯食由官攤捐填給通稟立案已奉督憲暨各憲批准照辦合行刊碑曉諭以垂久遠爲此示仰 縣紳民 戶人等一體知悉蘆邑屯谷之害從茲永遠革除刊石垂碑俾資遵守其各凜遵毋違特示

一鹽法

本縣鹽稅徵銀二百四十一兩五錢係清雍正八年計口售鹽案內詔銷嘉定州水引二十五張隄爲縣水引五張每張徵稅銀三兩四錢五釐共徵稅銀一百零二兩一錢五分又嘉定州陸引一百五十一張隄爲縣陸引一百五十張每張徵稅銀二錢七分二釐四毫共徵稅銀八十一兩九錢九分二釐四毫其後於鹽茶章程內將原行嘉定隄爲陸引改折水引二十五張又請增水引四十八張共引七十三張每張仍徵稅銀三兩四錢五釐故共徵稅銀二百四十一兩五錢

一茶法

本縣茶課徵銀七錢五分係清雍正八年按引權課案內行銷腹引二張每張權課銀一錢二分五釐共權課銀二錢五分每張徵稅銀二錢五分共徵稅銀五錢合計課稅兩項共徵銀七錢五分

錢法

一銀元

大清銀幣每元作銀七錢二分民國時代所造各種銀幣亦然但行使價格仍偶有行情高下大致以生銀爲比例普通有以生洋十四元作生銀十兩便於計算行使者亦商習慣使然今則中央政府改革幣制全國流通已一律易爲法幣矣

一銅元

銅幣乃輔幣之一亦始於清光緒年間蓋廢除制錢而設各省皆鼓鑄之四川省鑄銅元有當十者或當百者民間習慣大致以當十銅元九十六枚作抵制錢一千文至若買賣糧食則又恒以九八之數作抵制錢一千文蓋九六九八者皆出自前清通行制錢時代之一種使用成規也

一軍用票

民國初元軍用浩繁川省尤甚軍政府曾發行軍用票若干萬元每元作生洋一元全省通用其後價格日漸跌落至二年乃改爲凡公私行使每元准作制錢一千文又於四年奉文每元折價五角收回截角銷燬

一公債票



民國三年中央政府整理金融發行內國公債川省攤額一千六百元本縣攤募四百元利息六釐三年內止息四年後還本每年用抽籤法償還債額總數十分之一至十二年止全數付清

一 兌換券

民國四年川省發行中券及濟券兩種兌換券每券一元與生洋一律行使及至五年每元乃折生洋五角五分准予完糧納稅其後價亦跌落較之軍用票更甚云

蠲政

一 康熙二十五年奉上諭四川貴州地方昔年爲賊竊踞民遭苦累所有二十五年未完錢糧悉行豁免二十六年應征地丁各項錢糧俱着蠲免

一 康熙三十年奉上諭四川雲貴廣西邊省土瘠民貧所有三十三年應征地丁銀米着通行蠲免

一 康熙四十二年恭逢恩詔四川雲貴廣西地屬極邊所有四十三年應征地丁各項錢糧通着蠲免

蘆山縣志

卷三

二十五

一 康熙四十九年奉上諭臨御五十大慶所有五十年各直省應征地丁錢糧並歷年舊欠俱豁免

一 雍正七年奉上諭數年以來甘肅四川雲貴廣西等省用兵西藏勦撫苗蠻亦資民力所有八年額征錢糧俱免其耗羨仍輸作各官養廉

一 雍正七年奉上諭前因四川軍需一切供億輸輓有資民力着將四川十三年並十四年分地丁錢糧概行緩征嗣後分等蠲免

一 乾隆三十一年奉上諭際當必世興仁照康熙四十二年例將三十一年漕米概蠲一次

一 乾隆三十五年正旦奉上諭今年爲朕六十誕辰明歲聖母八旬萬壽着自三十五年爲始將各省應征錢糧通行蠲免一次

一 乾隆三十七年奉上諭進勦金川轉輸不無稍資民力先行將三十七年各州縣錢糧通行緩征

一 乾隆三十九年奉上諭四十年以前緩帶錢糧加恩分別全行蠲免天蘆兩縣酌免

十分之七者亦全行蠲免

一乾隆四十二年奉上諭聖母升遐庫帑充積著加恩普蠲並將戊戌年四川地丁錢糧全行蠲免

一乾隆五十五年奉上諭今歲屆朕八旬壽辰著將五十五年各直省應征錢糧輪次通行蠲免

一乾隆六十年奉上諭今朕紀年慶符周甲丙辰元旦歸政著將嘉慶元年各直省應征地丁錢糧通行蠲免

一乾隆六十年九月奉上諭四川年清年款並無積欠著於下年寬免十分之二

一嘉慶元年三月奉上諭湖北賊匪滋擾著加恩將緩征之湖北枝江七縣歸州十二州縣湖南龍山酉陽地丁錢糧概行豁免

一嘉慶二年七月奉上諭夔府所屬之六縣前因教匪闖入該處運糧募勇耕作失時著將明年應征地丁錢糧概行豁免

一嘉慶二年九月奉上諭此次湖北恩施利川二縣四川奉節縣鄉勇士民同心敵愾

### 蘆山縣志

### 卷三

二十六

著將該三縣應征錢糧再行蠲免一年

一嘉慶三年三月奉上諭川省被賊禦賊之長壽十三州縣達州屬之三縣應征本年地丁錢糧一體寬免其近賊之閬中等十七廳州縣一律緩征

一嘉慶四年四月奉上諭川東所屬之十九州縣川北屬之十七州縣附近之六廳州縣石柱之五廳州縣應征本年之地丁錢糧加恩全行豁免其各州縣昨年緩征及未完納拖欠者亦著加恩豁免再被賊州縣鹽茶課稅亦加恩展緩

一嘉慶五年二月奉上諭據魁倫查奏巫山雲陽被賊二十七州縣應征本年地丁正閏銀米著加恩全行豁免近賊石柱等十五廳州縣暫行緩征至被賊州縣鹽茶課稅銀兩一併展限

一嘉慶五年五月奉上諭據勒保查奏前請緩之射洪鹽亭等十州縣未經緩征之松潘三台等七州縣俱加恩豁免被賊稍輕之安岳樂至等六州縣本年地丁正閏火耗銀米暫緩征收鹽茶課稅一併展緩

一嘉慶六年二月奉上諭據勒保查奏川省被賊達州東鄉三十六廳州縣應征本年

地丁火耗銀兩着加恩全行豁免其近賊之南充定遠七州縣着加恩緩征鹽茶課  
稅銀兩亦一併展緩至各州縣帶征之火耗銀兩加恩分作三年帶征  
一嘉慶二十五年奉上諭皇上六旬大慶欽奉恩旨將錢糧蠲免十分之二  
一道光七年奉上諭西陲用兵辦理夫馬稍資民力欽奉恩旨將道光八九兩年錢糧  
補免道光六七兩年錢糧補免十分之四  
以上關於有清歷朝蠲政上諭各條係轉錄四川通志但本邑舊藏通志迭經兵燹  
散佚不全茲就殘本錄存止此餘俟他日補鈔入志可也

### 水利

周村堰 在治西七里由隔糧坡出周村壩灌澗上中下三壩田畝清康熙間邑令羅  
之熊重修有碑記今毀

馬口堰 在治北八里自高山懸流七十五丈引水下溝灌溉一方田畝清康熙二十  
五年丙寅邑令孫鏡雲修乾隆十年乙丑邑令魯符升典史凌士鎔重修

龍洞堰 在治西北十餘里由靈鷲山中龍洞懸流四十八丈分上下二堰灌溉廟溪

## 蘆山縣志

### 卷三

二十七

山靜智寺晉頭坡等處田畝清乾隆十年乙丑典史凌士鎔增闢中堰引水入渠因  
添水田數百畝

透漆堰 在治東一名板作堰清康熙間邑令羅之熊修乾隆十年乙丑邑令魯符升  
典史凌士鎔重修

龍王堰 在治東懸流八十五丈其分水處一名龍虎堰清乾隆十年乙丑邑令魯符  
升典史凌士鎔重修

湍古堰 在治北自高山懸流七十餘丈引水入堰分流爲二一灌溉古城坪下田畝  
一灌溉湍溪田畝清乾隆十年乙丑邑令魯符升典史凌士鎔重修

青龍堰 在治東二十五里嶺頭壩清康熙間邑令羅之熊築沙堤建桔槔引水灌溉

### 田畝

天生堰 在治西北十五里清康熙間邑令羅之熊建故一名侯成堰乾隆十年乙丑  
邑令魯符升典史凌士鎔重修中開閘口間以木板隨時開閉遂絕水患

青龍大堰 在治北三十里傅家營上青龍關下水源自青龍關下牯牛沱經龍門河

入堰其東有大岩下大山西北有關坡頂大山水勢湍急其堰口處有二巨石聳峙河中該地農民恒用規筒攔巨石間引水入堰灌漑田畝

河心壩堰 在治北三十里青龍場下河心頭水源係由青龍場下河灘高處用竹籠

盛石沙掃攔水中引水入堰灌漑田畝

李家溝 在治東二十里月光山後水源自大分水溪溪山經中壩頭土溝子至月光

山灌田約六十餘畝

高家溝 在治東二十里高家邊後山水源自高家山麓各洞口經甘穀田脈筋崗至

高家邊廟崗上灌田四十餘畝

張家溝 在治東二十里張家溝後山水源自張家山麓灌田四十餘畝

任家崗溝 在治東二十里任家寺側水源自欄規槽經任家崗窩下入溝灌田二十

餘畝

古城坪溝 在治東三十里龍頭山廟側水源自後山麓大槽頭經麻窖一壩入溝灌

田十餘畝

### 蘆山縣志

### 卷三

二十八

王家溝 在治東三十里天公廟崗側水源自大火地龍打溪經梯子下天公廟崗側入溝

湍溪溝 在治東三十里湍溪壩側水源自鐘寶山逆流入水泉坪上中槽九馬頭三

水合流經季家壩至湍溪壩溝水勢極大除青龍大堰外當推此溝流域灌漑田畝

至廣蓋自鐘寶山下大崖腔即以石碇洞作堰分流為多支一支流至季家壩灌田

四十餘畝一支流經王家溝至南山溝灌田七八畝一支流經古城坪繞龍山麓下

長沙田灌田十餘畝此外又一支流別為三小支流上堰至黃家大坪灌田三四畝

中堰至武家壩灌田七八畝下堰至湍溪壩灌田四五畝

老鴉魚溝 在治西二十里老鴉魚水源有二其一自紙房溝山上沙坪子經上下紙

房古家田岩下至老鴉魚王家伙灌田十餘畝其一自岩下經六合店至東嶽後灌

田三四畝

下源壩高棚 在治西北卽舊大渡縣

安蓋壩高棚 在治北二里

西水壩高棚 在治西郭外

思延壩水蕩

龍一甲水井

邑人程步雲桔槔考問嘗瀏覽邑乘初不解桔槔為何物聞諸鄉農云據父老相傳桔槔即河畔之高車也心竊疑之及讀志載桔槔翻水詩有輪流不與澤儀異吐納猶堪太極同一輪蛛網傍江河輾轉岸頭携水過之句始信其言不誣迨其後披閱莊子天地篇子貢遇漢陰見一丈人方將為圃畦鑿隧而入井抱甕而出灌子貢曰鑿木為機後重前輕挈水若抽其名為槔一日浸百畦用力寡而見功多粵稽世說高士傳諸書所載亦然謹按槔橋也曲禮奉席如橋衡鄭注云橋謂井上樺槔之上下低昂者如橋衡謂橫奉之左昂右低也劉向說苑為機重其後輕其前曰橋考通藝錄云王懷祖曰樺槔合聲曰橋故莊周書曰槔劉向說苑曰橋槔槔本名槔以其挈水故牽連呼之曰挈槔疾讀挈槔列為橋後重前輕故其衡者常後低而前昂也前昂如鳥之立故又名禽易井初六日歸井无禽謂會云桔槔汲水機以通藝錄桔

### 蘆山縣志

### 卷三

二十九

槔圖謂之即俗所呼井上汲水稱杆是也又按辭源云桔槔汲水之具以橫木懸於木架之上橫衡也即橋衡是也一端懸汲水之桶一端懸重物以省汲引之力是即前輕後重之義其用也必賴人力以為俯仰故莊子天運篇云子獨不見夫桔槔者乎引之則俯舍之則仰據此則桔槔與高車判而為二不得混為一物也明矣蓋桔槔為井上汲水之具高車為河畔翻水之機名實均異體用各別陽志直指桔槔為高車不識據何所見世俗相沿遂至以訛傳訛意者陽志從地方之習慣歟或係作志時採訪者之誤歟抑或作志者別有所見耳不然何以相傳至今從未有起而正之者予何人斯豈敢妄議前賢特就管見所及考而出之以就正於宇內格致學者

### 物產

### 穀屬

稻 本邑山多田少產量有限

糯稻 一名酒米

香稻

包穀 一名玉蜀黍

高粱 一名蜀黍

大麥 一名香麥

六稜麥

壳壳麥

小麥 大邑產

芥子

蠶豆一名胡豆

豌豆

扁豆

綠豆

紅豆

黃豆大豆

黑豆

蔬屬

白菜

菠菜

同蒿菜

芹菜

韭菜

葱子

蒜苗

青菜

春不老一名雞菜

蒿笋

擘藍

四季豆

茄子

莧菜

刀豆

芋頭

山藥

蘿蔔

黃瓜

姜豆

冬瓜

葫瓜

絲瓜

香瓜

苦瓜

筒瓜

葫蘆

蘆山縣志

卷三

三十

瓠子

金瓜

高笋

苦笋

茴香

瓠菌

蔓青即油菜一名諸葛菜又名無青與芥菜同

白甲刺竹筍

生姜

薇蕨一名台

綠菜產於大林溪青形如鳳尾臨宋黃山谷有

果屬

梅

桃

李

杏

橘

梨

花紅

香櫟

梨青

櫻桃

木瓜

枇杷

石榴

柑子

白菓

胡桃

栗子

柿子

葡萄

甘蔗

落花生

佛手柑

竹屬

慈竹

斑竹

苦竹

箭竹

紫竹

金竹

棕竹

水竹

觀音竹

龍竹頭

龍竹

木屬

柏

杉

香梁

椿

槐

桑

柘

楮

漆

梓

楠

楓

樟

櫟

皂莢

白楊

麻柳

檉柳

一名水楊柳

樺漆

青桐

梧桐

蘆山縣志

卷三

三十一

紫荆

棕樹

黃楊

岡桐

欒楸

刺刺麻

白甲竹麻

花屬

臘梅

桂

山茶

紫薇

海棠

梔子

木槿

繡毬

玫瑰

牡丹

芍藥

月季

荷花

菊花

鳳仙

薔薇

玉簪

水仙

雞冠

子午蓮

金絲蓮

胭脂

金盞

僧鞋

芭蕉

羅漢松

鳳尾花

蒿

茶花

莢

茶

粉團花

蘭

葉菸

藍靛

燻麻

草屬

藜

葦

藻

鳳尾草

書帶草一名隨

藥屬

葛蒲

何首烏

艾

夏枯草

水燈草

芙蓉花

龍膽草

桑寄生

車前草

金銀花

山豆根

佛指甲

地丁草

益母草

天丁草

苦練子

仙人掌

牛蒡子

蘆山縣志

卷三

三十一

牽牛子

萬年青

蒲公英

五甲皮一名文

九頭獅子草

五葱

文蛤即五倍子

半夏

木賊

蟬蛻

蟬花蟬在土中不能出則頭裂生花

藿香

苡仁

扁豆

槐子

小茴

百合

紫蘇

羽屬

白項鳥

黃豆雀

點水鵲

魚鷹一名鷗鷺俗呼水松鷗

鸚鵡

畫眉

山鵲

黃鸝

瓦雀

喜鵲

班鳩

鶉鴉

烏雅

鶉鴉

鐵嘴

翠雀

杜鵑

啄木



雞

鴨

鵝

雉

鸞

雁

鷹

鶴

鸞

燕

毛屬

狸

虎

豹

熊

貂鼠

山羊

野豬

黃鼠狼

鱗屬

鯪魚

黃鱔

鱈魚

螺螄

鰕子

脚魚

細鱗魚

粗甲魚

白跳子

綠蝦子

貓子魚產於龍門

鱖一名鱖

蘆山縣志

卷三

三十三

蟲屬

蠶

蟬

蜂

蝶

蛇

蜻蜓

促織一名蟋蟀

蜈蚣

蚯蚓

蒼蠅

蜘蛛

辟虎

金蟲

螢火

毛蟲

金屬

沙金河岸沙中多有之

銀產於仁嘉鄉大火山

鹵產於鐘山

菜花石產於龍門附近

竹全仁菜花石證

漏閣上流龍門之潛有石其間不與衆伍深藏彩色微露頑璞亦溫亦堅內精外粗  
鄉兒玩藝鄙薄古董識者檢拔管城爲友懼其雕琢潛於一澳不逢卞和孰爲之泣  
女媧得之攜之天補

鹽井元至順三年印州有二井舊名天鵝芳池天曆初地震鹽水湧溢州民侯坤顯化  
什器煎鹽而輸課於官詔四川鹽運司主之由是蘆山等處鹽井遂出至明成化  
年間鹽井消涸且嘉定各井有開丁上方井饑死下方人之訴因封閉不開今邑鹽  
井故處址尚存

按蘆山僅四井其餘散處火井天全靈關總屬蘆山守禦所清康熙元年奉旨裁革  
又按火井出於西漢新莽時熄東漢復出蜀漢愈熾蓋與火德相應也其後僅存名

蘆山縣志

卷三

三十四



雅安通和印刷股份有限公司代印

蘆山縣志 董復著

227

地 280.325

42

27.51



學修號	A112-2
收購日期	34. 8. 25
卷	2/2
冊	



蘆山縣志卷四

典禮略 祀典 陳設 歌樂 舞俗



人含天地陰陽之氣有喜怒哀樂之情若不節之以禮則暴慢生焉是故聖人緣人情而定禮依人性而作儀古有禮經三百威儀三千而周官五禮且為世準則自三代迄今制作損益者多矣要弗能逾其軌孔子曰安上治民莫善乎禮是禮之為用豈可忽乎哉夫吉禮之大莫過於祀洪範八政祀居第三故祭祀之典於國為重雖有司詳頒儀注而鄉曲之士不能盡知因述典禮沿革俾資稽考至於婚喪酬酢諸禮蘆邑胥從俗尚已載入風俗節中故不贅云

祀典

文廟 大清會典每歲仲春仲秋上丁日致祭

陳設 按祭品陳設圖為序

至聖先師孔子正位陳設

中白磁爵三 次登一 羹太 次篚一 禮神制 帛白 次俎二 中橫 左一羊 右一豕 次

蘆山縣志 卷四

香燭登左篚二 羹黍 次銅一 羹和 次籩八 形鹽羹魚栗棗棗麥茨 鹿脯照序兩行陳設 次登右篚二 梁

次銅一 羹和 次豆八 非道醢醢 鹿脯照序兩行陳設

四配陳設東西各一壇 橫一

中白磁爵三 次左篚二 右篚一 次俎二 篚左銅一 次籩六 無棗 爇餘

與正位同 篚右銅一 次豆六 無非道醢醢 餘與正位同

東西哲陳設各一壇

中白磁爵三 次銅一 羹和 次篚篚各一 羹黍 次俎一 次俎一 豬首或豕 肉各一體 次香燭

篚左籩四 形鹽羹 栗鹿脯 篚右豆四 詩菹鹿脯 芹菹 兎醢西哲同

東西廡陳設五位一壇

中銅爵三 盞各一 篚篚各一 羹黍 篚一 次俎 豕肉 各一 次香燭 左籩四 右

豆四 與十二哲 陳設同

崇聖祠陳設五壇 無太羹一登太牢一 俎餘與至聖正位同

崇聖祠配位東西各一壇 陳設同 十二哲

崇聖祠從配東西各一壇陳設同

歌樂 按歌樂之圖為序

歌六琴六瑟四金鐘玉磬楹鼓應鼓各一祝敔各一麾二笙六桴篥各二鳳簫各一簫六笛六鼗二搏拊二鼓鐘各一田鼓二鼓俱東西分列

舞佾 按舞佾之圖為序

節二舞三十六左右分列

按佾有二說人數不一左傳諸侯用六杜預以為三十六人此以縱橫如數為佾也服虔以為四十八人此以八人一列為佾也蘇軾八佾說曰宋文帝給彭城王義康伎倆承給三十六太常傳隆以杜說非是舞以節入音故止以八人為列自天子至士降殺以兩兩減其二列若如預言至士止四人豈復成樂又春秋晉悼公納鄭女樂二八以女樂一八賜魏絳此八人為佾之證也今舞圖且三十六人是從杜說矣

儀注

先期散齋三日各宿別室前一日同宿祭所不飲酒不食葱蒜不弔喪問疾不聽樂不

### 蘆山縣志 卷四

理刑不判署刑殺文字不預穢事致齋惟專治祭事祭前一日知縣簽榜由中門出鼓樂迎至文廟前張掛至晚行省牲禮主祭官率同祭官至明倫堂觀演樂習舞畢引贊引獻官穿補服詣省牲所唱曰就位至香案前立獻爵奠酒三揖唱曰省牲牽牲過案唱曰禮畢宰牲用小雞雞毛血執事生捧送知縣率同祭官至先師廟丹墀各一揖退

祭曰雞初鳴將牲饌祭器燭爐陳設整齊知縣率同祭官至更衣所通贊贊曰簽祝版

引贊唱曰更衣官穿朝服曰升堂從東曰序爵曰序事各生曰請祝讀祝曰簽名

各官曰下堂從西通贊贊曰啓戶司戶生將曰樂舞生就位曰執事者各司其事生

各執事曰正獻官就位分獻官各就位文武通贊贊曰瘞毛血司毛血生將毛血捧從中

啓牲饌執事將牲饌曰迎神樂作引贊引各官唱曰詣西北隅迎神衆官衆官打躬

通贊贊曰參神樂奏咸平之章鳴贊曰跪衆官皆三跪九叩首興樂止初獻通贊贊

曰行奠帛初獻禮樂奏寧平之章引贊引主祭官唱曰詣盥洗所浴手淨巾詣酒尊

所司尊者舉冪酌酒執事由正階上中門引贊唱曰詣至聖先師孔子神位前跪上

香進帛奠帛進爵獻爵俯伏與平身唱曰詣讀祝位跪鳴贊曰衆官皆跪引贊曰讀  
祝文俯伏與平身鳴贊曰衆官皆興平身引贊引主祭官唱曰詣復聖顏子神位前  
跪上香進帛奠帛進爵獻爵俯伏與平身唱詣宗聖曾子神位前跪上香進帛奠帛  
進爵獻爵俯伏與平身唱詣述聖子思子神位前跪上香進帛奠帛進爵獻爵俯伏  
與平身唱詣亞聖孟子神位前跪上香進帛奠帛進爵獻爵俯伏與平身復位通贊  
贊曰行分獻禮引贊引某官詣東西哲神位前引某官詣東西廡神位前俱皆跪上  
香獻帛獻爵俯伏與皆復位亞獻通贊贊曰行亞獻禮樂奏安平之章引贊引主祭  
官詣酒尊所取酒唱詣至聖先師孔子神位前跪餘與初獻同終獻樂奏景平之章  
餘與初獻同各復位引贊引主祭官詣飲福位跪鳴贊衆官皆跪引贊唱曰飲福酒  
執事取中一爵從右遞與主祭官飲訖將爵從右遞與執事 唱受福胙執事取先師位前半爵盛木盤從右遞與主祭官受之遞左遞執事由中門出正皆下送至主祭官  
俯伏與平身謝福胙各官俱行三叩首禮興復位通贊贊曰辭神樂奏咸平之章  
各官俱行三跪九叩首禮引贊引衆官送神至戟門唱曰詣送神所曰衆官打躬通  
贊贊曰望燎讀祝者捧祝執帛者捧帛各詣燎所先聖帛所俱由中門引贊引衆官唱曰詣望

蘆山縣志

卷四

燎位舉柴焚祝帛將祝文揭下並帛俱焚於火門與於地下曰復位樂止通贊贊曰闔戶鳴贊唱曰禮畢退

班崇聖祠主祭官行二叩六跪禮餘儀同無樂舞

清光緒三十三年禮部奏准升孔子爲大祀官牆殿瓦飾用黃色樂舞八佾添用武  
舞春秋丁祭日各縣承祭官不飲福受胙升降俱由殿西崇神祠祭品加牛一簋二  
豆二改行三跪九叩禮

祝文

聖由大繼緬萬世師表之尊道協時中繼三代明倫之治學校遍乎鄉國秩祀著在彛  
章仰維先師孔子教範古今德彌宇宙達天盡性淵源集羣聖之成守道尊經文軌  
洽大同之盛稽崇儒之鉅典先朝累重明禮擴興學之宏規懿訓特升上祀風聲所  
樹承矩矱於三雍教澤無垠廣甄陶於百氏大義如炳日月馨香永以春秋於戲玉  
振金聲億代猶存夫瀛慕麟祥鳳德八方莫外於尊親文治恢昭蕊芬歆格配以復  
聖顏子宗聖曾子述子聖思亞聖子孟尙享

樂章

迎聖樂奏咸平之章

無

大哉孔子先覺先知與天地參萬世之師祥徵麟賦韻答金絲日月既揭乾坤清夷奠帛初獻樂奏寧平之章

安平

予懷明德玉振金聲生民未有展也大成俎豆千古春秋上丁清酒既載其香始升亞獻樂奏安平之章

安平

式禮莫愆升堂再獻響協發鏞誠孚靈獻肅肅雍雍譽髦斯彥禮陶樂淑相觀而善終獻樂奏景平之章

景平

自古在昔先民有作皮弁祭菜於論斯樂惟天矜民惟聖時若舜倫攸敘至今木鐸徹饌樂奏咸平之章

無

先師有言祭則受福四海饗宮疇敢不肅禮成告徹毋疏毋瀆樂所自生中原有菽送神樂奏咸平之章

無

冕鐸峨峨洙泗洋洋景行行止流澤無疆聿昭祀事祀事孔明化我蒸民育我膠庠以上樂歌春季祭夾鐘為宮倍應鐘起調秋季同歌惟以南呂為宮仲呂起調

蘆山縣志

卷四

四

凡奏樂視應麾舉則作應偃則止凡舞視節節行則起節住則止樂舞交作互相照應如讀祝唱禮之時樂舞暫止讀唱過則復作以終前曲

中華民國祀孔典禮

祀儀

中華民國三年九月政事堂禮制館刊行祀孔典禮各地方行政長官皆以歲時仲春仲秋上丁日廟祀至聖先師孔子正獻官以地方行政長官主之四配十二哲兩廡致祭正獻官以屬官或公立學校校長任之在城文武各官以上咸與祭書祝版既割戒具陳設省盥以其屬官為之糾儀以椽屬或士紳為之執事人以地方員紳學校教員及學生之嫻習禮儀者選充散齋二日致齋一日祭前一日有司飭廟戶潔掃殿廡內外供張如儀正獻官率執事人入廟習儀樂舞諸生習舞習吹祭之日行禮儀節與各地方同制惟正獻官出入皆由殿門右不由左

祝辭

維年月日某官某致祀至聖先師孔子曰維先師德參化育道貫古今集羣聖之大成



炳前知以垂憲天下為公中國一人之量生民未口六經千載之心循宮牆而瞻宮  
美入室升堂隆俎豆而奉馨香先明後法茲當上丁祗率彝章肅展徽忱聿將祀典  
以復聖顏子宗聖曾子述聖子思亞聖孟子配嗚呼聲名所屆血氣莫不尊親光景  
常新禮樂明其禋祀尙享

樂舞樂章

典儀贊關戶闔戶訖贊迎神

贊者承傳以下凡樂作止舞進退均用樂執事引之

贊者承傳以下凡樂作止舞進退均用樂執事引之司樂舉髦贊舉迎神樂奏昭和之章

大哉至聖德盛道隆生民未有千禮是崇典則昭垂式茲辟雍載虔簠載嚴鐘

典儀贊樂初獻司樂舉麾贊舉初獻樂奏離和之章樂工舉節舞干戚之舞

凡舞以節

覺我生民陶鑄賢聖巍巍泰山仰止景行禮備樂和豆饗嘉靜既述六經爰對三正

典儀贊樂亞獻司樂舉麾贊舉亞獻樂奏熙和之章樂工舉節舞羽籥之舞

至聖至師克明明德八鐸萬年惟民之則清酒既醑言觀秉翟太和常流英村斯植

蘆山縣志

卷四

五

典儀贊行終獻司樂舉麾贊舉終獻樂奏淵和之章工舉節羽籥之舞

倚獻聖師納民物執贍之在前師表萬世彼酌金盞我酒惟旨登獻雖終弗遐有喜

四配：二哲兩廡隨分獻如亞獻儀

典儀贊徹饌司樂贊舉徹饌樂奏昌和之章無舞

璧水淵淵芹芳藻潔既歆至聖亦儀前哲聲金振玉告茲將徹饌假有成日月昭揭

典儀贊送神司樂贊舉送神樂奏德和之章無舞

煌煌辟雍四方來甄陶樂育多士景從如木斯植如金在鎔懷仁抱智俗美時雍

典儀贊舉祝酒司祝捧祝司帛捧帛司爵捧酒饌預設饌盤內以備添燎次以

由中道出恭添燎爐

典儀贊闔戶闔戶訖贊禮成衆官皆退

戟門側名宦祠春秋二祭統設羊一豬一民國初年改為鹿烈祠典禮同

戟門側名鄉賢祠春秋二祭統設羊一豬一

戟門側忠義祠春秋二祭統設羊一豬一

戟門側節孝祠春秋二祭統設羊一豬一

民國十七年十月內政部頒定孔子誕日爲紀念日並演述孔子之言行事蹟以誌景仰

民國十八年內政部頒定孔誕典禮十七條列次

- 一 時間爲陽歷八月二十七日午前十鐘
- 二 懸黨國旗
- 三 供張取隆重及鮮花果品香帛並供籩豆饗奠暨舊有禮樂器一律陳設
- 四 奏樂用風琴或用軍樂
- 五 製孔誕紀念並唱黨歌
- 六 編孔誕紀念祝辭
- 七 禮服一律着馬掛長衫冠博士帽
- 八 行三鞠躬禮
- 九 以地方行政長官爲主席

蘆山縣志

卷四

六

- 十 由主席先期指定人員設籌備處
  - 十一 參與典禮人員由籌備處先期知會政學界及紳耆並各機關法團
  - 十二 演述孔子言行事蹟先期主席東請碩學一人至三人任之
  - 十三 行禮之日准許男女民衆參觀但不得紊亂秩序
  - 十四 凡孔廟行禮所在地由政府令飭各街民衆懸黨國旗以誌慶祝至禮場秩序由縣長酌派團練維持之
  - 十五 攝影及印刷本紀念經費查照舊案辦理
  - 十六 辦理本紀念經費查照舊案辦理
  - 十七 以外未盡事宜由籌備處隨時商承主席辦理
- 民國二十一年二月內政部頒定孔廟財產保管辦法八月經內政部軍政部教育部會同公佈保管古物古蹟載在約法

武廟 清雍正三年奉旨追封關帝三代公爵曾祖光昭公祖裕昌公父成忠公敕建三公祠製刻木主供奉後殿每年春秋祭祀詔加尊帝號爲忠義神勇關聖大帝乾

隆二十五年詔加諡神號三十三年詔加忠義神勇顯佑關聖大帝奉頌祭儀與文廟略同但無樂後殿亦與啓聖祠同每歲中秋上辛日致祭一應禮儀雍正五年題定

陳設

前殿陳設

中三爵篚一制 銅一和 簠二黍 簋二稷 左六簋形 右六豆鹿

後殿陳設

三公各龕陳設祭品與前殿同

儀注

前殿儀注

祭日引贊引承祭官進左旁門至盥洗所贊盥洗盥洗畢引至殿內行禮處立典儀唱執事者各司其事引贊唱就位引承祭官就位立典儀唱迎神司香生奉香盒就

蘆山縣志 卷四

香爐左邊立引贊引承祭官就香爐前立司香跪引贊贊上香承祭官立將柱香接舉插爐內又將塊香上三次畢引贊贊復位引承祭官復位立引贊贊跪叩興承祭官行三跪九叩禮立典儀唱奠帛爵行初獻禮捧帛爵生將帛爵捧舉各就位前奠帛生跪獻畢行三叩禮退執爵生立獻畢退讀祝生至安祝文桌前行一跪三叩禮將祝文捧起立引贊贊跪承祭官讀祝生俱跪引贊贊讀祝讀畢捧至位前跪安盛帛盒內畢行三叩禮退引贊贊叩興承祭官行三叩禮立典儀唱行亞獻禮執爵生自案左邊照初獻禮獻畢退典儀唱行終獻禮執爵生自案右邊照亞獻畢退典儀唱徹饌送神引贊贊跪叩興承祭官行三跪九叩禮立典儀唱捧祝帛饌各恭詣燎位捧祝帛饌生各至位前俱跪祝帛各生行三叩禮捧饌生跪不叩將祝帛饌捧起依序捧送引贊引承祭官退至西邊立候捧祝帛各生過畢復位立引贊贊詣望燎位引承祭官至燎爐前焚祝帛將半時引贊贊禮畢引承祭官退

後殿儀注

上香奠帛獻爵照三公次序行惟承祭官進中門復位及送神二節俱行二跪六叩禮

餘與前殿同

祝文

武廟祝文

惟帝性敦忠義學本春秋功蓋一時憲垂萬世今茲中春秋率由常祭謹以香帛醴齊柔盛庶品式陳清薦尙享

三公祝文

惟神條山毓秀涑水發祥誕生聖賢立極綱常今茲中春秋率由常祭謹以香帛醴齊柔盛庶品式陳清薦尙享

民國四年五月大總統令關壯繆侯岳忠武王合祀每歲春秋分後第一戊日由地方行政長官致祭並由政事堂禮制館頒行關岳合祀典禮

祭品帛一爵三牛一羊一豕一果品五器核桃荔枝龍眼棗栗各一酒一尊一後殿陳設同但無牛羊

西壇祀縣社縣稷之神清代每歲例由縣令致祭祀以少牢饌三帛三爵三今廢

### 蘆山縣志

#### 卷四

八

南壇祀風雲雷雨之神每歲祀同今廢

先農壇祀先農之神清代每歲例由縣令致祭祀以少牢饌三帛三爵三祀畢舉行耕藉之禮縣令扶犁此禮惟春季行之三推儒學播種僚屬運肥典史執鞭今廢

龍王廟祀行雨龍王之神清代每歲例由縣令致祭祀以少牢饌三帛三爵三今廢

城隍廟祀縣城隍之神清代每歲春秋仲月辰日例由縣令致祭今廢

火神廟祀祝融之神清代每歲六月二十三日例由縣令致祭今廢

姜公祠祀蜀漢大將軍平襄侯姜公伯約之神清代每歲例由縣令致祭祀以少牢饌三帛三爵三今廢

廬山縣志卷五

學校略

學宮 學院 學額 學田  
學規 義學 小學

古者建國君民教學爲先四代之學考諸經可見已自秦燔詩書以愚黔首仁義道喪人心風俗幾不堪言漢景時文翁守蜀招下縣吏民爲學官弟子武帝因令天下郡縣皆立學校所以光崇聖烈宏長儒風也南北隋唐而下安定紫陽聚徒講學尤爲極盛至明清踵事增華學制愈隆愈備且興學田定學額立學規學官山長並行不悖而義學廣設無非以化民成俗其必由學興賢育才期爲國家用故尊師重道比隆於虞夏商周漢代之盛焉廬雖偏隅而學校歷來皆備迨停科舉而初小學高小學亦奉功令競起焉所貴得人而理則款不虛糜而儒道乃得不墜云

學宮

宋紹興間邑令宇文仕立

明永樂間重建南向

嘉靖二十九年庚戌邑令周棐改建東向

廬山縣志

卷五

萬曆四十五年丁巳賜湖廣楚府長史攝鎮國將軍邑人竹密與金溪張公平溪鄭公捐金改建遷復南向至崇禎元年戊辰閱十年完成陳萬策有遷學宮碑記

邑人陳萬策遷學宮碑記聖明遵愛養人才爲家法擇置學宮爲第一務按廬庠舊址向南炳乎文明之象也前文筆插天後來龍七里左羅城挂玉右佛圖絢綵脈完氣聚擇置之得其當乎是以四科三第如方伯張公秋闈受薦驄馬埋輪動搖江右且士生其間品多磊落胸次凌霄無一靡靡者乃嘉靖庚戌縣尊周公惑於術士之見輕舉向東之遷雖至戊午王之賓捷順天鄉試而造就原始於此至今科目寥寥向東之不善可知諸士人久議遷復勢有不能幸於萬曆丁巳之秋參憲竹公密解綬歸來力以遷復爲己任謀於諸士曰予雖黃金橫帶而夙志未展俟之青衿輩耳遂捐金命匠鳩工經營籌度不惜焦勞時則金溪張公繼而平溪鄭公亦捐金勤事值奢儉之變暫輟聖殿巍矣而兩廡未整正殿峨矣而兩齋未設公日夜不得自暇以大功未竟爲慮於丁卯冬公仍捐金付之能幹幸中原楊公握符下車明廉爲治興我斯文鼓舞激勸更有甚焉慨然分俸助其不逮越明年而櫺星戟門前後落成

時宗廟之完美運數之轉隆勃勃矣易言窮則變變則遷况此復也而非遷也遷則新卜其地其效未可料復則仍還其舊其前驗已足徵也地之靈者人必傑也行將產珪璋之英儲棟樑之器昂首奮翼爭相雄飛者不察可知也况不特拾青拖紫博名高已爾仰山斗而切景行之思何必遠宗往哲參憲公其觀面之典型哉公操觚時以心質聖賢以身許朝廷孝可方曾閔治可媿龔黃龍章申錫一堂四世濟濟登闕觀者有餘羨焉願諸士心公之心志公之志君臣父子之道著而長幼朋友之倫敦藏則儲華國之宏詞出則建柱石之遠猷無負先後之雅意亦無忘惓惓屬望之教澤可也公之功永公之賢彰將何以報公惟有血食於千秋耳予於政暇之餘特不避蕪言以紀其盛

天啓七年丁卯邑令楊口口佚名增建

清康熙四年乙巳邑令張啓鼎重建

乾隆二十九年甲申邑令李凌雲重修有記

乾隆二十九年甲申邑令李凌雲重修學宮碑記天地之大也磅礴窮渺浮於空虛

### 蘆山縣志

#### 卷五

二

運於兩間者陰陽之氣聖道之大也瀾淪周徧範於古今陶於庶類者尼山之教氣有順逆而其施於物也無厚薄教有興廢而其被於人也無遠邇故三辰得之而明五岳得之而崇四海得之而廣百川得之而流榘榘杞梓得之以為材麟鳳龜龍得之以為祥虎豹犀象得之以為威黍稷桑麻得之以為利靈者力者天者翹者蠕者得之以為生充物萬類以息相吹未嘗有須臾或間也聖人之道亦然其教無遠近故知者得之而成知仁者得之而成仁勇者得之而成勇得其全者為大賢得其精者為君子得其偏者亦不失為善人明乎春秋者得其斷明乎易衍者得其中明乎詩書者得其正明乎禮樂者得其文無得焉者過焉而為莊周卑焉而為申韓悖焉而為小人其師表萬世而不絕者血氣心知之侶孰能舍尼山之教而自立哉余覽史籍見父翁當漢武時天下承秦不知學蜀最僻遠而獨首建學校遣子弟入太常修先聖業其效至文學比齊魯嘗嘆慕之蘆邑雖褊小而家敦絃誦戶多秀良蓋猶有文翁之遺風焉蘆之有學本末載於舊記顧時久朽壞相沿不治歲甲戌余蒞茲土甫下車祇謁先師屏視學舍頽圯湫塵傾欵支拄大雨時行階下閱月弗溷非所

以安聖賢肅瞻拜而崇文教也亟商之學博段君縣尉繆君及邑人士余捐資首倡餘視情之從違樂助以勤美舉屬繆尉率首事董其事經營擘劃鳩工庇材重爲創建計費金一千伍百有奇凡三閱歲而告竣規制宏敞氣象巍然殿廡壯麗祠宇整齊明堂更新院落清潔棟桷煥然鸞飛鳥革黼聖丹碧綦錯黼石砌堅完墻垣峻肅余樂其事而嘉紳士父老嚮方慕善宜力任勞之厥工鉅也縣尉陳君近而請曰是宜記以示來者余惟學校乃英賢所自出三代下人才往往不如古者庠序樂育之無其具也蓋古有分人無分學辟雍鐘鼓萃貴賤於一堂崇四術於樂正所以教之者無異術及考有德於成人辨官材於論定所官之者亦無異道故小大偏全之器各得竭其所能以事君父而天下治羸秦廢學漢稍近古晉唐以來聲華相尙人鮮實修夏后殷周之制蕩然矣及我朝重熙累洽父教誕敷薄海內外一道同氣軼漢唐而超三代士人幸生盛世歌詠遺編沐浴教澤當思己身之氣與天地之氣相似存其剛大之體以直養而無害浩然塞於天地之間而居天下之廣居立天下之正位行天下之大道出則爲帝臣王佐處則爲碩彥純儒以此身肩道統之任以

### 蘆山縣志

### 卷五

三

一心贊陰陽之化駿業豐功與日星河嶽並留正氣於天壤庶無負此賢關聖域也是則余之所厚望也夫

嘉慶二十五年庚辰邑令楊所憲重修有記

嘉慶二十五年庚辰邑令楊所憲重修學宮碑記

自京師達於郡縣皆有學學必祀孔子尊先師也其禮牲用太牢舞用六佾尊以爵帛以篚器以簠篚其制爲殿爲廡爲宮牆櫺星之門泮水之池有一不備不足以安先師而副聖天子重學右文之意蘆於蜀爲西南徼民瀉而地瘠學宮之制闕焉未備余自嘉慶庚辰來守斯土下車之始祇謁廟廷顧爲怒焉惕然曰是余之責也夫然不可以未信勞民也及明年政通人和迺進諸生之才者而謀之諸生欣然曰惟命諸生退以余言謀於邑士庶士欣然曰惟命既而諸生冒風雨而梯崖谷謀於邑人士之他徙者亦皆欣然曰惟命詢謀僉同材用以充迺召匠氏而鳩工焉舊者新之缺焉補之浚池一蠶之梁之闢門五櫺星面之左右翼之築牆二佾廣六尋有二尺甌甌郭之丹墀塗之學宮之制於是略備是役也諸生之勞邑士之力予幸得藉

手以觀厥成於此見人心之同而聖人之教其入人者深而及人者遠也然豈獨予之幸也哉以育人才以厚民俗將於是乎在若徒爲美觀而已邑人士奚賴焉予且愧之不暇而又何幸之有是役也爲錢六十七萬有奇閱六十餘旬而後成又三年然後能勒石慎之也至諸生與邑士庶人功也則皆不可沒云

道光二十一年辛丑邑令段榮恩重修學宮櫺星宮牆有記

道光二十一年辛丑邑令段榮恩重修學宮櫺星宮牆碑記州縣皆有學宮而其廟門外門曰櫺星門外曰黌牆牆以衛宮也曰黌者重學校以比宮殿也漢祭祀志曰龍左角爲天田號靈星見則爲農祥藉田祈社稷卿大夫又祭曰賓尸士曰宴尸皆退尸也故廟門外又一門曰靈星天子釋奠祭之殆昌黎伯所謂夫子生民之功與社稷同故作靈星門於廟門外而釋奠皆出而揖之者歟邑黌牆歷久漸多剝蝕適友奉學博任司鐸慮傾圮思重修之籌無款商於予曰要工不舉如學校何爲合脯醵錢假衆擊可乎予曰可於是鼎力圖之歲辛丑七月諏吉鳩工首蠲角而存之毀厥舊螭頭左右陪正牆約三尺峙中立也格如櫺狀透八風也東西角外橫廂以洞

### 蘆山縣志

#### 卷五

四

介限趾也塗聖煥然內外整肅足以壯觀瞻矣夫子之牆數仞義大矣哉是役也要非學博不及此抑非同志之義舉不成議建於秋歲事於冬屬予序其事予不敢以不文辭用是書其顛末於左

道光二十六年丙午邑令袁啓洸培修學宮有記邑貢生程述洛亦有記均佚咸豐末年邑人賂志道添修學宮石板

#### 正殿

大成至聖先師孔子像正中南向

按從祀景行錄孔子自周敬王四十二年癸亥魯哀公諫爲尼父西漢追諡成宣尼父東漢封褒尊侯後魏改諡文聖尼父後周晉封鄒國公北齊詔每歲春秋二祭月朔行禮隋贈宣師尼父詔天下州縣春秋釋奠以太牢唐開封間令天下郡縣立廟塑像唐太宗陞爲先聖尊爲尼父高宗贈太師武后封道隆公玄宗追諡文宣宋加至聖文宣王元加封大成至聖文宣王明嘉靖九年釐正祀典詔毀先師像易木主題曰大成至聖先師之神位清宣統加大祀蘆邑廟堂正殿現尙存先師像春秋祭



祀

配享從祀位次列左

東配二位

復聖顏子

名回字子淵魯人邦國之後魏文帝正始七年始配享

述聖子思子

名伋字子思孔子之孫伯魚之子宋大觀元年始配享

西配二位

宗聖曾子

名參字子輿魯武城人鄒國之後唐乾封間追贈配享

亞聖孟子

名軻字子輿鄒邑人魯孟孫氏之後宋神宗元豐中始配享

東哲六位

閔子

名損字子懿魯人居德行之科

冉子

名雍字仲弓魯人伯牛之宗族居德行之科

端木子

名賜字子貢衛人初為信陽宰後管相魯衛

仲子

名由字子路一作季路下人仕魯為蒲大夫

蘆山縣志

卷五

五

卜子

名商字子夏衛人設教西河或以為魏之西河人鄭絃曰溫國人任魯為莒父宰

有子

名若字子有魯人強識好古明習禮樂

西哲六位

冉子

名耕字伯牛魯人為中都宰居德行之科

宰子

名澹字子我魯人仕齊為臨淄大夫居言語之科

冉子

名求字子有魯人仲弓之宗族為季氏宰列政事之科

言子

名偃字子游吳人習禮仕魯為武城宰

顓孫子

名陳字子張陳人

朱子

名熹字元晦一字仲晦婺源人諡曰文公

按十哲升配自開元間始位次廟堂兩壁康熙五十一年念朱子傳註性理有功聖學特陞在卜子下第六位乾隆三年從尙書陳元夢請陞有子於東六位始改移配享於西哲第六位

東廡先賢四十位

位次俱按時代為序

公孫子僑 字產鄭人或豐七年增祀

林子放 字問禮之本親炙聖人休光不在弟子列亦改祀雍正元年復祀

原子憲 字仲憲魯人禮子

南宮子适 字子容魯人史記名适家語禮記作南宮

商子瞿 字子木

漆雕子開 家語字子若魯人按書史記一作漆雕子開蔡人鄭鉉曰

司馬子耕 字伯牛宋人史記俱字子牛

梁子鯁 字子魚齊人史記

冉子孺 字子魯一作魯家語

伯子虔 字子祈魯人史記俱字子牛

冉子季 字子產

漆雕子徒父 字子友魯人史記俱字子牛

漆雕子哆 字子斂魯人史記

### 蘆山縣志 卷五

公西子赤 字子華

任子不齊 字子選

公良子孺 字子正陳人史記俱字子牛

公肩子定 字子仲鄭鉉曰魯人史記

鄒子單 史記有鄒單字子家無經章家語有鄒單字子象無

罕父子黑 史記字子黑魯人史記俱字子牛

榮子旂 字子新魯人史記

左人子郢 字子行魯人

鄭子國 記魯人字子徒家語作國鄭從史記來歷史

原子元 字子元魯人史記俱字子牛

廉子潔 字子古史作齊人

叔仲子會 字子期文翁圖一作會鄭

公西子與如 字子公西與

邾子異 字子欽魯人家語作邾選字子欽史記索隱邾

陳子元 字仇家語作子元

琴子牢 字翁家語字子開

步叔子乘 字子車齊人廣注孔子弟子有少叔乘朱彝尊曰

秦子非 字子之

顏子噲 字子聲

顏子何 字子冉魯人明以家語不載隱記清以顏氏家訓及

縣子亶 字子象魯人明以史記不載又疑與

牧子皮 字子力牧

樂正子克 字子孟魯人清議孟子稱爲善人信人又曰

萬子章 字子史魯人清議孟子稱爲善人信人又曰

周子敦頤 字茂叔宋時人從居濂溪學者稱濂溪先生諡曰元公淳祐

程子顥 字伯淳宋洛陽人從居濂溪學者稱明道先生諡曰純公淳祐元年贈河南伯從祀

### 蘆山縣志 卷五

邵子雍 字堯夫宋河南人諡曰康節

按雅州府志從梁子儷第九至邵子雍連前公孫子僑至商澤共四十一位列西廡而無公孫僑公明儀又以西廡先賢舊有秦冉孔穎達以字畫相似黜蘧瑗林放非弟子改祀於鄉顏無繇改入啓聖祠申黨卽申根以重出削雍正二年秦冉蘧瑗非祀改入東廡縣夏復祀顏何自東廡改入復祀樂正克萬春增祀茲敬照現定祀位恭錄每年春秋與孔聖同日祭

#### 西廡先賢三十九位

蘧子瑗 字伯玉衛人明以孔子黜非弟子改祀至雍正元年以

澹臺子滅明 字子羽魯人

宓子不齊 字子賤魯人

公冶子長 字子長魯人范濤云名芝

公析子哀 字次索魯人范濤云名芝

高子柴 字子羔齊人鄭

樊子須 字子通家語魯人仕

商子澤 家語字子季魯人亦作子季

巫馬子施 字子期史記作子旗陳人鄭鉉

顏子幸 字子柳魯人通典名柳

曹子卹 字子循魯人

公孫子龍 字子石魯人

秦子商 字不莛魯人

顏子高 字子驕家語作顏刻

壤駟子赤 字子徒壤駟

石作子蜀 字子明樂之成紀人家語

公夏子首 字子乘魯人

后子處 史記字子里齊人

奚容子蒧 字子偕魯人

### 蘆山縣志 卷五

顏子祖 字子襄魯人朱彝尊按昔

句井子疆 字子疆魯人

秦子祖 字子南魯人

縣子成 字子祺魯人

公祖子句茲 魯字子之

燕子伋 字子思魯人

樂子欬 字子聲魯人

狄子黑 字子質魯人

孔子中 字子蕙之孔子

公西子蒧 史記字子魯人

顏子之僕 魯字子叔

施子之常 字子恆魯人

申子楨 字子周魯人

左邱子明 中邑人

秦子冉 魯人

公明儀 魯人

公都子 齊人

公孫子丑 齊人

張子載 字厚之 鄆縣人

程子頤 字正叔 世稱伊川先生

按雅州府志從巫馬子施至程子頤共三十一位直接司馬子耕連前共七位作東  
廡先賢三十八位又東廡先賢舊有顏何孔穎達以字畫相似黜曾點孔鯉改入啓  
聖祠雍正二年顏何復祀改入西廡蘧瑗秦冉復祀自西廡改入牧皮公都子公孫  
子增祀每年春秋與孔聖同日祭

東廡先儒二十七位 時代俱按

公羊氏高 周天齊人 荷崧曰公羊親受子夏孔穎達曰孔子授春秋於卜商商授弟子公羊高穀梁亦唐時從祀明嘉靖九年改稱先儒

### 蘆山縣志 卷五

伏氏勝 字子瞻 濟南人 秦博士 漢文帝命最往受尚書唐時從祀

毛氏亨

孔氏安國 字子國 漢淮太守 孔子十一世孫

毛氏萇 漢博士 趙人 善說詩 世謂毛亨為大毛公 萇為小毛公 生漢武帝時 隨入東廡

杜氏子春 河南濮陽人 生漢哀平間 唐時從祀

鄭氏康成 東漢大司農 高密人

諸葛氏亮 字孔明 蜀漢諸葛人 居心二細 開誠布公 知出處 大節明君 臣大義 合乎道 消封武鄉 諡曰忠武 清雍正二年從祀

王氏通 字仲淹 附龍門人 故授河汾 其弟子私謚曰文仲 明嘉靖九年從祀

韓氏愈 字退之 齊南陽人 一作河陽人 諡曰文憲 宗貞元八年舉進士 封昌黎伯 諡曰文憲 公貞

胡氏瑗 字翼之 宋海陵人 為湖州教授 世稱安定先生 諡曰文昭 明嘉靖九年從祀

韓氏琦 字雅夫 封魏公 陽人

楊氏時 字中山 宋臨城人 樂人 世稱應山先生 明成化元年從祀

謝氏良佐 字穎道 上蔡人 與揚時 世稱伊川先生 門人

尹氏焯 字應明去洛人伊川弟子學窮根本德備

胡氏安國 字康侯宋

李氏侗 字應中宋進平人朱子受其河洛之業

呂氏祖謙 字伯恭其先萊人遷婺州宋孝宗時進士世稱東萊先生嘉泰八年賜諡成嘉熙三年改諡忠亮景定二年贈開封伯從祀

袁氏燮

黃氏幹 字直卿號勉齋未聞縣人

輔氏廣

何氏基 字子恭宋金華人

文氏天祥 字文山又字宋瑞宋信國公陵人一作吉水人

王氏柏 號魯齋宋金華人

陳氏濬 字可大宋南康人

方氏孝孺 字希直一字希古明寧海人學者稱直正學先生諡曰文正

薛氏瑄 字德溫明河津人

蘆山縣志 卷五

胡氏居仁 字叔心明餘干人萬曆間從祀

羅氏清順 字允升號馨庵明泰和人

呂氏枏

劉氏宗周 字齊東明山陰人世稱念齋先生

孫氏奇逢 字恭直歸安人年十七舉於鄉十二徵皆不就天下稱為徵君

張氏履祥

陸氏隴其 字稼澗平湖人康熙庚戌進士諡清獻

張氏伯行

黃氏道周 字石齋明福清浦人天啓進士世稱石齋先生

湯氏斌 字孔伯號澗菴河南睢州人順治壬辰進士累官江蘇巡撫工部尚書諡文正乾隆四十六年從祀

西廡先儒三十三位

穀梁氏赤 周末魯人子夏門人

高堂生 秦季人漢時博士

董氏仲舒 廣川人漢景帝時博士武帝時

劉氏德

后氏蒼 漢武帝時博士

許氏慎

范氏甯 字武子東晉鄆陵人豫章太守一作南昌興

陸氏贄 字敬輿唐蘇州嘉興

范氏仲淹 字希文宋吳縣

歐陽氏修 字永叔宋廬陵

司馬氏光 字君實宋夏縣公

游氏醉

呂氏大臨

羅氏從彥 字仲宋南劍州人學者稱豫章先

李氏綱 字伯紀宋福鼎郡武

蘆山縣志 卷五

張氏拭 字敬夫宋南軒先生

陸氏九淵 字子靜宋金谿人稱象山

陳氏淳 字安卿宋漳州龍溪人朱子門人學者稱的孟清雍正二年從祀

真氏德秀 字景元宋浦城人稱西山先生

蔡氏沈 字仲默宋建陽人號九峯先生朱子門人諡曰

魏氏了翁 字華甫宋邛州蒲

趙氏復 字安仁甫元

金氏履祥 字吉父號仁山元蘭谿人何基弟子所著問證曰文章句統義論語孟子集

陸氏秀夫 字君實宋贛州清江人宋德祐初播越海濱日以

許氏衡 字平仲元河內人稱魯齋先生諡曰文正

吳氏澄 字幼清號草廬元崇仁

許氏謙 字益之元金華人世稱白雲先生金履祥弟子讀詩名醫窮理雖殘文義語亦不

為於文非扶翼正二年從祀

曹氏端

陳氏獻章 字公甫明新會人隱居白沙世稱

蔡氏清 字介夫明

王氏守仁 字伯安明修德人諡文成明萬曆間從祀

呂氏坤 字叔簡入四庫全書繼往開來有功聖學清道光六年從祀

黃氏道

按右列東西兩廡先儒位次與四川通志及雅州府志所載多有不同蓋明嘉靖以降配享從祀歷有變更今依本邑廟堂現時位次恭錄

崇聖祠正面五位

肇聖王孔氏木金父 自宋肇魯始姓孔

裕聖王孔氏祈父 高孔子

貽聖王孔氏防叔 曾孔子

昌聖王孔氏伯夏 孔子

蘆山縣志 卷五

啓聖王孔氏叔梁紇 孔子父仕魯爲陬邑大夫晚娶顏氏垂母稱尼邱山誕生至聖

按叔梁紇進公而王自宋大中祥符始也稱啓聖公自元始也宋時顏曾子思配享堂上顏路曾皙伯魚從祀兩廡洪邁姚燾以爲崇子抑父熊未謂宜別設一室祀叔梁紇而以三子配程敏政主其說明嘉靖九年遂專祠徧天下清雍正二年詔封五代王爵俱用聖諱並改啟聖祠爲崇聖祠每年春秋致祭

東配先賢三位

孔氏孟皮 字伯尼孔子之兄清咸豐七年增祀

曾氏點 字皙家語曾點字

孟孫氏激 字公宜孟柯之父

西配先賢二位

孔氏鯉 字伯魚子忠

顏氏無繇 字季路回之父

東廡先儒三位



周氏輔成 周子殿

程氏珣 字伯淵贈永年伯

蔡氏元定 字季通世稱西山先生蔡子沈之父

西廡先儒二位

張氏迪 字神宗時知涪州張子載之父贈祀

朱氏松 字青年知涪州道隆張公朱子燕之父

按右列東西兩廡先儒皆明萬曆間從祀每年春秋二祭先祀崇聖祠次祀至聖孔子

書院

蘆山文明書院創建於清乾隆四十二年丁酉邑令謝生晉以其地址原係文昌宮明倫堂舊基故名邑教諭畧亦曾設此嘉道間邑令楊所憲余翼段榮恩等皆歷延主講咸同漸廢至光緒時邑令李崇忠張祐梁元吉等又重延主講整飭學規並將固有息穀約百石為山長暨諸生童每年膏火之需自停科舉改設學校以後上項息

蘆山縣志

卷五

穀遂併入學校經費而文明學院亦即改為縣立高等小學校矣昔邑令謝生晉章學海典史董達慶皆有碑記

清乾隆四十二年丁酉邑令謝生晉建文明書院碑記今之書院昔日之學署也今之學署昔之文昌宮也蘆邑向無義學余蒞任兩載每接見都人士時方戎馬倉皇計無所出深感賊以為憾越乙未冬金匱底定民力稍紓余亦自是而勃然矣然而彈丸城郭烟火萬家又以限於地中止者屢屢矣夫古者閭有師黨有正自國都以迄鄉邑匪不有學蘆自漢隸蜀郡以來文翁教化之深且遠何獨遺此邦其治人治法之過抑地之福小使然耶是歲丙申春學博牟公學禮司訓熊公縉皆以賃居民房朝遷暮改為修葺學舍計間策於余邀余履勘之循城東登高而望見夫昔日之文昌宮頽垣破壁而三重營室傾欹猶存自東北上躡金井關迴顧峯巒層疊勢若游龍蜿蜒至此而一伏者俯瞰由陂而平宮牆在焉牆以西平原寬衍中破屋數椽二公告余曰此明倫堂也堂前後左右廣狹與宮牆等余兩人第期蔽風雨足矣隙地尚多淪於荒蕪雜於塵囂都不暇計也余曰公等知易地能良之說乎夫師道之不

尊弟子之責也學校之不修吾輩之恥也余請以學署之地基與文昌宮更調改絃而更張之前堂明倫後奉文昌間以奎閣凡三層各立廂屋周以垣牆墜以門楹通爲書院其文昌故址門堂以內增修三楹及配房舍改爲學署使師有定處士可橫經二公皆鼓掌稱善不踰時而風聲迤邐邑之紳士及二三父老悉如余言伏請余以上諸大府檄下允行鳩工庀材凡閱月告歲昔之淪於荒蕪者今日棟宇比鱗矣昔之雜於黨塵者今日篝燈接影矣昔之頽垣傾壁欲墮者今日舉比並坐洽比其鄰矣由前之說限於天時由後而觀盡乎地利從此春誦夏絃士風隆隆日上比戶可風之盛行自今日始矣因從學博牟公請名之曰文明謂兼文昌明倫之意也可謂文翁之澤昌明於今日也亦無不可是役也計費千三百有奇邑紳士公輸百餘余捐俸以佐厥成因伐石以誌其事並列爲一通詳載善後事宜之法於右云

清乾隆四十三年戊戌邑令章學海規定文明書院善後事宜碑記今天子重道崇儒振興文教自鄉學國學而外令直省郡邑各建書院延請名宿主講以廣作人之化人材蔚起於斯爲極矣蘆邑僻處偏隅向無書院三山謝君來蒞是邦值西師告捷

### 蘆山縣志

### 卷五

十四

之後止修文偃武之時爰將儒學舊基改建堂祀文昌樓祀奎星旁蓋屋數十間爲諸生習靜地棟宇輝煌器物畢備金錢土木不崇朝而輸助恐後而書院於是觀厥成矣是役也經始於丙申之春落成於是年之冬於是聘請院長取生童中之尤者肄業其中多講書籍以廣見聞嚴立條規以稽勒情謝君之用心亦良苦矣不數月以病去余復代庖茲土下車後調文昌宮見其整齊嚴肅生徒濟濟爲之加額稱快以爲彈丸小邑文教聿新也惟是蘆邑瘠小每資斧不足今謝公規模甫定僅於城關内外地租贖各祀田所入差足以爲修脯之贈而諸生負笈而來者不盡索封餉不能少資膏火亦憾事也去年冬因公赴府稟商郡憲於存剩津貼項下銀六百兩給首事領借生息歲可以入一百二十兩連各項租穀以及山租地租可入一百九十餘兩酌取生童十數名量給膏火以繼謝君未竟之業竊願後之君子加意作人留心培植俾多士造就有基四科三第拭目再睹矣是則余之厚望也夫

清道光五年乙酉邑典史董逢慶紀邑令余公岷墟整理文明書院學田碑記道光五年歲在乙酉春三月余公來署蘆山甫下車卽留心士子見書院空虛無人誦讀查

勤所以由書院利息僅寥寥三四十金不足以給公用故歷久廢弛公亟思恢復之以宏造就於是多方籌劃示期考試獲生童應試百餘人選定正副外課名數並設每月課甲乙陸降提補條規以爲激勵勸勉法五月率生童延師入院肄業公自捐俸當入王生田二段又得張生捐入田地若干畝邑南有未墾官山招民墾田合原有租息併歸入公余公籌劃善後事宜共約出資百餘金因詳列條款彙印冊數卷交齋長各執一冊著每年協同收租辦理院中公費給印簿一本記出入報銷至每月官課生童百數十人所給飯食花紅公自分已俸不動公項毫釐公見義勇爲慮事精密如此懇懇作育之意至矣其平日待人謙和尤見公之盛德也爰實其事勒石以爲之記公諱翼字岷墟浙江山陽名士嗣君二長曰愷次曰元霖俱器宇不凡其捐田地姓名坐落恒收租數銀兩俱載在碑陽

### 學額

明洪武二年詔天下郡縣并建學校以作養士類定在京府學在外府州縣學生徒之數自六十人以至二十人日給廩膳仍復其差徭八年立社學十六年奏准天下府

## 蘆山縣志

### 卷五

十五

州縣學歲貢生員各一人二十年令增廣生員不拘額數正統六年令府學一年貢一人州學二年貢一人縣學三年貢一人遂爲定例十二年奏准令生員常額之外軍民子弟願入學者提調教官考選俊秀待補增廣名缺一體考送應試成化三年設衛學軍生員數有差有司儒學亦置軍生正德十年都司衛所學原定一年一貢者與設優等次等生員各四十名以次遞減至各二十名通行提學官考補有多餘者卽於附學以移於優等內照例考選充貢萬曆十一年題准各提學每歲考校入學務要不失原額其地方果係科目數多就試人衆則於原額之外量加數名但不許倍於原數如乏才之地亦毋得因而一概取盈清初考試童生進學不拘額數順治四年定每考童生大學進四十人中學二十五人下學十二人十五年定六年內止許隨歲考進童生二次十七年定大學進十五人中學十人小學五人武學如之十八年定科歲兩考併爲一考定貢例府一年二人州二年一人縣三年一人康熙二十年奉旨定例蘆山縣下學歲考文童取進八名武童取進八名科考文童取進八名遇恩廣額三名廩膳生員二十名

原額三十名於雍正七年  
增廣生員二十名

生兩年一登拔貢十二年一登

按科舉之制於清光緒三十二年丙午停止改辦學校

### 學田

蘆邑舊有學田無多年收學租僅百餘石歸儒學教諭署管理清光緒二十七年辛丑  
邑令林清照集議援清溪縣例提倡募捐學田嘉惠學子遂與龍門鄉路肇暄駱仲  
山水東鄉陳肇暄楊才權清源鄉衛從襄朱維楨暨縣城周瑞岐陳品潔樂和曦汪  
元興楊廷英楊文熙等共策進行經募學田十餘石年收學租約二百餘石除月支  
教諭署額穀十石餘作歲科文武新生上費通詳有案逮清末停廢科舉改辦學校  
提歸學款亦遂改由縣署經管矣

### 學規

宋大觀元年詔布周官八行八刑之法於學官令所在鐫刻清祐六年御書白鹿教條  
頒天下學立石明洪武三年令學者專治一經以禮樂射御書數設科分教三年定  
學校射儀十五年頒禁例于天下諸學勒石明倫堂謂之臥碑

## 蘆山縣志

### 卷五

十六

- 一國家明經取士說書者以宋儒傳註爲宗行文者以典實純正爲尙今後務將頒  
降四書五經性理通鑑綱目大學衍義歷代名臣奏議文章正宗及歷代誥律典  
制等書課令生員誦習講解其有剽竊異端邪說炫奇立異者文雖工不錄
- 一設立臥碑天下利病諸人皆許直言惟生員不許今後生員本身切已事情許家  
人報告其事不干己軀便出入衙門以行止有虧革退若糾衆扛幫罵詈官長爲  
首者開遣餘盡革爲民
- 一習舉業卽窮理之一端四書經文策論務要說理詳明不許浮誇怪誕記誦舊文  
意圖僥倖
- 一生員考試不諳文理者廩膳十年以上發附近處充吏六年以上發本處充吏增  
廣十年以上發本處充吏六年以上罷黜爲民未及六年者發社
- 一有司朔望行香迎至明倫堂講書
- 一各省廩膳科貢各有定額南北舉人名數亦有定制近來姦徒利他處人才寡少  
許冒籍貫或原係倡優隸卒之家及曾犯罪問革變易姓名僥倖出身訪出拿問

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

清順治九年禮部題奉欽定條約頒刻學官謂之新臥碑

一朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有條教開列於後

一生員之家父母賢智者子當受教父母愚魯或有非爲者子既讀書明理再三懇告使父母不陷於危亡

一生員立志當學爲忠臣清官書記所載忠清事蹟務須互相講究凡利國家愛民之事更宜留心

## 蘆山縣志

### 卷五

十七

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

清雍正十二年內奉文嗣後貢監生員設立科條明開款項以居家孝友立品端方勤輸賦課經濟可試清操不苟六項爲優倫紀不修行止卑污抗欠官糧輿滅詞訟獯庸鄙陋學業荒疏六項爲劣令有司照官攢造冊籍於各名下標題各款詳具優劣實蹟遇鄉試年申賚督撫學臣秉公查核

### 義學

蘆邑義學始於清道光末年邑令復成詳請於丁糧內每斗加抽制錢九文以呂糧一千八百餘石合計每年加抽制錢約一百六十餘千文當時城鄉共有義學七所每館束修二十千文合計一百四十千文其餘之數除支禮戶房代徵辦公外卽作爲

鄉試生員卷資現已一併提歸為高小學校經費矣

小學

蘆邑小學詳載左表民國三十一年縣長張宗翹提高文化改進教育創立初級中學一所於城內南街三聖宮舊址並於各鄉鎮增設完全小學復將舊有各校予以整理充實設備皆未及列入表內故附志之

蘆山縣立各級小學校暨民衆教育館一覽表

學校名	稱	校址所在地	設立年代
縣立蘆陽小學	城內東街即大明書院	清光緒二十七年	
私立明德初級小學	街子	清光緒三十二年	
縣立飛仙小學	飛仙鎮	民國二十六年	
沫東鄉初級小學	王家橋	執原有地址改設	
思延鄉初級小學	思延下橋	同	
鳳木鄉第一初級小學	白家店	同	

蘆山縣志

卷五

鳳木鄉第二初級小學	石佛寺	同	前
清源鄉第一初級小學	橫溪堤	同	前
清源鄉第二初級小學	安營堤	同	前
仁嘉鄉第一初級小學	大盆堤	同	前
仁嘉鄉第二初級小學	玉泉山	同	前
昇恒鄉初級小學	興福寺	同	前
龍門鄉初級小學	青龍寺	同	前
隆興鄉初級小學	二曲宮	同	前
縣立蘆陽一年制短期小學	廣福寺	同	前
縣立沫東一年制短期小學	樊家祠	同	前
縣立鳳木一年制短期小學	分司廟	同	前
縣立飛仙一年制短期小學	飛仙鎮下關	同	前
縣立思延一年制短期小學	觀音堂	同	前

縣立清源一年制短期小學	天	王	寺	同	前
縣立仁嘉一年制短期小學	白	塔	寺	同	前
縣立昇恒一年制短期小學	天	澤	廟	同	前
縣立隆興一年制短期小學	隆興鄉樊家祠	祠	同	同	前
縣立龍門一年制短期小學	大	廟	上	同	前
縣立羅城一年制短期小學	胡	家	溝	同	前
縣立周村一年制短期小學	周	村	渠	同	前
縣立放橋一年制短期小學	大	板	橋	同	前
縣立河洲一年制短期小學	河	心	頭	同	前
縣立古城一年制短期小學	古	城	坪	同	前
縣立民衆教育館	南	街	上	民國二十八年	前

列入

右表均男女合校係就縣政府有案者錄之其他未立案者概未

蘆山縣志

卷五

蘆山縣志卷五

蘆山縣志卷六

藝文略 專集 金石 文集 詩集

嘗聞帝義龍圖不僅務夫八卦史籀蟲篆非徒列以三倉蓋天地未啓之奇恒藉文章而發其蘊奧山川未洩之氣每因楮墨而湛其精華雖代遠以年溼幸時遷而蹟在此從來言方志者例綴藝文一編凡關文獻吉光片羽靡不蒐輯而備載焉蘆邑僻處邊隅然文物流風久已昭垂史乘惜歷經兵燹名山盛業遂罕傳世今所得採掇者不過百一而已且其撰著泰半佚不復存惟金石一項或傳播於往昔或發掘於時賢江山文藻猶見遺跡益足徵信當時偏方文物之隆盛矣故附志之至其他散見文字並附卷末亦采風之意云爾

專集 文集 詩集

禪慧語錄若干卷 宋邑人釋禪慧撰今佚

經濟內外篇若干卷 明邑人程之緒撰今佚

中庸衍義二十八卷 清邑人竹全仁撰未梓

蘆山縣志 卷六

蘆山縣志稿二卷 清邑人竹全仁纂未梓

蘆山縣志稿十二卷 清邑人周瑞岐纂未梓

蘆山縣樊碑釋文二卷 清邑人周瑞岐撰未梓 金石

啼鵲血文集若干卷 清邑人范文光撰今佚

醅然吟詩稿一卷 清邑人竹全仁撰未梓

安平歌詞一卷 清邑人楊如楷撰未梓

金石

樊敏碑 碑在治南五里田間官道側漢建安十年建碑高七市尺半廣三市半上方微削圓頂圭首作二螭龍首向右抵於碑肩與雅安姚橋高君頌碑略似螭拱如虹其下鐫漢故領校巴郡太守樊府君碑十二字雙行行六字篆額稍偏右又其下有圓形穿眼穿下方爲碑文凡五百五十七字計十八行行二十九字銘文擡頭銘後空一行空行後鐫亂曰五十一字二行後又空一行末行低十三字鐫建安十年三月上旬造石工劉口 原碑二字大半書十五字字方約一市寸強皆八分書碑下漫滅姑從闕文



龜趺首偏向右鑿背殼爲深槽以植碑其碑陰圭首無字刻一鳥形長頭尾似鳳其上雙螭與碑同式兩側亦俱鐫刻及肩各爲雙螭之首穿下刻字二列上列爲崇寧壬午三月既望朝議郎知縣事眉山丘常題凡四十行行十字末行五字亦八分書下列爲紹興己卯秋九月眉山程勳懋傳書凡十四行行十一二字不等第一及八行均有抬頭末行十字楷書字體略似柳誠懋兩跋皆紀扶植樊碑或建屋庇之而作程後於丘五十餘年亦蘆山令也舊有亭覆之年久圯廢民國三十年冬邑令宋琅以聞於省府主席劉公捐國幣二千版重建新亭工未半卸篆去越歲邑令張宗颺督建工竣題曰漢碑亭云

漢樊敏碑亭記蘆山縣之原有漢巴郡太守樊敏碑爲世所重宰是邦者咸庇護之然年湮代遠縱華屋亦屢變爲山邱原有墓有闕有碑墓闕久不復見碑則露立道左風雨侵蝕不可盡讀西康建省之二年蘆山縣長宋琅以此碑爲東京故物議爲亭以翼蔽之事聞於省政府主席劉文輝氏發國幣二千爲之倡邑人士醵金繼之不期月而亭成夫古碑之所以見重於世不獨爲其有金石文字相沿之美也爲其

## 蘆山縣志

### 卷六

紀載核實小之足以傳一方之舊德大之足以補一代之闕聞也此碑雖字跡漫漶而其文略見於楊慎全蜀藝文志詳備於縣志藝文略觀其辭則漢末中常侍曹節擅誅陳蕃竇武蓋所謂雄狐綏綏者也靈帝列肆後宮弄犬西園所謂冠履同囊者也黃巾倡亂安平甘陵各執其主以應之所謂來巫凶虐者也而樊敏處於斯時立朝有夷史之直出守有卓宓之風真俗賴之爲郭郭州里奉之爲吏師斯人也豈獨爲當世士民所謳歌而景慕卽千載後猶足令人懷右而長思中華民國三十年秋永豐劉虛隱記並書甯鄉程康篆額富順宋琅什邡張宗颺督建

邑人周瑞岐字鳳山以清光緒丁酉科拔貢官至冕甯縣教諭撰有蘆山縣樊碑釋文二卷共商訂者蒙山孝廉閔鑿字雅棠上卷序文碑文諸家碑跋附周氏案語下卷釋文附周氏跋考訂精博書成未梓爰採輯全文載入邑志亦尊重鄉賢文獻之意而世之研究樊碑者庶有述焉至其他可資引正之文字並蒐附篇末用備參考

### 蘆山縣樊碑釋文卷上

#### 清伍肇齡撰蘆山縣碑釋文序

漢碑爲三代後法物迄今二千餘年凡經兵燹風霜剝蝕所存者中國蓋無幾矣且多漫滅不可撫摩別得有意解句釋者乎而蘆山漢樊敏碑尙巋然獨存若魯靈光然較之雅州高孝廉碑僅存數字者又甚相懸但歷代雖時爲表彰楊升菴收入全蜀藝文志而趙氏顧氏及各家題跋不免多所沿譌邑拔萃生鳳山周君品端學粹服鄉道古就壯歲與雅棠閣君所草創釋文一卷重爲證訂書成質予予不禁慨然曰金石之學不講久矣覽此釋文考據詳明引證確鑿使此漢碑不至終湮而講金石者亦有所稽模應付手民共傳不朽特弁數行以促其刊云光緒己亥中秋伍肇齡崧生甫識於錦官書院

漢故領校巴郡太守樊府君碑

周氏原鈔本碑額係篆大篆碑文亦仿八分書今易宋體楷書付印凡碑文中原有古字或闕文仍概從原鈔本

君諱敏字升達肇祖宓戲遺苗后稷爲堯種樹舍溍彳岐天顧夏甫乃萌昌發周室衰微平伯匡弼晉爲韓魏魯分爲楊充曜封邑厥土河東林漢之際或居于楸或集于梁君續其緒華南西夏濱近聖禹飲汶茹汭總角好學治春秋嚴氏經貫空道度無文不睹於是國君備禮招請濯冕提踵傑立忠容有夷史之直卓密之風鄉黨見

### 蘆山縣志

### 卷六

三

歸察孝除郎永昌長史遷宕渠令布化三載遭離母憂五五斷仁大將軍辟光利之末京師擾攘雄狐綏綏冠履同囊投核長驅畢志秘止國復重察辭病不就再奉朝娉十辟外臺常爲治中諸部從事舉直錯柱譚思舊制彈免糾貪務鉏民穢患苦政俗喜怒作律案罪殺人不顧猖獗告子屬孫敢若此者不入墓門州里僉然號曰吏師李世不祥米巫列廬續乘青羌姦狡竝起陷附者衆君執一心賴無沔恥復辟司徒道辭不往牧伯劉公二世欽重表授巴郡後漢中秋老乞身以助義都尉養疾閭里又行義義校尉君仕不爲人謙不爲己桓桓大度禮蹈箕首當窮台緹松橋協軌八十有四歲在汴洽紀驗期臻奄習臧形凡百咸痛士女涕冷臣子哀術刊石勒銘其辭曰

於戲與考經德炳明勞謙損益耽古儉清立朝正色能無撓履感恩御下持滿虛盈所歷見慕遺歌景彤書載俊艾股肱幹植有物有則樸樵後生宜參鼎鉉稽建皇靈出經阪險鬼方不庭戎戢節足輕龍騰榮故叙天選而捐陪臣晏嬰邸殿留侯距齊非辭福也乃辟禱兮

亂曰渾元垂像昔濟仁兮金精火佐寔生賢兮豈欲救仁德彌大兮遭遇陽九百六神兮當舉遐年今遂逝兮歎懷哉魂神逝兮

建安十年三月上旬造石工劉弋心書

宋眉山丘常跋蘆山縣樊侯碑碑陰八分書

世傳魏受禪碑為絕出而此乃建安十年所立又在黃初之前雖暴露中塗而字畫醇古其文尙可讀豈非所寓僻遠而人無知者歟而千餘歲間霖雨之所泐威陽之所曝有歟已倒有闕已摧而此碑將仆是可憫也余因扶其既倒植其將仆又為屋以庇之庶幾永其傳也崇寧壬午三月既望朝議郎知縣事眉山丘常題

瑞岐案此跋八分書居碑陰上列共十四行行十字末行五字首句藝文志誤作此碑相傳為魏受禪碑為世絕出殆沿李一本跋語之訛也中多缺字今諦視皆可識謹全錄之其文尙可讀句志脫其字又以邱為成都人觀其自題眉山甚明審知其非矣至云有獸有闕今碑前有石馬二陷田中碑後坎上有石虎一僅露半身畦間橫斜欹側皆闕石也闕必有題識與碑相證斯文不終沈晦豈無好古君子於泥土

### 蘆山縣志

### 卷六

中掘起而重建之者

宋眉山程勤跋蘆山漢巴郡太守樊君故碑碑陰楷書原文蘆山作蘆山太守今仍從原文皇上勵精

更化以揚

祖宗之大烈屬當西京父老流涕太息思欲復見漢官威儀之時而僕仕於蘆山天下最遠處適得建安十年巴郡太守樊君故碑於荒山榛莽間亟作大屋覆其上表而出之目其顏曰復見是為

聖天子恢復中原之兆觀者宜有取焉嗚呼碑陰所記崇寧壬午詎今五十八年而令斯邑者皆吾鄉人扶倒植仆偶相似然豈物之廢興固自有數耶紹興己卯秋九月眉山程勤懋傳書

瑞岐案此跋居碑陰下列亦十四行行十二字今考碑陰原文每行十一二字第一

行八字抬頭祖宗第八行三字抬寫聖天子字體長勁筆意似柳誠懋藝文志天下最遠處句缺遠字令斯邑者句令字誤分爲人之二字復增一仕字目其顏曰下誤作巴郡太守樊侯之墓八字而無復見以下十九字果爾則發端數語不幾贅乎今

據正錄文義同明暢也南宋偏安中原淪陷此公蓋有心時事者惓惓以恢復爲言忠愛之義當表而出之

宋趙明誠跋漢巴郡太守樊君碑

感揚升補全  
明誠文志

右漢巴郡太守樊君碑云君諱敏字叔達肇祖必戲遺苗后稷爲堯種樹舍漆從岐天顧亶父乃商昌發周室衰微雲伯匡弼晉爲韓魏魯分爲楊充隴封邑厥土河東楚漢之際或居于楚或集于梁君繼其緒華南西夏又云總角好學治穀氏經貫究道度無文不睹於是國君備禮招請濯冕題輿傑立忠容有夷史之直卓密之風鄉黨見歸察孝除郎永昌長史遷宕渠令大將軍率光和之末京師擾攘雄狐綏綏冠履同囊封袂長驅卓走枕北國復重察辭病不就再奉朝聘七辟外濠常爲治中諸部從事又云季世不祥米巫凶虐奸狡竝從陷附者衆君執一心賴無滂恥復辟司徒道辭不往收伯劉公表授巴以助義部尉養疾閭里又辟奮義校尉年八十有四歲在協洽紀驗期臻奄忽臧形其後有銘最後題建安十年二月上旬造他漢碑類多刓缺而此碑獨首尾完好故載其大略於此所謂米巫凶虐者謂張氏也

### 蘆山縣志

#### 卷六

瑞岐案此跋所載碑略字多譌謬未審是字誤或本書之誤也附記於此以備參攷

明忠州李一本跋蘆山縣樊敏碑

感揚升補全  
明忠州文志

右此碑踞於道周道今無有餘或矣在宋以前詭爲魏受禪碑大明一統志云謂其字文漫滅不可攷以故悉於聞見者不爲注目予捧檄竊祿於此屢經過焉見其荒於荆榛蝕於莓苔亦謂信然越宏治己未仲冬因借門生白應清駱琰陳宣宋萬全等訪古偶肅其下因束篋爲帚拂之條見字畫隱隱而出皆醇古迥異從者進曰此商彝周鼎復出也殆奇遇乎或爲磨洗尋具楮蠟如法摹搨得墨本有三蓋以訪字畫之同異考而考之然其模糊不可讀者亦過半矣旣而歸置軒次遂校以隸本參以衆目就其可識者僅得什之九其疑誤者則旁爲點注以俟博古者正焉載攷古文苑所紀樊毅樊安等碑亦靈獻中所作其屬辭比事與此文勢相類或者當時子選之徒爲之也夫文選所集皆秦漢以來古文而此碑獨不見錄古文苑又補文選而作又不見載母乃此碑儻在遐荒而人不見知歟抑惑於聞見之似而不見錄歟吁是碑雖不見錄於古幸而名不泐壞延有今日得以附入邑志以永其傳亦

奇矣匪徒為斯邑之光實斯文之幸也然則世之為志者苟徒據耳之所託而不博  
歷以致審焉則雖有石鼓之文其不至湮沒無聞者幾希矣是月十一日長至蜀忠  
南李一本識

瑞岐案跋云在宋以前詭為魏受禪碑殆緣誤讀邱跋而為此說耳升菴因之非事  
實也魏受禪在建安二十五年改元黃初是時先主為漢中王以漢統已絕即皇帝  
位改元章武蜀人斷無為敵國立碑之理雖曰流俗之傳亦詭不至此也

明新都楊慎跋樊敏碑

敏碑

漢碑多不著作碑文人姓名而此碑之文續書建安十年三月上旬造石工劉武良  
鑄何也曰古人以鑄石為一難事故書之以傳魏受禪碑書鍾繇鑄以一代貴臣文  
宗而親雕鑄之役古人之重文藻而必欲永其傳如此顏魯公書恒令家僮鑄之李  
北海多手自鑄其云元省已刻或云伏靈芝刻或云黃鶴仙刻皆北海自鑄也今之  
立碑草草而付之拙劣之書鑄者又非良工宜其貽庾子山驢鳴犬吠之論矣

明崑山顧炎武跋樊敏碑

敏碑

### 蘆山縣志

### 卷六

六

金石文字記云重刻本字甚拙惡其文有云暫為韓魏者析之異米巫殉虐者凶之  
異歲在汁洽者協之異士女涕零者洽之異呂氏春秋殉氣不入身無苛殃漢書藝  
文志星事殉悍後漢書禮儀志大饑中黃門倡偃子相曰甲作食殉廣韻殉即凶字  
古文漢三公碑攘去寇殉魏橫海將軍呂君碑羣殉鼎沸竝作此字爾雅歲在未曰  
協洽史記歷書作叶洽方言自關而東曰洽案方言作協云協汁也註謂和協也丁校云  
本作協下並同說文亦有此字作洽者係川關西曰汁春秋文耀鉤黑帝叶光紀周禮禮記注並作叶史記孔子廟碑音  
在仲尼汁光之精周禮太  
史讀禮書而協率故書協作叶杜子春云叶協也書亦或為汁大行人協辭命故書  
協作叶鄭司農云叶當作汁敏碑士汁日刑殺注汁合也  
和也與文汁音協本亦作協張衡西京賦五緯相汁  
注並曰方言曰汁叶也  
之十切鄭箋曰汁和也五臣本作叶左思吳都賦皆與諧俗汁協注書曰汁猶惟也五  
經文字協字古文作汁而緯書有藥汁徵圖漢書五行志引洪範協用五紀又作叶  
師古曰叶讀曰叶四字皆以十為聲而从彡从口从水从日則各異耳尚書大傳其  
歌聲比余諸名曰誓陽注謂厥民析則析之為誓或亦可通用乎

瑞岐案碑陰宋人題跋決非重刊年深石泐字畫剝蝕規模具存顧云劣惡實所未

喻豈所見揚工不善歟至其所釋惟哲字自誤餘皆精確例字汁字援據尤形博

清李調元補考蘆山縣樊敏碑

載碑記

建安十年三月八分書輿地碑目云在雅州黑寶云在蘆山縣雅州今隸四川蘆山縣屬焉蘆今作蘆隸釋云在黎州非是今王氏作雅安雅尤誤額題云漢故領校巴郡太守樊府君碑十二篆字爲二行碑圖云兩獸蟠其上就爲圭首若今所謂鼎屬者其一有鱗猶龍然篆額兩行偏其右文在穿下凡十八行行二本訛作三十九字空一行刻亂曰二行又空一行低十三字刻歲月及書造人姓名其云石工劉盛息隸書者劉刻其石而厥子落筆也陳球碑陰書其二故吏之子亦曰息

瑞岐案雅州自國朝雍正七年改雅州府始置雅安縣此考謂王氏作雅安

安下雅字疑縣

字之訛細雅文義當云王氏作雅州安字乃州字之誤下文誤衍雅字未免不倫易滋疑惑碑目統云雅州碑下脫注在

蘆山縣字耳如王氏果作雅州則當云在嚴道縣同高孝廉墓碑

注云在嚴道縣東二十里之例

又有兩面碑云在蘆山縣南五里與府君碑相近面與背皆有篆文歲久訛缺不可識或辨其文曰蘆山縣碑考縣南止有樊府君一碑更無他碑緣流俗不解碑陰題

### 蘆山縣志

### 卷六

七

跋之義故訛傳爲兩面碑耳今土人尙有兩面碑之稱尤顯證也且王氏既以樊府君碑在雅州又云兩面碑與府君碑相近豈不矛盾自陷乎

蘆山縣樊碑釋文卷下

領校 王象之蜀碑記作檢校李調元考作領校案碑文領字猶可識校字右旁食微闕

大守 漢書百官公卿表後漢書百官志並作太守此碑作大說文大天地大人亦大故大象人形古文大也又而籀文大改古文亦象人形太亦大引伸之義經典皆作大後人乃加點以別之此大字猶存古義也

樊 上黨商音文王後虞仲支孫爲周卿士食采於樊因氏樊又望出南陽周時有樊穆仲字山甫漢時有樊儻字長魚光武時人謹約有文事後母至孝及母卒哀毀過禮帝嘗遣黃門朝暮送餼粥諭之節哀又受公羊嚴氏春秋丁恭乃刪定二氏章句世號樊侯學教授門徒幾千餘人

字升達 藝文志作叔達案說文叔拾也从又未聲汝南名收芎爲叔或从寸作揖玉

叔舒六切俗作升于祿字書升叔上俗五經文字叔林上說文下石經此碑作林與石經同特其點漣漫耳他韓勅孔子廟碑勅字林節碑陰丁璫林舉孔昭林祖景君碑陰騰嶺字紂遠孔宙碑陰張祺子紂松類皆可證

肇祖宓戲 漢書古今人表上上聖人大昊帝宓戲氏注師古曰宓音伏字本作處其音同耳易繫辭下古者包犧氏之王天下也正義引帝王世紀云取犧牲以充包廚故號曰包犧氏後世音謬故或謂之伏犧或謂之慮犧經典釋文云包本又作庖白交反鄭云取也孟京作伏犧許宜反字又作義鄭云鳥獸全具曰犧孟京作戲云伏服也戲化也別雅云古字包孚一聲如枹作桴枹作桴可見孚甫伏付政一聲之轉非別有義顏氏家訓書證篇曰孔子弟子處子賤為單父宰即處義之後俗字亦為宓或復加山今兗州永昌郡城舊單父地也東門有子賤碑漢世所立乃云濟南伏生即子賤之後是慮之與伏古來通字誤以為較可知矣周禮春官司尊彝其朝踐用兩獻尊鄭司農云獻讀為犧釋文獻本或作戲禮記禮器犧尊在西注犧周禮作獻釋文獻本又作戲亦可證犧古通作戲漢魯相韓勅孔子廟碑皇戲統華骨魏受

蘆山縣志

卷六

八

禪碑皇戲之質

舍潛從岐 趙明誠跋作舍漆藝文志作舍潛案碑此句當缺處所存作潛不類漆字形蓋潛字是也

天顧 顧之隸省玉篇顧古布切瞻也回首曰顧重文顧同上俗廣韻去聲十一暮顧迴視也眷也又姓出吳郡古暮切重文顧俗干祿字書顧顧上通下正五經文字顧作頭非

皇甫 詩大雅緜古公亶父釋文父音甫本亦作甫小雅十月之交皇父卿士文選安仁關中詩李善注引毛詩作皇甫漢書音永傳注後漢丁鴻傳注並同儀禮士冠禮曰伯某甫是丈夫美稱孔子為尼甫周大夫有嘉甫宋大夫有孔甫是其類甫字或作父正義曰字亦通或尼甫嘉甫孔甫等見為父字者也漢蜀郡屬國辛通達李仲曾造橋碑以單甫為單父

雲伯匡弼 雲字下半漣漫惟上半雨尙可識今依志作雲隸釋引作霸晉為韓魏 晉作晉顧炎武金石文字記誤作哲又攷南陽商音唐叔虞之後曲沃桓

叔之子食邑於韓原因氏又鉅鹿宮音周文王第十五子封於畢曰畢公高裔孫畢萬仕晉封魏至絳舒代爲晉卿後分晉爲諸侯以國氏焉又望出任城

魯分爲楊 弘農高音唐叔虞之後伯僑自晉歸周封楊侯食采於楊因之爲氏又云

周宣王曾孫封楊爲晉所滅其後以楊爲氏焉

充耀 說文火部耀照也从火翟聲玉篇耀弋照切光也與耀同日部耀余照切照也

亦作耀廣韻去聲三十五笑耀燿耀說文照也弋照切耀光耀耀日光也又照也干

祿字書耀耀上通下正是耀爲本字耀其別體耀乃俗字衡方碑云耀武南會又云

耀此聲香實一字也

楚漢之際 趙跋作樹漢之際藝文志作樹漢之際案碑楚作樹與下或居于楚同際

字趙跋不誤

疆 周禮地官載師以大都之田任疆地詩小雅信彼南山疆場有瓜載師疏引作疆

場爾雅釋詁疆界邊衛圍垂也釋文作壇云字又作疆音姜經典作疆假借字說文

疆界也从畺三其界畫也或从疆土作疆是疆乃疆之本字也伯角父敦萬年無疆

### 蘆山縣志

### 卷六

白石神君碑萬壽無疆漢書亦多作疆

濱 卽濱字三公碑以賓爲賓安平相孫根碑以濱爲濱

飲汶茹汭 案孝廉柳敏碑汶澍不離以汶爲文景君碑及史晨碑竝以文陽爲汶陽

是文汶通用之證汭卽芳之借字飲文茹芳猶衛尉衡方碑搃英接秀之意不必泥

指汶江蜀有汶水江卽汶無汭水山海經南山經箕尾之山汭水出焉與蜀無涉不能

牽合

治春秋嚴氏經 志作穀氏案穀氏之稱書傳無徵二傳並稱可從省作公穀析言則

曰公羊無云公氏者曰穀梁亦未有云穀氏者後漢書儒林列傳云前書齊胡母子

都傅公羊春秋授東平贏公贏公授東海孟卿孟卿授魯人陸孟陸孟授東海嚴彭

祖經典釋文穀錄注字公東海下魯人顏安樂釋文穀錄注字翁孫魯國人彭祖

爲春秋嚴氏學安樂爲春秋顏氏學又瑕邱江公傳穀梁春秋三家皆立博士東京

以還穀梁漸微公羊盛行嚴顏竝稱傳嚴氏者尤衆儒林傳所列若丁恭字子然山陽東鄉人

周澤字叔都北平涿郡人鍾興字次文汝南汝陽人甄宇字長文北海安邱人樓望字次子陳留雍邱人程曾字秀升豫章人皆習



嚴氏春秋唯張元字晉夏河習顏氏春秋亦兼說嚴氏司諱校尉魯峻碑治又張霸魯詩兼通顏口口秋

傳字伯備蜀以樊條刪嚴氏春秋猶多繁辭乃減定為二十萬言更名張氏學子楷成部人

超字公亦通嚴氏春秋蜀中傳嚴氏學有自來矣泰山都尉孔宙碑治嚴氏春秋魯相

置孔廟卒史碑修春秋嚴氏經通高第嚴字俱同此作

貫突道度 突字志作究字案說文玉篇以下諸書俱有突無究說文突音病也从火久聲

廣韻去聲四十九宥究突疾三字同母連文是究突同音得借突之从穴亦後文寔

字作寔之例穴二部寔亦相近韓勅孔廟後碑及史又九久同聲亦得借久作九

也 無文不睹 說文睹見也从目者聲古文从見作覩玉篇睹東魯切見也與覩同見部

覩都扈切古文睹廣韻上聲十姥覩見也當古切重文睹上同于祿字書覩睹竝正

五經文字睹丁戶反作覩同

濯冕顯跽 傅氏世洵洪氏隸釋補釋云以顯跽為提綱洪氏仍釋顯為題今按其說

非也碑蓋借題為提借剛為綱

### 蘆山縣志

#### 卷六

卓密之風 密同宓亦伏字謂卓茂伏湛也見後漢書列傳漢傳云九世祖勝字子前作

宓此作密者筆畫小變字體避複如頤字後又作顧之例

大將軍辟 後漢書靈帝紀建寧元年正月壬午城門校尉竇武為大將軍九月丁亥

中常侍曹節矯詔誅太傅陳蕃大將軍竇武及尚書令并勳侍中劉瑜屯騎校尉馮

述皆夷其族太后遷於南宮後四年改熹平元年夏五月己巳大赦六年改光利元年

三月辛丑大赦六年改中平元年三月戊申以河南尹何進為大將軍將軍將兵屯都亭

十二月己巳大赦樊侯投核於光利之末則所云大將軍者竇武也武傳云武於是

引同志并勳為尚書令劉瑜為侍中馮述為屯騎校尉又徵天下名士廢黜者前司

隸李膺宗正劉猛太僕杜密盧江太守朱寓等列於朝廷請前越嵩太守荀昱為從

事中郎辟潁川陳寔為屬共定計策於是天下雄俊知其風旨莫不延頸接踵思奮

其智力此又可證前此梁冀為大將軍已於延熹二年八月自殺年代相距較遠矣

擾攘 說文擾黍稷已治者从禾襄聲攬推也从手襄聲玉篇穰如羊切黍穰也豐也

衆多也又如掌切攬仁尙切摺攬也又汝羊切攬穢也廣韻下平十陽穰禾莖也攬

以手禦又竊也除也逐也止也搯抉出臂曰攘竝汝羊切上聲三十六養穰豐穰穰  
搯攘竝如雨切攘本推讓字漢書樂志盛辨讓之容藝文志堯之克讓後乃以為擾攘  
字穰本禾穰引申為衆多周禮豐年穰穰史記紛亂此擾穰實用古證

雄狐綏綏 謂中常侍也後漢書光和二年冬十月甲申司徒劉郃永樂少府陳球衛  
尉陽球步兵校尉劉納謀誅宦者事洩皆下獄死

冠履同囊 後漢書光和四年是歲帝作列肆於後宮使諸采女販賣更相盜竊爭鬥  
帝著商估服飲宴為樂又於西園弄狗著進賢冠帶綬又駕四驢帝躬自操轡驅馳  
周旋京師轉相放效章懷太子注引續漢志曰靈帝寵用便嬖子弟轉相汲引賣關  
內侯直五百萬令長強者貪如豺狼弱者略不類物實狗而冠也其詳見五行志服  
妖

投核長驅 藝文志誤作封袂隸釋作投核張氏澗養素堂文集云謂投檄也碑蓋假  
核為劾

畢志秘止 志誤作卑走枕北案蔡邕郭林宗碑棲遲泌邱周巨勝碑洋洋泌邱于以

### 蘆山縣志 卷六

十一

逍遙束皙元居釋云學既積而身困夫何為乎泌一作邱廣雅釋邱邱上有木為秘  
邱

再奉朝聘 案說文媯問也从女專聲聘訪也从耳專聲五經文字云媯娶妻也今經  
典多通用聘問字成都漢石室壁間媯媯士三人媯字同此作戚伯著碑作媯

舉直錯柱 案堂邑令費鳳碑作錯柱瀆于長夏承碑彈繩糾柱郃楊令曹全碑彈柱  
糾邪枉皆如此作說文檉袞曲也从木崖聲字本从崖隸變从主猶往本作徃隸變  
作往也後人緣與梁柱字混故省作枉

譚思舊制 譚與覃通詩大雅生民云實覃實訃釋文覃南反本或作譚制字志誤作  
職

務鉏民穢 說文鉏立娠所用也从金且聲玉篇鉏仕菹切田器重文鋤同上廣韻九  
魚鉏誅也又田器釋名曰鉏今本助也去穢助苗今本也說文曰立薶斫也又

姓左傳有鉏覺士魚切重文鋤上同  
愚苦政俗 政字志誤作改

喜怒作律 案說文律均布也从彳聿聿所以書也从聿一聿聿手之走巧也从又  
持巾此移一於聿上筆畫小變耳

米双 趙跋云謂張角也案後 書靈帝紀中平元年春二月鉅鹿人張角自稱黃天  
其部師有三十六萬皆著黃巾同日反叛安平甘陵人各執其王以應之事又見皇  
甫嵩傳

殞 殞字說見金石文字記案玉篇殞虛頤切古文凶廣韻上平三鍾凶凶禍殞古文  
許容切

牧伯劉公二世欽重 謂劉焉及璋也後漢書中平五年六月益州黃巾馬相攻殺刺

史郝儉自稱天子又寇巴郡殺郡守趙部益州從事賈龍擊相斬之是歲改刺史新

置牧劉焉傳賈龍先蜀志焉傳領兵數百人在犍為蜀志有東遂糾合蜀志作吏蜀志有民

人攻相破之蜀志作政相龍乃遣蜀志吏卒迎焉焉到以龍為校尉蜀志

徙居蜀志綿竹是焉領益州牧至中平五年始也傳又云興平元年中平六年三月

子辯即位改元光熹八月改昭寧九月董卓廢帝為安農王獻帝即位改永興平徙居成都遂

### 蘆山縣志 卷六

十二

疽發背卒州大吏趙建等貪璋溫仁立為刺史蜀志作共上璋詔書因以璋為監軍

使者領益州牧

表授 授字志誤作擢案韓勅孔子廟碑於盛復授與此同又衡方碑受任浹旬張遷

既多受社亦同此作

气身 說文气雲气也象形玉篇气去乙切求也說文去既切以為雲氣字廣韻去聲

八未气與人物也說文曰雲气也今作乞又去訖切入聲九迄乞求也說文本作气

音氣今作乞取之乞去訖切

又行 志誤作又辟行下一字志作奮

禮蹈 以禮為體志作禮非也張遷碑君中體素體字與此同玉篇身部體躰他禮切

並俗體字廣韻上聲十一辯體體身也又生也他禮切重文體俗于祿字書體體上

俗下正

箕 卽箕字箕首謂箕山首陽也

當窺台緹 緹字志誤作齡案衡方碑將授緹職高頤碑當登緹職魯峻碑當口緹職

卽詩大雅蒸民云衮職有闕維仲山甫補之也廣韻上聲二十一混妄天子服也緹帶也二字連文俱古本切同音假借

松橋 案鄱閩碑析里大橋與此同此以橋爲喬詩周南南有喬木釋文云喬本作橋

鄱風山有橋松釋文云本亦作喬

歲在汁洽 汁字說見金石文字記案後漢書漢帝紀注協之字曰合張璠記曰靈帝

以帝似已故名曰協帝王紀曰協字伯和碑以汁爲協亦當時國諱也第上文松橋

協軌何以不諱史記靈帝亦作汁洽

奄習 說文習出氣詞也从日习象氣出形春秋傳曰鄭太子习見左傳桓公十年今字作忽重文习

籀文习一曰佩也象形玉篇習呼沒切出氣詞也重文习同上見說文廣韻入聲十

一沒習篆文本作习象气出形文選楊子雲羽獵賦習如神傳武仲舞賦雲轉飄

習注劫云習與忽同又甘泉賦翕赫習霍霧集而蒙合兮注善曰習霍疾貌習音忽

段注說文引此碑奄習臧形注臧云皆出氣之意條孝之兒本當用此字不當作忽忘

字也揚雄傳於時人皆習之則假習爲忽古今人表仲忽作中習今則忽行而習廢

### 蘆山縣志

#### 卷六

矣書皋陶謨在治忽漢書作七始詠史記作來始滑裴駟集解曰尙書滑字作習音

忽鄭氏曰習者臣見君所秉書思對命者也君亦有焉是習亦卽象笏字

臧形 說文無臧字徐字新附臧匿也漢書通用臧字从艸後人所加

士女涕洽 洽者零之借字零洽皆从令得聲故可通用張公神碑亦以洽爲零

臣子褒術 案詩邶風報我不述釋文本亦作術文選劉孝標廣交論注引韓詩亦作

報我不述儀禮士喪禮不述命註古文述皆作術禮記祭義而術省之注術當作述

聲之誤也韓勅孔廟後碑共術韓君德政張表碑方伯術職靈臺碑陰卅里稔術唐

扶頌軌樂道述皆述術互通

於戲與考 志誤作樊考案說文三賜予也一与爲与此同與予同意此依段注大徐作此與同小徐作此即

父臣子之辭猶我君我公之類也與黨與也从鼻与古文作氣今俗以與爲賜予字

反謂与爲與之省非古誼也

能無撓頤 頤卽傾字司隸校尉楊孟文石門頤亦以頤寫爲傾瀉

遺歌景形 案潘乾校官碑及太尉楊震碑竝以形爲刑督郵斑碑又以刑藏爲行藏是景形卽景行也

書載俊艾 艾與乂通洪範從作乂曰乂時嗚若漢書五行志竝作艾李翕郝閣頌以影艾爲髦乂部陽令曹全碑以僞艾爲僞乂郎中郭君碑以俊艾爲俊乂楊孟文石門頌司隸從事郭究碑竝以艾爲乂漢隸从竹之字多作𦵏如上箕嘗作其首是也而艸艸之字多作𦵏如上萌字茹字卽此字是也

宜參鼎鉉 志誤作冥參案北海相景君碑亦有宜參鼎輔之語

稽建皇靈 志誤作再建案史晨孔廟後碑亦有稽度元靈之語

戎戢節足 戢上一字志作所字非也案衡方碑有戎戢士佚之語戎字於義可通古戎字作戠碑字左旁與甲近似但右旁不作弋形未敢臆定仍闕以俟考

而捐陪臣 捐字志誤作相

乃辟禮兮 說文禍害也神不福也从示高聲篇韻禍重文竝作𦵏骨竝从𦵏此特筆畫小變猶郝閣碑作禍之類

### 蘆山縣志

#### 卷六

十四

亂曰 論語關雎之亂注亂樂之卒章也楚亂遠遊篇重猶亂也班婕妤曰悼賦亦多用之

渾元垂像 垂字作苗志誤作留

昔濟 志誤作岱濟

演仁 志誤作治匠案碑上字𦵏尙可識右旁一丩劉落就其形似姑擬爲演下字確是仁字石理斑剝似匠字細審之非也仁與賢爲韻古真韻與先韻通也

歎嗚 匡謬正俗云鳥呼歎辭也或嘉其美或傷其悲其語備在詩書不勝具載但今文尙書悉爲於戲字古文尙書悉爲鳥呼字而詩皆云於乎字中古以來文籍皆爲嗚呼字文有古今之變義無美惡之別說文鳥孝鳥也象形𦵏孔子曰鳥呼乎也取其助氣故以爲鳥呼又云呼外息也从口乎聲嗚號也从口摩聲歎心有惡若吐也从欠鳥聲文選謝玄暉拜中軍記至辭隋王箋曰或以歎吧李善注歎與嗚同茲以嗚爲歎猶嘯或作歎助或作歎嘆或作歎之類呼通作摩前漢武帝紀嗚摩何施而臻此與亦作嗚周禮春官雞人嗚且以嘯百官孟子嗚爾而與之集韻本作諄或作

呼是嗶呼通用

懷哉 哀正字通同懷說文閱也玉篇哀傷也書大誥允蠢繇寡哀哉碑作懷猶憫同  
閱懷同戚之類从哀从心蓋會意之字

泄 泄从水从世古文世同查論語必世而後仁註三十年為一世故世从世詩大雅  
俾民憂泄傳泄去也箋猶出也發也魂神泄兮言魂神去也含悲不盡之意云耳

石工下志作劉武良鐫書李雨村攷作盛息懔書今碑劉下當缺處字畫存不及半案  
漢人無二名升菴說似未可信竊疑劉下一字是名下二字是其人之字如郝閣碑  
子長書之例

### 蘆山縣樊碑釋文跋

右釋文一書余光緒乙酉與蒙山孝廉雅棠閱君即共商訂爾時地僻書少多付缺  
如及戊戌北上經燕趙秦魯間廣徵金石博涉羣籍亟為考證缺者補之略者詳之  
原釋未愜者刪之改之除不能識者如雲伯之雲漢隸雨走同作王奮義之奮字作戩形  
所戩之所字作戩形所字豈欲之欲字作戩形亦不其似外其餘古字古義足資考  
不測通亦通

## 蘆山縣志 卷六

十五

據者顧氏所釋外輒就蓋管所及為釋文若干條以附諸家題跋之後凡所徵引皆  
有左論未嘗隻字敢竄私凡他如灑从火灑作灑灑从示灑作灑灑亦从示灑亦从示萌茹艾皆从  
止或邑國皆从公發作發韓作韓厥作厥同總作總備作備歸作歸遷作遷雄作雄京  
作京畢作畢聖作聖號作號宥作宥處作處在作在此類或文取通俗當時自有此  
體不必以六法相繩亦或石理泐壞點畫剝落體失其真他漢碑往往有之以人所  
易識不復觀縷至叙樊君出處時事按之史志皆相符合惟助義都尉及奮義校尉  
不見於續漢書百官志可補其缺又疑當時牧伯所加如蜀志劉璋傳以張魯為督  
義司馬之類要必實有此國典碑乃特書之也又考表授巴郡太守當在劉焉初后  
繇竹撫納離叛務行寬惠之時旋即乞身故碑於德政從略而銘有輕寵賤榮辭福  
辟禍之語可概見也若夫碑陰題跋近人揚碑者每不省視抑知宋刻至今存者亦  
少况跋尤足考此碑歷代之顯晦顧可遺之耶曾揚數紙細加審視字皆可識以校  
藝文志所載文乃特完余生後升菴二百年顧得見升菴所未見用以補其缺而正  
其誤詎非一快事歟時在光緒丁亥年閏四月十一日周瑞岐謹跋於蘆陽文明書

院講舍

周鳳山先生樊碑釋文二卷採錄本志既竣又於榮經陳仲光先生耀倫家獲觀奪藏樊碑雙鈎本原跋署名曰容未注明姓氏跋中於諸家考論樊碑頗有辨證其鈎本尚精凡今碑文殘缺之字半泰有之且碑文與楊升菴所釋者間有出入大約此本乃依據明以前舊拓樊碑鈎勒惜周氏未曾見耳今取持較周著略舉其要附志於次

霸伯匡弼 周作雲伯此作霸伯與隸釋引作霸同蓋周以手之下半截漫漶不可識遂疑作雲字然未據引證雲伯二字出處但伯霸同義亦似未合

或集于梁 此本集字左有彡旁係依原碑之泐蝕文妄揣鈎勒仍以周釋為是治春秋嚴氏經 此本嚴字甚明與周釋合

五五斷仁 此本第二五字略似三字惟筆畫上橫與中橫中連中橫與下橫右段微連按碑文謂除服也似宜詳考漢代服制引證孰是

投校長驅 周作投核此作投校但其跋中又云隸釋作投核洪文惠跋云以核為

蘆山縣志

卷六

劾細審此本實乃校字仍待考證

畢志枕丘 周作秘丘此作枕丘仍以周釋為當

彈響糾貪 碑文響字漫滅已久周依升菴作兕旁注此本作響字既明顯義亦較美

不顧倡獫 周作倡獫此作倡獫

續蠢青羌 碑文蠢字缺周依升菴作乘旁注此本作蠢細審碑刻筆畫右側一刀甚高似宜作蠢蠢謂蠢動碑云續蠢青羌者蓋謂青羌之亂乘黃巾續起也

嘗窮台緦 周作嘗窮從隸釋也此作嘗窮細審碑刻尙下田字狹長中央十字欠明微似甘字故疑為嘗惟按碑文義則嘗窮又不若當窮為合耳

持滿億盈 周依升菴作慮盈旁注此乃作億盈於義亦通細審碑刻仍以億字為合

王路阪險 周依升菴作出經阪險此作王路阪險合下文鬼方不庭句讀之意義較合蓋上謂米巫之亂下謂青羌之亂也

岳瀆濬仁 周作演仁此作濬仁以濬爲合

遭偶楊九 周作遭遇此作遭偶於義亦合

劉盛息懽書 周謂今碑刻下當缺處字畫存不及半此本劉字全盛字缺左側一

撇息懽書三字左半皆缺李雨村考釋作劉盛息懽書是也

右爲陳氏所藏舊拓樊碑雙鉤本字既完整可辨又與周氏釋文多有相合且有爲周氏所未逮者故略舉其要於此俾考證焉

近於書坊間又見上海藝苑真賞社影印川沙沈氏藏宋搨本漢樊敏碑一册亟取以校周著釋文更有增益之處足資借鏡因錄其跋云右巴郡太守樊敏碑原石久失蜀中現存之石是後人重刻者顧亭林先生曾見重刻本字甚拙惡蓋翻刻已有二石矣原刻世不多有故著錄者甚少宋洪文惠隸釋所載校此册誤者六字脫失者五字碑中飲汝作飲汝光利之末作光利之中刊石勒銘脫石字故敕天選脫數字天作大渾元垂像作演元脫像字岳瀆下闕二字是濬仁火佐作大佐遭遇作遭偶此册當在文惠所見本以前搨也又與徐紫珊隨園金石雙鉤本校確是一石此

蘆山縣志 卷六

十七

多碑額尤爲可貴光緒五年冬余無意中得于毗陵市上爲顧云美先生舊藏高雅淵厚古色古香洵爲宋搨佳本漢碑舊搨難遇得此墨寶能不球圖視之哉庚寅立春前三日沈雲志喜又跋云是碑于勁利之中出以古厚而頓挫節制神采煥發高出吳魏時梁鵠象蘇建諸家之上唐人楷隸之祖實以是爲俎豆觀歐陽率更書法之秘筆筆皆從此碑所得原刻久毀好古者每有甘井先竭之歎余竊此宋搨書學仍無進境豈不惶愧七月二十五日伯雲又記按沈氏名慶雲字伯雲一字書卿此跋作於清光緒十六年庚寅據其一再考論定爲宋搨中之最佳本然以參校陳氏舊藏雙鉤本似尙有未及者特沈氏考跋亦於周著有關且此搨本又爲周氏所未見故錄志之

兩面碑 蜀志蘆山縣南五里有兩面碑與樊府君碑相近或云蘆山縣碑考縣南五里僅有樊碑並無他碑蓋以樊碑碑陰舊刻有邱程題跋遂訛傳爲兩面碑也

漢故上計史王暉墓誌 在治南三里沫東鄉楊家壩石棺之前和文曰故上計史王暉伯昭以建安拾六歲在辛卯九月下旬卒其拾七年六月甲戌葬嗚呼悵哉計五



行前四行行八字末行三字凡三十五字隸書詳載名墓

口口尉楊君之銘 此乃漢代巨碑殘石自穿橫斷僅存碑冠冠上方圓琬琢三圭首錯疊圖案無他雕飾碑前方斷裂較高題額當穿正上屬第二圭首尉字尙存下半殘筆尉以上剝蝕尉以上四字君字全明餘亦幸縹糊可辨均作隸書碑陰三圭首與碑之正面同存字二十一行穿左十行首行存議字二三四行各存孝廉二字五六七八行各存上計二字九行存賊曹二字十行當穿左上側存管字穿右十一行首行存門下二字次行存卒史二字三行存主簿二字四五行各存主記二字六七八行各存門下賊三字九十一行各存門下史三字惟十一行半附碑稜合前穿左十行凡存字二十一行亦均隸書字小而明顯較正面碑額字蹟爲完整民國三十一年秋此石在治城東南姜公祠出土由縣長張宗勳移置公園保存相傳此石曾經出土大約在清道光間蓋二銘草堂金石聚已收入此石拓本又考雅安姚橋景賢堂內高君頌碑側有題字云道光乙酉虎林韓泰華退齋奉命巡察上南訪古漢刻得蘆山樊敏碑楊君銘貫方貫光兩闕並此碑於民家自謂結金石緣曷勝

### 蘆山縣志

### 卷六

十八

欣幸遂借其客柳芝生孝廉嗣昌留題碑側按乙酉爲道光五年是時上南道韓泰華已獲見此石於初次出土且拓以傳世其後同治十一年金石聚遂依據韓氏拓本而收入之竊疑碑冠題額諸字之剝蝕縹糊卽在道光出土以後惟何時入土則無從考又細審此石題額現僅存尉楊君之銘五字尉上當有關文卽按其剝蝕部位度之亦似可容二字姑擬爲故都二字何也蓋漢制有蜀郡屬國都尉領縣如太守初都尉治青衣縣至順帝時改青衣曰漢嘉靈帝時又改蜀郡屬國爲漢嘉郡以都尉爲太守今觀此碑碑陰臣吏泰半爲太守所屬椽曹官名而碑額上仍存尉字之下半截可辨用是推察其題額全文疑爲故都尉楊君之銘七字然未敢臆斷故於本題上特誌以口口亦關疑之意耳至於石月之說所謂齊東野語遂付缺如

宋黃庭堅綠菜贊碑 碑在治城東南姜公祠初爲宋刻宋以後埋沒塵莽中歷七百余年至清乾隆二十二年丁丑邑令李凌雲得其石字多漶滅遂覓舊拓本鉤摹重刻原石並易鐫新跋於下方其刻工雖不若宋代原刻之佳然大體尙在彷彿亦可

珍矣

黃山谷綠菜贊蒙蔡之下彼江一曲有茹生之可以爲菽蛙蟻之衣采采盈掬吉蠲  
銑澤不瀾沙礫莖以辛醜宜酒宜醢在吳則紫在蜀則綠其嗅味同遠故不錄誰其  
發之班我旨蓄惟女博士史君炎玉

宋紹興甲戌知縣李閔中跋云山谷老人綠菜贊刻石於蘆山古廟中歲更百禩典  
型儼存贊末有史君炎玉之句讀者多所未喻蓋指眉陽望族史氏女名琰者琰字

炎玉髻艸資穎嗜學蔬蕪絳纒一不經意志業專確乃博古善屬文雅州張士儀

竹全仁邑志稱稿作士儀乾隆  
雅州府志作子儀今從竹志少卿諱閔出守眉陽聞其才且賢納爲家嗣子履諱

祺之婦炎玉于歸子履性素冲淡不事鉛飾服浣濯之衣日游心於簡篇翰墨平生  
臨覽之勝燕笑之適與子履詩詞翻唱格調閑雅久而盈篋手自敍次日日和鳴集  
善用秃筆字體莊勁少卿愛重之殊不責以中饋之職厥後少卿幼子介卿諱祉擢  
進士第調眉之青神尉是時山谷老人謫居涪城邇流見介卿誦親親之好蓋少卿  
之室江南黃按察諱廉之女乃山谷老人姑輩也炎玉配子履實其親表因謄書致  
綠菜爲信山谷珍其品以贊謝之有曰班我旨蓄惟女博士猶有古人校書之褒云

### 蘆山縣志

#### 卷六

十九

蘆山楊輿權諱巽先生垂八十炎玉宅相也崇寧大觀間以行藝爲郡學正每休沐  
以甥禮往見與之窮日論文且評課試近題淵源端緒不減謝道韞步障解圍之辯  
傳播諸生成推仰焉輿權謂其美秀見許文章宗匠慮寢久湮沒無聞詳其本末屬  
閔中記敍載石勉從其請

清乾隆二十二年丁丑邑令李凌雲跋云此碑乃宋代黃山谷先生所爲綠菜贊也  
歷七百餘年矣向埋沒荒壤蔓草中字蹟僅存彷彿予甚惜之詢諸父老呈從前家  
搨出者書法瘦硬通神猶見涪翁筆意亟命召匠重鐫移之姜公祠內以留古蹟雖  
存什一於千百然幸則留不幸則聽其凋殘臍滅頓歸於盡蓋不勝今昔之感焉乾  
隆二十二年中秋邑令奧東李凌雲識

右宋紹興二十四年甲戌邑令閔李中跋文會附載清乾隆雅州府志黃山谷綠菜  
贊後文字脫誤甚多爰依康熙間竹全仁氏所纂邑志舊鈔本檢校多有增補然仍  
不無訛舛嗣復展轉覓得舊家鈔稿詳審重校文義乃順而於炎玉事蹟亦可見其  
梗概矣原碑石之上半刻山谷書贊行楷字長約二寸許其下半刻閔中跋文願理

沒荒壤蔓草中歷時既久風雨制蝕字蹟僅存彷彿乾隆二十二年丁丑邑令李凌雲按舊拓本重鑄原碑上方割棄闕中舊跋就其下方部位另鑄新跋移植姜祠故今碑上但見凌雲一跋而闕中跋無聞焉其重刻原碑雖未能傳山谷書法之神妙然數百年來古蹟賴以保存於世亦云幸矣惟闕中舊跋既係爲鄉賢楊學正異所作而於山谷贊末云云又爲其叙述源流之有自似終不可沒斯則望吾邑人士他日仍爲補刻一石附山谷贊碑之側俾後人觀覽而識頤末亦珍獲鄉獻之一端也按漢嘉人即雅安也張閔子闕以進士歷官眉州韶州諸知州卒於太常少卿凡三娶初娶胥氏生祺再娶錢氏三娶黃氏生祉即闕中跋稱少卿之室江南黃按察廉之女山谷姑輩是也祺以薦辟官火井尉歷嘉州司理參軍元祐四年己巳卒於果州山谷撰祺墓誌敘其惠政並稱道炎玉之賢時元符二年己卯距祺卒十年矣祺亦三娶娶炎玉最後山谷訪祉青神祺已早卒炎玉惇居雅州其甥異以大觀三年己丑進士適爲雅州學正故得時以甥禮謁炎玉與論學焉

宋宇文仕紹興聖德頌碑 明弘治十二年己未邑令李一本跋云是碑在縣城東一

### 蘆山縣志

### 卷六

里佛子崖按邑志謂崖在縣東三里之左右壁上縱橫各一丈有奇字畫徑四寸許年久埋沒於土其暴露於外者僅數十字而已一日庠生陳壽駱瑛以是告余余往觀之惜其擁積之厚未易快觀翌偕縣簿李公彪暨僧會圖傑監生駱興李憲胥賢張輔羽士駱文品等督命同井編氓具畚鍤掘之逾三日有成始得全文於黃壤中粵自紹興至今三百七十有餘載矣而是碑得見天日豈非好古者之難遇耶居是鄉者尙加愛護勿爲牧童敲火耕牛觸角可也弘治十二年歲次己未忠南李一本識按此跋雅州府志未載但於循吏志略謂明李一本思南人弘治中知蘆山縣事淹雅好學訪求古蹟得宋宇文仕紹興聖德頌碑於城南重刻之云云今觀原跋殊非重刻其籍隸忠南而非思南亦據一本跋尾自注明矣文仕以紹興二十六年丙子出宰蘆邑其聖德頌并序蓋爲宋高宗作也

宋宇文仕紹興聖德頌并序碑紹興二十六歲皇帝總攬權綱大公黜陟注意德臣使宅百揆聖賢相逢道同志合或因或革而庶績咸熙一都一僉而罔不被澤越明年廟堂胥議遠暨川蜀謂桃林放牛之後罷褒斜流馬之役民力未紓其弊安在降

自外司搜剔軍實推其有羨除對斛之未數削繖直之倍枯使田夫桑婦穀其腹而絲其身乃下詔曰朕念四川邈在一隅德意志慮懼勿克究晝夜以思安得一時承流宣化觀風察俗之吏與朕同心使遐方絕徼皆如畿內轂下不亦善乎又曰朕休兵息民之意爾等固知之矣惠在生而不傷厚而不困詎容煩役久爲民患於戲德意甚大詔旨甚切舉全蜀五十餘郡越大小邦罔不精白以承休德凡遠近谿谷山澤之氓井飲田食咸知帝力之所加邈爾邊邑卉服椎髻詔下之日悉來竦聽尙恐未諭微臣稽首南望播告之曰德莫大於生成恩莫大於養育方今廓天地之德施父母之恩却乃全其生而遂其養有君如此何以報之相視歎吁鼓舞而退是歲之彝倫攸敘百穀用成民有餘力頌聲四起採於擊壤帥民鳩匠摩崖大書上以述聖朝納民仁壽之域下以紀齊民歸美報上之心豈不爲萬世之休哉謹按漢王褒作聖主得賢臣頌徒出私意而不出民謠唐元結作中興頌功雖可紀而德無可錄曷若方今弭兵之後下輕徭薄賦之令歌詠聖德皆含哺鼓腹之民自當過漢軼唐增大雅之什矣臣昧死再拜潤色其辭曰天作炎圖鳥奕千載累洽重熙盛德光大寶

### 蘆山縣志

### 卷六

二十一

運中興上下交泰皇澤汪洋罔不霑溉僻陬輿壤尤托王靈中原俶擾獨此彌寧天雖設險衆志成城抵兵捍關下瞰三秦靈旂或指何征不克皇帝神武棄功就德一視同仁罔間南北斷自淵衷休師兩國吳越竦息齊楚來盟發弓束矢不假用兵井絡編列迄於升平初幼終老獲全此生向者雲屯開口仰哺流馬襄斜暴疾於路外府不給犒軍加賦雖率爾力保爾所聚今之講好乃爲息民外司過計覆獲其羸冕旒燭遺墜下絲綸削繖罷難戒諭丁寧惟皇建極歛時五福代天理物升之當軸都俞之間澤波遐服林林總總既生且育仰帝之德大矣乾坤懷帝之賜父母深恩萬口附和載之頌聲此山不朽刻之以文左奉議郎知雅州蘆山縣事主學事勸農公事兼兵馬司監臣宇文仕撰

清雅州蘆山縣楊土司和盟碑 在治城西川王宮內清順治十八年辛丑八月建立

蘆山縣儒學教諭高飛雄撰文碑末署名爲川陝總督李布政張雅州知州張光岳巡檢司魏恩鹽井所竹兆夢蘆山縣知縣周鳳儀督捕廳汪應浩六番招討楊光柱清順治十八年辛丑雅州蘆山縣教諭高飛雄楊土司和盟碑記楊司自唐以還世

爲邊城外衛遇有聖主當陽率先臣貢歷代俱有獎諭爲蜀西南之障久矣適寇變  
以來政令無緒殊方有失統之悲各以攘奪爲能今我大清廓關四海幅員萬有餘  
里東方日出之隅莫不來享德威所及全蜀砥平西南片壤近在衽席之內大司馬  
及牧伯懷而柔之聲教已訖維楊司忠樸純固矯首而倡曰我輩幸有主矣我民幸  
有歸矣我民與麓之民接壤而居可世爲僚友如昆弟以永世矣曷不證之神勒之  
於石以垂後乎幸逢我簡命周公蒞任茲土下車首以睦鄰爲務少宰汪廳勤勤及  
治信其言而嘉之以聞於公以達於大司馬僉曰俞哉我蒼黎童叟無不喜之楊司  
之於我實唇齒也何有貳心遂擇吉樵牛書天以盟曰爾毋我虞我毋爾詐出入相  
助和同室家有渝此盟靈神殛之執約以報於周公公曰誠然可告於天子可憲於  
四方可傳於史冊因復於大司馬牧伯州長而書其言於石

泉水源銘碑 在治東三里舊名泉堰卽萬斛湧泉之一民國十年邑令永川陳開靜  
作泉水源銘并序刻之於石開靜字遠峯永川人

民國十年邑令陳開靜泉水源銘并序碑己未春建昌道尹黃公聖祥以秘書召

### 蘆山縣志

#### 卷六

二十二

入幕得觀藝蒙平羌山水之奇次年冬備員斯土春節休暇借幕賓嚴佑新曹子餘  
學友鍾漢霄警佐李年煦管獄黃大珊出東門數里得井泉飲而甘之泉由地漬如  
散珠蓋湧泉矣銘曰泉水源者存其舊也泉流灌田百頃環而居者飲之壽多至百  
歲乃銘之勒於石洪濠旣判山澤氣通天綱濤濤潛演地中迤延八裔徂南極東脰  
渾涓滴井養無窮官書餘閒遊春卓午僚寮師師奚童楸楸落絮沾衿橫籐碍路瞻  
彼湧泉岷江之注沍淪地軸潰瀑橫斜鮫人泣珠天女散花澤潤百穀蕃殖滿家飲  
之壽考振衰返華勸農問俗里仁爲美壙哉坎德潤物無類於此將心心如止水甘  
露醴泉漢家之瑞

#### 文錄

清蘆山令李弘澤中秋徵詩啓

按此文錄雖州府志藝文其秩官載云弘澤字匯東大興監生康熙五十年任始興置事大爲民利歷陞嘉

定州成都府又云名山令署蘆山縣事有惠政大興弘澤出守蘆山亦在康熙間耳府志作宏澤

冀北狂生川南勞吏少年擲管曾漸摩于帖括之文壯歲分符未究心于聲韻之學  
矧今筆墨荒略蓋緣簿領沉迷十指搥懸寸心茅塞然雞林久隔每思吮筆而含毫

菽圃期深尤喜敲金而曼玉况當才藪敢負昌期序屆中秋時維既望正天香之乍  
試值秋色之平分兔影高懸銀界三千垂望遠蟾光滿佈金蘭十二逐人來棲鳥無  
繞樹之驚馴雀起棟花之舞琴堂晝永吏事餘閑因集東閣之英賢劈西巴之金粉  
會見盈箱芍藥聯翩異彩千重鈿看滿篋葡萄燦爛奇文百緝顧而樂之仰又何求  
然而原中麟鳳羅焉奚窮天上星辰摘之豈盡荆山有璞猶期大小俱來劍浦沉龍  
更喜雌雄並合况乎珠生合浦經日月而彌多木富鄧林歷風霜而益茂杜少陵江  
浦雪聲之咏律細晚年張平子平虛安處之年文章始見故光芒萬丈難掩屈賈諸  
君而正雅一朝尤屬幽燕老將特緘金簡敬達芸齋咳唾飛來一瀉銀河之潤指揮  
幸接如聞金石之聲謹覓珊瑚欄徐凌之筆容陳玳瑁裝逸少之書伏冀惠然慰余  
飢渴

蘆山縣志卷七

政略 知縣 知事 縣長

傳曰太上立德其次立功功德在世名垂不朽雖時移世易而民敬仰弗衰桐鄉之念  
峴首之思不其然歟夫政者正也自古以來爲政之道不一究其要正民愛民而已仁  
風邑里惠露黎元者其政豈有誤哉茲載循吏行政大略冀後之官斯土者見賢思齊  
以福庇我蘆邑則幸甚矣

知縣

屠懋雲南弭海人明正德間知蘆山縣事縣境與天全六番土司高繼恩楊世仁所轄  
之地相接壤二氏兇暴虐下恒侵界擾害蘆境劫掠田禾果實致爲民患懋以守土  
有責思有以禦之乃教民習弓矢靡不振奮人百其勇一日擒高氏用事豪僕繫縣  
獄高氏聚衆劫獄懋命其子追捕竟死於難而高楊二氏遂益猖獗合兵攻縣城赤  
地百里雞犬皆空懋亦與城同殉焉其後朝命游擊曹玉征之有司復謀以間謀先  
誘楊氏擒高繼恩然後縱高氏擒楊世仁均繫按察司獄斬之自是縣司界定邊患

蘆山縣志

卷七

乃絕皆懋以死勤事之功也蘆人德之改爲建屠侯祠於治南舊姜城縣署卽懋盡  
節之所血食千秋云

按蘆山南鄰高司在唐虞爲和夷在商周爲羌原無姓自高朗閭藏始以高爲姓另  
有土語字義云羌呼父爲爸卽此地也所謂和夷者以有田可耕音語相通而名之  
逮有明世襲天全六番正招討使雄長諸酋及蘆山令屠懋清釐疆界後漸純王化  
征奢酋及平遵義楊應龍屢有功明末甲申流寇入川成都失守獻忠調招討使高  
際泰際泰亦知其爲寇也不肯屈服賊兵壓境聲言盡剿際泰祖母張氏年九十三  
請爲質緩師抱病賊營際泰弟登泰代兄僞降救回祖母至新津蛇江河罵賊而亡  
此邊方之忠仁孝弟而不可泯者也賊以李國傑來知蘆山縣事際泰糾合黎州安  
撫司及楊土司護印夫人江氏攻國傑於蘆城雖殺賊官而土司頭目或報私怨或  
利財物蘆邑殺擄一空蘆人怨之及清朝定鼎際泰走至川北投誠而官土如故康  
熙五六年間縣正張啓鼎與際泰不睦稍有釁隙卽遍詳上憲縣司不相往來者數  
年迨康熙十一年際泰請老子高一柱襲職值吳三桂叛敗賊兵回滇所過殘破一

柱發土軍上守鎮西山口下守飛仙關隘叛兵不敢入蘆境蘆人遂德之其後四川總督勇略將軍趙良調棟一柱助官軍取小關山通建昌有功加都督僉事一柱生平寄興詩書不以是非得失爲榮辱年五十一始生子進征西瀘有功領賜恤賞錫以封贈康熙甲午子若璠嗣職辛丑遣兵爲破藏前鋒其地有賞番土茶康熙丙戌始領引納課六番冬春以嘉魚錦雞來聘如君臣禮女子成人來參始嫁土人信服入於肌羸居則爲民出則爲軍猶古制也其地與蘆連界自國家太平日久風教遠訖遂與蘆民日相親近宴飲和樂換工耕耘土人近蘆者凡布帛菽粟悉入蘆城貿易蘆人亦至始陽地方集場出入無禁故迄今多同化焉

蘆山縣西鄰楊士司楊氏自唐僖宗中和辛丑正月幸蜀扈從千牛衛將士十八人各屯於蜀之沿邊昭宗嗣位卽以汎地爲爵土故楊瑞與高士司分民而治土地相參土語相同歷宋元明授天全六番招討使司副招討使楊愈征奢酋戰歿蒙其獎祀明末楊之明糾同明宗室朱倬伊率兵拒流寇於蘆山飛仙關兵潰被執死於賊是時土軍頭目四十八人屢掠於縣殺擄尤甚自楊氏族民議立楊常爲官生平樸

## 蘆山縣志

### 卷七

實無華清朝定鼎之九年投誠爵土如故高撫軍云土司忠厚地方之福旣與蘆山連和縣司之間信安定矣又考楊士司自唐襲職適董卜韓胡內變沃日及瓦寺等處相繼盤據其後唐於烏思藏得堅參期結庶子雍中七立保襲厥職當路是焉康熙四十一年壬午國家聲罪西瀘楊士司奉命率所部攻巖州達岡功最著奉旨特加宣慰使司宣慰使賜恤賞封官土雖舊而銜名一新矣亦有賞番土茶康熙丙戌年始領引納課又彼世譜謂瑞爲唐赤泉侯楊喜之孫周唐侯叔虞之後理或然歟韓胡董卜者金川之屬地也元時勒朶進金川貢請董卜韓胡印歸遂負固不屬金川取六村撫而有之列川南五貢朝廷賜以雅州貢田其居處謂之瓦寺歷明世襲如故調征奢酋有功加宣慰使司照例進貢其地不能種禾黍惟麥稷菽豆而已以蘆山爲鹽茶路出蘆則靈關巡檢司盤查無兵器始放行至蘆舊大渡縣之東地名香房蠻店內暫寓縣人挾貨易之買鹽米茶斤卽回無敢有過河進城者奉上司調發則報明巡檢司巡檢轉報知縣處處相維節節相制其嚴如此蓋靈關一帶舊屬雅州及黎雅遊擊管轄故也明末己亥曾犯蘆燒掠房屋牛馬而去庚寅爲蘆山



頭張榮誘董卜入佔蘆山遂爲所據署榮等爲僞千總凡蘆邑錢糧府庫盡入董卜掌中紳士被辱專生殺者三載是時袁韜武大定等據嘉定雅州等處張榮又誘董卜出邛州城游擊文久元追至飛仙關兵寡不敵退回遂至嘉定請兵有司命左協張某進剿一從飛仙關方軌而進一從羅城新路出清源遮殺董卜殆盡宣慰土官僅以身免因縛張榮於小關子及其全家遂就戮焉宣慰土官無嗣以魚通外甥承繼絕其種類人以爲快其甥生烏兒結堅參期結二子清朝定鼎烏兒結嗣職性兇悍爲堅參期結所殺並囚烏兒結之姪高寨六村頭人欲爲烏兒結復仇謀奪高寨因殺堅參期結而高寨亦隨病死通事楊玉台等招沃日入據高土司際泰請調瓦寺兵追沃日入巢穴而瓦寺亦謀佔據董卜楊土司聞堅參期結尙有庶子雍中七立入西藏爲喇嘛使人覓之歸撫軍于公請命於朝敕雍中七立承襲而董卜始定雍中七立於康熙五十二年調征銅巢陣亡至韓胡地界北接金川雞谷西接西鑪木鴉烏思藏訖吐番南出蘆山靈關但今多爲天全所轄區域焉

堅參期結數傳後有堅恒貞者娶包氏二土婦大婦無子小婦有子年幼權以大婦蘆山縣志 卷七 攝宣慰使光緒三年小婦以子長急於襲職同伊大姑等毒斃大婦伊女省控委天蘆雅三知縣提驗小婦懼逃當有土棍王索索爲大婦黨景三爲小婦黨各糾衆互相燒殺礮磧夷人被傷甚夥遂千百爲羣蜂擁至蘆省憲派兵入境閭閻洶洶幸有王兩膏劉濟棠劉宅三何俊臣等會議募化米糧設推食局以鄉先生張還珠主其事將逃難來蘆家小日給米糧養活其得力夷人則仍使之返至穆坪糾合兵夷將景三計殺之又將王索索擒解伏法蘆始安靖其後有司蒸驗大婦尸骸確係毒斃遂將小婦等查獲亦置於法

雍正七年改六番爲天全州隸屬雅州府於是高楊二土司漸次歸順邊患乃息今則雅安天全等縣已由四川劃歸西康省治區矣附志於此以備考云

汪浩以明正德間蘆山縣典史署縣事繼繼之志欲復大渡舊城而形勢不便乃就姜城增拓廣築石城竭勞盡瘁時高楊二土司猶竊據水東西水等處不容管轄於是浩乃商之蘆紳李必欽李彥虎等以漢樊敏碑爲證具控於有司而界限始明浩又嘗請胡龍詣闕奏請自飛仙關溯流上周村壩隔糧坡水分心山分嶺縣司之界自

是亦定遠萬曆間司界銅頭地方復行侵奪奉檄雅州項聲國臨界劃分後竟無敢有越蘆邑寸土者汪公遠久之謀胡龍之留心地方項公之正直廉明皆大有功於蘆者也

金鼎祚當塗人於明崇禎間知蘆山縣事居官清苦才名卓犖及張獻忠陷蜀鼎祚闔家殉節貞固之操誠可照耀千古也清乾隆四十一年追諡烈愍

羅之熊字子濱陝西安寧人清康熙三十五年知蘆山縣事於時人民苦旱水利不興之熊乃教以修堰築堤之法至今猶利賴之繞城沫水梗阻人行猛浪若奔急湍似箭之熊創建鐵索橋長三十六丈廣四尺高三丈餘以利行人洵偉績也又復勸民除去雜植廣種桑麻不數年間四城垂蔭衣食豐贍禮義興焉

沈士本浙江進士清康熙三十七年知蘆山縣事愛民周至惠政最多以昇恒竹索橋易朽捐造渡船用便行旅縣人德之爲建立政績懋著坊士本解任時士民攀轅臥轍不得前行愛戴之誠無以加焉著有蘆留集二卷行世

楊廷琚浙江進士清康熙五十四年知蘆山縣事居官仁厚學問敦實廣徵文獻編修

## 蘆山縣志

### 卷七

四

呂乘蘆山之有縣志此爲權輿嗣以病卸任蘆民攀轅長泣如失所怙其倡修縣志卽竹全仁氏所纂志稿是也

魯符升福建晉江舉人清乾隆十年知蘆山縣事重修三鄉堰堤十餘處砌以厚石凝以油灰符升僕僕道途席不暇煖蘆邑水利因以大興德惠廣敷名宜不朽

馮蓮字清源北直交河拔貢清乾隆二十九年知蘆山縣事期年之間頒施德政復善折獄奸宄遠颺蓋其智慮明敏如此旋以政績遷忠州知州士民感載發爲歌頌去思之碑巍然在焉

謝生晉字三山清乾隆四十二年知蘆山縣事廉明勤慎建設最多培修聖廟改造學宮創興書院厥功甚偉他如羅公橋文昌宮及奎閣之重修補葺皆其力也先是金酋叛亂軍興之餘蘆邑地當衝要徭役繁重生晉因詳請豁免蘆民夫銀價一萬餘兩惠民最深嗣以病去莫不感泣

章學海清乾隆四十三年知蘆山縣事以所獲津貼銀六百兩交齋長生息每歲可得一百二十兩用作文明書院生童膏火詳見學校略中所載學海規定文明書院善

後事宜碑記其教化之功蘆人至今猶稱道之

楊所憲清嘉慶二十五年以進士知蘆山縣事重修文廟武廟咸賴其力尤能培植士子振興書院獎掖學術倡導德行文化之盛於斯爲美

段榮恩字樸菴雲南進士清道光九年知蘆山縣事凡十二載興學院建學宮補修文昌廟重築姜城樓善政最多高風亮節獨標楷模士氣至此爲之一振夫風俗之臧否端係一二人之心之趨向其是之謂乎

梁三亭湖南陵零人清咸豐中知蘆山縣事三亭以縣民瘠苦詳請豁免津捐闔邑感惠豐碑聳峙志其政績崇德報功不亦宜乎

李光祖陝西人咸豐九年知蘆山縣事明年庚申四月十五日藍大順以流寇由天全犯蘆勢張甚光祖親率鄉勇登埤守禦且設伏兵以擊之賊潰大舉反攻值薄暮矢石交集而士氣激昂固或畏退蓋由光祖晝夜督戰賊雖圍攻數十日終不得逞光祖繼與官兵內外夾擊賊敗潰由靈關渡河而逃及至綿州遂爲四川總督駱秉章所殲焉是役蘆邑擾亂百餘日而城中無恙卒獲保全先是邑人駱三美楊殿元

## 蘆山縣志

### 卷七

五

等作內奸光祖察覺收捕斬之其治事明敏類此逮同治癸亥二月二十七日石達開前隊由建昌至榮經避雅州迂道趨始陽經蘆山西境光祖復督邑紳劉萬選馮開舉李春發馮開科等所練協和團勇及省憲調來屯兵合邑紳胡興邦所募余廷斌率領之丁壯嚴陣以待賊不敢犯倉皇由周村崗奔叩嶺此光祖再全蘆邑之功實莫與倫匹改蘆邑人士至今德之宜其流芳乘美矣

復成滿州人下車未幾卽見蘆民苦寒困於衣食劬勞終日遑言學問乃詳請附加糧賦創辦義學七所自是貧家子弟漸習詩書普及教化成之力也

林清照字鏡如福建人以庶吉士改授奉節縣清光緒二十七年署蘆篆以屯穀害民詳請永遠裁革又嘗募捐學田嘉惠士子復興聖教功莫大焉

李遠榮湖北舉人清光緒二十八年署蘆篆廣增學田捐置校產學者益衆民智日新而其盡瘁宣勤編定保甲案無留牘獄無屈訟蘆邑治平之盛實清末所罕見也

#### 知事

羅致英民國二年知蘆事值叛軍首領陳步三由瀘關敗退從小道竄入天全未臨縣

境之先聞與天全官軍戰每戰皆捷劫殺甚慘邑人驚惶欲率團隊擊之然縣中苦少兵勇於是致英召集士紳會議策萬全之計星夜派隊埋伏如叛軍過境無撓勒燒殺情事則俟其出境追擊之如此庶免地方糜爛之禍會官軍由雅安馳縣卽長驅出青龍關夾攻叛兵敗走時致英復大事清鄉搜索殘餘並查獲陳逆潛蹤所在申報道尹杜公派隊至樂山生擒正法是役也能不動聲色殲厥巨魁雖收功於杜道尹而羅知事實與有力焉

縣長

張宗翹字鳳濱四川什邡縣人民國三十年十一月奉委蘆山縣長時值蘆山清鄉協助剿匪軍平定匪患旋點編團槍調整聯保並訓練壯丁三十一年十月上峯派大員檢閱蘆山成績列雅屬各縣之首蘆山糧稅自三十年改征實物因負擔過重宗翹迭呈懇西康省政府轉詳財政部核減結果得減少半數以七千九百零八石掃解成績爲本省各縣之冠嗣經財政糧食兩部記大功一次是年冬改訂科則宗翹遂同西康省田賦管理處委員劉祖蔭詳爲規等劃級復獲平允縣人故皆樂於輸

## 蘆山縣志

### 卷七

六

將其創設初級中校增設完全小學培修思延沫東兩鄉鐵索大橋與新建忠烈祠補築羅公堰均係政績之卓著者也邑人士沾其惠澤乃以萬家生佛四字暨碑洵非偶然

蘆山縣志卷八

職官表

書曰天降下民作之君作之師緣下民無識君以治之而君不能無輔弼故百官興焉  
書載唐虞之際十有二牧禮記夏后氏官百股二百周官則尤備矣自秦以來職官  
之數代有增益蓋世愈近而民愈衆事愈繁所以治理之者愈不易是故凡百制度  
由簡略而周詳隨時宜而有所改移此自然之理也昇平盛世治理得人則民受其  
惠若夫王道陵遲時逢批政雖官制完具而民不堪命豈爲政之道固不係乎職官  
之制度歟今表舉大略以備厚著故事多識於新之義云

職官沿革

蘆山縣漢晉時屬蜀郡文職設令一員隋唐屬臨邛設縣令一員宋屬雅州設知縣一  
員元省入嚴道縣屬嘉定路以上各代武職不詳

明時蘆山屬雅州文職設知縣一員縣丞一員主簿一員典史一員儒學教諭一員儒  
學訓導一員靈關巡檢一員武職設守禦蘆山鹽井所正百戶一員守禦蘆山鹽井  
所副百戶一員

蘆山縣志

卷八

清代蘆山屬雅州文職設知縣一員典史一員儒學訓導一員康熙三十年增設儒學  
教諭一員武職則於康熙三十九年設守備把總各一員康熙五十年黎雅副府李  
玉斯詳請奉旨撤歸守備

民國以來蘆山隸建昌道至二十四年改屬四川十七區行政專員公署二十七年八  
月雅屬劃歸西康直隸省府文職設知事一員十九年奉文改名縣長視學一員職  
同前清儒學教諭十五年改爲教育局長二十四年併入縣府第三科實業所長一  
員十九年改名建設局長二十年又改名建設科長二十四年亦併入縣府第三科  
財務局長一員二十四年併入縣府第二科征收局長一員十三年奉文由知事兼  
任之管獄員一員職同前清典史武職初設警佐一員職與清代末年之警務長同  
十六年改爲公安局長復改爲警佐屬縣府第一科又團務局長一員二十年團務  
局改保衛團設處長一員二十四年改保安隊設隊長一員二十七年改自衛總隊  
部由縣長兼總隊長省政府國民軍訓處另委軍事教官爲副總隊長民國二十五  
年奉文於縣長下設區署分三區各設區長一員二十六年改併第一二區爲第一  
區第三區爲第二區共計二區各轄五鄉至二十七年西康建省區署即廢









熙四年乙巳任捐

修天林溪張公橋

江舟棹康熙九年

庚戌任改建學署

連煬滿州人康熙

二十三年癸亥任

有均糧役碑示及

蕭曹廟碑記

孫安鏡浙江貢監

康熙二十五年丙

寅任修縣北馬口堰

段朝偉滿州人康

蘆山縣志

卷八

熙三十年辛未任

改學署於明倫堂

羅之熊字子濱安

塞蔭生康熙三十

五年丙子任有廣

福寺藏經樓碑記

沈士本浙江進士

康熙三十七年戊

寅任有蘆留集三卷

張緒字翼軒江蘇

舉人康熙四十四

年乙酉任蘆民立

有德政碑頌









蘆山縣志

卷八

豐九年己未任	姚贊謨同治六年	丁卯任	黃成采字振齋雲	南進士同治七年	戊辰任	李德蔭同治八年	己巳任建鵲起樓	劉建壇陝西人同	治十一年壬申任	嚴用勳光緒四年	戊寅任有昇恒鐵	索橋等碑記	魯培基光緒五年	己卯任	李崇忠廣東進士	光緒七年辛巳任	譚維鐸廣西進士	光緒八年壬午任	張祐字補堂光緒	十年甲申任	梁元吉山西優貢	光緒十五年己丑	任在任五年有創建	大神廟碑記	沈秉日金光緒十
					</																				











考者

	楊錦春邑人四川志誠法校畢業				王瓊久南溪人
以上視學				以上安局長	

右表遺闕最多或籍貫不明或年月失考或僅具官名一格未  
 知其人性字殘陋不全莫此為甚良由紅軍過境檔案一空茲  
 就周君志稿所載與耆老記憶所及以臚列之事屬草創故  
 多愆耳至於民國管獄員一職雖同前清典史而名位大遜  
 隸屬縣長故不列表

蘆山縣志

卷八

蘆山縣志卷八

蘆山縣志卷九

選舉表 科第 封蔭 法國

虞夏關門籲俊悉歸於忱詢迪知成周論秀書升惟準以德行道藝兩漢則孝廉賢良  
 茂才異等不一其途猶是言行並取自隋唐以下多設科目一似專尚藝文者然詞  
 章必導源於經史因此而聖賢之微言大義帝王之治法心傳以及名公鉅卿之奏  
 疏政蹟莫不講習於平時故一登科第亦能理煩任劇戡亂治平然則選舉之制豈  
 可厚非也哉蘆山本居偏隅然農服先疇士食舊德家絃戶誦爭自濯摩自漢迄清  
 二千餘年來登賢書而捷南宮者誠足爲一邑光其或敦行績學僅登薦辟與拔萃  
 科者又濟濟有徒卽此而言亦爲難能矣民國肇興廣設學校選舉遂停故今僅表  
 科第存梗概俾後之欲考蘆邑文風教化者得此亦或有所助焉

蘆山縣志 卷九

科第

時	代	姓	名	進士	舉人	副榜	拔貢	恩貢	歲貢	武舉
	宋	楊	與權	六朝三年己丑第廿五名進士						
		衛	彥裔	第廿八年戊午進士						
		竹	全中	壬戌明進士雖非正榜似可補入						
	明	張	斐		永樂二十六年癸卯第一百五十二名舉人					
		楊	鼎		永樂二十一年庚申第一百五十六名舉人					



蘆山縣志

卷九

竹全中	竹枝揚	竹全任	竹全志	竹為翊	竹承基	王文澤	舒應祖
乾隆元年丙辰恩科第八名舉人	乾隆十五年庚午第三十五名舉人	乾隆十八年癸酉第九名舉人	乾隆三十六年甲申第七名舉人	乾隆四十五年庚子第五十五名舉人	同治三年甲子第五十五名舉人		
						乾隆三十五年甲申到榜	乾隆三十九年甲申到榜
		拔貢年歲無考					

衛萬詳	王運通	張玉柱	竹錦雯	陳繼唐	周瑞岐	陳志道	王家煥
乾隆五十七年壬子到榜	同治十二年癸酉到榜	咸豐十一年辛酉到榜	同治十二年癸酉到榜	光緒十一年乙酉到榜	光緒二十三年丁酉到榜	宣統元年己酉到榜	宣統元年己酉到榜















李成宗	樂敏元	竹茂修	程世昌	王宣	蘇乾	李鳴玉	樊啟閻
歲貢年歲 無考	歲貢年歲 無考	歲貢年歲 無考	歲貢年歲 無考	康熙二十三年 甲子第二十二 名武舉	康熙二十九年 庚午第十八名 武舉	乾隆二十六年 辛卯第二十七 名武舉	乾隆四十四年 乙亥第三十七 名武舉

高三合

右表所列實為荒陋稽考無從蓋闕如也或謂民國參政議員亦應臚列不知議員雖由選舉而權在人民與昔異制弗能相混或以之列入宜達者義亦未允審其名實不與選舉職官同科用是另列法團於後以備查考

封蔭

衛彥裔 宋高宗時進士浙江嚴州府金華縣知縣陞河南南陽府知府調西路轉運使遷兵部右侍郎資政光祿大夫留守汴梁加封都督府驃騎將軍妻安黃氏誥封恭人賜敕命二道

制曰資爾兵部右侍郎資政光祿大夫衛彥裔勳理五兵參稽九法寓輕表於樽俎聿成假草之風膺重寄於韜鈴樊舉誥戎之典茲以朝臣歐玄等與爾為汴梁行省留守驃騎將軍尙其謀猷豫整簡精嚴功成之日賞賜重頒汝往欽哉

制曰資爾汴梁行省留守驃騎將軍衛彥裔捍禦中原奠安闔內封豕長蛇凜紫電

清霜而遠遯城狐社鼠畏衷胆赤肝而潛消堪稱鎖鑰不愧長城特遣翰林侍講黃潛善視師隨加獎勵尙其永篤忠明倍加防禦務使黃河一帶烟消霧空迄今大江以東塵滌穢靖聊錫紫約之褒賜上方之劍飲哉

竹銘 明洪武二十五年實封百戶守禦蘆山縣鹽井詔賜鐵券

詔曰會際貞元類多節烈時當亨泰必樹屏翰咨爾竹銘元汴梁留守竹真之孫成都龍泉衛右衛指揮使竹斌之子派演孤竹永續中子之傳嗣繼夜郎不廢施州之祀世既篤於忠貞義應錫夫茅土特實封百戶守禦蘆疆予以鐵券勿謂菟矣山城實爲鎖鑰之寄茲且爰及苗裔毋忘繼序之恩寶朕之命與國同休欽哉

王忠 明洪武二十五年實封百戶與竹銘同詔

詔曰昔者先王之治天下也必資威武以安黔黎未嘗專修文而不講武朕特例古治設武職以衛治功受斯任者必忠以立身仁以撫衆智以察微防姦禦侮機無暇時能此則榮及前人福延後嗣而身永昌矣敬之勿忽

案舊志作十三年誤也竹氏家譜洪武十三年傅國公平雲南元將竹八原名長子

### 蘆山縣志 卷九

十一

斌舉兵歸附奉封四川成都龍泉衛右衛指揮使斌卒無後八弟信襲職隨誌管侯征松潘麓州等處陣沒從子友亮友亮子昇孫英俱被害復以八季子十二襲征建昌失利降世襲百戶昭信校尉屯新繁右所十二卒子銘襲洪武二十五年壬申特移守禦雅州蘆山縣鹽井所有詔賜鐵券實封百戶作志者據家譜殆譜以竹斌受封之年爲竹銘移守之年也又譜以平雲南在十三年亦誤明史洪武十四年九月命穎川侯傅友德爲征南將軍永昌侯藍玉西平侯沐英爲副將軍帥師征雲南冬十二月傅友德等下曲靖元梁王巴咱爾幹爾密走普寧自殺藍玉沐英遂克雲南十五年春二月藍玉沐英克大理擒土酋股世屬郡悉下雲南平是十三年乃十五年之譌也傅國友德也時爲穎川侯至十七年論平雲南功始進封穎國公

竹鳳 明成化五年特加行營都督僉事榮祿大夫襲封百戶

張斐 以廣西道監察御史敕授文林郎

明正德十年賜張斐敕命三道

敕曰咨爾廣西道監察御史張斐膺茲繡衣之任無愧驄馬之風敕授爾文林郎汝

往欽哉母替朝命

敕曰咨爾廣西道監察御史張斐命妻路氏克相其夫而已早喪特敕授儒人爾其有知服斯榮寵

敕曰咨爾廣西道監察御史張斐繼妻馮氏無忝內助實顯型于特授儒人既受寵章益勵節操

竹會陽 以子密貴贈維摩州知州文林郎明萬曆四十四加贈奉直大夫

明萬曆三十九年賜竹密敕命四道

敕曰自昔孝弟力耕之科與明經並重朕思得若人以表彰之况其子用經學顯而鬱爲循吏者哉爾竹會陽乃湖廣寶慶府城步縣知縣竹密之父恬澹性成塵氛習遠逃名鴻隱里慕式廬之風積慶燕胎家承作子之則績已襄而教闡祿不逮而年遠是用贈爾爲文林郎湖廣寶慶府城步縣知縣表晦德於彤綸賁幽光於石節

羞山縣志

卷九

十一

於占鳳允文教迪於和熊瞻製錦之成諭爾趨機之自導與弗違執器可思是用贈爾爲儒人龍光賁錫於樹萱馬鬣增光乎宿草

敕曰朕按邵陵當荆襄之末垂非得近民之吏綏靜而煦煦之曷嘗有寧字哉爾湖廣寶慶府城步縣知縣竹密操持峻潔器識宏深筮仕明廷守官茂宰乃能四知飭己秉廉善以矢勤五事宜民酌張弛而成務邑靡谿山之警人獲阡陌之安丕嚶最聲達於聽聞是用授爾階文林郎錫之敕命夫漢世之儒蘊則明經試則循吏其功業赫然何所不可至也尙益篤初忱以厚自樹勉朕且有不次之陟欽哉

敕曰婦人從宦於谿谷之間而能以筭鑰佐政勞旣至矣譽亦彰焉國是以有階榮之典爾湖廣寶慶府城步縣知縣竹密之妻鄭氏賦性柔嘉寤躬端慎杼機佐下幃之業藉藻揚中饋之芬迺服編以從官爰鳴琴而贊治愷悌之績爾實襄之是用封爾爲儒人祗迓象服之休益效燕私之儆

明萬曆四十四年賜竹密誥命四道

制曰朕嘉人臣敬事之忠而曲體其顯親之志於是崇共禰廟賁以綸章庶孝勸忠

乎在爾贈文林郎湖廣寶慶府城步縣知縣竹會陽乃原任雲南廣西府維摩州知州竹密之父敦倫樂善扶義好施孝友著於鄉評義方衍爲庭訓爾子服官州牧蔚有能聲爾之明德遠矣是用加贈爾爲雲南廣西府維摩州知州龍章歆再荷之榮馬鬣衍無疆之慶

制曰孝子之於慈母也念其夙劬故執器則慕列鼎則悲匪籍寵綸而風本之德何能釋矣爾贈儒人劉氏乃原任廣西府維摩州知州竹密之母稟訓矜襁揚芳沼泚餐饋必恪雅追相汲遺風簪珥會捐不異柳丸懿範爾子四履宜勞爾三遷啓祚宜申國寵以表家祥茲用加贈爾爲宜人揚顯號於萱庭慰慈靈於蒿里

制曰州長吏號親民而滇南諸郡去神京萬餘里望澤難霑非得賢守牧誰與任宅生之寄苟有善政簡在朕心爾原任雲南廣西府維摩州知州竹密才優幹濟志勵清修實籍蜚英花封展采爰從民譽晉綰州符而爾滿腔推誠惟崇愷悌之實凡百振刷力求安集之方節比懸魚譽騰樓鳳萌黎安堵夷俗響風所司以最績上聞是用授爾階奉直大夫錫之誥命夫便文之吏日偷惻怵之吏歲計爾既歷試有效矣

### 蘆山縣志

#### 卷九

十三

其式敷民德永肩一心以稱朕子惠元元之意惟予嘉汝欽哉

制曰滇池屬在天末而婦人周旋以從官蓋其勞也矧內德之美有光於士業者哉爾任雲南廣西府維摩州知州竹密妻封儒人鄭氏女誠夙閑壺儀允迪佐績而篝燈有耿績饋而餐殮孔明爰宣譽於中閨肆贊績於南服瞻此鳴琴之化式惟贈佩之音是用加封爾爲宜人祇迓鸞書增修燕傲

明萬歷四十五年賜湖廣楚府長史攝鎮國將軍竹密敕命

皇帝敕爾竹密楚藩封建實本太祖雲夢塗泥衡陽阻塞維翰南國是式今者樊山喬頽蘆洲梓折藐茲幼王甫膺重寄長史之職藩封師保護導難辭功罪惟均且風標以悍氣銳以剛矯枉繩直責有攸歸凡王敕開載應行事宜勸查欽遵照例一體奉行封疆大臣蕩檢踰閑爾宜代王奏聞竊發小醜延蔓影著爾宜協同剿滅中外衛尉共論守法水陸界予恪嚴其程毋多養孽畜擾我民生毋不時田獵敗我禾稼多方開導因時啓沃口使永保金甌長荷帶礪嗚呼江都有仲舒之賢而驕勇之氣賴以化淮陽得汲黯之重而清寧之風因以成爾其恪遵朕命毋忽



明萬曆四十六年賜竹密詔

詔曰爾前授奉直大夫今湖廣布政司參政道僉事暫假廣西六越駐鎮府行營都司竹密值士官無何普明藐抗王章勸勞天討爾能潛謀擒剿歸獻罪俘一紙勝十萬之師三捷應九重之意使南服有慶西顧無憂特錫獎詔進爾階朝列大夫用酬爾勳欽哉

陳訓 以子萬策書明崇禎四年敕贈姚安軍民府通判承德郎

明崇禎四年賜陳萬策敕命四道

敕曰夫士不論起家而能宣教誨又能使其子克守一經服官以贊股肱郡爲理者朕亦有賴焉乃未沾顯命良用惻然爾原任蜀府教授致仕陳訓乃雲南姚安軍民府通判萬策之父積學盛年累冠多士風雲有待得桑林之好昔時命不齊就泮水而拔雋攜贈言之僕酒登瑞采之饌堂四地名師知問字者躋重葺月設教見獎激者文盈乃桃徑旣成鯉庭獨切乞身教子意猶美於尊壚家塾官碑人皆感於風露良猷未竟盡在來茲是用覃恩贈爾爲雲南姚安軍民府通判承郎綸緯映於舊甍

蘆山縣志

卷九

十四

松楸永其新服

敕曰婦人事夫貞勤佐讀而卒跋涉寒官卒勉其子於有成不得身享之者朕至憫焉爾王氏乃姚安軍民府通判萬策之母毓秀名門推揚女史少知卻詐從其父以服官長而宜勸其夫以遠志事堂上以明發孝德可風教膝下以邁征母儀斯美鹿門宜遂長驤鶴野已奏高音茲用贈爾爲儒人遲就養之潘車永沾恩乎梁案  
敕曰鄒吏親民詎易遠哉朕子黎元良慎重推選卽塗轍不一意每重經明行修之士以其鑑古醒躬中無濡染不至賸民以生也矧能以詔聲著者乎爾雲南姚安軍民府通判陳萬策高標峻宇寔意濟襄事上治民盡出早歲之經筵割庖代俎尤見救時之藥囊旣施聲於黃堂復宣勞於赤檄新猶獨譽不煩長吏問權酷夙弊盡釐無使姦胥成雀鼠披不疲之秦鏡幽影畢形照迅括之吳鉤盤錯立解才餘游刃譽重如璋茲以覃恩授爾階承德郎錫之敕命夫佐政之難矜肘苦於不調犬牙易於相摩爾勤心撫字裕國之能已見矣尙其靖虔爾位朕嗣有後命

敕曰臣子博一命佐黃堂之理古以琴瑟方之治道必內有佐之者乃可一其心以

及公非僅閨美侈談已也爾雲南姚安軍民府通判陳萬策妻田氏靜莊植性淑慎  
· 視題名伐毓根以推布爲蓄德華撫結皖如矜聲之告歲視政雞鳴續前人之旦火  
觀祥鵠下待君子以宵征懷恪敬於閨庭瞻宣勞於良吏茲封爾爲儒人既渙綸以  
從貴益警枕以襄勤

竹節 以破寇功明萬曆四十五年詔加行軍司馬定國將軍

按右護軍實封武德將軍百戶如故

明萬曆四十五年獎竹節詔

詔曰汗馬之功古今所重平賊之力才智爲先爾武德將軍守禦蘆山百戶竹節邊  
卒禱判會之壘孤旅殲堅壁之鋒關河霧塞壯士氣於石門洞塞雲連振軍威於松  
嶺經略摺奏侍臣抉勳權假先鋒之任勦爾效忠之心加以行軍司馬定國將軍右  
護軍實封如故尙其摩厲以須早奏乃績欽哉

竹錫齡 以子瑄賞清乾隆二年覃恩敕贈修職佐郎

清乾隆二年賜竹瑄父母敕命二道

## 蘆山縣志

### 卷九

十五

制曰設官分職昭器使之無遺錫類施仁嘉蒙恩於伊始爾竹錫齡乃四川潼川府  
三台縣訓導竹瑄之父秉心瀟灑飭行端方教誨敦式毅之勤政事本貽謀之善茲  
以覃恩敕贈爾爲修職佐郎四川潼川府三台縣訓導錫之敕命於戲一命得以逮  
親遂膺曠典庶政期於稱職篤遂休光

制曰登皇路以馳驅忠原本孝入庭幃而侍養嚴必兼慈爾四川潼川府三台縣訓  
導竹瑄之母袁氏性本和柔飭矜聲於闈內教惟勤慎紆章服於庭前茲以覃恩  
贈爲八品儒人於戲所親邀優渥之恩勉思撫字有子效靖共之誼永表徽音

竹芟 以字全中貴清乾隆十六年覃恩敕贈修職郎

清乾隆十六年賜全中父母敕命二道

制曰任使需才稱職志在官之美馳驅奏效報功膺錫類之仁爾竹芟乃四川成都  
府金堂縣教諭引見授山東東昌府館陶縣知縣竹全中之父雅尙素風長迎善氣  
功治克勤於庭訓箕裘不裕夫家聲茲以覃恩敕贈爾爲修職郎錫之敕命於戲肇  
顯揚之盛事國典非私酬燕翼之深情臣心彌勵

制曰奉職無愆獎著勤勞之績致身有道宜酬鞠育之恩爾四川成都府金堂縣教諭引見授山東東昌府館陶縣知縣竹全之母張氏淑範宜家令儀昌後早喪夫而教子俾移孝以作忠茲以覃恩賜贈封爲八品儒人於戲賞象服之端嚴誕膺鉅典錫龍章於渙汗永播徽音

駱良選 以子萬成貴清咸豐十年覃恩贈爲武略騎尉

清咸豐十年賜駱萬成救命四道

制曰寵綏國爵式嘉閭閻之勞蔚起門風用表庭闈之訓爾駱良選乃四川太平營千總駱萬成之父義方敢後毅似光前積善在躬樹良型于弓冶克家有子拓令緒於韜鈴茲以覃恩贈爾爲武騎尉錫之救命於戲錫策府之徽章洵承恩澤荷天家之休命允賁泉壤

制曰怙恃同恩人子勤思於將母赴桓著績王朝錫類以榮親爾黃氏迺四川太平營千總駱萬成之母七誠嫻明三遷勤篤令儀不忒早流珩璫之聲慈教有成果見干城之器茲以覃恩贈爾爲安人於戲錫龍綸而煥採用答劬勞被象服以承庶允

### 蘆山縣志

### 卷九

十六

光泉壤

制曰國恩覃布尙動鼙鼓之思武備勤修允重干城之選爾四川太平營千總駱萬成才勇著聞韜略嫻習戎行整飭具知士卒無譁軍政修明因見附循有素欣逢慶典宜煥溫綸茲以覃恩授爾爲武略騎尉錫之救命於戲錫策府之勳名祗承休命荷天家之光寵勿替成勞

制曰策府疏勳甄武臣之茂績寢門治業闡賢助之徽音爾四川太平營千總駱萬成之妻文氏純質名聞作嬪古族擢蘋采藻夙彰宜室之風說禮敦詩具見同心之雅茲以覃恩封爾爲安人於戲錫龍章於闈闔惠澤旁流荷嘉獎於絲綸芳聲瀾邵駱際泰 以子志道貴清同治三年誥爲朝議大夫

清同治三年賜駱志道救命四道

制曰任使需才稱職志在官之美馳驅奏效報功膺錫類之仁爾駱際泰乃候選訓導保舉選缺後以州判儘先用五品頂戴加二級駱志道之父雅尙素風長迎善氣弓冶克勤於庭訓箕裘丕裕夫家聲茲以爾子克襄王事贈爾爲朝儀大夫錫之誥

命於戲荷龍光之寵錫國典非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾程氏迺候選訓導保舉選缺後以州判儘先選用五品頂戴加二級駱志道之母淑範宜家令儀昌後早相夫而教子能移孝以作忠茲以爾子克襄王事贈爾爲恭人於戲賁象服之端嚴誕膺鉅典錫龍章之渙汗用表榮施

制曰廣學校以儲才實資設教任師儒而造士尤貴和衷爾候選訓導保舉選缺後以州判儘先選用五品頂戴加二級駱志道共襄樂育克佐甄陶訓諭諸生人品每期其整飭導揚雅化文風常勉以振興茲以爾克襄王事授爾爲朝儀大夫錫之誥命於戲贊啓迪以無愆嘉賢能而用勳欽茲寵命勵乃官方

制曰恪共奉職良臣既殫於心貞順宜家淑女爰從其貴爾選訓導保選缺後以州判儘先選用五品頂戴加二級駱志道之妻程氏含章協德令儀夙著於閨闈黽勉同心內治相成於夙夜茲以爾夫克襄王事贈爾爲恭人於戲口口載煥用褒敬戒之勤翟服欽承益勵柔嘉之則

### 蘆山縣志

#### 卷九

十七

駱志敏 以子家驥貴清光緒二十二年敕贈修職郎

樊啓榮 以兄啟閻從征金川陣亡無子承襲雲騎尉世職

程宏業 以父某廩生從征陣亡承襲雲騎尉世職

#### 法團

縣參事會 清宣統二年成立民國五年裁廢

縣議事會 清宣統二年成立民國五年裁廢

縣黨部 民國十四年成立設執監兩會十七年軍行登記設指導委員三人

教育會 民國元年成立

農會 民國元年成立

商會 民國元年成立

工會 民國元年成立

財務委員會 民國二十五年成立初名地方稅收支所繼改爲財務局現奉令併入縣府始改今名

抗戰後援會 民國二十八年成立

動員委員會 民國二十八年成立

兵役協會 民國二十八年成立

禁煙委員會 民國二十七年成立

新生活運動促進會 民國二十四年成立

義務教育委員會 民國二十七年成立

蘆山縣志 卷九

蘆山縣志卷十

列傳 忠義 孝友 名宦 隱逸 列女 仙釋 閩訪

易曰觀乎人文以化成天下蓋天地定位惟人參之其得至大至剛之氣發為忠義節孝之行者可以炳耀日星而狂狷之倫或游俠或棲隱亦足使百世之下聞風興起其人既往惟史可傳故昔賢有尊史之論而傳以傳人於史為尤要焉蘆山地僻民淳風俗之美聞於鄰邑隨俗雅化固在為政者之設施而先賢高義後來取式亦烏可以無遺乎因旁蒐遺逸網羅舊聞將以發潛德之幽光垂懿範於來葉覽者當亦樂於斯也

忠義列傳

張斐 程翔鳳 程子註 程氏六烈

周復生 程步雲 附周復生傳 樂以琴

張斐縣北清源鄉人天質穎異幼好學嘗讀書白塔寺中明英宗正統時由科甲銓入仕版曾捐財輸粟培建白塔寺殿宇武宗正德初任廣西道監察御史正德十年武

蘆山縣志 卷十

宗賜斐勅命勅曰咨爾廣西道監察御史張斐膺茲繡衣之任無愧驄馬之風特勅授爾文林郎汝往欽哉毋替朕命旋陞江西布政使司布政使去職後流寓贛垣正德十四年寧王宸濠謀亂殺巡撫都御史孫燧及副使許逵執御史王金主事馬思聰金山參議黃宏許傲廉布政使胡廉參政陳杲劉棻僉事賴鳳指揮許金白昂等下獄時斐陷於九江宸濠集兵十萬命其承奉涂欽與素所蓄羣盜閔念四等分兵略南昌九江城破斐赴水殉節是年七月王守仁擒宸濠械送京獻俘亂遂平然斐之屍卒未獲焉嘉靖初沅陵歐公來守是邦商同縣紳請崇祀鄉賢並配享明殉難邑令屠公禱刻有木像供列屠侯祠邑人士於每歲中秋後一日以少牢同致祀並立大方伯木枋以紀念之斐著有康公廟碑記存邑志中

程翔鳳縣南水東鄉石佛溝人與兄翔鳳皆為明崇禎時舉人幼同讀長同仕嘗以忠義相規氣節相尚人多敬懼之翔鳳官至監軍督糧道翔鳳歷官邛州州牧陞威州兵備松茂道特加監軍僉事崇禎十七年督兵與張獻忠戰於蜀南青彭一帶兵敗

盡節

程子註清道光時邑廩生賦性豪俠習拳術故邑令委之練團命其部伍之名曰協和團由子註統率焉及咸豐末藍逆大順因販煙保幫於雲南勢漸大人愈衆邑令諱盜不敢報蘊釀既久遂生變官兵逼入川境由會理西昌竄擾榮經子註恃其士卒精幹善戰請命於邑令選率團勇五百名奮鬥於榮經城外以牽制城內之寇意在禦寇於境外使不敢由天全夾口石經一帶以窺蘆境殊不意賊初戰失利即分股由左右兩山背而夜登山嶺及天曙鳴鼓奮譟而下勢甚猛子註倉猝不及防炊具棚帳無暇顧悉棄之指揮團勇血戰鎮日夕陽將沉尙未早餐而後方部隊先已被賊隔阻於夾口外無法增援子註瀕裏創屢戰連殺十餘賊環視從者僅二十餘人糧斷援絕自思難出重圍遂相率泅水渡河再謀整理適值黑夜力盡殉難計是役陣亡及赴水溺死者百有八人焉縣人惜之錄其姓名於木牌送入忠烈祠秋祭致祀百有八人名另列入關訪列傳云

程氏六烈者邑南水東鄉人以昆弟行均名列膠庠明末張獻忠據蜀召全省士子赴成都應鄉試及入關後即以兵圍之駢戮於城南武侯祠蜀中士子爲之一空如違

## 蘆山縣志

### 卷十

令不赴試者責其邑令邑令督其家長先報學冊有逃逸者按名捕拿並誅其家長故無一幸免焉程氏六子奉召後遵限趕赴成都其前五子先期早到惟有第六子因病後緩行策馬走至邛州南橋橋斷墮焉傷及腦部遂返私從山徑歸及抵家聞五兄咸遇害驚懼無措旋卒家人恐邑令偵知隱喪不敢舉暗檢其五子衣冠及第六子遺骸叢葬於鄉之大面山迨獻忠被清肅王射殺蜀亂尋平鄉人乃立碑識之曰六烈墓因當時不敢揚其事故其名久湮無考

周復生初名燧文字聯璧邑西街人天資聰慧幼畢業於雅州府中學堂考入四川法政學校肄業二年曾任大邑洪雅等縣承審及成都水利府科長四川高等審判廳推事及四川各軍秘書諮議全省團務參事等職民國十六年奉中國國民黨四川省黨務指導委員會委派爲蘆山縣黨務指導委員辦理重行登記事宜十七年十一月適值團閥滋事有龍門鄉團總駱璧修者率衆入城復生死於難嗣經中央黨部常務會議決議照章矜恤並由四川省黨部舉行追悼大會以慰忠魂其詳細事蹟採入黨史又有幹事程步雲者係雅州府中學堂師範班畢業曾任本縣視學及

高小學校長等職適在黨部協辦登記亦與復生同時遇害縣人情之

樂以琴邑中大水塘人民國二年生幼聰穎好讀書自雅安明德小學及明德初級中學畢業後復卒業于成都華西協合高級中學爲人沈默寡言而體魄雄健雅善運動曾代表四川出席全國運動大會作選手獲錦標旋入山東濟南齊魯大學肄業會日本佔我東北四省復欲併吞華北繼來相逼國人憤甚以琴怒告人曰男兒身當殉國何以家爲乃今可以實行吾志矣於是假裝南下考入杭州中央航空學校畢業後任中央空軍第八隊隊員繼遷中央航空學校教官後由空軍分隊長而中隊副隊長而中隊長數年之間名聞海內空戰技術莫不嫻熟民國二十六年七月日寇來侵神州鼎沸飛機肆虐重炮狂轟戮我民人毀我城市罹禍之慘古今以來所未有也於時以琴由華北奉命南調守杭州八月十五日寇以木更津隊來襲寬橋木更津隊者日本最精銳之飛機隊也機械優良雄視一時以琴乘二千二百零四號之驅逐機應戰奮其智勇直入隊中日機變其隊形以數機圍攻之以琴上下翻騰左右衝突或仰昇若燕或俯墮如鷹掃蕩縱橫回翔飛舞日機時散時合竟

## 蘆山縣志

### 卷十

無法以擊之以琴忽轉至一機尾後急發機炮中油箱火起下落復側擊一機亦墮於是木更津隊敗績倉皇東遁以琴追至曹娥江上又毀二機盤旋下降沒入水中是役也我軍大勝共滅日機六以琴卽擊其四豈不壯哉八月二十一日寇以大隊飛機轟我滬西陣地戰方酣以琴忽出現於萬尺高空倏然下射迅若閃電殲其二機敵遂敗逃自是日寇喪膽最畏以琴若見二千二百零四號之驅逐機卽四向飛散不敢一鬥國人譽以琴爲江南大地之鋼盔洵不過也未幾以琴拱衛首都離杭西上時於南京上空消滅勁敵日本之木更津隊遂於兩月之中全軍覆焉吾國防空委員會總計以琴毀敵八機國人聞之愈加愛敬然而日寇之恨以琴者益深欲死以琴者益衆十二月中日寇空軍大至獨攻以琴門良久以琴以衆寡懸殊勢漸危殆寇機多乘復凌高以擊之以琴之機因受重傷不得已棄機下躍狀若已死離地八九百尺始張傘墮勢漸緩而日機遂擊不捨以琴遂被害焉初以琴將出戰有友告之曰余聞敵軍見二千二百零四號之飛機卽知君至自相驚惶常多敗亡故敵之注意君機而謀害君者久矣盍易諸以琴曰不可日寇素謂中國無人苟吾



機果能使之震懼則彼寇豈敢復輕中國人哉且以身許國大丈夫分內事耳安可貪生以示弱乎竟不易而卒以此殉國悲哉

孝友列傳

胡元雍

張志賢

張浦

譚黼臣

唐維周

任體良

任體芳

以上二人合傳

姚沛澤

姚子澤

以上二人合傳

李懷忠

胡元雍字玉南邑城內人胡經定五世孫年十二遭獻忠之變父兄伯叔皆遇害既而土寇破城元雍負母避兵幸免於難母病床褥三載偕室人俞氏親奉湯藥甘旨無敢或缺三年如一日母卒守禮如儀屏酒肉寡言笑服闋乃已兩弟被寇擄日夜號泣遍訪遐邇久之得踪即以重金贖歸寇感其義願減贖金且相戒曰胡公今日之仁人孝子也我輩不復侵犯矣元雍生平淡泊自守惟以耕讀教子孫卒年九十歲後次子聯雲以舉人任羅源知縣人咸以為孝友之報云

張志賢邑城內人性簡易為人樸實以負販起家生平篤於親雖菽水飢粥務博親之歡尤鍾愛其弟撫育成名矜寡恤孤賑窮濟乏略無吝惜之容居常規勸里黨子弟

蘆山縣志

卷十

率以敦倫重義為先邑令詳列事實以聞奉藩憲李轉詳給以孝友可風匾額用旌其閭卒後葬於思延壩迄今墓碑屹然猶存邑人士過遊其壟者莫不景仰其高風焉

張浦字還珠清文庠邑城內人生平不慕榮利樂育後生成豐十年藍逆大順竄縣圍城奉邑令札委辦團保護事平獨辭保獎穆坪土司境內有漢人景教師者素恨土司仇視漢族聚徒倡亂夷漢居民避兵來蘆浦募捐米糧設推食局以賑濟之使老弱得所強壯補充團隊返坪靖亂蘆境得以安全其設教也不專重課藝以德行為宗朔望必講授先賢先儒嘉言懿行門下廬增附貢實繁有徒咸沾雨化莫不教品崇實縣中學風為之一變焉惜晚年無子不免有伯道之傷沒後門人感其德集資營墓並起一崇師會於每歲清明節掃墓致奠迄今未衰刊有遏愆文註釋行世

譚黼臣本四川華陽中興場人清光緒初以醫道來蘆愛此地風俗樸厚民鮮詐訛遂家焉先是邑令梁公元吉在蓉時與黼臣為舊好有疾輒延診視甫下車聞黼臣已在蘆即召入官廡坐談良久問以民情習尚黼臣曰蘆雖彈丸民多渾厚可臥而治

也黼臣既精岐黃且善炮製故名聞鄰封卽天全穆坪兩地官紳多常延爲診疾每奏奇效居恒與外委唐公維周尤相善儒學譚公懿修又係其嫡族因見黼臣已起家急宜強宗固本黼臣乃於赴蔡省墓之便邀其六第七弟徙家來蘆共展醫業蓋兄弟恭肅於天性後二十年遂成巨族

唐維周本四川灌縣人清光緒初以駐防外委來仕於蘆性情肫摯磊落善飲喜客又好濟窮乏疾苦終年研製丸散諸藥以施人故舊不能自給者必稱量予助尤備盡孝友其母老素有瘋疾維周朝夕善事務得其歡心躬爲浣濯偶感風寒彌月不起維周親嘗藥餌終夜守侍又爲之禱於縣西北靈鷲山於每年十月初十日由汛署出發一步一跪拜香至山頂光相寺泥濘滿身雨汗透衣凡一十五里誠孝格天母疾果愈故縣人稱爲唐孝子民多化焉在縣居官幾二十年生五子長次早殤三名步瀛六名步霄女二長適傅琴生次適曾文潔皆邑中望族學界優秀光緒末維周調升雅州府守備旋升署打箭爐阜和協都司裁撤制營後卽挈家返蘆因家於斯儒學教諭富順廖湛華贈有忠孝抒誠匾額以彰其德其子步瀛歷任四川軍政要

### 蘆山縣志

### 卷十

五

職另詳名宦傳六子步霄亦歷任川省財務稅捐各要職

任體良體芳兄弟邑北清源鄉任家壩人屢世忠樸以農起家富冠全縣體良仗義疎財其弟體芳效之昆弟二人素好義舉創修隆興場鉄索橋約費一萬餘金鄉人咸欽仰之名其備曰華墓橋光緒初復修四城街道及東嶽城隍兩廟石板此外如羅公橋縣城石牆隨圯隨修皆係獨力捐資初無子嗣後得四子有恭有寬有信有敏兄弟友恭雍睦一堂凡遇荒歉輒施米粥故遠近德之至今猶稱道弗替

姚沛澤字嗣宏其弟子澤字嗣愷邑南飛仙關堰坎上人兄弟友愛一生無間言姚氏五代未分居至沛澤善賈重農業漸豐爲一鄉富室子澤一意攻書雖欲預聞家政以分兄勞而沛澤不之許也卒成名儒爲清增生後弟兄垂老同營石墓一所謂人曰古時姜家大被同眠吾弟兄不但生同眠且欲死同穴道光時邑南貢生陳宗器題其墓曰友恭墓並有贈言以表彰之迄今子孫繁衍如培齡延齡錫齡皆中學畢業不違家訓耕讀世守洵可風焉

李懷忠字新齋邑東街人賦性正直待人率真然諾始終不渝平生獨崇關壯繆侯朔

望必躬詣武廟竭誠拜謁雖遇驟雨積雪亦毫無怠容並不委諸子孫輩以代行焚獻之禮數十年如一日家營油行業務銜鑾出入務求平允因是商賈咸集如雲業務大展遂起家焉居恒以教子讀書爲急務凡街間有口角糾紛者必從中排解務使冰消而後已年施棺板十餘付凡數十年雖稱貧典產不露吝嗇之容反欣欣然有喜色有子三長榮林字欣菴壯年食餽清四川自治學校畢業蘆山縣城議事會總董光緒中葉赴四川鄉試屢薦未售旋以疾終次秀林字松圃中華法政學校畢業歷任會理越嶺及本縣典獄雅屬官產清理處副處長第三軍軍部參議三儒林字紹白前清四川紳班法政學校畢業旋入同盟會會員在黨工作不遺餘力歷任川邊及四川黨政軍學警各要職皆懷忠義方是訓之善果也女五咸適名門懷忠行年九十二歲生於清道光十九年卒於民國二十年無疾而終子孫繁衍人多稱焉

名宦列傳

任光 樊敏 楊巽 李必欽 竹會陽 竹載陽以上二人合傳

蘆山縣志 卷十

竹密 陳萬策 陳平策以上二人合傳 路萬成 唐步瀛

任光東漢時臨邛郡嚴道即今蘆山任家壩人爲光武二十八將之一事跡載後漢書呂舉人竹全仁曰予如雅州過獅子林觀任公土主碑記云係蘆山任家壩人亦指爲東漢二十八將內之任光有功於蜀故邛雅一帶多立廟祀之稱曰土主記云有功於民者則祀之蓋卽此義云

樊敏字叔達東漢嚴道即今蘆山樊家祠地方人也總角好學治春秋嚴氏經貫交道度無文不睹有吏史之直卓密之風察孝除郎旋升永昌長史遷宕渠縣令任職三年遭母喪返籍光和末年京師擾攘避召不就辭以疾再奉朝聘辟爲外台常爲治中從事彈劾糾會務蠲民織及漢末米巫張角倡亂青衣江羌人多附之敏一心不貳忠貞自矢朝廷復辟爲司徒敏不就牧伯劉焉劉璋父子咸欽敏之賢表授爲巴郡太守旋以老乞身歸闕養疾復授以助義都尉又辟奮義校尉壽至八十四歲卒葬石馬壩壘有高碑及石刻馬羊獅象等像蓋漢制也時建安十年二月上旬有碑銘篆額隸書尙能辨識其崖略云

楊異字與權呂城南楊家壩人宋徽宗大觀年進士學尊孔孟以德行為先文藝爲次  
教士有方後進咸欽仰之如秦斗歷任雅州學正眉州學正因徽欽二宗北狩中原  
鼎沸高宗南渡軍事倥傯官歸里訓誨士子以尊王攘夷爲旨卒後士心悅服追  
慕請入祀鄉賢祠迄今楊氏講學者務崇躬行實踐必求合於至善真理爲主尙有  
異之遺風焉

李必欽呂西周村壩人明武宗正德初年任山東都司正德末解職回鄉適天全二土  
司猖獗蹂躪蘆民縣令屠耨父子死於難必欽深爲痛悼聯集父老泣籲當路奏請  
爲屠令建祠於姜城內縣署盡節之地特旨俞允必欽慨然爲之作記自屠令卒後  
京師受餘選者三人聞蘆多事皆不願就道時賴縣尉汪浩捧檄治縣事必欽以桑  
梓所關利害切身乃爲汪捕公謀畫將舊大渡縣治南遷附姜城廣其雉堞又與胡  
龍商請奏分山水之界而邊宇始寧蘆民德之必欽之孫翰章爲作詩以識其先祖  
之靈謨詩曰憶昔六番犯界時潘桃王李盡歸司屠侯義勇甦民困汪尉賢能創治  
基一死千秋留正氣四城百代誇湯池才猷經畫悉吾祖附尾芳名臥斷碑必欽卒

### 蘆山縣志

### 卷十

七

後李氏族人爲立木主於宗祠祀享其始祖而祀之蓋必欽生前曾培修此祠以爲  
穿衣亭也

竹會陽邑城內人恬淡性成塵氛習遠敦品力學樂善好施孝友著於鄉黨明萬曆時  
任湖廣寶慶府城步縣知縣政績卓著萬曆三十九年勅贈文林郎萬曆四十四年  
加贈爲奉直大夫雲南廣西府維摩州知州子密官至湖廣布政司參政道僉事暫  
假廣西六越駐鎮府行都司蓋由會陽庭訓有方明德所致會陽之妻劉氏亦賢淑  
勤勞餐饋惟謹雖捐簪珥以助子苦讀略無吝惜卒贈宜人叨綸寵而振家聲有由  
來矣會陽之族有竹載陽者任陝西城固縣知縣清廉正直當路贈有獎詞曰蘆山  
一世傑城固百年勳循吏之名揚於陝省洵堪與會陽齊名云

竹密字心齋邑明經進士識度超羣志趣遠大旣博通經史復嫻習韜略明萬曆中任  
湖廣寶慶府城固縣知縣政績卓著萬曆三十九年獲奉勅命勅曰朕按邵陵當荆  
襄之末陲非得近民之吏綏靖而煦咻之曷嘗有寧宇哉爾湖廣寶慶府城固縣知  
縣竹密器識宏深筮仕明廷居官茂宰迺能四知飭己秉廉善以矢勤五事宜民酌

張弛而成務邑靡谿山之警人獲阡陌之安不覺最聲達於聽聞是用授爾階文林郎錫之勅命夫漢時之儒繇則明經試則循吏其功業赫然何所不可至也尙益篤初忱以厚自樹勉旃且有不次之陟欽哉旋升雲南廣西府維摩州知州萬曆四十四年復奉誥命皇帝制曰州長吏號親民而滇南諸郡去神京萬餘里望澤難霑非賢州牧誰與任宅生之寄苟有善政簡在朕心爾原任雲南廣西府維摩州知州竹密才優幹濟志勵清修貢籍蜚英花封展采爰從民譽晉絳州宜而爾滿腔推誠惟崇悃悃之實百凡振刷力求安集之方節比懸魚譽騰樓鳳萌符安堵夷落向風所司以最績上聞是用授爾階奉直大夫錫之誥命夫便文之吏日偷囑幘之吏歲計爾既歷試有效矣其式夫民德永肩一心以稱朕子惠元元之意惟予嘉汝欽哉萬曆四十六年竹密擒土官獻俘有功詔賜覃恩進階朝列大夫詔曰咨爾前授奉直大夫今湖廣布政司參政道僉事暫假廣西六越駐鎮府行都司竹密值土司無何普明抗王章動勞天討爾能潛謀擒勦歸獻罪俘一紙勝十萬之師三捷慰九重之義使南服有慶西顧無憂特賜躋詔進爾階朝列大夫用酬爾勳欽哉卒葬治北

### 蘆山縣志

#### 卷十

八

舊大渡縣之嶺崇祀鄉賢祠迄今北街竹會陽竹密父子重褒石坊尙存

陳萬策邑水東鄉人明天啓年明經進士銓任雲南姚安軍民府通判治聲遠播軍民相安崇禎四年賜勅援承德郎勅曰郡吏親民詎易遣哉朕子黎元良慎重推選卽塗轍不一意每重經明行修之士以其鑑古禔躬中無濡染不至浚民以生也矧能以治聲著者乎爾雲南姚安軍民府通判陳萬策高標峻宇實意清囊事上治民盡出早歲之經筵割庖代俎尤見救時之藥囊旣媿聲於黃堂復宣勞於赤檄新猷獨鬱不煩長吏問權酷以弊盡澄無使奸胥成雀鼠披不疲之秦鏡幽隱畢形照迅括之吳鈎盤錯立解才餘游刃譽重如璋茲以覃恩授爾階承德郎錫之勅命夫佐政之難矜矜若於不調犬牙易於相壓爾勤心撫字裕國之能已見矣尙其靖虔爾位朕嗣有後命焉萬策旋升雲南昆陽州知州其族有陳平策者由選貢赴北京至中途翻然歸棹屢徵不仕不近權利蓋知明之將亡也人咸稱爲蘆陽高士云平策作有北上返棹七律一首以見志其詩曰朔吟招隱棹歸船結箇雲窩綠水邊適意七絃三徑竹生涯萬卷一坵田不談古籍防人妬且偶俗情避世僂僂東臆開學鈞

逍遙溪畔樂堯天遂隱居以終

駱萬成邑龍門鄉石乃背溝人清咸豐初年由武生入制營以軍績擢任後藏定日營守備性情慷慨直治軍嚴整而馭下以寬駐藏往返五年歷受夷警跋涉險阻雖常處冰天雪地中竭誠效忠守職惟謹藏番懾服咸豐末調升四川太平營都司賜有誥勅嗣因太平縣陷於寇汎地失而復得適值軍事倥傯戎馬倉皇而江南洪楊之役正劇萬成年躋衰老以疾致仕及歸鄉時晉謁四川總督駱公秉璋念係同族髦齡又爲多年邊將溫語褒之而不責其失陷汎地之咎旋卒於家有子三長海山次雲亭三伯川皆文武庠子孫繁衍咸守祖訓至今駱氏家風猶未墜焉

唐步瀛字電承其父維周任蘆山汎職時生步瀛於蘆後解組遂家於斯焉步瀛以提督軍門馬維騏保送畢業於四川陸軍官弁學堂步兵科由見習調西康邊軍營務處委員民元回川歷任教官連營團長九年委榮昌知事十年調署永川知事十四年以川軍二十八混成旅參謀長代重慶衛戍司令十六年經二十一軍軍長劉湘調充第三師少將參謀長十九年調委川東稅捐總局會辦二十一年八月調署巴

## 蘆山縣志

### 卷十

九

縣縣長歷華陽富順升代四川第五區行政督察專員兼該區保安司令暨樂山縣長旋任川康綏靖公署參軍及三十集團軍司令部中將參贊步瀛一生從軍從政待人悉本率誠甘苦同人飢溺猶己或以執着爲步瀛惜答曰師尙節制非第戰陣平昔輯伍同德精神集中於大纛有事發縱指使指臂乃運於卒乘意一不紛其用乃武古人所謂不嚴而肅不厲而威惟節制也比而論政是謂之法是謂之制若乃暮四朝三携貳其德以希榮擢闔繼橫以要勢此孟子之所以斥公孫衍張儀非丈夫當代軍人吾其敢汲汲之爲乎改官文職初長巴縣教育建設措施頗多烏江之警賴以底定又征丁亥夫編送開萬補充士兵接濟輪轉有令嘉獎迨川政統一調長華陽時川西南赤軍蔓延寧雅龍茂各屬流離難民膏集蓉垣步瀛與成都縣長劉兆玉協同省賑會主席尹仲錫收容安置另電渝埠紳商募匯兩萬元措辦救濟步瀛復自捐金數百元補濟蘆山難民事平資遣回籍又築碉築路及敷設成渝成雅成嘉電報專線均奉傳獎再調長富順會歲早愆裁倡募食谷頗多全活升代專員地接保夷力事安綏迨二十七年八月奉調回省突中風疾延至二十八年六月

二十二日卒臨終遺訓以蘆山縣志續修未竟爲惜囑捐出版經費以期速成此步瀛之夙志而邑人士亦嘗以此望於步瀛也卒年五十歲葬於華陽縣東門外新塋弟步霄字慕高歷任四川財務按察各職清操堅守物望所歸子一名田楷謹遵庭訓修業中學女一名和秋亦字名門唐氏孝友傳家至步瀛果光大門閭今邑中人士多慕而效之

隱逸列傳

王之賓

程之緒

程之統

程之紀

程之由

附程之緒傳

五胡六孟

竹全仁

周瑞岐

王運通

王之賓邑南街人鄉賢王儒之子儒曾任直隸省直隸州知州之賓赴任所受庭訓由北園場中明嘉靖三十七年戊午科舉人之賓父子見嚴嵩富國竊權罔利往往因事激帝怒戕害異己者不可勝計其子世蕃勢焰更熾大治園亭乘軒衣蟒復寃殺兵部員外郎楊繼盛錦衣衛經歷沈鍊陰伺非常多聚亡命南通倭北通虜共相響應京師有大丞相小丞相之謠黜陟由己百官奔走請命直房如市當時守法度者

蘆山縣志

卷十

爲迂拙工附離者爲才能風俗澆訛廉恥漸滅由是之賓父子辭官歸里不問世事隱居行義以終其裔孫有王家禎者以峨眉教諭解組林下適一日有異人相訪言其住宅指日大旺有王侯之象但相關公家諸子不堪負荷耳家禎疑之會園有劍蕙盆景茂盛正開命課其始終異人云卽本月某日某時當盡家禎曰其盛如彼其園之緊密如此物何能卽壞乎發微笑以爲妄談其後果於彼日彼時有滇驛狂行直闖入園一瞻而舉家禎默然驚詫者久之而其全家亦不久歿於國難邑人哀之遂以其南街故宅改建關帝祠以鎮之相傳之賓中舉豎立石坊所刊皇都口意四字額語係當日嚴世蕃籠絡新進時手書所贈此石坊今尙屹立關帝祠前王儒墓在附郭沙壩之寶墓附之

程之緒字啓南昌龍門鄉程家壩人明末舉人性端方不苟言笑善書法博綜經史知明之將亡也隱居教授不干利祿著有經濟內外等篇學者稱啓南先生卒葬治北龍頭山墓尙存其同族有程之統者由拔貢任雲南楚雄府定遠縣知縣程之紀者任雲南順慶縣知縣程之由者任兵部主事

五胡六孟者均明代人五胡卽胡龍胡謨胡承謨胡經文胡經定叔姪并任顯職故當時號稱五胡六孟卽孟仁曾任知縣弟兄六人均登科第隱居不甘仕進邑人稱之曰孟氏六賢按胡孟二姓均明代邑中望族情事跡不詳惟胡龍爲明經進士自邑令屠鬱盡節後典史汪浩署縣事就姜城增拓築石而天全高楊二土司猶據水東西水等處不容管轄李必欽李彥彪等指漢樊敏碑爲僞控之當道胡龍復詣關奏請自飛仙關溯流上周村隔糧坡水分心山分嶺縣司之界始定此胡龍之有功德方實蘆紳中之錚錚有聲者也故五胡六孟之聞望相傳至今近五百年邑人士猶稱道不衰云

竹全仁字冬茁卽世稱興朝伏生竹郎裔孫也爲清代康熙年舉人克述祖志沈潛理學邑令楊廷琚聘纂縣志採輯無遺生平非名教倫常之語不出諸口年已七十餘而貌若少壯學者莫不奉爲準繩著有中庸衍義二十八卷醪然吟詩集行於世生平不甘仕進築有山莊一所種植花木頤養天年與縣令李一本酌和詩草有蜀道難七古長歌曰蜀道難蜀道難行人跨馬鼻頭酸懸崖曲曲三千里怪石磷磷十二

## 蘆山縣志

### 卷十

十一

盤斜梯崩穿雲出織路木根到處環人在半峯影在壑分明直去又迴還借問蠶叢開節時從何飛越國於斯五丁鑿關重煩力詭用金牛却詐誰癡賦蜀都笑左思魚鳧井絡自爲區平羌月爲流離盡惟有謫仙繪入詩劍閣劍氣繞征衣征騎孰能信手揮舉首離天不幾尺高聲只愁震天扉萬山縱目恍如螺萬水俯看一線拖日月頻頻掠鬢去幾乎兩袖蕩星河星河半影入夔門萬里湍流一口吞灩澦堆前飛遠棹巫峯神女向誰論漢流蜀口釣魚山巴字國中水一灣誰把毫端揮巨浪呱呱敗泣盡潺潺又見驅車入夜郎九龍圍上似羊腸山靈今尙囑劉挺常遣雲來補破岡相嶺炎天雪布崖張鸞筇竹幾時栽黎風雅雨閣長漏萬怪王陽不肯來君不見孔明屯蔡夢周公深入不毛路欲窮又不見維州德裕建籌邊王壘巍巍不可鐫噫嘻棧道連雲雲果連上得峨眉只有天石破天驚石紐傳離堆鑿後定桑田相如漢代鏤靈關笑煞援崖把木攀山谷蔡蒙綠菜贊和夷底績水成環迴翔宰相運行旌來暮久虛竹馬迎願得坤維留掌跡長歌王道是平平此歌膾炙人口傳誦至今全仁又作有蘆山人景羅城朝瀑佛圖聖燈姜城夜月三江魚躍白虎懸崖桔槔翻水



八月彩樓七里奪標及外四景神禹漏閣蘆峯聳萬斛湧泉八步天險七律各一首行世其文則有縣主祠碑記朝陽寺碑記及菜花石贊各一篇詩詞賦序文筆典贍洵足紙貴一時竹氏家學淵源自明迄清由來久矣

周瑞岐字鳳山邑西街人賦性耿直學識淵博少年游泮猶精研經史勤學不輟教誨後進循循善誘雖遇酷暑嚴寒毫無倦容以故生徒濟濟邑中廩貢生員多出其門清光緒丁酉科得選拔貢翌年戊戌北上朝考適值政變目睹楊銳等六君子遇難爲憫悼者久之註銓後卽行回川無心仕進光緒末受聘任甯雅印公學經學教授宣統初署冕甯縣教諭反正後旋里受聘縣立小學史學國文教員兼續修縣志總纂甫脫稿卒年六十二歲邑知事宋學端請崇祀鄉賢祠著有漢碑釋文二卷行於世周君生平敬師如父自刊有恩師張浦神牌朝夕奉祀終身有如一日子五長名煥文字玉堂清光緒末增生停科舉後復畢業於四川高等巡警學堂歷任印嶸名山等縣警佐代理名山縣知事及蘆山縣教育局長次子早故三子名燧文卽復生另有傳四子名焜文字茗蘇畢業於四川省陸軍講武堂派充鳳凰山教練官旋升

## 蘆山縣志

### 卷十

十一

連長隨熊督軍克武赴廣東擢升警衛營營長返川任二十四軍教導隊區隊長各軍上校參謀任屯殖軍青翰南司令部參事等職二十八年調陞四川夔綏師管區參謀處長五子亦故女二均適名門按周君學宗濂溪自書培蓮堂匾額懸於堂於潛心性理之餘兼治左氏春秋有墨批訓釋甚詳門人多手錄一編焉

王運通字紹文邑北街人天資穎敏博覽羣籍過目不忘十六歲游泮食餼清同治癸酉科中副魁銓叙直隸州州判二十歲遽得足疾竟成痼症百藥莫治遂無心仕進主講縣文明書院八年門生半入學宮民國反正杜門攻研醫書凡岐軒內經素問及難經傷寒金匱諸書莫不瀏覽無遺診治奇疾動輒奏效民國十年受聘川軍第三軍軍部參議官對於縣中興革事宜多所建白興利除弊縣人德之卒年七十四歲子三長名崇讓少年登第隨次名崇先畢業雅州聯立中學三名崇光幼得醫學真傳經營仁和醫社以繼前業女二長適周室輔次適傅右卿均邑中有名富紳兼精醫理蓋親炙有年獨得不傳之秘爲尤多也

### 列女列傳

張馮氏	竹張氏	蒲朱氏	李楊氏	竹馬氏
竹田氏	程韓氏	衛凌氏	竹駱氏	許汪氏
竹華氏	竹周氏	<small>以上二氏合傳</small> 張高氏	周王氏	駱張氏
王胡氏	李張氏	瞿朱氏	吳樂氏	駱戴氏
楊楊氏	<small>以上五氏合傳</small> 文李氏	張任氏	李張氏	王楊氏
張孟氏	張王氏	任竹氏	鮮任氏	姚高氏
姚宋氏	<small>以上二氏合傳</small> 趙高氏	李張氏	周駱氏	楊駱氏
三貞女				

明張斐妻馮氏四川通志載氏蘆山人年二十八歲斐卒於任宦橐蕭然苦節歷九十  
三歲卒蘆山縣志載氏年十四適布政使張斐年三十斐卒於官清貧無所有氏  
甘貧守節年九十三而終致歐令請斐配享屠公懋稟詞六十捐館而少婦堅守冰  
操一語則馮氏當是繼妻斐居顯要二十年而第宅田園一如爲士時其清貧可知  
矣

蘆山縣志 卷十

竹張氏雅州張孝廉之季女竹可標之妻也可標係鄉賢公之第六子幼稟義方之訓  
素重倫常夫妻之間相敬如賓可標於明天啟二年正月初二日病危氏青年割股  
救之雖未同偕老而從一之心可嘉蘆山縣志載氏於明代卽旌表入祠

蒲朱氏蒲啓賢妻也四川通志載氏家貧適行路見一布包拾之啓視則白銀也約十  
餘兩卽在路旁竚立以俟俄而一人倉皇涕泣而來氏問其故答曰失銀問其包裹  
大小銀兩件數一一相符合氏卽還之其人分銀以謝氏堅却不受傳之市井人皆  
贊氏拾金不昧洵爲難得

李楊氏李應陽之妻四川通志載氏蘆山縣人年十六夫亡守節撫遺腹子教育成名  
督學使者旌其門曰貞節

竹馬氏竹載陽繼妻年少喪夫堅守冰霜矢志靡他撫育三歲子名完一歲子名定後  
皆成名氏至七十三歲卒州縣達之學道俱贈有貞節匾語表揚之

竹田氏廩生竹應宮之妻年二十一卽喪夫長子郎齋僅三歲次子郎嗣僅歲半氏以  
柏舟自矢撫育二子成名享年八十六歲卒於順治十四年邑令沈公詳請巡撫旌

其門曰節壽

程韓氏廩生程門偉之妻康熙十五年門偉病卒氏方二十歲立志守節侍奉翁姑克盡孝道教子成名內外無間閭里咸稱淑德至七十四歲卒守節五十餘載雍正六年題請奉旨建坊於白衣巷街口

衛凌氏貢生衛長卿之妻康熙二十三年長卿身故氏年僅二十八歲生子未週父母隨故氏立志守節斯時夫之祖父母尚存氏紡織事奉克盡其禮教子成名鄉黨皆稱賢淑氏壽至七十有二守節四十四年清乾隆三年題請奉旨建坊旌表

竹駱氏竹培宗之妻氏女申誦咸豐末藍寇大順流竄至麓氏母女猝遇藍部士兵恐受污辱結襟投河而死後得其屍仍相持抱前祀於屠侯祠後移入節孝祠

許汪氏蘆縣志載氏寡居撫子仲魁仲選成立二子亦極盡孝請旌學道批云汪氏隻影立堅貞之操許仲魁仲選兩孤存臥冰之志節以孝報母以子承允堪式鄉閭維挽頽風云

竹華氏廩生竹樹青之妻年二十一夫歿氏甘貧守節躬耕作苦訓子煥章食餼詳見

蘆山縣志

卷十

十四

四川通志同族竹周氏竹廷翠之妻生子仁壽方半歲夫亡氏柏舟自矢上事翁姑下撫幼子補廩食餼邑令尙儒學謝奉文旌表節孝置主入祠

張高氏邑西街拔貢張玉柱之妻夫死氏年僅二十矢志守節孝奉翁姑生事葬祭盡禮盡哀惜氏無子本冀撫弟玉文成人殊玉文中途夭亡始過繼叔弟之子方猷以承其祧愛護如己出義方教養至於成名以入巽宮氏嫁四姪女三胞妹復遭回祿重建房舍兩次皆一人之力一生艱苦備嘗享年至七十有三闔邑皆稱其賢能清光緒中奉旨旌表入祠

周王氏廩生周元龍之妻夫死時氏年二十七遺子腹歿家貧針指自給閭里咸欽其賢壽至七十卒經縣學詳請奉旨旌表入祠

駱張氏城東駱應紳之妻幼年守節頗著賢聲卒後族人請旌奉旨建坊入祠其坊在駱家營題曰志堅金石今尙存

王胡氏邑貢生胡節之女王廷芳之妻年二十八夫故遺一子名元愷伯兄欺其寡全占家業氏不與爭惟勤耕撫孤常訓愷曰茅屋出公卿事在人爲愷遵母訓奮志詩

書入泮後親族以氏教子成名歷受艱辛公稟縣學廖會縣以事聞於清光緒十九年奉旨旌表建坊入祠至七十有七身故守節四十九年其孫家煥登宣統己酉拔萃至今書香不墜人咸稱其幽光所致云

李張氏李慕之祖母建坊崇勝寺前瞿朱氏瞿萬朝之妻建坊大板橋吳樂氏吳士發之妻建坊小板橋賈氏賈志敏之妻同賈應紳之妻建坊楊楊氏楊潛修之妻與楊胡氏同建石坊於楊家壩官道以上五氏均清代中葉奉旨旌表

文李氏清源鄉文尚明之母宣統二年經四川總督奏旌請表發有執照置主入祠

張任氏清源鄉張廷棟之妻廷棟故氏立志守節清譚令請旨旌表置主入祠

李張氏清源鄉李贊祥之妻年二十三夫亡氏守節撫子明新成名壽至八十有七清道光壬辰年奉旨旌表立坊於大板橋

王楊氏北街王元熙之妻清文生王家祐之母過門三月夫即故氏撫繼族子家祐爲嗣丸熊畫荻教子成名氏自十六歲守節冰霜自持者六十二年壽至七十有八民國十年四川省公署給證旌揚閭里稱道不置

## 蘆山縣志

### 卷十

十五

張孟氏清源鄉處士張榮先之妻年二十三生一子國舉榮先即故氏獨居撫子堅守冰霜教子成名興家立業於清光緒請旌表揚民國十八年卒壽至六十有八所建節孝坊在清源鄉河西山麓拔貢竹錦雲題自贊詞述其略歷云

張王氏張玉德之妻於清道光二十八年適張姓同治十年氏夫物故立志守節以終其身宣統二年二月縣學包崇金詳請四川總督彙咨禮部發給旌表執照置主入祠

任竹氏清文生任用川之嫂青年守節經知縣梁元吉詳請督學於光緒二十四年十二月發給旌表執照置主入祠

鮮任氏卽鮮寡母邑南三十里鮮家村人係順慶府學正任員生之孫女邑庠生鮮元樂之媳道署經書鮮樂暢之妻也氏十八失偶無子膝下僅一女適天邑羅帶壩監生廖進業未幾女亦死亡氏念子嗣兩空心傷式微門衰祚薄矢志柏舟卽將一生贏餘募石工大修墓兼施田五斗以作祭產族人爲之請旌俗呼其墓曰寡母墳姚高氏姚宋氏俱增生姚子澤之媳青年孀居旌表在案

趙高氏處士趙斌之妻年十六適斌生子永國甫週歲而夫故氏上奉翁姑下撫孤子歷數十年而冰操著聞長孫廷璋年少游泮旋食廩饒里人議請旌表氏堅執不允爰題額門闔以誌貞壽嗣經縣知事吳詳請旌表

李張氏文生李成德之妻文生李樹楷之母十九歲守節至五十有六歲卒奉旨旌表置主入祠

周駱氏戶吏周元德之妻年二十氏夫物故矢志守節力撫三孫皆成名清宣統二年發給旌表執照

楊駱氏清源鄉楊永芳之妻駱萬成之姊也年二十二歲夫物故立志守節壽至七十有九守節五十七年旌表在案

三貞女者舒任秀張文秀鮮蠻女子也任秀係清源鄉舒煥文之女自幼守貞不字冰潔自矢足不出戶庭長好佛朝夕誦經尤好善舉每遇旱潦荒歉無不施米施粥全活甚衆壽至八十餘猶樂善不倦卒後其族中以禮葬之文秀係張有學之女自幼矢志不字十五歲在家設立經堂朝夕諷經所有積蓄即建宗祠一所又於寇家壩

蘆山縣志

卷十

十六

立觀音堂一座將二老迎養寺中父母歿後葬祭以禮亦閨閣中錚錚者也鮮蠻女子者水東鮮家村人也年方及笄痛其母無子又雙目失明堅請於父情願守孝終身父允其請之死靡他不施脂粉常著襤褸若貧家女年二十餘母死盡哀以葬事庶母尤孝鄉人憐其孤苦欲爲擇配女偵知堅志拒絕後即無敢言其婚事者蠻女子壽至七十餘無疾而終族中晚輩以禮葬之洵屬難而可矜者也

仙釋列傳

闕訪列傳

